



~~XXIX. B.~~
XIX. B. 22

82

25

I

~~253~~

~~AP. 3274~~



MONUMENTA
VETERIS ANTII

HOCEST

INSCRIPTIO M. AQUILII

ET

TABULA SOLIS MITHRAE

Variis Figuris & Symbolis exsculpta

*Quae nuper inibi reperta, nunc prodeunt Commentario
illustrata & accuratè explicata.*

ACCEDUNT DISSERTATIONES

DE BELENO

Et aliis quibusdam Aquilejensium Diis.

ET

DE COLONIA FOROJULIENSI

AUCTORE

PHILIPPO A' TURRE

Ex eadem Civitate Forojulio.

ADDA SUNT FRAGMENTA INSCRIPTIVUM

FRATRUM ARVALIUM

Recens in Agro Romano effossa.

ROMÆ, ANNO MDCC.

Novis Typis Cajetani Zenobii, & Georgii Plachi.
SUPERIORUM PERMISSU.

THE UNIVERSITY OF CHICAGO

LIBRARY

1100 EAST 58TH STREET

CHICAGO, ILL. 60637

TEL: 773-936-5000

FAX: 773-936-5001

WWW.CHICAGO.EDU

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

CHICAGO, ILL. 60637

INNOCENTIO DUODECIMO PONTIFICI MAXIMO.

PHILIPPUS A' TURRE FELICITATEM.



*SAXA hæc argu-
mentis profanæ an-
tiquitatis exsculpta, eorumque
mibi tentatam interpretationem,*

§ 2

Tibi

Tibi PONTIFICI MAXIMO, & quæ augustior laus est, etiam OPTIMO, offerre non sum veritus, tuoque Nomine inscripta veluti consecrare, quòd sciam, vel ipsi Deo lapidem olim erectum fuisse in titulum, & nostra quoque sacra religioso cultu lapidibus superimponi. Ea quidem cum ex Antii ruderibus, quæ in nobilissimi Portus structuram migrare jussisti, nuper sint effossa, Tibi uni acceptum referunt, quòd hac quantulacumque lucubratione illustrata in lucem temporum prodeant. Ecquid verò dubitem,

BEA-

BEATISSIME PATER, ne
ad MONUMENTA VE-
TERIS ANTII majestatem
aliquandò sis demissurus, qui ut
Antium ipsum ad prisce nomi-
nis famam revocares, omnes
Pontificiæ liberalitatis sinus ex-
pandisti? Nam ubi adhuc su-
persunt vestigia antiqui Portus
Neroniani, exaggeratis in ma-
ris lubrico immensis molibus,
producloque in altum ingenti
quasi brachio, Portum Antio
reddidisti, jam expiato veteri
vocabulo nobis INNOCEN-
TIANUM appellandum. Se-
curitati porro consuluisti Propu-
gna-

gnaculo constructo, quâ se Por-
tus aperit; & Fonte per longa
& abrupta itinera marmoreæ
moli inducto, aquationum com-
pendia navigantibus procura-
sti. Itâ sanè, BEATISSIME
PATER, dùm populis com-
mercia recludis, admoves mu-
nificentia ingenio disjunctissi-
mas terras; & parata navibus
tutissima statione, Tyrrheni li-
tora infamia naufragiorum ab-
solvis. Ut jam nautæ res salvas,
bona, vitamque ipsam tuo be-
neficio imputent; & denuò An-
tium in Te Fortunam suam,
sed non ut pridem profanam &

*impiam, nanciscatur. Præclara
hæc quidem, & INNOCEN-
TIO digna: at quibus, PA-
TER SANCTE, Urbem ex-
ornas, & Orbem imples, illu-
striora sunt & maxima, quan-
tum ipse Maximus es. Mira-
mur & loquimur Ædificia pu-
blica immensæ molitionis ex-
structa, Magistratus & Tribu-
nalia certis sedibus donata, ve-
tigalia remissa, auro interdi-
ctum dignitatibus, jura san-
guinis posthabita, pauperes au-
tem veluti in sortem Propinquo-
rum vocatos, & magnificè ha-
bitare jussos. Prætereo innume-*

ra pietatis opera, vigilantiam
& nunquam fractum à curis
Apostolatus animum, clemen-
tiam, equitatem, sanctimoni-
am, ceterasque virtutes supra
hominum conditionem amplissi-
mas. Ea enim propè divina
sunt, quibus Cælum ipsum de-
mereris: cum regiones quam-
plurimas & provincias, tuis
auspiciis bello subactas, Chri-
sto asseris: magnum Principem
Sacris Romanis imbutum flo-
rentissimo regno inauguras: Ca-
tholicos domo & aris per sum-
mum nefas depulsos præsentì
subsidio foves: & ne fines tuæ
pie-

pietatis simulque munificentia
angustiores sint quàm Mundi,
Evangelium, commeatu & lar-
go censu auctum, in remotissi-
mas Asia & Africa oras trans-
mittis. Nimirum ita tuum est,
BEATISSIME PATER, de
toto Orbe terrarum benemereri,
ut crediderim, Deum O. M.
ideo potissimum Te incolumem
nostris votis nuper reddidisse, ne
hoc anno Seculari populis reli-
gionis caussa undique in Urbem
confluentibus, alia manu quàm
tua Cælum referaret. Det verò
summus idem rerum Arbiter, ut
longum videas quæ nobis mu-

*nera contulisti , majoraque in
dies conferre possis : nobis ser-
vet magnum animum , magnas
virtutes , Maximum Pontifi-
cem : & INNOCENTIUS
XII. diù vivat , cui vivere be-
nefacere est .*

Romæ VI. Kal. Julias Anno MDCC.

Imprimatur,
**Si videbitur Reverendis. Patr. Mag.
Sac. Pal. Apost.**

Dominicus B. de Bellis Episc. Melphe.
Vicesgerens.

Imprimatur,
**Fr. Gregorius Sellari Mag. & Re-
verendis. P. Mag. Sac. Pal. Apost-
Paulini Bernardinii Soc. Ordin.
Prædic.**

PRÆFATIO.



ANNO superiore, quo per vernum tempus ani-
 mi causâ Antii degebam, cum jussu Princi-
 pis antiquissimæ urbis rudera in novi Portus
 structuram deportarentur, inventa sunt duo
 præclara vetustatis monumenta; ut grandia
 molimina Optimo Pontifici etiam cum pro-
 ventu literarum deberemus. Primum refere-
 bat Inscriptionem M. Aquilii, multiplici eruditionis caractere
 illustrem; alterum figuras quasdam & imagines, quarum faciem
 ac significationem lapis in plura fragmina dissectus curiositati
 subducebat. Exscriptum diligenter Aquilii elogium, sæpius ani-
 mo reputabam, num Eruditorum notitiæ exponerem, & bono
 fato ab ævi longioris caligine ereptum publicæ lucis usurâ dona-
 rem. Tot siquidem præclara dignitatum nomina, obscura & in-
 solens notarum quarundam forma, & Aquilius ipse nondum
 Orbi literario notus, industriam operamque sibi aliquam im-
 pendi, deposcere videbantur. Dum hæc mecum agito, atque
 otium quaero, quo à penso sermone diurno aliarum occupationum
 exolutus ad mitiores eruditæ antiquitatis curas traducerer;
 Eminentissimus meus Cæd. IMPERIALIS, ut cælo lætiori as-
 sistam valetudinem leniret, in Neapolitanum secessum digres-
 sus, mihi acerbam, Musisque ipsius ingratam, vacationem fecit.
 Quam uti mœrore ægram, ne etiam inertem ignavamque transi-
 gerem, jam liberiores studiorum usum adeptus, non ultrâ distu-
 li meditatam opus pertentare. Interea Dominicus Quartironus,
 publicus in Urbe Matheseos professor, fragmenta lapidis Antiatini,
 quæ memoravi, cum aliis subinde eruderatis coacta, in inte-
 gram tabulam componit, ejusque typum concinnè delineatum
 mihi perhumaniter elargitur. Cum facillè intellexissem iis figu-
 ris & symbolis Solis MITHRÆ simulacrum repræsentari, jam-
 que Aquilium tunc impensius urgerem, Mithram quoque po-
 sterioribus curis destinavi, ut duo hæc MONUMENTA VE-
 TERIS ANTHI sociâ veluti fœturâ in lucem prodirent. Quòd
 primam in M. Aquilium elucubrationem spectat, ea vario &
 multijugo eruditionis apparatu absolvitur; nam per singula ar-
 gumenta, quæ lapidi inscribuntur, ire oportuit, & vetusta Antii
 tem-

tempora, Accensorum genera, patrimonia Principum, opera publica, terrestrem militiam ac maritimam, coloniarumque patrocinia percensere, atque in unum corpus componere. In quibus sanè sive ordinem spectes, seu res ipsas, an quidquam publici saporis futurum insperferim, potius legentis iudicium expectabo, quàm anteuertam. Hoc unum tamen quammaximè ab illo postulo, ne crimini tribuat, quòd non semel ad aliena digressus extra chorum saltare videar. Siquidem historias non teximus, aut disputationem, in quibus nefas sit orationis cursum abruptum, & animum Lectoris intempestivis narrationibus dividere; sed philologicos commentarios scribimus argumenti multiplici, quos ipsa rerum atque eruditionis varietas commendat. *Amenitates studiorum quærimus*, aiebat Plinius in præfatione Operis naturalis, quas etiam per occasionem in diverticulo captare licet, ut iter agentibus evenire solet, qui à viâ in splendidas ædes, aut prætum floribus consitum dessestunt. Si bona hæc sunt, ad quæ præter semitam duceris, pretium in facto est: si mala, quin prætereas, nemo vetabit. De Mithrâ qui secundam Operis partem complectitur, nihil hic præludii loco dixerim, cum satis videri possint quæ initio dissertationis exposui. Cetera quæ in hoc volumine continentur, extrâ primarium argumentum, non tamen invitis Musis, sunt addita. Nam res patrias reparare, atque è tenebris vetustatis eductas in novo lumine collocare, sacrum id religiosumque est apud omnes, qui de litteris iudicant. Neque præterea in diversam omninò scenam transivimus. Prima dissertatio BELENUM narrat, Deum præsidem veterum Aquilejensium, de quo cum nonnulla olim in adversariis adnotassem, eadem modò novis accessionibus aucta, opportunè ob argumenti affinitatem post Mithram protuli; nam Belenus Apollo est, Mithra Sol, uterque verò unum idemque apud Gentilium theologos numen. Belenum principem alii Aquilejenses Dii, veluti stipatores sequuntur; quibus saltem obscura quædam, neque adhuc evulgata infanz divinitatis nomina pretium facient. Occasionem tractationis de Colonia FORO-JULIENSI in ejus limine indicavi. Porro hisce opusculis si quid gratiæ inest, id ex vetustis, quæ nunc primum edita sunt, monumentis habent. Belenus alius prodit, quam hæctenus antiquitatum scrutatores effinxerint; nisi dum è longinquo originem petit, ambitiosa ostentatione speciem veritatis corruperit. Quibusdam

dam saltem lemniscis ac parergis, quod in Deorum aris veteres
factitabant, utcumque exornatum proferimus. In faxis aliorum
Deorum hoc ipsum tentamus, additis scilicet adnotationibus ad
eorum interpretationem opportunis. Colonia Forojulienſis po-
mærio, at non provinciæ Forojulienſis finibus exceſſi. Sanè illius
tantummodo lapides cogitaueram, patriæ urbis priſca monu-
menta utcumque illustraturus; ſed materiâ inter ſcribendum,
præter opinionem ſubnaſcente, Aquileja, & Concordia in con-
ſortium vocatæ, uberiori ad metendum ſegete campum locu-
pletarunt.

Hæc Operis totius occaſio eſt & ſeries. Quæ præſari non-
nullis ſollemne eſt livori averruncando, & cenſuræ depreoandæ,
mihi tranſmittuntur. Illud juxta ambitioſum exiſtimo ac lau-
dem quærere: nam plurimùm de te ſentias neceſſe eſt, qui alios
in inuidiam te poſſe excitare putes. Cenſores non perhorreſco,
ſi levia ſeſtentur, aut non jure arguant. Sin quid mihi dignum
virgula eſt, manum non ſubduco. At verò molliori animadver-
ſione mecum ſortariſe agendum, quoniam primum ingenii mo-
numentum hoc eſt, quo in acta exeo; & ab alienâ palæſtrâ in ca-
ſtra Muſarum veluti tranſfuga dilapſus ſum. Adde, quod exactis
ſeriarum diebus, dum priores curæ identidem redeunt, ſtilus in
diſverſa jactatus præpopero curſu quamplurima ad extremum ce-
ræ perduxit. Ut tamen fatear, inter has vel ingenii, vel temporis
difficultates, levamentum opemque mihi non modicam attulit
prompta facilisque copia librorum, quibuſcum intra eaſdem ædes
veluti contubernio jungor. De Card. ampliffimo JOSEPHO
RENATO IMPERIALI nunc loquor, qui cùm magnas virtu-
tes, & excelfas undequaque dotes in cenſu animi numeret, ut
rem quoque literariam patrimonium ſuum faceret, Bibliothecam
numero & præſtantiâ voluminum inſtructiſſimam, maximam,
ſcilicet & nobiliorem celeberrimæ Sluſianæ partem, propriæ ſu-
peraddidit; ex qua cùm mea hæc omnia, tanquam è penu locuple-
tiſſimâ, petita ſint, ut ſibi eadem accepta referrem, hac eximiâ libe-
ralitate effecit. Tametsi plura ſunt & longè majora quæ Principi
Eminentiffimo debeo, quàm ut tenuem hunc obſcurumq; inge-
nii fœtum in ſuo natum fuiſſe, educatumque profitear. Dudum
enim in Ferrarienſi ampliffimâ Legatione, quam continenti famę
præconio ultra ſexennium obivit, me audiendis judicandiſq; ejus
vice forenſibus cauſis præfecit; & nunc quoque in Urbe ſanctio-
ribus

ribus studiis, quæ in judiciis sacrarum questionum versantur, operam meam qualemcumque admovet: quæ sanè beneficentiæ argumenta, ad diutini obsequii gloriam exornandam, ampliora mihi aut cumulatora esse nequeunt. Verùm nec prolixa officia, neque laudationes locus hic patitur. Interim dum instituti mei rationem expono, fortasse apud severiores homines offendam, quod à feriis abductus ad inanes, uti vocant, literas, & inhospitam sterilemque antiquitatis solitudinem diverterim. Nolo viros doctriinâ, pietate, rerum usu, ac dignitatibus illustres recensere, qui in veterum memoriis pervestigandis summam collocarunt operam, & volumina nullo unquam tempore interitura ediderunt; at profectò si graviora studia cum jucundioribus hisce distinguimus, animumque quandoque ad remissionum diverticula traducimus, quæ invidia aut reprehensio esse possit, nescio. Monitum Quintiliani sequimur, & defensionem, quâ ipse lib. 1. instit. orat. cap. 7. in fin. Tullium, Cæsarem, ac Messallam de rebus Grammaticis scribentes vindicavit, potiori jure usurpamus. *Non obstant hæc disciplina per illas euntibus, sed circa illas hærentibus.* Quid verò de nostris censoribus judicabis, qui eas tantummodò occupationes in pretio habent, quæ lucrum faciunt, aut viam ambitioni parant; & per fastidium amœniorum artium supercilii auctoritatem quærentes, adeò rudes ineptique sunt, ut numerum ipsum Musarum ignorent, & barbaras terras Castalium nemus, bicipitemque Parnassum putent? Sed de his parcius, ne videar potius seculi genium, quàm hominum quorundam ingenia perstringere. Satis quoque ad præludium Operis; jam enim Inscriptionem M. AQUILII aggredimur, cujus literæ, in marmore tres pedes lato quatuor longo eleganti scalpro exaratæ, hujusmodi sunt.

M. AQUILII

M. AQVILIO. M. F.
FABIA. FELICI

ACENSVS. EQVIT. ROMAN

PRAEF. CL. PR. RAVENNAT

PROC. PATRIM. BIS. PROC. HERED

PATRIM. PRIVAT. PROC. OPER. PVB

PRAEP. VEXILLAT. P. P. LEG. XI. CL

3 FR. PATRON. COL. OBMER. EIVS

ANTIAT. PVBL

*Marco Aquilio Marci Filio Fabiâ Felici , à Censibus
Equitum Romanorum, Praefecto Classis Praetoriae
Rauennatis, Procuratori Patrimonii bis, Procurato-
ri hereditatium Patrimonii priuati , Procuratori
Operum publicorum , Praeposito Vexillationibus ,
Praeposito Legioni undecimae Claudiaae Fretensî,
Patrono Coloniae , ob merita eius Antiates publicè .*

P A R S P R I M A^I
DE INSCRIPTIONE
M. A Q U I L I I
C A P U T I.

Ab Antio initium operis . Ea Urbs olim Volscorum , hinc Colonia Civium Romanorum , deinceps veteranorum facta , unde Nummus Neronis exponitur . An Romanis nova Coloniae induta & quando . Antium natali Neronis , & Caligulae nobilitatum , & Romanorum Principum secessu . Fortuna Antiatis Templum celeberrimum . Q. Rustii denarius illustratur . Fortuna Antiatina gemina dicta & Sorores . Nova explicatio Nummi C. Antii . Nomina familiarum a loco originis deducta . De Sardo Patre , & appellatione Sardiniae , unde Bochartus correptus . Inter Penates etiam Dei majores a Romanis adscripti . Communis opinio de Fortuna Antiatina sortibus relictur . Quo modo sortes redderentur . Locus Svetonii emendatus , vel explicatus . Nomen sortis saepe pro oraculo acceptum . Cur Fortuna Antiates gemina . Fortuna Equestris apud Antium . Cluverius notatus , & Tacitus defensus .



UONIAM mihi constitutum est inscriptionis M. AQUILII partes singulas continenti explicatione completi, & lapidis literata veluti spatia stylo peragraré, ab ANTIO initium ducam, cui & præclarum hoc monumentum, & occasionem scribendi acceptam refero . At ex iis quæ alii de ejus antiquitate, celebri fama, rebusque gestis jam tradiderunt, pauca admodum decerpam . *Antium nobilissi-*

ma, ut ait Halicarnasseus initio lib. 8. quondam fuit Volscorum Urbs, quæ exinde sub Tarquinio Superbo in commune veteris Larii nomen concesserat, crebris bellis cum Romanis pro libertate confectis variâ fortunâ, demum in eorum potestatem devenit, Civiumque Coloniam semel iterumque recepit. Legimus apud Livium lib. 8. missam hanc novam Coloniam, cum eo ut Antiatis permitteretur, si & ipsi adscribi vellent. Quod in honoris atque existimationis argumentum factum fuit. Non enim semper veteres Cives, in Coloniarum deductione, mixtim sacra, & leges cum Romanis habere permittebantur. Tunc id concessum, cum jura Quiritium tributa, Colonis scilicet Romanis, non Latinis. Itaque Antiatis uti jure Quiritium, si vellent, permissum, uti explicat Sigonius de veteri jure Ital. lib. 2. cap. 3. Sane & supra ceteras aucta privilegiis, & honestata Antiatum Colonia fuit. Nam cum difficillimo Reipublicæ tempore etiam Coloni, qui sacrosantam vacationem dicebantur habere, dare milites cogerentur, nullius præter Antiatem Ostiensemque vacatio observata est, apud eundem Livium lib. 27. At postea infrequentia Colonorum, ut indicat Tacitus lib. 14. annal. c. 27., laboranti subvenit Nero, adscriptis veteranis à Prætorio, additisque per domicilii translationem ditissimis primipilaribus, ex Suetonio c. 9. Quamvis insolens esset Romanis, in eam Coloniam, quæ esset auspiciatò deducta, Coloniam novam inducere, atramen ubi casu aliquo diminuta, vel exhausta reperiretur, novi in eam subinde Coloni iterum adscribebantur. Quod in Colonis militaribus maxime obtinuit, quas, tradito primum exemplo à Sylla, Cæsar & Augustus post bella Civilia, ut emeritos milites agris donarent, frequentissimas, & sequuti deinceps Imperatores traduxerunt. Hujusmodi hæc ex veteranis ad Antium collocata Colonia fuit. Deductam verò ex legione IV. Italica conjicio ex numismate ejusdem Imperatoris apud Harduinum de Nummis populorum, & Urbium pag. 55. cum inscriptione:

COL.

COL. ANTIAT. LEG. IIII. ITALICA. Quod eâ occasione percussum faciliè intelligo. Novos hos Colonos fortassè addidit Nero, ut Patriam suam, infrequentia detritam, illustriori Civium accessione celebrem florentemque redderet. Ideò enim, & veteranos è Prætorio, quod nobilissimum militiæ genus est, & ditissimos primipilares transmisit, quamvis irritò successu, *dilapsis*, ut ait Tacitus, pluribus in Provinciis in quibus stipendia meruerant.

At Urbis Patriæ utilitati, & splendori magnificentius hic Imperator consuluit, exstructo Portu, quem nili operis sumtuosissimi tradidisset Suetonius cap. 9. satis superque ingentia, quæ adhuc extant, vestigia testarentur. Nunc liberalitate & providentiâ SS. D. N. INNOCENTII XII. in imaginem pristinæ magnificentiæ excitatus, denuò commercia populis, nautis securitatem restituit. Natum porrò Antii Neronem scribit idem Auctor, ideoque & hunc locum, *ubi ipse generatus erat*, puerperio Uxoris Poppei delectum, ibique ob natam filiam ludicrum Circense Claudie Domitiæque genti institutum, subdit Tacit. lib. 15. annal. cap. 23.

Verùm Imperatorum natalibus huic Urbi claritas jam effulserat. Nam & Cajum Caligulam Antii ortum ex actorum, & publici Instrumenti auctoritate, contrâ Plinium, qui cum in Treveris natum scripserat, propugnat idemmet Tranquillus in vitâ cap. 5. Lipsius tamen ad Tacit. lib. 1. num. 141. in Plinii sententiam concessit, fortè ut proximæ genti Trevirorum hoc decus assereret. At Cajus Antium, omnibus semper locis atque secessibus prælatum, non aliter quam natale solum itâ dilexit, testante eodem Suetonio, *ut etiam sedem, & domicilium Imperii tadio Urbis eò transferre destinaverit.*

Pridem verò Principum, & Senatorum otio, & secessui delecta fuerat hæc Colonia. Do verba Strabonis lib. 5. qui scripsit ævo Augusti: *Antiate opidum Principum otio atque vacationi ab Civilibus occupationibus dicatum est, ideo-*

que magnifica & splendida inibi sunt adificia extructa per multa, excipiendis eorum secessibus. At sane habet hodie Antium in nobilissimâ Villa Em. Cardinalis Costaguri, quo hanc veterum magnificentiam, & amoenitatem in invidiam provocare possit. Ita exinde & sequutis Principibus Antium in deliciis fuit. De Caio, & Nerone jam memoravimus. Franciscus Blanchinus Veronensis Canonicus Basilicæ S. Laurentii in Damaso, egregiis scriptis jam editis plurimum de remotiori antiquitate benemeritus, in eruditâ dissertatione de lapide Antiati L. Coccei, quam anno elapso emisit, suspicatur, Trajanum cum oram maritimam a Centum Cellis ad Bajas, quâ portubus, quâ viis, quâ ductibus aquarum, quâ coloniis additis, vel restitutis exornaverit, etiam Urbi Antiati nobilitatem restituisse. Ostendit præterea Hadrianum, præ ceteris, Antii secessum excoluisse, atque inibi magnificentissimam Regiam, ad quam lapis Coccejanus pertinet, habuisse. Et ex Philostrato in vitâ Apollonii Tyanei docet, in eam regiam confluisse plures amicos & familiares ipsius Apollonii, qui incolas præceptis philosophiæ imbuebant.

Addiderim his Imperatoribus, qui vel Antiati secessu delectati, vel eam Urbem studio & beneficiis sunt prosequuti, Titum & Domitianum fratres. Primi indicium prodit nummus ipsi cusus ab Antiatibus, cum epigraphe: COL. ANT. Hunc Goltzius in Thesauro pag. 137. Coloniæ Antipoli tribuit, ab Harduino reprehensus pag. 55., cum Antipolis Colonia non fuerit. De Domitiano testatur Martialis lib. 1. epigr. 5. ubi loca recenset, quæ maximè secessibus suis frequentavit hic Imperator. Versus opportuniore sede mox reponam.

At famâ & celebritate hanc Urbem in primis illustrem reddidit apud veteres *Fortuna* templum, atque *Sortes*, ideo *Antiatine* appellatæ. Horatius lib. 1. od. 35. *o diva gratum quæ regis Antium*; quo loci vetus Commentator, hujus *Fortuna* Templum maximè celebre multorum etiam Principum

viro-

viro rum donis exornatum fuisse tradit. Alii fortunas Antiates plurali nomine efferunt, easque vocant Sorores. Martialis describens loca Domitiano ad delicias quaesita ait lib.5. ep.1.

*Seu tua fatidica discunt responsa sorores
Plana suburbani quâ cubat unda freti.*

Quas Sorores male ad Prænestinas Fortunas detorquet Beoraldus, nam à Præneste longe abest mare. *Geminas* sane prodit nummus familiæ Rustiæ, cujus iconem æri incisam exhibeo in tabulâ numism. nu. 1. Anticæ partis inscriptio est: Q. RVSTIVS FORTVNAE ANTIAT. & quia in aversâ parte expressa est Ara cum inscript. FOR.RE. hoc est *fortune reduci*, & circa marginem CAESARI. AVGVSTO. EX. S. C. ideo duo ista simulacra *Fortune* nempe *reducis*, & *Antiat* sive *Antiatinæ* hic exhiberi putat Ursinus, qui eundem nummum profert in fam. Rustiâ pag. 442. eaque in Augusti gratiam impressa à Q. Rustio, qui sub Augusto triumvir eudendæ monetæ fuit. Verùm Jacobus Oiselius in Nummis sele&. Tab. 54. num. 1. potius arbitratur, & meritiò, duas illas figuras, cum Torrentio ad Horatium loco memorato, accipiendas ambas pro simulacris *Fortunarum Antiatium*, quæ nempe dux fuerunt. Undè in veteri inscriptione apud Gruterum pag. 72. num. 3. FORTVNIS ANTIATIBVS M. ANTONIVS. RVFVS. AXIVS. donum dicat. Sic apud Tacitum ubi Neroni, ut retulimus, natam Antii filiam ex Poppæâ scribit, legere est decretum à Senatu, ut *Fortunarum effigies aurea in folio Capitolini Jovis collocarentur*. Sic Martialis *Sorores* vocat, & Macrobius *Fortunarum* apud Antium meminit, quæ demum *Sortes Antiatinæ* Svetonio dicuntur, locis postea expendendis. Has verò duas fuisse ostendit hic ipse Q. Rustii denarius. Huc usque fermè ex Oiselio.

Fortunas quoque Antiates in C. Antii nummo, cujus typus est in tab. num. 11. ex Ursino pag. 18; expressas videre mihi videor. In parte anticâ duo scalpta sunt simulacra cum

cum inscriptione DEI PENATES, in alterâ effigies *Herculis* clavâ, Leonis exuviis, & armorum spoliis insignis, addito C.ANTII nomine. Fulvius expressas Penatium imagines putat, vel quòd Antia familia Lanuvio, ubi simulacra Penatium servabantur, oriunda fuerit, vel quòd legem Antius tulerit, quæ ad augendam Religionem deorum Penatium pertinuerit. At ego Deos illos *Penates* ipsas esse *duas Fortunas* Antiates existimo. Gentem Antiam quamvis Lanuvio oriundam suspicetur Fulvius, rectius, uti opinor, Spanhemius differt.6. pag.535. ab Antio profectam, & appellatam tradidit. Nam & nomen ipsum id suadet, & mos pluribus Romanis familijs acceptus, quæ ortus sui memoriam non semel aut loci natalis appellatione, aut deorum Patriæ præsidum simulacris, voluerunt ad posteros propagari, ut congestis exemplis ostendit idem eruditissimus Auctor, aliaque profert Sigonius de nomin. Roman. pag.372. editionis Basil. an. 1559. Quod observatum & Britannæ incolis, qui testante Cæsare lib.5.de Bell.Gallic. *omnes fere iis nominibus Civitatum appellati quibus orti ex Ciuitatibus eò pervenerunt, & bello illato ibi remanserunt*. Hinc conjicias licet, Hortensiam florentissimam in Republicâ gentem ab Hortâ veteri Etruriæ & celebri opido, quod nomine derivativo, uti censet Cluverius, Hortanum Plinius lib.3. cap.5. vocat, traductam & appellatam fuisse. Ab Hortâ enim Hortensis est, sicut à Veronâ Veronensis, & à Viennâ Viennensis, & inde Hortensius, ex Romanarum gentium recepto more, quibus nomina perpetuo in IVS defuisse docet Sigonius de nominib. Romanor. pag.367. Hunc reprehendit Spanhemius pag.523. quòd *perpetuò* id servatum dixerit, cum videamus Allicnam, Betilienam, Cæcinam, & alias Romanorum gentes. At sanè acerbior hæc est in Sigonium nota: nam *amico suo summo viro auctore*, se eam sententiam protulisse ait, nec distinetur tamen extra eam regulam nomina aliqua esse. Imò scribens emendationes in librum ejusdem tituli, *de nominib. Romanor.* Francisci Ro-
ber-





bertelli Utinensis, qui idem ille est tunc *amicus*, postea infensissimus adversarius, cap. 31. aperte tradit, non omnia nomina Romanorum in *Ius* terminata fuisse. Verum exiguus horum numerus non est, quod nos, frequentiore & pene perpetuam consuetudinem sequutos, à derivatione Hortensiae gentis deterreat. Præterea & in Hortali cognomine, quod Hortensiorum fuit gentile, ex Cicerone ad Atticum lib. 4. ep. 15. & Tacito lib. 2. Annal. cap. 37. hujus fortè originis ab Hortâ vestigium aliquod later. Quæ dicta velim, ut gratiam ineam ab Illustrissimo Ferdinando Nuptio, Secretario, ut vocant, Congregationis Sacri Concilii, & post hæc scripta ad illustre Adressoris S. Officii munus evecto, qui non tam Hortam patriam suam, quam Urbem cumulatissimis virtutibus exornat.

Itaque gens *Antia* nomen ab *Antio*, à quo profecta fuit, traduxit. Forte Valerius Antias vetustissimus rerum Romanarum Scriptor, toties Livio laudatus, & non semel etiam reprehensus, hujus professionis auctor fuit, primusque qui familiam Romam inuexit. Simul ergo ac gens *Antia* Romam migravit, religionem quoque laribus domesticis detulit, *Fortunasque Antiates* inter deos *Penates* familiae præfides reposuit, dein cusis etiam numismatibus expressit. Pene id demonstrat adversa nostri denarii pars, in quâ *Hercules* cum suis insigniis sculptus est. Nam & hunc Deum coluit Antium, ut docet alter nummus ipsiusmet Coloniae Antiatis in nostram tab. insertus num. 111. ex Goltzii magnâ Græciâ tab. 17. num. 10. In anteriori parte depicta est imago *Herculis*, in posticâ *clava* & duo *Apri* capita (Parcant antiquarii de nummis coloniarum Italiae hic litem movere) Ut igitur C. Antius parte unâ denarijs sui expressit *Herculem*, quodd numen patrium Urbis Antii esset, ita in aliâ, quâ sculpta duo mulierum simulacra sunt, *geminas Fortunas Antiates* repræsentasse, non ambigendum videtur. Mulierum ea simulacra dixi, ex specie oris & cultu capitis, non admodum dissimili ab alijs quæ non semel apud Urbinum occur-

currunt. Nec quis ea componat cum fortunis Antiatribus alterius nummi, quem supra dedimus, quia non eadem aut figura aut ornatus, præsertim in nummis, uni alicui Deo ubique stetit. Ipsam fortunam variâ formâ veterum monumentis expressam spectamus. In unâ eademque tabellâ gentis Cæcilix apud eundem Fulvium, videas quam dispari habitu Romæ caput representetur. Nisi velimus, C. Antium immutasse fortunarum peculiarem cultum, ut eas in speciem Penatium indueret. At verò Deos patriæ præsidēs, unde ortum duxerant, familias nummis consignasse, ex Spanhemio jam indicavimus. Illustre exemplum ad rem nostram exhibet nummus Copponix gentis, quæ, quod à Tibure ortum traheret, ubi *Hercules* præcipuâ religione colebatur, Deum hunc denariis signavit. Ita Petronia Sabinis oriunda *Feroniam* ejus regionis deam, & Mettia, Cornificia, Pappia, Procilla, Roscia Lanuvij municipio traduces, numismata cum *Junonis* Lanuvinæ simulacris exsculpsērunt, ut videre est apud Ursinum. His addideram nummum Atii Balbi quem *Sardum* cognomine putabam, fretus auctoritate Patini, qui illum in indicē cognominum à se auctū obtrusit: suadebatque ipse nummus hanc notam SARD. in latere postico præferens, quo, ut ipse suspicatur, *Sardus* Sardinix numen representatur. Hinc enim originem ejus familiæ à *Sardinia*, numenque patrium Romam traductum reputaveram. Verùm postquam apud humanissimum virum, & rariorum numismatum studiosissimum collectorem Marcum Antonium Sabatinum, ipsum denarium conスペxi, ab eâ sententiâ statim discessi. Hic denarius non SARD. ut Patinianus, sed expressis literis & maxime conspicuis, SARD. PATER. profert, ut ejus typus in nostrâ tab. nu. 4. demonstrat. Unde exsufflavi fictitium cognomen Patini; & cum in parte anticâ notam PR. absque intermediâ punctatione, quæ importune irrepsit in Patinianum, observassem, non amplius incertus hæsi, eâ Atium Balbum *Pratorem* designari. Præturam verò gessisse

fisse in Sardinia omnino verisimile arbitror, idemque in averso latere, quod Patinus ignorare se fateretur, numen ejus provincie tutelare expressisse, ut inferius demonstrabo. Quod hujus lapsus adscribentis genti Antie cognomen *Sardus* arguerim, non semel id peccasse diligentissimum alioquin, & eruditum antiquitatis Virum in eo Indice augendo scias. Nam Domitii Oscan familiam imposuit, cum Urbs ea sit in Hispania, ut Ursinus ipse, quem ignorare non debuerat, diserte notavit. Calpurniis, & Pompeiis Numę cognomen oberuit ex denariis utriusque gentis, in quibus Numę caput scalprum est, quia originem ab eo tractam profitebantur. Atque id generis alia ab eo errata observat Jacobus Perizonius dissert. 3. de variis num. pag. 255.

Neque hic prætereā, quoniam Sardinia nummus in manu est, mihi temperare possum, quin succenseam Samueli Bocharto, qui parte secundā Geograph. Sacr. lib. 1. cap. 31. posthabitis veterum testimoniis Sili, Pausaniæ, Solini, Martiani Capellæ, & Isidori, qui *Sardiniam* insulam, ab *Sardo* de quo meminimus vocatam, uno ore tradiderunt, nescio quam appellationem à vestigio pedis humani perduxit, à quo quidem prisce Scriptores *Ichnussum*, appellatam dixere nusquam Sardiniam: quod nomen postea, eo depulso, adepta est. At ipse eā libidine, quā nomina regionum, populorumque origines ubique ab Hebræorum Phœnicumque linguā accersere consuevit, quod invenerit in Hebræo *Saad* esse gressum & vestigium, inde formatum *Sardinie* nomen commentus est. Non is ego sum, qui pronus induam confictas plerumque, & turbidis cœnosisque fontibus haustas nomenclaturas populorum & migrationes; ac non abnuerim prisce Scriptoris auctoritatem & fidem, cum apud gentes aliquas propriæ originis traditam opinionem, seu veram seu fabulosam, prodiderunt. Apud Sardos satis constat, maximā religione cultum fuisse *Sardum*, vocatumque *Patrem*. Quippe in eā Insulā locus fuit hoc nomine, *Σαρδονατρεῖς* ἱερόν apud Pro-

Iomęum Geogr. lib. 3. cap. 3. male vertente Petro Bertio . *Sardopatoris fanum*; Nam, ut norat Salmasius exercitatio-
num in Solinum pag. 99. Σαρδονατορ est Σαρδὸ-Πατρὴς
scilicet *Sardus Pater*. Concinit noster Nummus, ubi di-
serte legitur *Sard. Pater*, & alius quem Holstenius in an-
notat. ad Ortelium pag. 168. se vidisse apud Jac. Sirmon-
dum testatur, cum inscriptione : ΚΑΡΔΟΥΠΑΤΡΟΣ. Fi-
lius hic tradebatur Herculis Lybici, à quo narrat Pausa-
nias in Phocicis pag. 838. inter alios jam indicatos Scri-
ptores, *Sardos* populos nomen accepisse, subditque suo
εἶπο Delphis stetisse ejus statuam ex ἔρε, quam Sardi illuc
in Templo Apollinis pridem transmiserant. Hinc quoque
Atius Balbus ejus Provincię, in qua *Praetor* fuerat, reli-
gionem induens simulacrum *Sardi patris* nummis expressit.
Eo modo quo Cornificius, ut observat Fulvius, quia
Africae Provinciæ præerat, Iovis Ammonis, qui in Africā
colebatur, imaginem cudit denario, qui apud eundem pri-
mus est in tab. pag. 93. Cū itaque Sardiniae populi pri-
scam originem per annorum seriem traductam, & templo
ac religione veluti consecratam, *Sardo* retulerint, aucto-
remque cum gentis, *Patris* nomine indito, testati fuerint;
mirum est profectò Bochartum unius voculę, sanè detortę,
præsidio, & longiùs quæsitā analogiā, tamquam si ab ove
ovum ducere fas esset, aliam omnino originationem sibi
fingere potuisse.

At verò ad Deos *Penates* nostri denarii redeo. Haud
equidem velim, quis mihi dicam intenet, quòd *Fortu-
nam*, majorum gentium Numinibus adscriptam, inter *Pe-
nates* rejecerim, quos Deos incertos, ignotos, & vel ani-
mas majorum, vel heroum, aut genios putavit antiquitas,
privatoque cultu, & religione inter lares domesticos co-
luit. Nam statim profero testimonium Arnobii, qui libro
3. adversus gentes propè finem, ex Cęsio prisco auctore,
Fortunam ipsam inter Deos *Penates* collocat. In Nummo
Pertinacis apud Oiselim tab. 42. num. 3. visitur *Fortuna*,

cornucopiæ sinistrâ, dexterâ navis gubernaculum tenens, cum inscriptione DIS CUSTODIBUS, quo indicatur Fortunam locum inter Deos custodes & familiares habuisse. Hujusmodi ea quoque, ni fallor, erat Fortuna aurea, quam Imperatores in cubiculo detinebant, eamque mos erat, ut morituri ad eum transmitterent, qui esset successurus. Meminit Capitolinus in Antonino Pio cap. 12., & in Marco Philosopho cap. 7. ac Spartianus in Severo cap. 23. qui cum eam geminare statuisset, ut utrique filiorum relinqueret, *sed perurgeri se videret sub bora mortis, jussisse*, narrat historicus, *ut alternis diebus apud filios Imperatores in cubiculis poneretur*. Suetonius quoque tradidit *Fortune* simulacrum æneum, in parte ædium consecratum, Galbam coluisse, in virâ cap. 4. Hujusmodi imagines *Cubiculares* vocabant veteres, quia eas in cubiculo unâ cum Laribus colebant, illudque idcirco dictum *Lararium*, cujus est mentio apud Lampridium in Severo Alexandro cap. 29. *Fortunam* ergo inter Lares repositam, idem est ac si dicas, ex Diis *Penatibus* unam fuisse. Ceterum & Deos alios *magnos* quidem, seu *μεγάλους*, *Penates* vocatos aliquandò memorat Macrobius lib. 3. Sat. cap. 4. & Arnobius, loco proximè adducto, inter *Penates* acceptos ait *Jovem, Minervam, Apollinem, Neptunum, & Cererem*. Hoc ipsum intellexit Bruto miles veteranus, qui rem aliquam dicavit I. O. M. DOMESTICO, lapide apud Smethium antiquitatum Neomag. pag. 96. Ejusdem JOVIS titulo CUSTODIS, lucernam exhibet Licetus de Lucern. antiq. pag. 595. Lucernæ diis *Penatibus* dicabatur, quod indicat & *Canis* simulacro ipsius Jovis suppositus. Græcos quoque Laribus conscripsisse *Cassorem et Herculem* testatur Horatius lib. 4. Od. 5. loquens de Augusto.

..... et Laribus tuum

Misce nomen, uti Græcia Castoris

Et magni memor Herculis.

Ne rem nummariam in quâ versamur, deseramus, familia

Rubria *Herculem*, & *Mercurium*, ut ex eorum appictis insigniis colligo, denariis expressit, apud Fulvium pag. 248. Julia caput *Mercurii*, aliorumque deorum Symbola pag. 136. Cordia duo capita juvenum, quos ex astro utrimque superimposito *Castorem* & *Pollucem* esse arbitror pag. 83. Non equidem ignoro Deorum nummos aliâ significatione sæpius exsculptos: at hos præferim, quos intactos Urstinus præterit, nil vetat ad Penates, ipsiis familiis in præsidium & tutelam adoptatos, revocare. Quòd igitur *Antia* gens ab *Antio* profecta sit, Deosque majores ipsamque *Fortunam* inter *Penates* habitos, nummisque obsignatos constet, cur eandem gentem *Fortunas Antiaticas*, ut memoriam & religionem patrii numinis retineret, Diis *Penatibus* adscripsisse non liceat conicere, earumque simulacra C. *Antium* denariis suis procusasse?

Invaluit opinio, in *Fortunæ*, de quo agimus, Templo apud *Antium* responsa petentibus reddita fuisse per *sortes*, uti & Præneste; ideoque *Antiaticas* dictas, quod vel unus Suetonii locus palam facere videtur. Etenim de Caligula ait: *Monuerunt et sortes Antiatica, ut à Cassio caveret*, in vitâ cap. 57. Mihi, quoniam semel audere cœpi, ea sententia refellenda est. *Sortes* erant talcolæ, aut surculi, vel schedulæ, quibus literæ, sive notæ, ad divinandum insculptæ. Hæ, cum responsum edi oporteret, vel ex arcâ, ubi reconditæ, tollebantur, uti de Prænestinis tradit Cicero de divinat. lib. 2. cap. 41. vel ex tabulâ, apud oraculum Herculis Buriaci, ex Pausaniâ in Achaicis, vel ex urnâ, in Jovis Dodonæi templo, teste eodem Tullio lib. 1. & 2. de divinat; aut demùm ex quocumque alio loco, semper *trahi*, *tollî*, vel *educi* dicebantur. Unde oraculum Gerionis Patavinum *sorte tractâ* respondisse, refert Tranquillus in Tiber. cap. 14. Et *sortes* propriè vocatas quæ *ducuntur*, ait Cicero de divinat. lib. 2. cap. 33. At in Templo *Fortunæ Antiaticæ* responsa nullo ex hisce modis sunt reddita. Macrobius oculatus testis, Dei Heliopolitani si-

simu-

simulacrum à proceribus Provinciæ ferculo vectum ita narrat lib. 1. Saturnal. cap. 23. *ut videmus, inquit, apud Antium promoveri simulacra fortunarum ad danda responsa*. Vides, ab ipsis simulacris oracula reddita, non per schedulam, talos, membranas, vel quid simile *fortibus* propriè conveniens. Quod fieri potuit, ut dum simulacra *promoverentur*, & circumferrentur, responsa emitterent, seu verius Sacerdotes ponè ipsa latentes, ad modum quo vulgò oracula edebantur. Sane Tullius cap. 41. indicato, *clarissimarum Sortium quæ tradatur inventio* perquirens, Prænestinarum originem describit & deridet, nullâ prorsus mentione factâ de Antiatinis. Imo subjicit ad finem capitis: *Ceteris vero in locis, præter Præneste, sortes planè refrixerunt*. Ergò tunc nullæ *Sortes* apud Antium. Et tamen *Fortunam* Antiatem ipso ævo Ciceronis celebrem fuisse, Horatius, loco jam adducto, testis est locuples, & nummus Q. Rustii sub Augusto cusus ostendit, quo tempore, ingentem in ejus Templo collectum fuisse ex denariis thesaurum refert Appianus lib. 5. bell. Civil. Quod indicio est, eam per *Sortes* propriè dictas omninò responsa non edidisse. Præterea comparat Macrobius *Fortunas* Antii cum Heliopolitano Deo. Is verò per *Sortes* non respondebat, sed ad modum oraculi, absentibus autem *rescribebat ordine ad ea quæ consultatione additâ* continebatur. Tantùm abest, ut schedulas sortium redderet. Quod confirmat factum Trajani, eidem ibi narratum, Deum Heliopolitanum, ad fidem religionis explorandam, de suâ in Parthos expeditione consulentis. Parcat amicissimus Blanchinus, si hoc Heliopoli gestum monuero, non apud Antium, quod ipse ex Macrobio tradiderat, in sua eruditissimâ dissertatione jam laudatâ num. 7.

At quid de Suetonio, qui disertè *Sortes Antiatinas* commemorat? An ne locum corruptum fas sit dicere, & levi literarum permutatione *Sorores* reponendum, ut sic Tranquillo cum Martiali conveniat, qui eodem vocabulo

usus

usus est? Rectius vocem illam expungendam intrepidè ajo, & legendum: *Monuerunt FORTUNÆ Antiatina*. Ex quindecim MSS. codicibus Bibliothecæ Vaticanæ, quos consului, duo tantum habent *Sortes*, ceteri omnes *Fortuna*. Tres qui extant in locupletissimâ Otthobonianâ, alterque March. de Maximis concinunt. Torrentius hoc ipsum præferre Gallicos perhibet. Quo testium numero convulsam fidem impressorum nemo dubitaverit. Imò inter eos antiquissimus, quem edidit Mombrorius anno 1475. sub ipsis typographiæ incunabulis, nostram lectionem retinet. Quamobrem si Suetonius *Sortes* non dixit, eas loco cadere necesse est, nullum enim alium ex antiquitate patronum laudare possunt, & proinde *Sortes* apud Antium nunquam fuisse.

Quòd si adhuc, invitis tot contrà argumentis, suam vulgatæ lectioni auctoritatem manere velis, & *Sortes* ipsas monuisse Caligulam contendas, nihil porro ad convellendam nostram sententiam profeceris, cum id ad *Sortes* non propriè dictas referri possit. Nam *Sors* sæpè ponitur pro *oraculo*: quo sensu hanc vocem usurpat Hyginus fab. 69. *Adrastus memor sortium suarum*, idest *oraculi*, ut est apud Euripidem rem eandem enarrâtem in *Phœniss.* v. 412. Virgilius lib. 7. *Æneid.* vers. 269. ait: *Non patrio ex adyto sortes*, ad quem locum notat Servius, *Sortes abusive pro oraculo dici*; & *Lycias sortes* idem lib. 4. v. 345. & Statius lib. 3. commemorant, cum constet ex Festo Pompejo verb. *Lycii*, illud *oraculum* fuisse. Utramque significationem unicâ sententiâ complexus Valerius Max. lib. 1. cap. 6. de prodig. num. 3. ait: *Legati ad Delpicum oraculum missi resulerunt præcipi sortibus*. Vides manifestò *Sortes* pro *oraculo* acceptas: Nam constat Delphis Pythiam Sacerdotem Dei afflatu correptam, ipsam responsa reddidisse, ferè metris Græcis, nunquam per *Sortes*. Hoc igitur sensu stant *Sortes* apud Tranquillum, si eum ita loquutum fuisse velis.

In-

Interim moneo sortium prodigium, quod refert Livius lib. 22. his verbis: *In Antiates metentibus cruentas in Corbem Spicas cecidisse: Et in Faleriis Cælum fœdi visum*. *sortes suâ sponse attenuatas, unamque excidisse ita scriptam: Mavors telum suum concutis, perperam referri ad sortes Antiatinas* ab Antonio Van-Dale de oraculis dissertat. 2. pag. 347. Nam de Faleriis loqui contextus verborum planum facit. Et quidem apud Falerios antiquitus *sortes* extitisse docet Plutarchus in Fabio. Qui etiam Van-Dale *exteniatas* optime Lypsiûm emendasse censet lib. 2. elect. c. 12. ubi duo alia loca ejusdem historici restituit, & utrobique non *extenuatas*, vel *attenuatas* sortes, sed *exteniatas* legendum putat. At nostras eruditissimus Hieronymus Aleander junior, nil mutandum opinatur, peculiari dissertatione inter ejus MSS., de quibus alibi mihi sermo erit.

Porro si queras, cur Antiates Fortunæ *gemine* habitæ fuerint, appellabo Raphaëlem Fabretum Canonicum Basilicæ Vaticanæ, præclarum illum fugientis antiquitatis vindicem, tùm ob solertiam in perquirendis, cùm ob eruditionem in explicandis veterum monumentis, qui in libro inscriptionum nuper edito cap. 9. pag. 664. ideo *geminas* dici, atque ctingi *Fortunas* credibile asserit, ut altera bonorum eventuum auctrix sit, malorum altera, & propterea in lapide Antiati, quem exscripserat pag. 632. monumentum dicatum subdit FORTUNÆ FELICI, scilicet Deæ tantum beneficæ. Huic sententiæ præluserat Joseph Maria Svaresius de Fortunis Prænestinis loquens lib. 1. Prænestes antiq. cap. 14. Si mavis, dabo alium totius antiquitatis, præcipuè Nummarie scientissimum, Philippum Bonarotam Florentinum, quem honorifico munere auctum nuper Urbs patria nobis eripuit. Hic in opere Italico inscripto, *Osservazioni Istoricbe sopra alcuni Medaglioni*, ad numisma XL. Macrini Imp. pag. 223. suspicatur, *geminas Fortunas* Antiates referri ad duas Nemefcs, Nemefim scilicet ipsam bonorum remuneratricem, & malorum vindicem,

cem, & Adraſteam, hoc eſt inevitabilem ultionis Divinæ neceſſitatem. Utram velis doctiſſimorum Uirorum opinionem ſequi, per me licebit.

Non tamen Cluverio ſubſcribam, qui in Ital. antiq. lib. 3. cap. 7. hanc eandem Fortunam *equeſtrem* cognominatam putat ex his Taciti verbis lib. 3. Annal. cap. 71. *Inceſſit deinde Religio quonam in Templo locandum foret donum, quod pro valetudine Auguſtæ Equites Romani voverant equeſtri Fortunæ. Nam etſi delubra ejus deſ multa in Urbe, nullum tamen tali cognomento erat. Repertum eſt eodem, eſſe apud Antium, quæ ſic nuncuparetur. Ita donum apud Antium ſtatuitur.* Putat, inquam, Cluverius Templum hoc fortunæ *equeſtris* idem eſſe ac illud, de quo hucusque diſſeruimus, eandemque ipſam Fortunam vario cognomine. Rem tamen diſtinctam credere, mihi eſt vero ſimilius. Nam Templum Fortunæ Antiatis ſatis ſuâ celebritate notum, nec opus fuiſſet perquiſitione, quam adhibitam inſinuit Cornelius. Et Deos priſcâ ſuperſtitione, quot cognomenta tot Tempia habuiſſe, palam eſt.

At Tacitum malè hoc loco habent eruditi. Cum enim Romæ fuiſſe Templum Fortunæ *equeſtris* meminerint prioris poſterioriſque ævi Scriptores, Livius, Valerius, Julius Obſequens, & P. Viſtor, non parcunt ipſi vel ignorantie, vel incuriæ graviſſimum Auctorem inſimulare. Ut nodum ſolvant, *ſequeſtri* Fortunæ, legunt Gruterus, Robertus Titius, Pichena, & Gronovius, varièque id nominis explicant. Quod non placet, cum *Equites* donum voviſſe *equeſtri* non *ſequeſtri* Fortunæ, res ipſa ſuadeat. Lipſius retinet *equeſtri*, at Tacitum penè indèfenſum deſerit. Cujus honori nemo aptius, quantum in re difficultatis penè nobis deploratæ obtineri poſſit, conſuluit, quam Freinſhemius, qui conjicit, potuiſſe Romæ antiquitùs extructam fuiſſe eodem Fortunæ tali agnomine, quæ poſteâ abſumpta incendio, demum poſt Tiberii tempora fuerit reſtituta. Hunc tamen expungit Theodorus Ryckius in animaduverſ.

madvers. ad Tacit. primisque accedit, quod sibi parum verisimile videatur, si tale quid accidisset, summum historicum dissimulaturum fuisse. At is debuit, quod non erat, memorare, causam cur non esset, potuit silere.

Quod Plinius alicubi dixit, Fortunam rerum humanarum utramque paginam facere, non immerito videtur alio sensu hic posse usurpari. Nam ea ipsa pagellas has nostras, quibus religio Antiatum exponenda erat, omnes prorsus exhaustit. Saltem in extrema cerâ locum aliquem sibi poscit Æsculapius. Hujus Templum apud Antium stetit, celebri famâ anguis sacri, qui dùm Epidauro adveheretur, è navi prolapsus in proximum illius fanum irrepit, & denuò ad navim se Romam ducendum restituit, ex Livio lib. 43. & Valerio Max. lib. 1. cap. 8. At Ovidius Templum illud, quo ea res accidit, non Æsculapio dicarum fuisse ait, sed Apollini, Metam. lib. 5. Integra inter filium & patrem ejus fabulæ lis maneat. Præterea Strabo lib. 5. meminit delubri Dioscurû in Coloniâ Antiatae collocati. Cultum quoque plurimâ religione Mithram fuisse, ejus tabula symbolica inibi reperta testatur. Sed cum hæc alteram partem nostri operis faciat, illic Antium in jura sua erit reponendum.



CAPUT II.

De Gente Aquilia apud Romanos. Ea variis cognominibus distincta. Aquilii Flori denarius, aliique, familiarum Cognomina præferentes. An inde tessera Gentilitia, vulgò Arme parlanti. Sorores Phaëtonis in Larices arbores, non Populos, ut vulgò creditur, mutata. Acisculus explicatus, & nummi Gentis Valeria. De his Fulvii Ursini interpretatio rejecta. Ascia quid, & quotuplex. Aciscus Martyr Cordubensis. Unde Aquiliorum nomen? Stephanus Pighius notatus. Quisnam fuerit M. Aquilius, de quo in lapide Antiæ, inquiritur? Ad tempora inferioris Imperii rependendus. Iterum Consul, & bis Consul, an eque ad puræ Latinitatis regulas scribi possit? Nonnulla de Tribu Fabia, in qua census Aquilius.

M. AQUILIO. M. F. FABIA. FELICI.

Marco Aquilio Marci Filio Fabiâ Felici.



AQUILIA Gens, quæ familias habuit Patricias, & Plebejas, dignitatibus, honoribus, rebusque gestis in Republicâ Romanâ floruit. Illustres jam ab ejus infantiâ Lucius, & Marcus Aquilii, Tarquiniâ sorore Collatini geniti, memorantur: at conjuratione factâ cum Vitelliis, & Tarquiniis, capite ob id damnati, generis nobilitatem infelici exitu labefecerunt. Inde quinque Consulatus ovationibus, & triumphis insignes, Proconsularus, Præturas, ceteraque dignitatum egregia nomina posteri eorum in familiam intulerunt. Hos inter eminent M' Aquilius, qui reliquias belli Asiatici confecit, alterque Manius ob triumphum à Sicilia clarus, & C. vel M' Aquilius, quæ Mithridates vinculis ac supplicio cruciatum necavit. At domi quoque juris scientiâ celebris C. Aquilius Gallus fuit, familiaris & collega

Ci-

Ciceronis in prætura, quem ipse in oratione pro A. Cæcinâ num. 77. & pro Q. Quinctio in princ. summis laudibus prosequitur.

In plures familias gentem Aquiliam discretam fuisse, distincta cognomina produnt. Inter patricias *Corvi*, & *Iusti* numerantur; plebejas cognomena *Galli*, & *Flori* demonstrant. Hujus postremi nummus est apud Ursinum *de famil. Roman.* pag. 36. editionis Caroli Patini, singulari notâ commendatus. In alterâ enim ejus parte *Flori* impressus eminet, quo cognomentum ipsum *Flori* designari nemo ambigat. Ejus elegantem typum in nostrâ tab. videas nu. vi.

In eâ equidem sum opinione vanam esse eorum operam, qui Stemmatum seu Insignium familiarum, quæ sex penè abhinc secula usurpari cœperunt, usque ab heroum ævo, ne dum à Græcis & Romanis, originem accersunt. At vestigium porro aliquod & veluti rudimentum hinc duci posse eorum Insignium, quæ *Arme parlanti* vocant, quoddam imago scuto gentilitio impressa cognomen ipsum familiæ indicet, & veluti loquatur, facile admiserim. Sanè nec Franciscus Menetrerius, nec alius, quem viderim, Artis symbolicæ familiarum scriptor, id animadvertit. quare pretium fortassè apud hos saltem mihi erit, si alia quædam, ex rei nummarie penu deprompta, ejusmodi exempla hic congeffero. In Pomponii Musæ denariis ad cognomen designandum simulacra omnium penè Musarum exsculpta videas, quarum quælibet insigne proprium, prout à Poëtis traditur, manu gestat, egregio spectaculo tum ob eruditio-nem, tum ob typorum varietatem & elegantiam. Eos tribus tabellis comprehensos profert Ursinus à pag. 223. qui tamen, licet sine dubio Q. Pomponium Musam cognominatum, & subinde in cudendis his denariis illud cognomen respexisse asserat, sibi nihilominus constans non est, & fieri potuisse subdit, ut Pomponius Gentilis alicujus sui in Poëticâ facultate laudem celebrare voluerit, & Musarum simulacra huiusmodi in nummis signauerit. In quam opi-

nionem profusè delabatur Jacobus Perizonius in postremâ triadis dissertationum, quæ est *de variis antiquor. nummis* pag. 253. pro certo habens, cufos denarios effigie Musarum non aliâ de causâ, quam quia vel ille ipse Pomponius, vel quispiam ex majoribus ejus, Poësi, & Musarum cultu præcipuè delectaretur, cujusmodi viros Gens illa multos tulit, ex Macrobio lib. 6. cap. 9. Vellejo lib. 2. Plinio lib. 13. cap. 12. & Valerio Max. lib. 4. cap. 4. Quid in hac re potius sit censendum, eruditi antiquitatum videant, dùm ego certiora ad nostrum argumentum persequor. L. Lucretius quoddam cognomen Trionis gereret, septem stellas, quæ *Triones* dicuntur, expressit duobus nummis pag. 160. Q. Voconius Vitulus descripsit *Vitulum* pag. 299. P. Accolejus cognomento *Lariscolus* denarium cufit, quo expressæ tres mulieres Phaëtonis sorores, quæ in arbores ejus nominis vertuntur. Nam eas Phaëtonis sorores, ut obiter adnotem cum Ursino, in *Larices* arbores conversas fuisse, vel ex hoc ipso denario, cujus alteram partem exsculpsi in tab. num. ix. discimus. Scio id aversis auribus acceptum iri ab his, qui ad vulgi opinionem facti, in *populos* mutatas, cum Virgilio *Æneid.* 10. vers. 190. non dubitant. Hic tamen alibi eum casum *alno* adscribit, *Eclog.* 6. v. 63. Ovidius solidam fabulam enarrans, genus arboris præterit, *Metam.* v. At sanè in *Larice* lacrymas Phaëtoniadum invenimus. Nam teste Palladio ejus *Resina liquida est*, lacrimæ *similis*, & ex Vitruvio lib. 2. cap. 9. habet *Resinam liquidam mellis Attici colore*. Quod dici nequit de populo aut alno, liquore carentibus: & fortassis fabulæ ad Laricem aptandæ ea sola fuit occasio. Dixerat paullò ante idem Vitruvius, (ut de hoc etiam litem omnem antevertam) *Laricem notum nisi his municipibus, qui sunt circa ripam fluminis Padi, & littora maris Adriatici*. Benè ergo *Lariscolus* sorores Phaëtonis in *Larices* conversas nummis expressit. quo etiam indicare voluit, majores suos ex aliquo propè Padum fluvium loco oriundos, quæ Ursini conjectura est. Rursus Furii Crassipe-

dis nummo *Pedem* adumbratum conspicimus pag. 117. & Publicii Malleoli signatum *Malleum* pag. 215. Iis verò & Scarpum adjicio Pinarie gentis cognomen, cui denotando in nummis pag. 207. *Manus* depicta est. Nam Græco vocabulo *νάξ* *vola manus* significatur. Demùm & in nummis familie Valerie cognominis expressam imaginem reperio, quibus, cùm ab explicatione doctissimi Antiquarii mihi sit recedendum, parum immorari liceat.

Sex denarios exhibet tabula illius familie pag. 281. impressos nomine L. Valerii *Acisculi*. Horum quinque delineatum ostendunt instrumentum quoddam fabrilè, quod ipse Urfinus *Malleum* esse putat. In nostrâ tabulâ numismatum superius cap. 1. pag. 6. alterum eorum excusimus, in quo ipsum instrumentum, inter cetera magis conspicuum & grandioris formæ, repræsentatur, circumscripto, in medio coronæ quercæ, vocabulo: *ACISCULUS*. Sirenem, quæ in secundo ex iisdem nummis visitur, à L. Valerio impressam existimat idem Auctor, ut eâ significaretur, *Acisculos* Acidis fluvii, atque ejus in Sicilia regionis, quam Sirenes tenuerunt, accolæ aliquando fuisse, indeque profectos, Sabinum agrum primò tenuisse, deinde Civitatem Romanam adeptos esse. Ex *Mallei* verò signo conjici posse arbitratur, Valerium hunc Præfectum Fabrûm fuisse, cum illud ejus officii symbolum in veteribus monumentis observaverit. At hæc cognominis originatione longè satis perita est, imò & durius detorta, ut videtur. In Glossis Isidori est *Asciculus*, *Asciola* *Dolabra*. Joannes Meursius par. 2. *exercitat. critic.* l. 1. cap. 10. rectè legit *Acisculus*. Hinc *Aciscularius* in glossis à Stephano editis dicitur *νάξ* nempe qui saxa in lapidicinis excindit. At verò eidem Isidoro paulò post *Asciscolum*, vel ut pariter emendat Meursius, *Aciscolum*, est *Malleolum* structorum: quamvis hæc verba omninò ablinant ab Isidoro, quo utor emendatissimæ editionis Colonienfis anni 1617. Quòd si *Acisculus* idem est ac *dolabra*, quomodo *malleolum* esse possit, nescio.

scio. Ab *Asciâ* utique nomen derivatum. At *Ascia* vel fabrilis instrumentum est ad ligna polienda & læviganda; vel ad macerandam & subigendam calcem. Priorem significationem deprehendimus in lege 10. duodecim Tabularum cap.2. *Rogum.asciâ ne polito*. Utramque usurpat Vitruvius lib.7.cap.2. his verbis. *Sumatur ascia, & quemadmodum materia dolatur* (en dolabram ad ligna polienda) *sic calx in lacu macerata asciatur*: Neutra igitur malleo convenit. *Asciæ* figuram Cl. Raphaël Fabreus exhibet, exsculptam veteri saxo cap.3. Inscriptionum, quas nuper publicavit pag.203.eam exscribo in tab.num.1.ad latus nummi vii. *Asciæ* hanc formam reperies etiam apud Gruterum Inscript.10.pag.664.9.675.& 9.682.& fortè *ascia* lignaria, non securis, ut placet ipsi Grutero, est illud instrumentum quod primum in tabula 2. pag.644. depictum conspicimus, cum proximè imaginem reddat illius, quod hodiè etiam *Ascia* vulgò appellatur, convenitque descriptioni Isidori originum lib.19. cap.19. Itaque instrumentum in nummis gentis *Valeriæ* expressum, *Acisculus* est, seu parva *Ascia* poliendis vel dolandis lignis deserviens. Sanè idcirco *Acisculus* solitariè scriptus fuisse videtur in nostro denario, ut designaret nomen adiecti instrumenti. Perperam verò malleum esse putavit Urinus, qui si denarios jam indicatos gentis *Publiciæ* attentius observasset, figuram malleoli omnino ab acisculo diversam reperisset. Eam delineavi in tabula num 1. ut quisque cum acisculo comparare possit. Similis mallei forma passim Vulcano tribuitur in veterum monumentis. Et *Cabiros*, qui *Vulcani* filii sunt habiti, eundem plane gestare videas in duobus nummis *Thessalonicæ* apud Patinum de numism.Imp. p.290.& 291.Ab *Acisculo* igitur cognomen familiæ *Valeriæ* inditum, ideoque in nummis illud instrumentum fabrilis exsculptum. Porro & *Quintilianus* lib.6.cap.3. *Acisculum* inter cognomina Romana refert. idemque illud est nobilissimi martyris *Cor-
dubensis*, de quo *Prudentius Peristephan. hymn.7. vers.19.*

Corduba Aisculum dabit, & Zoëllum. Gratiam ab Hispanis aliquam me initurum spero, si hunc martyrem genti Valeriæ, ex dictis, adscribi posse moneam. Sanè verisimiliori conjecturâ, quàm si ad Marcellam referamus, quod quibusdam inter ipsos scriptoribus placuit, ut videre est apud Joannem Tamayo in Martyrolog. Hisp. ad diem 17. Novembris tom. 6. pag. 207.

At in viam cognomina alia gentis AQUILIÆ nos revocant. Ea tamen cum studiosè congegesserit Glandorpius in Onomastico Romano pag. 111. & plura etiam unico intuitu videri possint in indice Gruteriano, recensere omitto. Tantùm ex nostro lapide, FELICIS accessione ejus gentis cognomenta locupletabo. Illud enim quod exsculptum post tribum Fabiam conspiciamus, annectendum est nomini, & legendum: M. AQUILIO FELICI. Qui mos in inscriptionibus sollempnis, ut passim videmus in Thesauo Gruteriano.

Porro *Aquiliorum* nomen deductum ab *aquarum fluxu* contendit Pighius in proëm. lib. 8. Annalium Rom. Hinc enim, ait, M. Aquilius antiquissimos asses æreos reliquit, in quibus seniore Janum expressit, Neptuni utrinque capillatâ barbatâque facie, in quorum altero latere prora navis extat cum anchorâ & tridente; in hunc modum Neptuni religioso cultui, Janum, qui gentis suæ peculiare numen fuit, applicans, & simul innuens ab *aquâ* manante nomen suum derivari. Inepta sanè & aquis suis frigidior interpretatio. Quid enim prora navis, tridens, anchora, Neptunus, ad fluxum aquæ designandum? An non satis fuisset fontem, aut fluvium manantem, vel mare ipsum undis asperum expressisse? Quare rectius puto, eos nummos ad Manium Aquilium, qui ex Sicilia A. V. 654. triumphavit, ut testantur Fasti Capitolini, & Athenæus lib. 5. cap. 14. esse referendos, illisque signis & symbolis bellum feliciter confectum in eâ Insulâ, ad quam navibus transvehi opus fuerat, demonstrari, uti factitatum ab aliis, innumera apud
Anti-

Antiquarios, ob maritimas expeditiones & prælia, cussa numismata ostendunt. Et verò in ejusdem rei memoriam percussum nummum ab eodem M'Aquilio cum inscriptione SICIL. refert Ursinus de familiis Roman. pag. 36. Quod & rem mirè illustrat, ac Pighii sententiam evertit. Ceterum nec Aquilii nomen ab *aquis* promanat, cum Festus Pompejus, hoc verbo, apertè doceat, *ab aquilo colore, idest nigro dictum esse*. Sicuti & Aquilonem, nempe *Aquilum* ventum; Casco vocabulo *nigrum* appellatum, adnotavit Salmasius exercitationum in Solinum pag. 1258. primæ edit.

Nolo hic levio rem litem agitare, num hoc vocabulum duplici L, vel simplici scribendum sit. Nummi & Fasti Consulares *Aquillium* exhibent, lapides plerumque, uti & nos ter, cujus exemplum sequemur, *Aquilium*.

Ab hac igitur illustri Aquiliorum gente, MARCUM AQUILIUM FELICEM, qui lapidem Antiatem amplissimis gestorum munerum titulis cumulavit, originem ducere, nullus, opinor, in dubium vocaverit. Cum verò eam, familias habuisse patricias & plebejas, dixerimus, atque inter has medius ordo equestris consurgat, cuinam hic noster AQUILIUS adscribi debeat, nunc esset querendum. At quoniã id alio argumento dignosci nequit, quam ex gestorum munerum sorte & conditione, cumq; de ipsis singulatim suo loco agendum sit, tunc etiam, ut cuncta suo ordine consent, hanc potissimam nostræ disputationis partem versabimus. Nec tamen ita incertos lectorum animos dimittam, ut non etiam in antecessum, *Equitem Romanum* ex illustrioribus eum fuisse statim præmoneam. Quæ de AQUILII dignitate eorum mentibus præjacta opinio, ipsi fortasse proniorem voluntatem ac studium, rebus dicendis gratiam conciliabit. Interim ad alia transco. Nam tempus, quo lapis incisus est, & AQUILIUS vixit, & an in veteri historia mentio ejus aliqua reperiri possit, remanet disquirendum. Omnia hæc incerta, & in obscuro, quæ tentando potius, quam conjectando timidè percurram.

Hoc

Hoc ergò satis certum, AQUILIUM sub Imperatoribus vixisse: nam munera & dignitates, quibus functum, fuisse lapis monet, post Augustum ferè omnes institutæ. Sub ejus imperio duos Aquilios patrem & filium ab ipso necatos memorat Dio lib. 51. At hos Flori cognomentum, ut jam indicavimus, à nostro Aquilio distinguit: ita etiam Aquilium Regulum, quem Plinius lib. 1. epist. 5. *bipedum nequissimum* vocatum à Modesto refert, & apud Tacitum lib. 4. hist. cap. 42. Curtius Montanus truci oratione insectatur. Præterea duos invenio Aquilios absque cognomenti præfixione, quorum alterum, addito *Felici*s vocabulo, fortasse nostrum fuisse quis suspicari posset. Aquilium Centurionem missum à Didio Juliano qui *Severum occideret*, narrat Spartianus in utriusque vitâ cap. 5. & 2. Sed hunc *notum cædibus Senatorijs*, vix est ut credam Antiates sibi Patronum adscivisse, totque illustres dignitatum titulos promeruisse. Tacitus eodem lib. 4. hist. cap. 15. ab hoc alium Aquilium memorat, qui vigente inter Vitellium & Vespasianum bello, apud Batavos dux militum, & primipilaris fuit. Sanè si literæ singulares P. P. quas effert lapis versu septimo, in Primipilarem vertendæ essent, non ultra videretur quærendum. Sed hanc lectionem suo loco discutiendam dimittimus. Interim nec eâ ratione noster Aquilius potuit in Batiâ Primipilaris fuisse. Nam legio xi., cui ipse cum aliquo imperio præfuit, per id temporis longè ab iis locis aberat. Obstat præterea quòd noster Aquilius Procurator Patrimonii privati in inscriptione dicitur, quod munus sub Severo Imperatore institutum tradit Spartianus in ejus vitâ cap. 12. cujus testimonio si fides habenda sit, quod negat Salmasius, uti videbimus, ex superioris ævi gradu deturbandus est Aquilius. Non leves alias coniecturas sparsim in opere indicabimus, quibus Aquilium ad tempora inferiora, pertinere sit vero proximum. Ex formâ characterum, quibus lapis incisus est, nil certi assequi possumus. Literæ sunt grandiores, nitidæ, & affabrè scalpræ, adeo ut & sæculum Augusti,

gusti, & multùm illo inferius fateri possint. CL. Fabrettus, qui versatissimus, ut cetera, in dijudicando ævo lapidum est, hic hæsitat, nec quicquam explorati habet.

Vir summus me monuit, nostrum lapidem tempora, corruptæ latinitatis olere, quòd procuratorem patrimonii *bis* fuisse Aquilium, ausus sit prodere: veteres enim *iterum* Consulem, non *bis* dicebant. De re non disputo, cùm jam in confesso sim, lapidem ea tempora spectare; at rationem tanti non habeo, ut pro eâ vadimonium deferere oporteat. Nam licet sanctioris latinitatis ævo dixerit Cicero *de divinatione*. lib. 1. initio cap. 35. *Flaminius Consul ITERUM*, & in oratione pro Sextio, *Saturninus ITERUM Tribunus*, & alibi passim tam ipse, quàm alii sermonis Latii Dictatores; nihilominus id non ità religioni habitum, quin & *bis* aliquando usurpaverint. Ipsemet Tullius *de Amicitia* pag. 115. Editionis Venetæ Aldinæ 1583. hæc ait: *Vidimus Papum* (aliàs Paullum) *Æmilium C. Luscino familiarem fuisse BIS unà Consules*. Alium ejusdem locum mox proferam. In lapide apud Gruterum pag. 255. 7. *C. Octavius Pater Augusti Tribunus militum, BISque Ædilis Plebis dicitur*. Sive is vivo ipso Octavio fuerit exaratus, sive cum Augustus in Patris memoriam posuerit, urique ad ævum purioris latinitatis referendus est. At antiquius testimonium profert inscriptio pag. 171. 8. in quâ L. Betilicenum ob egregia merita Aletrini *Censorem fecere BIS*. Si gens Betiliena eadem est ac Belliena, uti ex nummis asseruit doctissimus Spanhemius *de præstantia, & usu numismat.* dissertat. 2. pag. 91. Lucius hic Betilienus non alius censeretur, quam L. Bellienus Prætor sub Mario in Africâ, de quo meminisse Sallustius in bello Jugurthino. Sanè obsoleta vocum forma, quæ passim in eo lapide conspicua est, vetustissimam ejus ætatem prodit. Nam *Coiravit* pro curavit, *ubei* pro ubi, *ese joussit* pro esse jussit, aliaque id genus vocabula habet, qualia in Duillianâ Columnâ, seu verâ seu instauratâ, observamus, & in inscriptione Scipionis Barbati, quam primum Jacobus Sir-

Sirmondus docto Commentario, dein noster eruditissimus Aleander junior brevi ad illud additamento, illustrarunt. Promiscuè igitur *iterum*, & *bis* antiqui dicebant. Adhuc utriusque formæ exemplum unico aspectu deprehendimus apud Valerium Maximum, qui cum sub Tiberio scripserit, si non aurei, sane argentei ævi auctor audit, nisi postea, qui nunc extat, alienam manum passus fuerit. Igitur Valerius de Rutilio verba faciens in hunc modum loquitur: *ITERUM Censor creatus ad concionem populum vocatum, quam potius gravissimâ oratione corripuit, quâ eam potestatem sibi BIS detulisset* lib.4.cap.1.

Quæ cum ita se habeant, non tamen inconsultò & temerè modò hanc, modò illam vocem veteres usurpasse arbitror, cum utrique propria insit, & diversa significatio, & sensus. Quod aliis haud observatum, hic explicabo: rectè an secus, Grammaticorum sit judicium. *Iterum* propriè adverbium est temporis numero adjuncti: ut cum dicimus, *Cæsarem iterum Consulem esse*, vel narramus rem actam eo *iterum Consule*, indicamus tunc temporis Cæsarem secundum Consulatum gerere, vel tunc, cum ea res accidit, cum secundâ vice fuisse Consulem. At *bis* numerum simpliciter signat, nullâ temporis habitâ ratione, ut Cæsar *bis Consul fuit*, hoc est duabus vicibus eâ dignitate functus est. Itâ Cicero, quo nemo melius vim, & proprietatem verborum assequutus est, cum loco mox recitato Flaminium *iterum* Consulem scripisset, deinde alibi de eodem Flaminio ait, quod *BIS Consul factus sit*, Academic. quæst. lib.4. cap.5. Quorû hæc diversa loquendi forma? Nempè in primo neglexisse eum narrat *signa rerum futurarum* tunc cum secundum Consulatum gerebat, in posteriori verò postquam *legem agrariam inuito Senatû* tulisset, duabus vicibus Consulem esse factum. Hic numerus Consulatum, illic tempus secundi Consulatus, quo ea res acta, denotatur. Si repetas jam laudata exempla, utramque significationem statim offendes. At unum vel alterum adhuc profero. *Aq-*

toris licet inclinantis latinitatē, qui tamen, si quis alius, propriè & ad grammaticæ amussim scripsit, ut omnes critici fatentur. Is est Sveronius, quem *bis*, & *iterum* eo sensus discrimine usurpasse, quisque collatis inter se his locis animadvertet. *Tiberius*, ait in ejus vitâ cap. 5., *natus est Romæ M. Emilio Lepido ITERUM, L. Munatio Planco Coss. Rursus in Caligulâ cap. 1. de Germanico: Consul deinde ITERUM creatus &c.* At verò mutatâ phrasi de Claudio tradit, quòd eum *equestis ordo BIS Patronum elegit*, cap. 5. & *Messalinam Tauri BIS Consulis abnepsem* vocat in Nerone cap. 35. Ab aliis nedum scriptorum, sed etiam lapidum testimoniis abstineo, ne lectorem, hisce grammaticorum tritis plus equo fortassis distentum, diutius fatigem. Quod verò rei nostræ erat, satis constare arbitror, Antiatres optimè, & ad recti sermonis leges AQUILIUM Procuratorem patrimonii *bis* dixisse, quòd scilicet duabus vicibus eo munere functus fuerit; nec eam rationem solam esse posse, cur lapis noster ab ævo purioris latinitatē prescribatur.

Parum immorabor in vocabulo FABIA, quod inter nomen cognomenque Aquilii Felicis prostat. Locum illum, ut superius indicavimus, semper Tribus, in quâ quis censeretur, sibi vindicabat; efferebaturque ablativo casu. Exempla præter lapides, ubi passim occurrunt, suggerit Cicerò. In Philippica IX. decretum quod à Senatu sanciri petebat, ita exorditur: *Ser. Sulpicius Q. F. LEMONIA Rafus*, & proæmio in Verrem num. 23. ait, *Q. Verrem ROMILIA. Lemonia*, & *Romilia* Tribuum sunt nomina. In inscriptionibus, plerumque Tribus significatur prioribus tantum literis: in nostrâ omnes sunt expressæ. AQUILIUS igitur è Tribu FABIA fuit. Hæc inter rusticæ censebatur, sic dicta quòd in eam copiosissima ac nobilissima hæc gens se coniecerit, ut scribit Sigonius de antiquo Jure Civitatis Romanæ lib. 1. cap. 3. Cum audis rusticam Tribum, ne eam nomine tenus æstimes. Nam apud Romanos

manos rusticæ Tribus urbanis honoratiores habitæ sunt, quod expressit Plinius lib. 18. cap. 3. his verbis : *Sæm distinctio honorque Civitatis ipsius non aliunde erat. Rusticæ Tribus laudatissima eorum qui rura haberent : Urbana vero, in quas transferri ignominia esset, desidia probro. Urbanae etiam ignominiosæ esse coeperunt, vel ex quo Q. Fabius Censor (hujus enim arbitrio Tribus assignatæ, nisi ipse Civibus potestatem fecisset, in quam vellent, transeundi, quod Appio Cæco Censore permissum) A. U. C. 449. humillimos homines omnibus Tribubus, in quibus dispersi erant, excretos in quatuor Urbanas coniecit, ex Livio lib. 1x. in fin. vel quia Libertini, qui Civitate donati erant, in eas detrusi, ut ab ingenuis segregarentur. Atque ideo frequenter ab ipsis ingenuis in rusticas est migratum, & rusticis eo nomine plurimum decoris & ornamenti adiectum. Hæc ferè ex Sigonio eodem cap. 3. & lib. 2. cap. 14. Videas ideo nobilissimas familias rusticis fuisse adscriptas ; imò & earum aliquibus nomen dedisse, ut traditum reperimus de Papiriâ, Corneliâ, Æmiliâ, Fabiâ, & aliis. Non tamèn quòd hæ familiæ rusticis accenserentur, ideo rus incolere ipsis fuit necessum, sed in Urbe quæque pro suo libito habitabat. Ut verò ad Tribum Fabiam redeamus, ei maxima dignitatis, & nobilitatis accessio facta fuit, quòd tribulem suum Augustum Cæsarem numeraverit. Refert Suetonius cap. 40. in vitâ, hunc Imperatorem Fabianis, & Scaptiensibus tribulibus suis die Comitiorum singula millia nummum divisisse. Adstipulatur lapis Brixientis apud Gruterum pag. 226. 3. C. JULIO. C. F. FAB. SCAPT. CAESARI AUGUSTO : Duas Tribus retinuit Augustus, unam scilicet gentilem familiæ Octaviæ, alteram Juliorum, in quorum nomen per adoptionem transierat. Cujus moris exemplum aliud profert epigramma Cordubense pag. 435. 1. inscriptum L. MANLIO. A. F. AN. GAL. BOCHO. Nempe ex tribu Aniensis, & Galeriâ. In partem honoris, quo Augustus tribum Scaptiam illustravit,*

stravit, mea quoque Urbs patria *Forum Julium* accedit, in quam olim Colonia ex eâdem tribu fuit deducta. Dùm lapides antiquos, qui apud nos extant, congesseram, stylus in his diutius perductus, longè ab instituto distraxit. Quare, ne merium, qualecunque apud Cives sit hoc futurum, labori depereat, consultius duxi, dissertatiunculam jam adornatam in alium locum seponere.



CAPUT III.

Cur vocabulum Acensus immutatum. Accensorum quot genera apud Romanos. Singula explicantur. De Accensis Velatis latius differitur. Sacrificantes velati. Scaliger notatus. Vela cubiculo Imperatorum obienta. Magister Admissionum, & Admissionales qui. Praefectus cubiculo malè qui nunc Mastro di Camera. Ministri ad fores, & velarii, qui fortè & velati. Vela obducere bodiè Alzar la portiera. Tribunalia Judicum olim velo clausa. Statores qui apud D. Jo. Chrysostomum. Jidem Apparitores, & Accensi. Accensus est adscriptus, quæ alia nostræ inscriptionis interpretatio. Tertia demùm, quæ vocabulum Acensus vertit in à Censibus, proponitur & explicatur. Censuræ dignitas & nomen ab Augusto abolitum: res, & auctoritas mansit. Nomen etiam quibusdam Imperatoribus usurpatum. Dio Cassius arguitur. Censura quid avo inferiori. Munera Censoria privatis tributa. Quid esse à Censibus Equitum Romanorum, quo officio Aquilius functus fuit? de ordine equestri aliqua delibata. Equites adlecti, decuria Equitum. Lipsius reprehensus. Equitum transvectio, & probatio. Svetonius illustratus.

ACENSUS EQUIT. ROMAN.

A Censibus Equitum Romanorum



STATIM quis mirabitur, cur vocabulum ACENSUS licet in nostro lapide nullo literarum vitio corruptum appareat, nihilominus immutaverim, atque in A CENSIBUS abire jusserim. Nam *Accensorum* nomen & officium norum apud Veteres, quo functum fuisse AQUILIUM proum sit interpretari. Ità sanè: sed & vocabulo vis esset faciendæ, & rei ipsi, si eam explicationem admitteremus

mus. Quò enim sensus locutionis legibus grammaticæ consentiat, *Accensus* nominandi casu in lapide exsculptus, in dativum migrare cogendus esset, poscente id AQUILIO, qui hoc eodem casu prefixus est inscriptioni, & proinde legendum: *Accenso Equitum Romanorum*. Vel subsidium relativi nominis esset querendum, quo subintellecto, verba hoc modo efferri deberent: *qui fuit Accensus Equitum Rom.* accersito utrobique uno elemento, ne *Accensus* de jure suo duplicis C, quo Scriptorum omnium & lapidum testimonio semper usus est, decederet. A re ipsâ verò abhorret, AQUILIUM inter *Accensos* referre. Quod ut ostendam, singula eorum genera percurram. Nec operi pretium dedit, nam & eos antevertam, quibus contraria opinio aridet, & dignitati AQUILII consulam. Hinc aliam interpretationem, quæ merito suo ceteras antecellit, discutiam: demum nostram asseram & explicabo.

Romanos in Magistratibus ad vim & potestatem Imperii exerendam, tum ad dignitatis honestamentum & decus, turbâ ministrorum usos fuisse compertum est. Hos inter numerantur *Accensi*, quorum munus erat *populum ad concionem seu conventionem vocare*, non solum *Consulis*, & *Censoris*, sed etiam *Quæstoris*, ut ait Varro de lingua lat. lib. 5. propè fin. undè *Accensus Consulis* in lapidibus apud Gruterum pag. 94. 11. & 460. 13. vel ut legendum esse Salmasius de re militari Romanor. cap. 14. contendit, *Accensus Consuli*. Plinius hunc *Accensum Consulum* pronunciasse horam meridiæ, cum inter rostra, & Græcostasim prospexisset Solem, refert lib. 7. cap. 60. quo illustratur verus comœdiæ, quem citat Varro loco mox laudato: *ubi primum Accensus clamavit meridiem*. Subdit idem Auctor quòd in aliquot rebus idem ut *præco* *Accensus acciebat*, à quo *Accensus quoque dictus*. Exemplo esse potest indictio silentii, quam fieri ab *Accenso* innuit Cicero ad Q. Fratrem Epist. 1. lib. 1. at Livius Præconi attribuit lib. 7. *Tum Scipio silentio per Præconem facto*. Adde quòd & singulæ Tribus ha-

habuisse Accensum videntur, fortasse ut eas ad concionem, quisque scilicet suam, advocaret; in lapide enim Auximano 683. G. Oppius dicitur IN TRIBV. CL. PATRV. ET. LIBERV. CLIENTIV. ADCENSVS. nisi adcen- sus stet pro *adscriptus*.

Nec tantum in Vrbe, sed in Provinciis quoque, Con- sules, aliosque Magistratus stipabant Accensi, absque ullo tamen honoris, aut imperii insigni, quod permittebatur li- ctoribus, fasces suos ubiq; preferentibus. Cicero lib. 3. fami- liar. epist. 7. *A Pausania Lentuli liberto Accenso meo audi- vi*. Tunc Imperatorem agebat Tullius, & Laodiceæ mo- rabatur, ut ex ipsâ epistolâ apparet. Livius lib. 3., de Magistratibus in Provinciâ loquens ait: *Collegis novem singuli Accensi apparebant, penes Præfectum juris fa- sces duodecim erant, fasces enim à licitoribus deferaban- tur*.

Quisquis ergo *Accensum* velit *Aquilium*, ut sicut Con- suli, Prætori, ipsisque Tribubus *Accensi* ad munia, quæ re- tulimus, inserviebant, ita etiam equestris Ordo suos *Accensos* ad eadem officia obeunda, detinuerit, quos inter unus fue- rit ipse *Aquilus*, cum profectò ipsorum conditionem & statû non advertisse necesse est. *Accensi* plerumque ex genere Libertorum erant, ut L. Mummius in lapide pag. 632. 2. C. Oppius 68. 3. & liquet ex Tullio locis indicatis. Hique ex infimâ libertorum sorde, quippe qui Licloribus, Apparito- ribus, & Præconibus pari gradu, & æquâ conditione cen- serentur, quos servos fuisse, & vilibus, abjectisque officiis addictos scimus. Videas absolutissimum Laurentii Pigno- rii opus de servis. Quis verò inter hæc sordida & proleta- ria hominum nomina projicere audeat AQUILIVM, quem statim *Præfectum* Classis Ravennatis, & tot præclaris di- gnitatum titulis perfunctum prodit nostra inscriptio? Nec, fieri potuisse, dicas, ut exinde ad majora, qui non insolens fortunæ jocus est, Reipublicæ munera conscenderit; nam anteaquam conditionis vilitatem potius silentio obvoluissent

Antiates, quàm publico testimonio ante omnium oculos protulissent.

Hæc eadem nos vetant, AQUILIVM secundo generi *Accensorum*, qui in militia Romana versabantur, adscribere. Hos duplici vocabuli significatione appellatos reperio. Alii ex quinta & infima Classe Civium Romanorum delecti extrâ legionem erant, lapidibus fundisque instructi, quare *minimæ fiducia manum* eos vocat Livius lib.8. eoque & in postremam aciem reiectos fuisse ait, quo Rorarii & Ferentarii locabantur. *Adscriptis* Festo dicuntur, quia supplendis legionibus *adscribebantur*, & in locum demortuorum militum subrogabantur. Hinc nec legionarii, nec verè milites erant. Sub extremâ Republicâ ordo hic militiæ obsolevit, unâ cum Velitibus, Rorariis, & ceteris levis armaturæ nominibus, qui primum Antesignani, & Vexillarii, postremò Armaturæ, & Excultores sunt vocati, ut Salmasius in opere posthumo de re militari Romana cap.19. pluribus ostendit. Quæ etiam ratio est, cur AQUILIUS, qui ævo Impetorum floruit, inter hos Accensos nequeat reponi. Alii in militia *Accensi* dicti, qui *deputabantur ad obsequia Judicum, & Tribunalium*, teste Vegetio lib.2. cap.19. imò *Consulum, & Pratorum*, ex Varrone apud Nonium de propriet. sermon. verb. *Accensi: ut Consules, & Pratores qui sequuntur in castra Accensi dicti, quòd ad necessarias res sapius acciantur veluti accersiti*. Notabis Varronis inconstantiam in etymo hujus vocis. Rursus Accensorum ministerium latius patuit. Nam Decurionibus, & Centurionibus erant attribuci, ut iidem auctores tradunt, & sequiori ævo *Optiones* dicti sunt, ex Festo. Plura de hoc postremo nomine in rem dicenda essent, sed ad alia properamus. Jam vides utramque hanc *Accensorum* speciem infimæ inter milites, & in castris notæ fuisse, indignumque AQUILIO vocabulum.

Tertium genus est *Accensorum Velatorum*. De his plu-

plurima mentio in inscriptionibus antiquis; invenies etenim apud Gruterum pag. 479. 1. inscriptum saxum L. Valerio *Accenso Velato*, pag. 483. 3. L. Varronio Capitone pag. 485. 6. M. Vesprio Jucundiano, & 624. 2. T. Statilio Apro, qui omnes sunt Cives Rom. adscripta enim est de more inter nomen, & cognomen sua cuique Tribus. Contrà, Libertos proferunt quatuor lapides apud Cl. Fabretum cap. 6. pag. 433. postremi operis inscriptionum, quod nuper maximo literarum bono in lucem emisit, ubi & *Accensos Velatos* in Collegium coaluisse primus omnium observat. At eorum officium & munus nullus veterum tradidit. Festus Pompejus verbo *Adscriptitii*, eumque sequutus Salmasius de re milit. Rom. cap. 14. & 15. inter milites asciscunt, quos jure & merito coarguit idem Fabretus, & *Accensos Velatos* ad sacra pertinuisse arbitratur. Hanc sententiam, quam sanè eo nondum viso animo versabam, ut paucis exornem, permittat doctissimus vir eâ humanitate, quâ me in limine ejusdem operis honorificè appellatum voluit. Ita tamen, ut aliud etiam transgredi liceat, quò pluribus locis pertentatis, alicubi latentem antiquitatem fortassè expiscemur. Interim AQUILIUM inter hos *Accensos* nemo putaverit, cum in nostro lapide absit ea *Velati* nota, quam ubique ipsis affixam comperimus.

Itaque *Accensos*, licet nusquam in sacris memoratos, tamen ratio ipsa suadet iis fuisse adhibitos; cum ministerium, quod in magistratibus agebant, necessarium etiam in re sacrâ fuerit. Cieri quippe oportuit populum ad sacrificium, horam designari, & silentium, quo religionis majestas constat, indici. Quæ munia non aliis quam *Accensis* tribuenda, qui hæc eadem, ut vidimus, magistratibus commo-
dabant. Sanè Consuli, Prætori, ac Quæstori Lictores, Præcones, & *Accensi* aderant. Primos reperimus etiam Sacerdoti apparuisse, quod testimoniis non eget, quare nec *Accensis* destitutum par est credere. Seneca in fragmentis quæ refert S. August. de Civ. Dei l. 6. c. 10. hæc à Paganis publi-

cate dementia officia diis suis præstita recenset : *Alius numina Deo subijcit , alius HORAS Jovi nuntiat , alius Licitor est &c.* Quis ille Jovi horas nuntians, nisi *Accensus*, quem eodem munere functum in re prophanâ, ex Varrone & Plinio jam diximus ? Profectò & ei jungitur *Licitor*, ut communia officiorum nomina scias. Hoc prætereâ suadet ipsum *Velatorum* nomen quo *Accensi* vocantur. Nulli enim id magis congruit, quam rei sacræ ministris. Quod cum ostendero, simul & causâ appellationis ipsa se prodet.

Sacrificulos antiquitus operatos capite adopterto, passim in nummis, in Columnâ Trajanâ num. 76. & lapidibus apud Choul à pag. 262. conspiciamus ; & quidem vestibus ipsis ad aures abductis, quod & Servius notat ad locum Virgilii statim producendum. Ejusmodi ritus originem *Æneæ*, Gentis & Religionis principi, referunt, qui cum sacrificaret, & vereretur ne ab hoste cognitus periculum subiret, itemque rem divinam interrumpere summum nefas duceret, caput velamento obduxisse narrant, atque ita pleno ritu sacra perfecisse. Inde posteris traditus mos ita sacrificandi. Id ipsum, *Æneam* ab Heleno hausisse innuere vult summus Poëtarum *Æneid.* lib. 3. vers. 405. cum hunc loquentem inducit.

*Purpureo velare comas adoptertus amictu ,
Ne qua inter sanctos ignes in honore Deorum
Hostilis facies occurrat , & omina turbet.*

In quem locum Servius ait : *Sacrificantes capita velare consuetos ob hoc, ne se inter Religionem aliquid vagis offerret obtutibus.* Vellem, nostri vero Deo sacra peragentes discerent licentiam oculorum coercere. Alia Poëtarum testimonia lubens prætereo.

Illud verò operimentum non semper togâ ad caput obductâ constabat. Sed magis propriâ vocabuli notione, *Velum* erat tenue & textile, quod *Flameum* appellabant. Seneca in *Octaviâ*, si modo is auctor Tragædiæ, act. 2. sc. 1.

Tbu-

. . . . *Tbura cum superis dares,
Sacræque grato spargeris aras mero
Velata summum flameo tenui Caput.*

Ab hoc ritu capita flameolo velandi, tegumentum, quo operiebantur Sacerdotes, *Rica* fuit vocatum, quòd scilicet *Romano ritu femine cum faciunt, capita velant*, ut tradit Varro lib. 4. de lingua Lat. De hoc vocabulo plura Andreas Dacherius in notis ad Festum pag. 463. Male vero Scaliger in conjectaneis ad eundem Varronem pag. 37. putat *Velatos* dictos, qui caput cinctum licio laneo habebant. *Velare* enim est à *Velum*, quasi *Velo tegere*, ut deducit Vossius in etymolog. & licet Flamines aliquando filo laneo caput religare consueverint, ut legatus ille apud Livium ab ipso Sciligerio in rethem adductus, id potius per licentiam factum, quia scilicet ob estum nimis illis molestum foret, pileum seu velamentum ferre. Et ipsa ritus origo jam tradita, docti viri sententiam convellit, Quò enim fieri poterat, ut Æneas hostibus sese occuleret, si filo tantum caput præcinxisset? Adde quod *velare* etiam de alio quovis membro, immo & toto corpore dicitur, exemplis mox recitandis.

Quæ de ritu capita velandi hucusque differuimus, licet verè ad Sacerdotes spectent, cum alii ministri coronati incederent, ut videre est in antiquis monumentis, & præcipuè in insigni lapide anaglypho apud Casalium de Imperio Romano. de sacrificiis cap. 1. attamen *velatos* etiam alios, præter Sacerdotes comperimus, ut Trojani apud Virg. lib. 3. v. 545.

Et capita ante aras Phrygio velamur amictu,
Et mulier pro Citharædo diis vota fundens, apud Juvenalem Sat. 6.

. . . . *Stetit ante aras, nec turpe putavit
Prò Cithara velare Caput.*

Immo, & manus velatas supplicantes gestabant, unde *velatis manibus orare*, habet Plautus in Amphitruone. Et Romanos idèò libros Sybillinos *velatis manibus* inspexisse ait Vopiscus in Aurelian. cap. 19. quam lectionem ità restituit Sal-

Salmasius, cùm vulgo legatur *veteranis manibus*. Demum nummus Lentuli Flaminis Dialis exhibet Camillum puerum ei præministrantem capite adoperto, ex Gutherio de vet. Jure Pontic. lib. 2. cap. 13. Et eundem Camillum videre est *velatum* seu vittatum in Columnâ Trajanâ num. 74. Eum vero morem in adulationem principum traduxit quicumque eos velut Deos colere volebat. Primus id instituit Vitellius cum *reversus ex Syria C. Cæsarem*, non aliter adire ausus est, quam capite velato, inquit Suetonius in Vitellio cap. 2. Ad quem ritum forte respexit Plinius in præfatione historiæ naturalis, ubi alloquens Vespasianum *te quidem*, ait, in *excelsissimo humani generis fastigio positum summa eloquentia, summa eruditione præditum religiosè adiri etiam à salutantibus scio*.

Quare fieri potuit, ut & *Accensi* sacrificiorum, si non *velum* capitis, quod proprium Sacerdotum, vestem aliam ministerio peculiarem, ceterisque distinctam gesserint, eoque *Velati* appellarentur. Velati enim vestibus sacris quoquo modo induti dicebantur. Ovid. lib. 3. Amor. eleg. 13.

Mores patrum sanctæ velatæ vestibus albis,
Et lib. x. Metamorph.

Festa piæ Cereris celebrabant annua matres

Illa quibus niueâ velatæ corpora veste.

Demum Virgilius *Æneid.* 12. vers. 120. describens ministrantes sacris, ait:

Velati lino, & verbenâ tempora vincti
vel ut alii apud Servium legunt *Velati limo*, quod genus est vestis quâ ab umbilico usque ad pedes Popæ tegebantur. Popæ ministri erant sacrificiorum.

An verò *Accensos Velatos* ità in templis certè deprehensos credamus? Sanè ut rem adhuc obscuram arbitror, sic eosdem etiam in palatiis quærere constitui. Cubiculi imperatorii foribus prætexta *Vela*, siue ut oculos arcerent, seu ad majestatem & venerationem, veterum testimoniis apertò liquet. Lampridius de Heliogabalo, seu mavis Ala-

gaba-

gabalo, scribens in vitâ cap. 14. *qui subito inquit militum strepitu exterritus, in angulum se condidit, objectuque veli cubicularii, quod in introitu erat cubiculi, se texit.* Etiam Caligula timore cordis perterritus inter prætexta foribus vela se addidit, teste Sveton. cap. x. Apud Persas quoque regii coenaculi januæ obditum fuisse velum memorat Athenæus lib. 4. cap. 10. pag. 145. edit. Græcolat. Casauboni. Vela igitur ad interioris cubiculi, quo aditum ad Principis consistorium patebat, fores prætendebantur. At proxima ante ipsum statio cancellis septa, clausaque erat. Intra hos cancellos admissus, adhuc velis à Principis aditu excludebatur; unde Sidonius lib. 1. epist. 2. *turba, ait, satellitum immurmurat exclusa velis, inclusa cancellis.* Hoc spatium, intrâ cancellos & vela, interioris admissionis fortasse vocavit Seneca de Clement. cap. 10. lib. 1. & alio loco de domo privatâ loquens, in quâ deinceps, ait, *multa sunt ostia quæ receptos quoque excludant* lib. 6. de benef. cap. 23. Hinc Lampridius Severi Alexandri facilitatem laudat, quòd salutaretur quasi unus de Senatoribus patente velo, admissionalibus remotis, aut solis qui ministri ad fores erant, cap. 4. Admissionales ad principis colloquium confluentes admittebant, unde nominis appellatio. Refert Plinius lib. 33. cap. 3. Claudii Libertos admissionem præ arbitrio dedisse. De admissionalibus extant leges 3. & 7. Cod. Theod. de privilegiis eorum, qui in Sacr. Palat. Eorum quatuor fuisse decurias scribit Salmasius ad Vopiscum in vit. Cari cap. 8. in fine adnotation. Omnes autem suberant *Magistro admissionum*, præclarum, & nobilissimum in aula Cælaris officium & dignitas. Ejus fit mentio in lib. 12. Cod. Theod. de Senator. apud Vopiscum in Aurelian cap. 12. in fin. & Ammianum Marcellinum lib. 15. §. cap. 5. ubi notat doctissimus Valesius, eum viros honoratos in consistorium Principis introduxisse: ait enim Ammianus, Ursicinum vocatum fuisse *per admissionum Magistrum*, qui mos est honoratior. Sane reperio Senatores, & Legatos exterarum gentium ab hoc Magistro deductos ad Prin-

Principem, apud Cassiodorum in formulâ hujus dignitatis lib.6.form.6. ibique etiam appellatur *gloriosus donator aulici Confistorij quasi quidam Lucifer*. & Corippus de laudibus Justini lib.3.ait:

*Vt letus Princeps solium conscendit in altum,
Membraque purpureâ præcelsus veste locavit,
Legatos Avarum jussos intrare Magister &c.*

Hinc perperam, ut opinor, etiam viri docti, quem hodiè *Mastro di Camera* dicimus, cum nempe, qui volentes adire Principem, intromittit, *Præfectum cubiculo* vocant. Nam verè *Magstrum admissionum* appellandû ex jam dictis constat. Et Præfecti, seu Præpositi sacri cubiculi alia erat dignitas & diversum officium. Curam enim & custodiam ipsius cubiculi seu thalami (qua voce utuntur Græci scriptores) imperatorii gerebat, de quo videas Pancirolum in notitiâ Imperii Orient. cap.60. Bulengerum de Imperio Roman. lib.3. cap.29. & Gutherium de offic. domus Augusti. lib.3. cap.29. ubi cum Gallis esse *Grand Chambellan* notat. Hanc Magistri admissionum dignitatem tot titulis claram, tot insignibus opulentam, ut verbis Cassiodori loco mox laudato utar, apud Sanctissimum D.N. INNOCENTIUM XII. implet & ornat Illustrissimus D. Franciscus Aquaviva Aragonius ex Atriæ Ducibus, in quo videas splendidissimum genus & præclaras virtutes veluti de principatu contendere.

Præter admissionales ante cubiculum Imperatoris vidimus à Lampridio memoratos *ministros ad fores*. hos puto observasse *vela*, eaque diduxisse, ut pateret aditus introeuntibus, quod hodiè dicitur, *alzar la portiera*: ideoque appellatos fuisse *velarios* in inscription. Gruterian. pag. 599.7. THALIVS. PRAEPOSITVS. VELARIORVM. DOMVS. AVGVSTAE. & num.8. L. FLAVIVS. SV-PRA. VELARIOS. DE DOMV. AVG. Quamvis *ministros à foribus, à Velariis* distinguat Salmasius ad Lampridii locum recitatum, nullo certe testimonio. *Velarios* itaque ut ad rem nostram tandem accedamus, *Velatos* etiam dictos liben-

libenter conicerem, eosque esse quos quærimus, *Accensos velatos*. Nomen *Accensi* non alienum videtur. Nam *Accensi* in militia idem appellati, quod ad necessarias res sæpius acciantur, veluti accersti, quos nunc dicimus, deputati: Verba sunt Nonii Marcelli de proprietate sermon. verb. *Accensi* ex Varrone lib. 20. Rhetoric. Quidni ergo & nostri, quod sæpius accierentur, seu vocarentur ad obducenda vela, vel quod ad ipsa essent deputati, *Accensi* dicti sunt? Imò etiam fortasse, quod ad vela adstarent, uti mox videbimus. *Velati* porro appellatio licet potius passionem, quod scilicet quis velo sit indutus, quam actionem externam observandi vela, denotare videatur; non insolens tamen ea est notionis permutatio, cujus vel ipse *Accensus* exemplum suggerit, quem Varro loco jam adducto, dictum ait, quia acciebat populum: Et tamen *Accensus* passionem designat, ut scilicet potius ipse accieretur, ut supra ex eodem Varrone deduximus.

Verum sub aliis fortè velamentis *Accensi* latent, ea itaque abducamus. Sicut Principis Consistorium, ita Secretarium & Tribunal Judicis vela clauderant. Causas de submersis navibus velo levato cognosci, discernunt Imperatores Honorius, & Theodosius in leg. ultimâ Cod. Theod. de naufragiis: & leg. primâ de officio Rectoris Provinc. ejusdem Codicis, ne sit venale judicis velum, jubet Constantinus: in quam rem plura eruditè congerit Jacobus Gothofredus in annot. ad hanc postremam legem pag. 41. & 42. tom. 1. Hinc *judex veli* subscribit decreto Alexii Comneni in ejus Rationario, quod vulgarunt Monachi Benedictini S. Mauri in Analect. Græcis pag. 380. Velamina hæc per publicum statorem diducebantur, cum sententia esset proferenda. D. Jo: Chrysostomus in Matth. cap. 17. homil. 56. quemadmodum enim, inquit, cum publicè sententiam judices prolaturi sunt, velamina statores contrahunt, ut ab omnibus videantur sic &c. Hi statores in textu Græco Chrysostomi dicuntur *παρῆντες* quæ vox derivatur à *παρῆς*, hoc est *sisto propè*, seu *juxta*, uti ostendit Henricus Stephanus in

Theſauro linguæ Græc. col. 1777. tom. 1. & *παρῆται* est praſto eſſe, apparere, apparitoris munere fungi, ex Budæo. in Comment. linguæ Græc. pag. 217. edition. Pariſienſ. an. 1548. unde *παρῆται*, qui *vela* judicum obducebant: apud Chryſoſtomum, ipſi erant *apparitores*; quo nomine etiam *Accenſi* notabantur. Profecto Reinſius claſſe 1. inſcript. 19. *Statorum* Civitatis Viennenſis, de quo apud Gruterum pag. 631. 3. eſſe *Accenſum*, ſcribere non dubitavit. Ergo qui ad *vela* judicum adſtabat, verè *Accenſus*, atque inde *velatus*, eâ ratione quam paullo ante reputabamus. Lapis eſt apud Gruterum p. 1109. 5. in quo L. Largius dicitur VELATVS. IN. PRÆT. Prætorium locus erat in provinciâ, in quo Prætor, ſive Proconſul jus dicebat. Num igitur Largius ex his *Accenſis velatis* unus fuit, qui ad Prætoris Tribunal adſtabant?

At nos tandem ab hiſce Velorum impedimentis extricemus. Puras, — putas conjecturas dedimus, dum *vela* tractavimus; at dum *Accenſos* tam in foro, quàm in militia luſtravimus, ab eorum numero AQUILIUM noſtrum vindicaſſe certis argumentis arbitramur. Secundam itaque vocabuli ACENSUS, quo noſter lapis inſcribitur, interpretationem aggrediamur. Ea commutationem caſus, & literæ acceſſionem retinet, ſed Accenſum nomen adjectivum ſeu participans facit, eo ſenſu ut dicatur, AQUILIUM *accenſum*, hoc eſt *accenſum*, ſeu *adſcriptum* fuiſſe equiſibus Romanis, profertque verba in hunc modum: ACCENSO. EQUITIBUS. ROMANIS. Lectionem hanc mihi indicavit vir ſummus, dignitate juxta ac doctrinâ ſacrâ & profanâ eminentiſſimus, quam ſi paucis illuſtravero, id mihi in honoris præcipui argumentum vertam.

Sanè ipſa nominis originatio calculum conjecturæ maximum addit. *Adcenſi* milites dicebantur, ait Feſtus verb. Adſcriptitii, quod ad legionum cenſum eſſent adſcripti, & verb. *Adcenſi*, ita appellatos ſubdit, quia ad cenſum adſiciebantur. Ergo translata vocabuli ſignificatione à militari ad equeſtrem ordinem, appoſitè dicimus, AQUILIUM *Adcenſum*, ſeu

seu *adscriptum*, & *adjectum* fuisse ad censum Equitum Romanorum. Egregiè Varro & prope ad rem, *quosdam accensus equitibus* fuisse, ait, lib. 4. & simili phrasi Lactantius lib. 5. cap. 2. loquitur de Demosthene, *qui religioni, cui fuerat accensus* &c. prout emendavit Janus Guglielmus in Plauti Menæchmos cap. 3. nam vulgò legitur *assensus*. Fortasse etiam dici posset, extrà numerū Equitibus Romanis *accensum* fuisse Aquilium, quæ vis & significatio ejus vocabulī aliquando est, ut apud Vegetium lib. 2. c. 19. *deputabantur milites, qui vocabantur Accensi*, hoc est postea additi quā fuisset legio completa, quos nunc supernumerarios vocant. Verū hos supernumerarios qui non militabant, sed in locum deficientium subrogabantur *incensitos*, & *adcrecentes* vocatos fuisse putat Jac. Gothofredus in leg. unic. Cod. Theod. de Classiariis to. 3. pag. 531. Ita ergo & AQUILIVS supernumerarius fuit inter Equites Romanos. Videtur enim ex Halicarnasæo præfinitus eorum numerus, licet Salmasius repugnet.

Libenter equidem in hanc interpretationem, & maximi auctoris reverentiā, & quòd egregiè in rem concinat, me deduci paterer, nisi alia expeditior, eaque nullā literarum inversione ad casuum discrepantiam conciliandam adhibita, occurreret. Nam parcius, quam fieri possit, ea libido saxeas literas pro libitu recudendi, exerceri debet; & nonnisi desperatis rebus, itaut sensus & interpretatio lapidis aliter constare nequeat, quo melius fidei & diligentiae antiquorū consulatur. Certè nostra inscriptio tam affabrè & ad politiorē delineandi regulam est incisa, ut vix credibile sit Quadratarium in pinguem adeò errorem impegisse, & semel iterumque in unā eademque vocali peccasse. Et quamvis sculptores rude hominum genus fuerint, & sæpè voces corruptissimè in lapidibus efformaverint, attamen à nostro ea suspicio amovenda, cum publico decreto in Coloniā Urbī proximā, & sub oculis Curatorum ipsi operi à magistratu delectorum, fuerit conscriptus; uti ad rem animadvertit Vossius de arte Grammat. lib. 1. cap. ult. pag. 163. Nec sanè

deceptus sum in epigrammate legendo vel exscribendo, cum characteres sint nitidissimi, & nullâ, post tot secula, labbe corrupti aut protiti; illudque modò etiam sub oculis habeam, exceptum in chartâ papyraceâ ad modum, q nem docet accuratissimus Fabrettus in præfatione epistolari postremi Operis jam laudati.

At nos etiam in hanc legem peccavimus, qui vocem ACENSUS in A CENSIBUS migrare iussimus. Verum equidem fateor: sed cum perpetuis veterum inscriptiones abbreviaturis (parcant Grammatici) scateant, nostra non vocabuli interversio, nec mendi grammaticalis correctio est, sed simplex contractionis extensio & supplementum, illudque ex re ipsâ promanans. Ostendam enim, præter alia notarum contractarum exempla, quòd ubi in faxis vocabulum *Acensus* à casu præscripto discrepans, & per unicum C exaratum invenitur, semper in *à Censibus* sit permutandum. Quod verò hoc officii genus, & quàm usurpatum Cæsareo ævo fuerit, deinceps aperiàm, quo magis magisque nostra lectio, & AQUILII dignitas illustrabitur.

Quòd igitur primum spectat, statim profero inscriptionem Gruterianam pag. 630.5.

L. POMPEIO. AVG. LIB
 & FORTVNATO
 N V M E N C L A T O R I
 ACENSVS. LICTORI
 AVG. III. DECURIAR
 POMPEIA. PIA
 VXOR. VIRO
 RARISSIMO FECIT.

Marmor ipsum cum suâ inscriptione ex hortis Julii III. Pont. Max. delineatum, & æri diligentissime incisum exhibet Boissardus tom. 4. inscription. seu monumentorum pag. 82., ne quis fidem. scriptionis Gruterianæ in dubium revocare possit.

possit. Vides itaque nomen ACENSUS eo prorsus modo exsculptum ac in nostrâ inscriptione unico C & casu nominatio, licet Pompejus & Nomenclator quibus connecti debet, dativo efferantur. Quid ergo? Mendum & lapsum Marmorarii statim exclamabis? Non ita certè: sed hic etiam nomen est contractum, in A CENSIBVS resolvendum. Fidem alterius lapidis appello, à quo & hic ipse, & noster Antias lucem & explicationem mutuatur. Exstat apud Gruterum pag. 599. 4.

DIIS. MANIBVS

T. CLAVDI. AVG. LIB

THALETIS. VINICIANI

NOMENCLATORIS

ACENSIBVS

THALLVS. ET. IANVARIA

LIB. DE. SVO. POSVERVNT.

Addo alium pag. eadem num. 5.

ZOSIMIANVS. AVG. LIB

NOMENCLATOR

A. CENSIBVS

Quid ultra quæramus? Nonne Nomenclator *acensus* idem est ac *à censibus*? Porro si quæras quid rei sit huiusmodi Nomenclator *à censibus*, docet aliud epigramma pag. 630. num. 3. L. VOLVSIO. VRBANO. NOMENCLATORI. CENSORIO. Et pag. 14. 13. idem fortasse L. VRBANVS. NOMENCLATOR. CENSORIVS. Cum enim apud Censores nomina sua uxorum, liberorum, servorumque, Cives profiterentur, Nomenclator eorum nomina ipsis Censoribus in memoriam revocabat, atque inde dictus *Censorius*. Translatâ verò in Cæsares Censoriâ potestate, Nomenclator *à censibus* appellatus fuit, ut notat eruditissimus Pignorius in tractatu de servis pag. 140. editionis Patavinæ 1656.

Adhuc luisse marmora in hac voce comperio. Massilienſe

liense pag. 403. 5. positum est L. DVDISTIO . . . AD-
CENSVS. PROVIN. LVGDVNENS. Cernimus hic
etiam turbatam casuum concordiam: neque enim *ad census*
Dudistio convenit. Non alio in Provinciâ Lugdunenſi mu-
nere fungi hic potuit, quàm Tib. Antistius, cui in tribus
Galliæ Provinciis *primo unquam* EQ. R. A. CENSIBVS
accipiendis Lapis 355.6. inscribitur. Literas singulares ex-
plico, *primo unquam Equitum Romanorum*. Ergo *ad census*
commutatur in *à censibus*, vel si malueris *ad census accipien-*
dos, quod idem est ac CENSITOR *Provincia Lugdunenſis*,
in inscriptionibus pag. 427. 5. & 1025. 2. *Censitor provincie*
census & tributa recipiebat. Palàm igitur est, ex primis po-
tissimum exemplis, in nostro lapide nomen *acensus* esse ver-
tendum in *à censibus*, & AQUILIUM fuisse A CENSIBVS
EQUITUM ROMANORUM. Quæ verò ea dignitas &
munus fuerit, nunc explico.

Nomen Censoris & dignitatem, quæ floreſcente Republi-
câ summæ auctoritatis erat ac honoris, Augustus Cæsar, ar-
repto imperio, abolevit extinxitque: potestatem verò &
vim Cenſoriam in se traxit, ut cetera *munia Senatus, magi-*
stratum, & legum, uti ait Tacitus lib. 1. Annal. cap. 2. Ita
ex privatis post P. Æmilium Lepidum, & L. Munatium
Plancum sub ipſo Augusto, nemo est amplius Cenſor deſi-
gnatus. At neque Imperatores præter Domitianum, qui se
Cenſorem perpetuum dici voluit, eo nomine uſi, cùm tamen
rem ipſam detinuerint. Hæc ex Dione lib. 53. pag. 509. &
lib. 54. pag. 321. editionis Hannovianæ gr. Latin. anni 1606.
quod ſemel ſit præmonitum ad hunc Auctorem ſæpius citan-
dum. Pridem verò Pompejus, dimiſſâ Cenſoris appellatio-
ne, corrigendis moribus delectus fuerat, ex Tacito lib. 3.
An. cap. 28. & Cæſar æmulatione Pompeji, an ad nominis
invidiam amolliendam, *Præſecti morum* titulo uſus eſt, teſte
Suetonio cap. 76. unde per contemptum ſeu jocum *Præſe-*
ctus moribus vocatur Ciceroſi lib. 9. epiſt. fam. 15. ad Papi-
rium. Sub Augusto ea Cenſoris potestas *morum legumque*
regi-

regimen dicebatur, ex nobili lapide apud Gutherium de offic. domus Aug. lib. 1. c. 40. Fallitur verò Dio, qui solum Domitianum inter Imperatores, qui post Augustum *Censoris* nomen usurparunt, neque illud exinde privatis permittum, autumat. Nam Claudium *Censuram* gessisse, *Censorem*que appellatum testantur Suetonius cap. 16. & nummus apud Oiselim tab. iv. num. 3. cum inscriptione in aversâ parte CENSOR, binæque inscriptiones apud Gruterum p. 1131. & pag. 196. 4. quo liquet ipsum in publicis quoque monumentis *Censoris* nomen usurpasse. Ex privatis unâ cum ipso Claudio *Censor* fuit L. Vitellius apud Tacitum lib. 12. An. cap. 4. & hist. 1. cap. 9. in cujus rei memoriam Vitellius filius jam Imperator nummum eussit cum epigraphe: L. VITELLIVS CENSOR apud eundem Oiselim. num. 2. Præterea Vespasianus, & Titus *Censores* inscripti occurrunt in lapidibus Gruterianis pag. 89. 10. & 176. 1. in nummis apud eundem tab. 3. num. 12. & tab. 4. num. 1. & passim apud Co: Mediobarbū à pag. 108. testaturque Suetonius in utriusque vitâ cap. 8. & 6. At post tempora Dionis subolet etiam in Diocletiano vestigium aliquod gestæ *Censuræ*, qui cum omnibus gentibus advocatis daret ludos, *parcissimè usus est eâ liberalitate, dicens castiores oportere esse ludos spectante Censore*, ut narrat Vopiscus in Carino cap. 20. Et Delmatium Hanniballianum Constantini M. Fratrem *Censorem* discimus ex S. Athanasio Apologet. 2. quod perperam Delmatio filio tribuit Socrates hist. Eccles. lib. 1. cap. 27. ut probat Valeſius in hunc locum, & ad Ammianum Marcellinum lib. 14. cap. 1. Itaut immeritò post eum dubitasse videatur Godefridus Hermantius in notis ad vitam S. Athanasii, Gallicè scriptam lib. 1. cap. 14. Pridem verò sub Deciiſ *Censoris* nomen auditum, & Valeriano adhuc privato traditum, ut refert Trebellius Pollio in vitâ cap. 2. Symmachus integro seculo posterior lib. 4. ep. 45. loquitur de repudiata censurâ, *quam totius Senatus fugavit auctoritas*, in quam rem sese orationem tenuisse meminit lib. 5. ep. 9.

Attamen rara hæc exempla & infrequentia: quo factum est, ut paulatim exolefcente Censoris nomine & usu, demum etiam & memoriæ hominum penè exciderit. Nam, uti adnotavit Salmasius ad Capirolinum in vitâ Antonini Philosophi c. 22. scriptoribus ejus ævi *Censura*, prò gravitate vultus cum dignitate conjunctâ, accipiebatur, unde *oris censura*, quæ veteribus oris dignitas erat. Postea etiam pro ipsâ formâ, & pulchritudine oris: unde & *Censorium hominem* vulgò, qui pulcher esset, vocabant. Non omitram apud Gruterum pag. 343. num. 4. *Statuam auro superfusam locatam fuisse Anicio Paulino jun. Consuli ordinario ob meritum nobilitatis, eloquii, iustitiæ, atque CENSURÆ*. Hanc vocem prò severitate morum & exactiore disciplinâ hic usurpatam arbitror, ex usu recentioris latinæ, quem notavit Casaubonus ad proximum Capitolini locum. Anicius Paulinus junior Consulatum gessit anno 334.

Ceteri Imperatores, abjecto nomine, non semper sibi integram & perpetuam *Censoris* auctoritatem, & jus detinere; sed munera *Censoriæ* potestatis exercenda privatim etiam aliquandò detulerunt. Augustus ipse, qui dignitatem *Censoriam* sustulit, *Triumviratum constituit recognoscendi turmas Equitum, quotiescunque opus esset* (quod munus erat *Censorum*) aliaque indè potestatis *Censoriæ* officia inter plures divisit, testante Svetonio cap. 37. L. Volusius, sub Tiberio *Censoriâ potestate legendis Equitum decurijs functus* est, apud Tacitum Annal. 3. cap. 30. quo nil propius ad nostrum argumentum illustrandum, ut mox parebit. Exemplum aliud profero ex Dione in fragmentis lib. 78. pag. 882. ubi sub Caracallâ memorat, Ulpio Juliano commissas fuisse *Censiones*: quem locum perperam à Xilandro redditum, ita restituit Leunclavius ad marginem, doctis omnibus probatus. Porro *Censiones* facere pars erat *Censoriæ* dignitatis.

Ut verò hæc omnia in rem nostram vertamus, videtur cerèdè asseri posse, non aliter intelligendam inscriptionem, quàm quòd Imperator aliquis, cujus nomen nobis divinare non

non licuit, AQUILIO potestatem *consendi Equites Romanos* detulerit, eo prorsus modo, quo apud Tacitum Volusius eadem *Censoriâ potestate legendis Equitum decuriis* functus fuit. Quam AQUILII dignitatem & munus Antiates eâ formâ expresse-
rent, A Censibus Equitum Romanorum, pro more Cæsariani ævi, ut jam ex Pignorio notavimus.

Ergo esse à *censibus Equitum Romanorum*, idem est ac potestate *consendi Equites Romanos* fungi. Censebantur verò Equites, vel cum adlecti in eum Ordinem spectatâ census quantitate, vel cum ad militiam delecti, vel tandem cum in transvectione in ordinem redacti seu norati. Ut de his singulis aliqua attingamus, res ipsa, & AQUILIUS postulant. Censores sicuti ceterorum Civium censum æstimabant, ut in quem ordinem referri deberent, judicarent, itâ etiam Equites ex censu in tabulas describi jubebant, unde Ordo equestris constatus est. Ex hoc verò tantum priscis tēporibus Equites, qui equo publico mererent, & legionibus assignarentur, delecti. Postea ex plebe etiam ipsâ Censor eligebat, qui censum haberent equestrem, ut Equites fierent, & equi publici iis assignati, ut in legionibus militarent. Ita Salmasius de re militari Rom. cap. 21. putat interpretandum locum Polybii satis vexatum, ubi ait: *olim quidem equites solent legere, post pedites, nunc vero priores capiunt iuxta opes, secretionem eorum à Censore factâ*. Censu equestris, etiam Imperatorio ævo, erat quadringentorum millium sesteritium; Martialis lib. 5. epigr. 16.

Quadringenta tibi non sunt, Callistrate, surge.
 alia Scriptorum loca prætereo.

Legebantur ex singulis curiis, ex insituto Romuli, & aliqui equo publico donabantur, alii equo privato mererent. At gravis est quæstio inter doctos antiquitatum, num omnibus Equitibus publicus equus fuerit assignatus, an verò aliqui privato equo militarent. Sigonius de jure antiquo Civium Rom. lib. 2. cap. 3. Rosinus, & in eum Dempsterus antiq. Rom. lib. 1. cap. 17. putant Equites solos, qui Romæ in

equestrem Ordinem adlecti erant, opponebanturque Senatoribus, equo publico meruisse: illos verò qui in exercitu peditibus respondebant, equo privato. Salmasius loco indicato, tantum ab hac sententia abest, ut existimet, nullum Equitem fuisse, nisi cui equus esset publicus assignatus: ex eo verò numero lectos, qui legionibus adscriberentur, legionarios milites. Nullus ideò erat, qui non equo publico mereret, etiam ex equitibus legionariis. Quid in hoc opinio- num dissidio sit statuendum, non vacat ad examen vocare. Sanè passim in veteribus inscriptionibus equi publici mentio, idque inter ceteros honores accensebatur. Quod argu- mento esse videtur privato equo alios meruisse. Pueris etiam id honoris aliquandò tributum: ut de Marco Antonino adhuc *sexenni* narrat Capitolinus in vita cap. 4. quem locum ita emendarunt Casaubonus, & Salmasius.

Censores itaque Equites legebant, qui militiæ nomen darent. Hinc Volusium *Censoriâ potestate legendis Equitum decuriis* functum ait Tacitus, loco semel iterumque laudato. Decuria Equitum tertia pars turmæ erat, quarum decem cohortem seu alam in unaquaque legione constabant. Lapis Reatinus 1028. 2. exsculptus est *L. Petronio equo publico ex quintâ decuriâ*, Norimbergensis 45. 4. Veteranum præfett *ex decuriâ ala Tami*; alter 548. 10. *ex decuriâ ala prima*. Et *decuriati* Equites apud Livium lib. 22. quòd in *decurias* essent distributi. Hinc *decuriones*, qui decuriam regebant Tacito An. 13. cap. 40. & hist. 2. cap. 29. & aliis passim. Quòd itaque ipse Tacitus Volusium *decurias Equitum* legisse dicat, idem est ac *delectum Equitum* habuisse, ut in *decurias* legionum adscriberentur. Ita epigramma apud Panvinium de Civitate Rom. pag. 63. nuncupatur cuipiam, cujus nomen detritum, PRAEF. IVVEN. EQVO. PVBLICO. ADLECTO IN. V. DECVR. Obiter noto titulum *Præfetti juventutis*, nam Princeps juventutis ubique vocatur, qui equestris Ordinis primus. Novus hic titulus fugit diligentissimum Spanhemium, qui plura de hoc Principe juventutis refert in
differ-

differt. 6. de usu Num. pag. 664. Non moror Lipsium, qui in hunc Taciti locum dubitat, an potius Volusius *decurias* *Judicum* legerit, quod censorium olim munus erat. Quamvis enim judices ex Ordine equestri sumerentur, in quo etiam variatum, nusquam tamen Equitum nomine sunt appellati. Id ex Plinio lib. 33. cap. 3. mihi aperte constat. *Divo Augusto*, inquit, *decurias ordinante, major pars Judicum in ferreo anulo fuit: iique non Equites, sed Judices vocabantur.* Tacitus qui rem proximam ad Augusti tempora narrat, & Plinio fuit æqualis, Volusium dixisset perfunctum potestate legendi *Judicum decurias*, non *Equitum*. Ità intelligo, invitis licet Interpretibus, locum Suetonii in Tiberio cap. 41. ubi ait, cum regressum insulam Capream ad eò Reipublicæ curam abjecisse, et postea *non decurias Equitum unquam supplerit*, sequitur enim, *non Tribunos militum, Præfectosque*: quo patet utrobique de re militari, non forensi, sermonem esse. Nec censorium hoc munus erat: testante Tullio in Cluventianâ, Judices à Prætoribus Urbano selectos fuisse, in qua quidem selectione tantum abest, ut Censores quidquam juris haberent, ut nunquam sibi Prætores *Censoriam ignominiam impedimento esse duxerunt*, quin ipsos Judices seligere possent. Idem Cicero in 3. de legibus singulatim recitat munera Censorum, quæ inter hoc legendi Judices nusquam reperies. De his largius loqui oportuit, quod Taciti locus de Volusio assertus & explicatus lectioni nostræ de AQUILII munere lucem mutuam & fulcimentum præbeat.

Alterum Censoris munus, quo Aquilium functum fuisse putamus, auctoritate & dignitate præcipuum, *Transuectio*, & *Probatio* Equitum erat. Idibus Quintilis ab Æde Honoris Equites equis insidentes, prætextati & oleâ coronati, in Capitolium transibant; quam pompam describit Dionysius lib. 6. Id institutum Q. Fabii, teste Livio lib. 9. Valerio Max. lib. 11. cap. 11. Adsidebant in foro Censores, & Equites per Nomenclatorem citatos, equo adducto de stipendiis confectis interrogabant, addebantque examen morum, & vitæ.

Si quem non probatum invenissent, equo dempto, censoriâ notâ mactabant. Insignis locus est ejusdem Valerii lib.4. cap. 1. num. 10. ubi Scipio Africanus Censor, centurias Equitum recognoscens, cùm nemo, qui accusaret C. Licinium, inveniretur, & ipse sciret, illum verbis conceptis peierasse, ne Judicis & accusatoris partes ageret, *traduc, inquit, equum, & lucrifas censoriam notam*. Vides quam vitæ, morumque innocentiam Censores quæsierint. Equum porro traducebat Eques & transibat, cùm nullius flagitii compertus, & intactis moribus esset, & inde *probatum* dicebatur. Ovidius veniam exilii ab Augusto deprecaturus, nullo se notatum probro ab eo in transvectione gloriatur, lib. 1. de Trist. el. 1.

*At memini vitamque meam, moresque probabas,
Illo quem dederas pratercuntis equo.*

Et mox

*Carminaque edideram, cùm te delicta notantem
Præterii toties irrequietus Eques.*

Sanè Augustus Equitum turmas frequenter recognovit, post longam intercapedinem reducto more trasvectionis, inquit Svetonius cap. 38. At Caligula, qui criminibus ipse & scelerum infamiâ vitam maculaverat, id in Equitibus Romanis non sustinuit, nam eos *severè curiosèque, nec sine moderatione recognovit, palam adempto equo quibus aut probri aliquid, aut ignominia inesset*, apud eundem Tranquillum cap. 16. Narra- rat hic ipse diligentissimus Auctor Cæsarem nudatos opere censorio restituisse, in vita cap. 41. Quod de equo adempto ob Equitum crimina commodè potest intelligi. Nam & Cicero lib. 1. ad Attic. ep. 13. *nudos equites probri plenos vocat*. Et quisquis re aliqua caret, *nudus*, & *nudatus* dicitur: Sicut idem Tullius ad Quirites post reditū se *nudum à proprinquis queritur*, & Rempublicam interitu Consulum *nudatam*, lib. 10. famil. ep. 17. quæ est Planci. Nisi *notatos* reponere velimus, quod proprium est in re censoriâ vocabulum, complectiturque tam Equites quàm ceteros Cives in quos nota censoria fuisset inusta. Eum vero etiam Equitem, qui habe-

ret

ret equum gracilentum, aut parum nitidum, impolitie seu incuria notasse Censores, memorat Agellius lib. 13. noct. Attic. cap. 12.

Porrò transektionis, & recognitionis Equitum illustre monumentum nobis exhibet nummus Claudii apud Oise-
lium loco jam indicato. Cernitur Imperator prò tribunali
Sellæ Curuli insidens, & ante eum Eques equum adducens
cum subscriptâ epigraphæ CENSOR. ad designandum mo-
rem illum, quo Equites in publicâ recensione ad Censorum
Sellas venire solebant, equumque vel traducere, si innoxii,
vel notam subire, si culpæ rei inventi fuissent. Hanc verò
Equitum recognitionem, & recensione privatis etiam de-
mandatam supra ostendimus. Quare eam egisse & nostrum
AQUILIUM, qui à censibus Equitum Romanorum fuit, ipsis
scilicet censendis præfectus, non omninò à verisimili alienum
puto.



CAPUT IV.

Nummi ad Urbem Ravennatem pertinentes explicantur. Ejus Portus antiquis celebris. Suetonius defensio adversus Cluverium. Classis toto imperio dispersa sub Augusto ad Ravennam, & Misenum collocata. An Liburna, vel Trieres in Classe Ravennate. Vegetius assertus. Num milites Legionarii Classibus impositi. Livius defensio. Iterum Vegetius à Lipsio reprehensus vindicatur. Ravenna rei Navalis studium, Neptuni Templum, Neptunalia festa, & Pharos in ejus Portu. Cur Classis Rav. Prætoria dicta. De Præfecto Classis. Nummi Sexti Pompeji novâ explicatione illustrati. An Cleopatra Præfecta Classis appellata. Præfecti Classis ex ordine equestri, cui AQUILIUS denuò accensetur.

PRAEF. CL. PR. RAVENNAT.

Præfecto Classis Prætoriae Ravennatis.

ONGO itinere, quo Accensos in foro, in acie, in Palatio, equites in Urbe, & in Castris prosequuti sumus, fatigati, Portum Ravennatem teneamus, quo mare superum in sinu nobilissimæ Urbis influit, & classis Prætoriae Romanorum, tutissimâ statione collocatur. Hujc Præfectum cum summâ potestate nostrum AQUILIUM convenimus, qui nos ided, ut ejus dignitatem, Portum ipsum, classemque studiosâ antiquitatis investigatione contemplemur, aliquandiu moratos cupit. Urbis sanè ipsius vetustatem, splendorem, & decora prætermittam, cum ea prolixè Scriptoribus celebrata, aliorum curam & sollicitudinem liberent. Philippus Cluverius in Italiâ antiquâ lib. 1. pag. 301. & Hieronymus Rubeus hist. Ravenn. lib. 1. quidquid in hoc argumentum dici possit, penè exhauserunt. Attamen nummos aliquot, quos recens

in

in lucem prolatos ipsi videre non poterant, colligere, & levi
 explicatione illustrare non pigebit. Eos delineatos exhibet
 doctissimus Cangius de famil. Byzantinis in Mauritio, He-
 racleio, & Constantino. Insignior inter ceteros sculptum præ-
 fert *caput mulieris turritum*, vel ut ipse ait, *cum coronâ murali*
 additâ epigraphæ: FELIX. RAVENNA. In parte posticâ
Aquilam habet alis expansis cum *Stellâ*. Ejus typum æri inci-
 sum exhibeo in tab. num. 5. ut præclarum hoc nobilissimæ
 Urbis monumentum nostris quoque scriptis præfulgeat. Alii
 produnt in latere averso Urbis monogramma **RE**: ceteri
 in parte inferiori hos characteres RAV. Percussos meritò
 suspicatur Cangius ab Exarchis dùm Ravennæ Græcorum
 Imperatorum nomine res Italas moderabantur. Ex quo di-
 gnoscimus in ea Urbe tunc monetariam fuisse institutam
 officinam; id enim ejus nomen ubique insertum indicat. *Ca-*
put mulieris turritum, *Genium* Urbis designat apud omnes
 rei monetariæ peritos. *Felicitis* epitheton claræ Urbis sibi
 usurparunt. *Felix* Roma, Kartago, Berytus, & aliæ passim
 occurrunt. Id in adulationem aliquandò excogitatum: cum
 enim Civitates se ab Imperatore beneficio aliquo affectas
 testari vellent, percusso ære publico, *Felices* se ab eo redditas
 ferebantur. Is mos restauratarum potissimum fuit; ut cum
 Carthaginienſes vocat Tertullianus de Pallio, *vetustate no-*
biles, novitate Felices, & nuper subjectarum Provinciarum, ut
Felix Dacia, hoc est secundum antiquam Trajani inscriptio-
 nem apud Grut. 249. 4. *Cujus virtute Dacia imperio addita*
 FELIX est; *Felices* etiam Urbes dictæ magnitudine, & opi-
 bus florètes. Quæ ex Spanhemio de numism. differt. 8. p. 757.
 sunt deprompta. Ravenna itaque se, uti opinor, FELICEM
 prædicavit, quòd ceteris Italiæ Urbibus direptis, & barba-
 rorum jugo oppressis (tunc enim Longobardi totam pene
 eam provinciam subegerant) sola Imperatorum præsidio ser-
 vata fuisset. *Aquila* Imperium Romanum, sub quo eâ feli-
 citate fruebatur, effingit, & quidem adiecta *Stella*, quæ Pho-
 sphorus, seu Lucifer, Orientis indicium, esse videtur, ipsum
 Orien-

Orientale Imperium figurat, quod solum tunc Imperatores obtrinebant. Ita numisma Leonis Imp. in quo *Stella* scalpta est, interpretatur Jacobus Chiffletius in Anastasi Childerici cap. 17. P. Harduinus in nummis antiq. populor. & urb. pag. 417. monetam Ravennatem ejusdem stemmatis describit, nisi quòd *Aquila* adstant duæ *Stelle*, non unica. Si eundem Chiffletium sequamur, ea percussa est sub aliquo Imperatore, cui utrumque Imperium suberat, & geminæ *Stelle* Phosphorum, & Hesperum, Orientem scilicet, & Occidentem designant.

Ut verò rem nostram ingrediamur, situm Urbis Portumque Ravennatem præ ceteris graphicè describit Procopius rer. Gothic. lib. 1. cap. 1. cujus verba profero ex postremâ versione Maltreti. *Est Ravenna plano in Campo posita ad extremum sinum Jonium: à quo stadiis duobus distat. Neque enim maritima est, nec videtur adiri Classibus facile posse, imò nec pedestribus copiis. Quippe naves ad litus illud appellì nequeunt, prohibita brevibus, quæ in mare ad xxx. saltem procurrunt stadia, ac circuitu suo longissimè eos ipsos à littore submovent qui illud habent in conspectu proxime navigantes. Pedestrem verò excludunt aquæ, quibus Padus amnis, quem & Eridanum vocant è montibus Gallicis eò decurrens, alique fluvii navigabiles, & lacus, Urbem illam undique ambiunt.* Inde narrat ætus marini reciprocationem, quæ naves ad Urbem vehebantur, & revehebantur. At Lectori prolixam fortè descriptionem pertæso, amœniorem elegantissimi Poëtæ Claudiani de 6. Consul. Honorii subjicio.

*Dixit, & antiqua muros egressa Ravenna
Signa movet: jamque ora Padis, portusque relinquit
Flumineos, certis ubi legibus advena Nereus
Æstuat, & pronas puppis nunc amne secundo,
Nunc redeunte vebit, nudataque littora fluctu
Deserit, Oceani Lunaribus emula damnis.*

Lusit facerè, Urbem portumque ipsum describens, Sidonius lib. 1. epist. 8. ad Candidianum. Horum tamen scriptorum

ævo plurimùm ab antiquâ amplitudine defecisse Ravennatem portum haud dubito . Nam illuvie fluminum , & maris arenam protudentis impetu , sensim ea loca opplebantur . Quo circâ Jornandes de rebus Get. cap.29. ætate suâ , quæ Procopio par fuit , testatur , Ravennam , quò aliquando *Portus fuerat , spatiosissimos Hortos* ostendisse . Utinam hodie adhuc Hortos , non potius stagna & paludes infecundas ostenderet . Manet tamen nominis umbra , dum locus , ubi Portum novum servandæ Classi struxerat Augustus , eadem *Classis* appellatione adhuc vocatur , nobilissimo Monasterio insignis . Quo eodem *Classis* nomine Procopio lib.2.de Bell. Goth.& Paul.Diacono lib.6.cap.4. indigitatur .

Ergò situs opportunitatem , & commodam navibus stationem nactus , *Populus Romanus* , ait Vegetius lib.5.de re milit.cap.1.aliàs lib.4.cap.31. *Classem semper habuit præparatam , nam apud Misenum , & Ravennam singula legiones cum Classibus stabant , ne longiùs à tutelâ Urbis abscederent , & cum ratio postulasset , sine mora , sine circuitu ad omnes mundi partes navigio pervenirent* . Tacitus lib.4.Annal. cap.5. recensens , quas Tiberius copias in armis retineret , *Italiam præsedisse narrat utroque mari duas Classes , Misenum apud & RAVENNAM* . At Cluverius pag.305. carpit Suetonium , quasi dixisset , hoc fuisse inventum Augusti , cùm ante ipsum , teste Cicerone in orat. pro lege Manil. Pompejus *Italiae duo maria maximis Classibus , firmisque præsedibus* adornasset : & Vegetius jam recitatus non equidem Augustum , sed populum Romanum id fecisse tradat , Tacitusque nullam ipsius Augusti faciat mentionem . Poterat laudare & Appianum , qui lib.5. de Bell. Civili pag.717. editionis Græcolat. Henrici Stephani 1592. refert Augustum ante Actiacum prælium *Naues Ravennâ longas quamplures adduci curasse* , ut eas adversus Sex. Pompejum Magni filium sisteret , & pag.718. Cornificium à *Ravennâ Tarentum* easdem traducere jussisse . Verùm Cluverius vel Tranquilli sensum non est assequutus , vel consultò

ei dicam impingit, ut conficti erroris triumphum canat. Ejus hæc sunt verba in Augusto C. 49. *Ex militaribus copiis legiones & auxilia provinciis distribuit* (Augustus) *Classem Miseni & alteram RAVENNÆ ad tutelam superi, & inferi maris collocavit.* Ante Augustum & Actiacum prælium vage erant Romanorum classes, eò occurrere jussæ, quò bellorum vices exposcerent: & toto Imperio distributæ, ut nationes nondum pace firmatas compescerent. Ità Polybius lib. 2. circa Dyrrachium habitam classẽ memorat: alias in Siciliã, & Sardinia locat Livius lib. 23. easque *Provinciarum præfides* vocat. Et omnes Provincias, non tantum Siciliam, classes alere consuevisse, tradit Cicero in Verinã quintã. At Augustus, post Actiacam victoriã, toto Orbe pacato, Classes sic antea dispersas & vagas in duas maximas veluti coëgit, & apud Ravennam & Misenum ad Imperii securitatem & præsidium disposuit, ut *inter se connexæ*, uti ait Tacitus, utrumque mare clauderent, & inde ob stationis opportunitatem *sine mora ad omnes mundi partes pervenirent*; Nam *Classis Misenatum*, prosequitur Vegetius de hac Augusti distributione dubiò procùl loquens, *Galliam, Hispanias, Mauritaniam, Africam, Egyptum, Sardiniam, atque Siciliam habebat in proximo. Classis autem Ravennatum Epyrum, Macedoniam, Achaiam, Propontidem, Pontum, Orientem, Cretam, & Cyprum petere directã navigatione consueverat.* Ex quibus verbis etiam liquet, nullas ad eas Provincias, ut antea, Classes relictas fuisse. Itaque Augustus primus quidẽ Classes, ex toto Romano Orbe collectas, Miseni & Ravennæ consistere jussit, fixasque & stabiles ordinavit: idque voluit Svetonius, nec aliter intelligendus est Tacitus, quem planum est, Augusti ordinationem respexisse; sub Tiberio enim nil immutatum, ut docent ejus verba sequentia. Porro Vegetius non nominat Augustum, sed populum Romanum, quia etiam eo cuncta ad se munia trahente, adhuc tamen majestas & nomen populi Romani prætendebatur. Et Cicero in oratione pro le-
ge

ge Manil. Pompejum duo maria maximis Classibus adornasse ait, nullâ stationum, quibus essent infixæ, mentione habitâ. Imò eas ex variis Imperii locis collectas, opportune ita ordinaverat Pompejus contra piratas maria omnia direptionibus infestantes, ipsique Italiæ imminentes. Unde num. 35. ait orator: *tria frumentaria subsidia reipublicæ, videlicet Siciliam, Africam, atque Sardiniam, firmissimis præsidij, classibusque muniuit, & paullo post num. sequenti: Missis item in oram Illyrici maris, in Achaïam, omnemque Graciam navibus, Italia duo maria maximis classibus, firmissimisque præsidij adornavit.* Ita Pompejus tumultuario & subito ad piraticum bellum apparatu, non certis & mansuris sedibus, Classes circa Italiam statuerat.

Porro eâ ratione, qua maritimas Classes opportunè locavit Augustus, *ex militaribus etiam copiis legiones, & auxilia provinciis distribuit.* Cum enim prius quò bel-
lorum pericula vocarent, eò exercitus traducerentur, compositâ pace, legiones suis quæque provinciis designatæ sunt, ad limites tuendos, & reipublicæ robur & tutelam. Quod sanè consilium inter principatus arcana retulit Tacitus *Annal. 1. cap. 9. Dum mari Oceano, aut amnibus longinquis septum Imperium: legiones, provincia, Classes, cuncta inter se connexa essent.*

Imperatores post Augustum, optimum ejus consilium sequuti, Classem Ravennæ habuere. Meminit Tacitus bello Vitelliano *histor. lib. 2. cap. 10. lib. 3. cap. 6. & 40.* Spartianus sub Didio Juliano *cap. 6. & Notitia Imperii, quam sub Honorio conscriptam eruditi censent.* Convenit Navium ad Urbem Ravennatē fieri, nautasque traduci jussit Theodericus ex Cassiodori *epist. 16. & tribus sequentibus lib. 5.* Nec lapidum testimoniis destituimur, quorum unicum ex Grutero *pag. 359. 3.* adscribam instar exempli: ceteros in ejus indice uno conspectu reperies.

T. APPEIO. T.F. VEL
ALFINIO. SECVNDO &c.
PRAEF. VEHICVL. SVB. PRAEF
CLASS. PRAET. RAVEN. &c.

Si quæras quo navium numero Classis Ravennas constaret, frustra auctores antiquiores sollicitaveris. Unus Jordanes sexti seculi scriptor, testimonium Dionis, quod nusquam hodie occurrit, nobis servavit. Ejus sunt verba de rebus Getic. cap. 29. ex recognitione Vulcanii: *Classem CCL. navium Dione referente tutissima dudum credebatur recipere statione*. Post Actiacum prælium cum experimento tanti certaminis patuisset, *Liburnorum naves*, quibus præcipue victus fuit Antonius *ceteris aptiores*, similitudine & nomine usurpato ad earum instar Classem Romani Principes texuerunt. Ita Vegetius lib. 4. cap. 33. qui & Classem Misenatam, & Ravennatam eodem genere navium fuisse instructam in superiori cap. 32. dixerat.

At epigrammata antiqua apud Cl. Fabretum eas non *Liburnas*, sed *Trieres*, seu *Triremes* vocant. Tria Ravennensia exscribo ex cap. 5. pag. 365. Inscription. domesticar. alia Misenatam Classem spectantia prætermitto.

T. FLAVIO. CANDIDIO
MILITI. CLAS. PR. RA
BEN. III. HERCVLIS
NATIONE. SIRVS

Secunda inscriptio exhibet militem CL. PR. RAV. III. AVG. tertia denique alium militem C. P. R. III. PACE. Quippe notam illam III. *Trierem* significare eruditus Auctor hic indicat, & in Syntagm. de Colum. Trajana cap. 4. pag. 113. latius probat. Quo videtur Vegetius deceptus, cum Classem ex Liburnis constructam memorie tradidit. At diligen-

ligentissimus hic scriptor mihi est defendendus.

Quodcumque genus navis militaris sequioribus temporibus, cum fortè nostræ inscriptiones incisæ sunt, *Trieris*, seu *Triremis* nomine appellabatur. Livius lib. 33. cap. 16. Romanos ait cum Philippo convenisse, ut *naves omnes telas* (scilicet militares) *traderet*. Has Zonaras, rem eandem narrans *ἑμῆς*, *Tieres*, seu *Triremes* vocat, unde Hesychio *ἑμῆς*, *Triremis militare navigium quodcumque* dicitur. Scalptores igitur lapidum Rauennatum vulgato ejus temporis vocabulo usi, *Trierem* usurparunt pro omni genere navis militaris. Non tamen adeò obsoletum Liburnarum nomen, ut prorsus memoriæ hominum exciderit. Exstat inscriptio Rauennatensis apud eundem Fabretum in Synragmate Columnæ Trajan. pag. 115., quo memoratur SVAVIS. DE. LIBVRNA. DIANA. Alias profert inscription. domesticar. lib. 5. pag. 366. quas inter eam quæ numer. 122. signatur ex Reinesio Caprulis exstare, à proximâ Aquilejâ illuc translata fuisse oportet, nam ibidem olim positam in meis schedis reperio. De Liburnicis Classis Rauennatis mentio est apud Tacitum hist. 3. cap. 14. 42. & alibi. In Terracinæ expugnatione, quam idem Auctor describit cap. 77. Vitellianis Classem invadentibus *sex Liburnicæ*, inquit, *inter primum tumultum evasere, in quibz Præfectus Classis Apollinaris, reliquæ in litore captæ*. Tota ergo hæc Classis, quæ Misenatis pars erat, Liburnis constabat. Hinc apparet *Trieris*, & *Liburna* nomen promiscuè fuisse acceptum. Sane utrumque rem eandem designare tradit Svidas: *ἑμῆς, triremes, bellica navigia, quæ liburna vocantur*. At Vegetius licet scriptor posterioris ævi, cum tamen tempora Augusti respiceret, maluit eam appellationem, quam tunc usurpatam noverat, retinere, navesque Classiarias & militares, *Liburnas* vocavit. Et quidem Plutarchus quoque in Antonio, naves, quibus usus est Augustus bello Actiaco, *Liburnas* appellavit. At Vegetium ita vindicatum dimittamus. Porro III. Hercu-
lis

lis, Augusti, Pacis, Providentia, & cetera vocabula, nomen navis, seu insigne indicant, de quibus eo loco Frabrettrus, Schefferus de militiâ naual. lib. 3. cap. 1. & Seldenus de DIS Syris, Syntagm. 2. cap. 16.

Militum Classiariorum mentio ingesta quæstionem, excitat, num ii legionarii essent, vel deterioris in militiâ gradûs? Vegetius loco jam recitato disertis verbis ait, *apud Misenum, & Ravennam singulas legiones cum Classibus sterisse.* Hunc acerbius sugillat Lipsius de magnitud. Rom. lib. 1. cap. 5. & classibus non legiones, quæ *Civibus* constabant, sed Cohortes *exteriorum* militum impositas contendit. Tacitus enim non semel refert, Classiarios militiam legionariam, ut honestiorem, petiisse, & aliquandò impetrasse. Et de Classe Ravennate loquens, *ambiguos, ait, militum animos, quod magna pars Dalmatæ, Pannonique erant.* Locus est lib. 3. hist. cap. 12. In Lipsii suffragium convolant Fabrettianæ inscriptiones, quibus milites duo natione *Cilices*, unus *Syrus*, alter *Ægyptius*, tres *Pannonæ*, alter *Besfus*, & postremus *Delmata* Classibus Misenenſi, & Ravennati adscripti memorantur. At variatum, ut pleraque in militiâ Romanâ, in delectu quoque Classiariorum militum, mihi certum videtur, vel ob rerum difficultatem & opportunitatem, vel pro libitu Principum. Nec ea propter notandus Vegetius, qui ex more sui ævi, vel potius Augusti, ad quod ejus verba referri debent, loquutus fuit. Nam hac ipsâ ætate Augusti certo testimonio discimus Legionem XVII. Classi adscriptam. Inter nummos M. Antonii, quibus legionum nomina scalpta sunt, unum conspiciamus cû hac inscriptione: LEG. XVII. CLASSICAE. apud Ursinum Patinianæ editionis pag. 31. Quæ eadem fortasse septima decima legio est, quam, tradente Tacito histor. 1. cap. 80. è *Coloniâ Ostiensis in Urbem acciri Otbo jusserat*, ibi detenta ut Classi instruendæ præstò esset. Nam Ostiæ Classis habitam hoc ævo, satis est notum. Præterea *Legio Classica* est apud eundem lib. 1. hist. cap. 31. & *prima Classico-*
rum

rum Legio lib. 2. cap. 62. memoratur. Ut verò saxa Fabretti, quæ milites externos signant, alio lapide collideremus, opportunè ante paucos dies in Portu Romano Trajani effossum est præclarum epigramma sepulcræ, quod manu CL. D. Bernardi Montfauconii, cujus alibi erit mentio, descriptum hic profero.

C. DOMITIUS. POLLIO
PATER. VETER. AVGVSTI. EX
CLASSE PRAETORIA. MISENAT
FECIT. SIBI. ET
DOMITIAE. C. F. PIAE. ET
DOMITIAE SPEI. LIB. ET. CONIVG
LIBERTIS. LIBERTAVS. POSTERIS
EORVM
HVIVS MONVMENTI. INTROEVNTIB
PARS. SINSTERIOR. AD. FAMILIAM. LSS.--
PERTIN
IN. FR. PED. XVI. IN. AGRO. PED. XXXVIII.

Domitius Pollio (quod cognomen genti Domitiae usurpatum fortasse alibi non reperies) *Pater* vocatur, quia ejusdem nominis filius tunc vivebat. Ergo hic miles erat *veteranus* ex Classe Prætoriam Misenatæ, Legionarius utique, cum notas omnes Civis Romani præferat. De statu moveri nequit quæstio, indicio conjugis quæ etiam ejus liberta dicitur. Frequentissimum enim erat, ut herilis affectus in maritalem societatem coalesceret, ideoque passim iidem *patroni & conjuges* in marmoribus inscribuntur. Octo ejusmodi exempla producit idem Fabrettus cap. 4. p. 289. In antiqua quoque militiâ legionarii milites ad maritimas expeditiones cogebantur. Refert Polybius lib. 1. Claudium bello Punico primo, *remiges à vestibulo navibus imposuisse, cum selectis epibatis, qui ex universis Legionibus sese offerebant.* Et Livius lib. 36. cap. 3. ait Senatum decrevisse, *Colonis maritimis*

mis (qui cives Romani censebantur) *cum cogerentur in Classē, rei navalis vacationem non esse.*

Ante quam pedem è Classe efferam, idem Livius ab injuriā est vindicandus. Hæc ille scripserat lib. 4. cap. 33. *Classibus quoque ad Fidenas pugnatum cum Vejentibus, quidam in Annales retulere: rem æque difficilem ac incredibilem: ne nunc lato satis ad hoc amne, & tum aliquando, ut à veteribus accepimus, arctiore.* Tanaquillus Faber lib. 1. epist. crit. 47. oscitantix aut inscitix insinuat nobilissimum historix Romanæ conditorem. Si enim, inquit, scivisset, veteres *Classē* numero singulari vocasse, non modo exercitum navalem, sed terrestrem etiam; in plurium verò numero *Classes* usurpasse pro *Equitibus*, seu *Equestribus* copiis, testantibus Virgilio, Festo, Agellio, Isidoro, & aliis, mirari tantopere desuisset, *Classibus* ad Fidenas pugnatum. Ejusmodi lapsum hinc fluxisse ait Carolus Datus in præfat. libri inscripti *Prose Fiorentine*, quod Livius, peregrinus homo cū esset, vim & sensum Romanæ locutionis perfectè calere non poterat. Eoque tam grandi exemplo suos docere putat, nil hodiè quoque, nisi ex Arno cum lacte haustum, illime & purum fluere. At docti viri non animadverterunt ad integram narrationem prælii, in quo cū fuisset certatum tam pedestribus quàm equestribus copiis, scriptores illi qui retulerant, pugnatum quoque *classibus*, non poterant eo vocabulo denuò *equites* significare, sed re verà de navali prælio intellexerunt. Quod cum vidisset Livius, *rem difficilem* credidit, nisi forte id gestum diceretur, ut subdit, *in trajectu fluminis, prohibendo aliquarum navium concursum.*

Tanta porro rei navalis Ravennæ cura & nautarum frequentia fuit, ut Armamentarium extruendis navibus amplissimum in eâ esset, teste Appiano lib. 5. bell. civil. pag. 718. quod tempore Theoderici adhuc manebat. Juber enim Rex epist. 18. lib. 3. Cassiodori, convenire ad Urbem Ravennatam navigandi artifices, ut adventus eorum constructioni navium opportune videatur offerri. Præterea & Tem-

Templum Neptuno dicatum, & Neptunalia festa instituta fuere. Exstat Ravennæ, testante Rubeco lib. 1. hist. insignè antiquitatis exemplum, quo significatur, L. Publicium Italicum largitiones populo fieri jussisse IN AEDE NEPTV. QVAM IPSE EXTRVXIT. DIE. NEPTVNALIORVM. Illud recitat etiam Gruterus pag. 460. num. 3. Neptunum maris Deum præsidem omnes norunt. Neptunalia in ejus honorem Romæ celebrabantur x. Kal. Augusti, ut notatur in veteri Calendario. Festa hæc navigiis agebantur, teste Aufonio in Ecloga de feriis, & eo die ferias institutas docet Varro de ling. Lat. lib. 5. Immo ludis Neptunilibus varia spectacula edita intelligo ex Laetantio lib. 6. divin. instit. cap. 20. quo loci Circenses Neptuno dicatos memorat. Eo ergo die, quo Romæ, etiam Ravennæ Neptunalia, de quibus in inscriptione L. Publicii, celebrata, suspicari possumus, & simili, si non pari, spectaculorum genere & pompâ.

At hæc inania nautis præsidia, & vana falsi numinis religio. Portum Ravennatensium brevia & syrtes ad triginta stadia, ut refert Procopius jam adductus, rer. Goth. lib. 1. cap. 1, obsidebant. Quare Turris ædificata ad ejus ostium, quæ *Pbarus*, ut celebris illa Alexandrina, vocabatur, teste Plin. lib. 36. cap. 12, ut perpetuo lumine inter cæcos viarum anfractus nocturnos navium cursus indicio opportuno dirigeret.

Cur vero Classis Ravennas PRAETORIAE illustri vocabulo in nostrâ inscriptione ornata? Nomen illud in Gruterianis quoque sese offert. Videas pag. 359. 3. pag. 383. 7. pag. 562. 5. & pag. 1031. 8. & Misensis Classis *Prætor*ia identidem dicta pag. 521. 5. pag. 567. 4. & 1030. 3. Lipsius de magnitud. Rom. lib. 1. c. 5. ita vocatas putat Classis Ravennatem, & Misensem, dignitatis causâ, & quia inter minores alias, ut *prætor*ia aliqua navis, eminent. Vel exemplo *Prætorianarum* cohortium sic appellatas, quia ad Italiam, & Principis tutelam excubabant: quod ex locis

Taciti, & Svetonii superius adductis colligitur. Schefferus de militiâ naval. lib. 3. cap. 7. addit, Græcis postea *Imperatorias* appellatas, ex Leone Imp. & Constantino novell. 3. Quorum conjecturis oppidò acquiesco. Observat Fabrettus cap. 5. inter domestic. pag. 365. Castra Misenatum Classiariorum, & fortasse etiam Ravennatum, Romæ Castris Prætorianorum militum admota conspici; nam legitur in inscriptione, Turri angulari eorumdem Castrorum inhaerente C. . . . MISENATIVM. ET . . . Huic conjecturæ nostra accedat, quòd scilicet Prætorianis Castris ideò Castra Misenatum & Ravennatum adposita fuerint, quia pari nominis dignitate fulgebant: sicuti enim illi milites è Castris Prætorianis, ità hi milites è Classe Prætoria. At dum hæc sub manu Typographi sunt, ipse clarissimus Fabrettus, hæc die vii. idus Februar. MDCC. fato non sibi jam octuagenario, sed literis immaturo, mortalitatem explevit. Post præclara volumina satis Orbi erudito nota, spem præcidit alterius operis, cui adornando vegetam & validam ad extremum usque senectutem impendebat. Descriptionem *Agri Romani antiqui* moliebatur, cujus non locus, non situs, & penè dixerim saxum nullum est, quod ingenti plurium annorum labore non perlustraverit, & eruditâ meditatione ad vetustatis exempla non comparaverit. Non pauca jam ordine suo digesserat, mappam Chorographicam, & nonnullas Iconographicas tabulas adumbraverat; at pleraque adhuc informia & indigesta in adversariis jacent, præter ea; quæ autopsiâ quæsitâ animo & mente complectebatur. Mihi verò inter publica damna luctuosior amici simi viri jactura est, qui me nunquam à congressu suo nisi cum fœnore dimittebat, addebatque animos in vetustatis amorem, & meam hanc lucubrationem proniori judicio exornaverat.

Ad dignitatem seu officium Præfecturæ, quod in Classe Ravennate noster AQUILIUS agebat, gradum facimus. Florente Republica, vel unus ex Consulibus, vel

Duum-

Duumviri, vel Prætor, rei navalis imperium tenuisse satis ex Livio, & Polybio constat. Prima *Præfetti Classis* appellatio, ni fallor, apud eundem Livium occurrit lib. 26. cap. 40. Sub Augusto primum hoc imperium peculiare ac perpetuum coepisse, cum scilicet duas Misenarium, & Ravennatum Classes ordinasset, putat idem Schefferus lib. 41. cap. 5. additque nihilominus eum titulum Pompejo antea donatum, cum ipsius potestati à S. P. Q. R. cuncta maria committerentur, idque dignosci ex nummo, in cujus uno latere insculptum est MAG. PIVS. IMP. ITER. in altero PRAEF. CLAS. ET. ORAE. MARIT. At nummus hic, & alter apud Fulvium Ursinum in secundâ tab. familiæ Pompejæ, non pertinent ad An. Pompejum Magnum, cuius tamen imaginem referunt, sed Sex. Pompejum ejus filium, qui Magni cognomine porro usus est, ut idem Ursinus & Spanhemius disser. 6. p. 558. ostendunt. Hæret aqua eidem Ursino in explicandis duobus aliis nummis, quinto nempe & quarto ejusdem tabulæ, quorum Epigraphe talis est: SEX. MAGN. PIVS. IMP. SAL. & alterius MAGNVS. SAL. IMP. ait enim in illis præter Pietatis signum nihil quod notatu dignum videatur, impressum esse; nec enim de Salute dea quæ fortasse notâ illâ SAL. significatur, quicquam se legisse quod ad Sextum aliquo modo pertineat, addit Patinus, nisi quod profugos excepit & servavit. At ego aliquid notatu maximè dignum in illis reperio, quodque Sexto mirum quantum conveniat. Ita enim eos interpretor: *Sextus Magnus Pius Imperator SALacius*. Narrat Appianus lib. 5. de bell. civil. pag. 729. Sex. Pompejum eò dementiæ venisse, ut se *Neptuni & Salacia filium* appellari sustinuerit. *Salaciam* antiqui Neptuni uxore à *Salo* dicebant, teste Varrone lib. 4. de lin. Lat. & Festus in verbo *Salacia*, ita vocatam, ait, *deam Aquæ, quam putabant Salum ciere, hoc est mare movere*. Cum verò Sex. Pompejus in nummo Q. Nasidii apud eundem Ursinum pag. 187. & in familia Pomp. num. 2. se *Neptunum* appellari passus sit, quocirca & ab

Horatio Epodon od.9. per derisum *Neptunius* dictus, quid mirum, quoddam & *Salacia* filium sese jactaverit, ipsum se quoque *Salacium* in nummis vocari voluerit? Primi numeri eclypum exhibui in tab.numismatum num.10.pag.6.

Sextus ergo Pompejus ex Senatus Consulto *Præfeti Classis* titulo ornatus fuit. Sub idem temporis, adversus eundem Pompejum, Præfectum Classis Calvisium constituerat Octavius, testante Appiano lib.5. pag.718. At non inultò post eandem appellationem usurpavit M.Antonius, quamvis in supremo Imperii fastigio positus. Unum & alterum nummum exhibet Ursinus in duobus postremis tabulis familiæ Antonix pag.32. quibus signatur caput ipsius Antonii & Cleopatrx, in aversâ verò facie navis cum inscriptione: PRAEF. CLASS. Licet obvia sit interpretatio, *Præfectus Classis*, ad M. Antonium referenda, attamen Patinus aliam obtrudit, & *Præfeta Classis*, legendum censet, ut ad Cleopatram is titulus pertineat. Novum sanè vocabulum quod nonnulli mulier impotens comminisci, & amor vesanus pati possit: & audax conjectura, ut ipsemet fatetur, sed ità ut eam adoptare videatur, in Plutarcho rationem appellationis sibi fingens. Potius alia ejusdem explicatio arridet, ut M.Antonius se Præfectum Classis dici voluerit, quasi à Reginâ *Classis* suæ *præfectum*. Cuique conjectandi fas esto: nobis titulum, & dignitatem *Præfeti Classis* ante Augustum, ut proposueramus, in more positam satis fuit ostendisse. Ceterum ad ejusdem Imperatoris ordinationem, quod Scheffero placuit, & nostrum argumentum attinet, videntur referenda verba Vegetii lib.4.cap.32. ubi ait: *Liburnis quæ in Campania stabant Præfetus Classis Misernatium præerat, ea vero, quæ Ionio in mari locata fuerant, ad Præfectum Classis Ravennatium pertinebant*. Et mansit nomen dignitatis in utraque Classe, Tacito non semel attestante locis inferius recitandis, & inscriptionibus quæ sunt incerti temporis. Has, ne paginam in re certâ lapidibus obruam, petere poteris ex Scaligeriano indice apud

apud Gruterum, & nonnullas dabit Fabrettus. Porro *Præfectus Classis* propriè in milites *Classarios* imperium exercebat, ne quis cum cum *Præfecto remigum*, cujus meminit Tacitus An. 13. cap. 30. confundat. Hunc tamen, ut & alios variis in Classe muneribus admodos, illius dicto & supremo nutui parvisse, non ægrè credendum est.

Tandem, ut propius ad nostrum AQUILIUM oratio accedat, quæramus cujus ordinis & dignitatis *Præfecti Classium* haberentur. Tacitus nobis tories laudatus lib. 2. hist. cap. 100. Lucilium Bassum, Ravennati simul, & Misenati *Classibus* à Vitellio præpositum, ideo moliri defectionem Ravennatis aggressum fuisse narrat, quod non statim à Vitellio *præfecturam Prætorii adeptus foret*. *Præfecti Prætorio* ab ordine Equestri sumebantur ex Mæcenatis consilio, quod Augusto dedit, teste Dione lib. 52. pag. 480. nec nisi sub Severo Aléxandro id mutatum, qui *Præfectis Prætorio suis senatoriam addidit dignitatem*, uti refert Lampridius in vita cap. 21. & ut rem præter morem narrat noster Cornelius lib. 4. hist. cap. 68. Mucianum, qui ante adventum Vespasiani vim & potestatem principatus Romæ complectebatur, Aretinum Clementem *Prætorianis* præposuisse, quamquam *senatorii Ordinis*. At disertis verbis Suetonius de Tito ait cap. 6. *Præfecturam quoque Prætorii suscepit, nunquam ad id tempus nisi ab Equite Romano administratam*. Quod videtur contrarium testimonio Taciti nunc relato de Aretino, qui ante Titum *Præfectus* fuit. Cum itaque Bassus ex *Præfecto Classis Ravennatis* ad *Præfecturam Prætorii* evehi ambiret, tunc equestris Ordinis fuisse oportet. Ad id etiam ostendendum præluce ipsemet Tacitus hist. 3. cap. 12. quo loci Cornelium Fuscum *Classi Ravennateni* *Præfectum* destinatum refert. Is vero Fuscus teste eodem historico lib. 2. cap. 86. *claris natalibus primâ juvenis, quietis cupidine, senatorium Ordinem exuerat*. Ergo inter Equites mansit, & Eques ad *Præfecturam Classis* evectus est. Rem verò mihi nullam facessit exemplum Aniceti

ceti Liberti, qui Classis apud Misenum Præfectus fuit, eodem Tacito auctore lib. 14. Ann. cap. 3. Nam Neronem qui Rem publicam pessundare, & cuncta susque deque versare inter Imperii jura recenserebat, hoc etiam præter morem induxisse non est mirum. Non ita Augustus, qui bello civili Pompejano non sustinuit Menodorum Libertum, non Præfectum modò Classis, sed Præfecti Legatum constituere, nisi prius ingenuum declarasset, teste Appiano lib. 5. bell. civil. pag. 718. Stetit ergo Præfectura Classium Ravennatis, & Misenatis apud Equites Romanos, & quidem illustriores, & summis in Republica dignitatibus proximos. Hinc nemo dubitet, clarum natalibus, & inter Equites Romanos splendidissimum AQUILIUM affirmare, quem PRAEFECTVM CLASSIS PRAETORIAE RAVENNATIS inscriptio nostra pronunciat.



CAPUT V.

Procuratorum Caesaris varia genera. Patrimonium privatum, & publicum, quibus distinctus Procurator impositus, & quando id captum. Spartianus malè à Salmasio habitus explicatur & illustratur. Aquilius patrimonium publicum administravit. Quid sit: bona in formam patrimonii redigere, & publicare. Aquilius Procurator patrimonii in Urbe. Ejus officium, & auctoritas. Quo tempore illud finiretur.

PROC. PATRIM. BIS.

Procuratori Patrimonii bis.

PROCURATORES per provincias ab Imperatoribus constituti sunt, vel ut eas regerent cum potestate gladij, (quod dictum intelligas de provinciis minoribus, ut dux Mauritanix, Rhætia, Noricum, & alix, *que procuratoribus cobibentur*, inquit Tacitus lib. 1. hist. cap. 11. qui etiam Præsides dicti, vnde in inscriptionibus *Procurator, & Præses Alpium, Proc. & Præses Sardinix*) vel ut tributa exigerent, quos idem Tacitus in vitâ Agricolæ cap. 15. perstrinxisse ait Britannos, qui querebantur, *singulos olim sibi Reges fuisse, nunc binos imponi, è quibus Legatus in sanguinem, Procurator in bona sevirer.* quam apud Provinciales invidiam ut declinaret Antoninus Pius, *procuratores suos modeste suscipere tributa iussit*, teste Capitolino in vita cap. 6. Caveas Sponium, ut hic obiter cum P. Harduino moneam, qui libro Gallicè inscripto *Recherches de l'Antiquité* pag. 143. in hunc locum Capitolini intrusit, addiditque *ducentesima*, quasi auctor de tributis ducentemimis mentionem faciat, cum ne vestigium quidem ejus vocis sit, nec eam diligentissimi Casaubonus, & Sal-

Salmasius, qui infinitos prope manuscriptos Codices excusserunt, usquam invenerint. Alij demum Procuratores impositi, ut possessiones & res Cæsaris in Provincia procurarent & hi *Procuratores patrimonii*, seu *rei priuata* vocabantur, de quibus sermo nobis est. At patrimonii Cæsaris nomen duplici subinde significatione acceptum fuit. Aliud enim erat patrimonium, quod propriam substantiam, & bona patrimonialia Principis complectebatur, aliud bona fiscalia: & utraque propria Principis erant. Hac tamen differentiâ, ut primi generis ea essent, quæ Princeps, uti privatus, nullo dignitatis respectu possidebat, & in eius heredes transibat, etiam si non successissent in Imperio. Huiusmodi erant agri, quos *raros per Italiam* tenuisse Tiberium, ait Tacitus Annal. 4. cap. 7. qui alibi *privatam Principis fortunam* vocat, cum Senecam criminationibus petitem Neroni opes suas offerentem inducit, Annal. 14. cap. 54. Augustus plurima bona propria Agrippæ donaverat, quæ ejus morte ad ipsum redierunt, uti refert Dio lib. 54. pag. 542., qui in fine libri pag. 495. eundem à Neapolitanis Capreas permutatione agri redemisse ait. Huc quoque referri debet *privatum patrimonium*, quod fratres suos, non regnum, sibi vindicare posse, aiebat Darius Persarum Rex apud Justinum lib. 2. cap. 10. Et rursus *patrimonium privatum*, quod Antoninus Pius in *filiam* contulit, qui etiam in *suis propriis fundis vixit, variè, & pro temporibus*, utrumque attestante Capitolino cap. 7. ejus vitæ. Hos sanè fundos passim *patrimoniales* appellant Imperatores lib. xi. Codicis Justinianxi tit. 61. 62. & 63. quos etiam *rei private* vocabulo designatos ibidem invenies, licet ejusdem vocis notio varia & inconstans sit, ut non semel adnotabimus.

Sub alio genere bonorum patrimonialium censebantur *fiscalia*, quæ quidem Patrimonium Principis erant, sed non propriè, quia cum dignitate, vel ejus ratione, Principi accedebant. Res enim Fiscales *quasi* propriæ & privatæ Principis sunt, ut definit Ulpianus in l. 2. §. 4. digest. ne quid

in

in locis publ. His adnumerabantur, præter vectigalia & tributa, bona damnatorum, vacantia, comissa, thesauri, quorum explicationem non vacat hoc loco aggredi. Reædè quidem diximus, distinctum fuisse patrimonium *principis*, & *fiscale*, & rursus utraque in Principis potestate & arbitrio. Nam & Dio lib. 53. pag. 511. in fin. licet agnoscat distinctam fuisse pecuniam Principis & publicam, fatetur tamen *satis se non videre inter hujus Principis, & publicum ævarium quid interfuerit*. In hunc sensum intelligendus est Seneca, ubi ait: *Cæsar omnia habet, fiscus ejus privata tantum a sua: & universa in imperio ejus sunt, in patrimonio propria*, lib. 7. de benef. cap. 6.

Utrumque patrimonium *Procurator* Cæsaris administrabat. Quod pertinet ad bona privata, extat tit. 19. lib. 1. digesti. inscriptus *de officio Procuratoris Cæsaris, vel Rationalis*, sub quo in l. 2. & 3. fit mentio bonorum Principi obvenientium ex hereditate, in quâ proprio & privato nomine institutum fuisse nemo dubitaverit. Eundem Cæsaris *Procuratorem* bona fisci curasse patet ex l. 5. dig. de jure fisci; nec aliis exemplis immoror. Porro patrimonium Principis tam privatum quam fiscale, sed illud magis propriè, sicut diximus, *privata res*, & *privata ratio* appellabatur; & hinc *Procurator privata rei* passim occurrit, qui posteriori Imperatorum ævo titulum *Comitis privatarum*, & *Comitis patrimonii* induit. Nos primam appellationem, quæ tempora nostræ inscriptionis respicit, prosequamur. Procuratoris patrimonii meminit Ulpianus in l. cum servus §. 10. D. de leg. 1. & Lampridius in Commodio cap. 20. Privatæ verò rei Procuratorem ante adeptum Imperium fuisse Macrinum, testatur Capitolinus in vit. cap. 7. & Procuratores rei privatæ *suffragiis abstinere* jubet Constantinus Imp. in leg. 2. Cod. de murileg. Quod est, uti explicat Cujacius in hanc legem par. 2. tom. 2. oper. pag. 165. Procuratores pretio, vel patrocinio non esse creandos. Ceterum ejusdem notiois esse *rem privatam*, & *patrimonium*, constat ex leg. 3. C. de

fundis rei priv. tit. 66. & toto tit. 68. Cod. de agric. & mancip. Aëvo sequiori, quo, ut supra monuimus, Procurator patrimonii vocabatur *Comes*, præter curam rei & substantiæ privatz, sollicitudinem quoque parandi mensam Principis gerebat. Utrumque liquet ex Cassiodoro lib. 6. ep. 9. ubi formulam Comitum patrimonii recitat. Moremque notatu dignum addit, hunc scilicet, finitis epulis, privato Principis colloquio fuisse donatum: *Tempora nostra letitia, loquitur Rex, secretaria tua sunt, cum pectus redditur curis alienum: & tunc tribuitur suggerendi locus, quando cunctis adimitur. Merito, ut qui es Judex tanti apparatus & epularum, delinitus cibus tibi animus concedatur.*

Hæc procuratio privatarum rerum primùm sub Severo constituta est, ut narrat Spartianus in ejus vitâ cap. 12. invito Salmasio, qui in notis ad eum locum censoriam virgam in gravissimum historicum perstringit. Ait enim, jam ab Augusti temporibus, & rem & nomen ipsum fuisse cognitum cum à Strabone lib. 17. munus hoc appelletur *ἰδιόχοι*, hoc est ad verbum *privata ratio*, vel *rationis privata* procurator, qui bona caduca, & vacantia, ut fisco Cæsaris adnecterentur, curabat. Quod idem officium fuit ejus, qui procurator rei privatz dictus est, etiam posteriorum Imperatorum ævo: & plura in hanc sententiam congerit. At Pancirolus in Commentar. ad Notitiam Imperii Orient. cap. 87. putat, ita intelligendum locum Spartiani, ut cum antea Cæsares distinctos procuratores ad vicissimam hereditatum, & ad bona caduca haberent, tunc demùm Severus unicum procuratorem, qui non tantum hæc administraret, sed etiam bona damnatorum, de quibus est sermo apud Spartianum, invenerit.

Mihi aliter evolvendus hic nodus videtur, & historici famæ consulendum ex ipso contextu narrationis, qui talis est: *Interfectis innumeris Albini partium viris, inter quos multi principes Civitatis, multæque femina illustres fuerunt, omnium bona publicata sunt, ærariumque auxerunt. In fiscum*

fiscum ergo relata hæc bona, vel tamquam damnatorum, vel tamquam vacantia, & per Procuratorem Cæsaris, seu Fisci, qui pridem constitutus erat, administrata. Sequitur mox Spartianus: *Filijs etiam suis ex hac proscriptione tantum reliquit, quantum nullus Imperatorum, quàm magnam partem auri per Gallias, per Hispanias, per Italiam Imperator jam fecisset, tuncque primum privatarum rerum procuratio constituta est.* Jam intelligis, Severum bona alia, resque proscriptorum publicasse, & fisco addidisse, alia vero additis iis, quæ jam fecerat, in patrimonium suum privatum, & propriam substantiam reculisse. quod patet ex quo ea *filiis reliquit*, ut supra notavimus. Nova ergo procuratio respicit hæc propriæ substantiæ bona adjecta, & relicta filiis. Statim enim subjicit, *tuncque primum privatarum rerum procuratio constituta est*; atque ita cum antea tam patrimonium fiscale, quàm proprium, uno eodemque procuratore regeretur, ea officia & munia distinxit Severus, & antiquum procuratorem administrando fiscali patrimonio, novum verò à se institutum privato suo patrimonio, jam in immensum aucto, non tam ex bonis proscriptorum, ut voluit Pancirolus, sed ex auro per Gallias, per Hispanias, & per Italiam ante confato, constituit.

Nec reprehendendus Spartianus, quòd privatarum rerum nomine privatum patrimonium, & proprium principis tantummodò designavit. Nam reverà, & propriâ vocabuli significatione, res privata & privatum patrimonium differt à patrimonio fiscali, quod improprie, & quasi privata principis res dicitur Ulpiano in recitatâ lege secundâ. Hinc Corippus de laudibus Justini minoris, eadem vocis notione usus, ait:

— Nos quæ tua sunt privata vocamus.

quæ distinctio suffragio imperatorio munitur. Theodosius enim, & Valentinianus patrimonium fisco adjectum *sacrum* appellant in l. ult. Cod. de vectigal. cum iidem Imperatores privati patrimonii nomine designent agros, qui ad pro-

priam, & privatam substantiam pertinent in lultim. Cod. de agricol. & mancip. Ad quem eundem sensum nostram quoque inscriptionem revocamus: quæ cum **AQUILIUM Procuratorem patrimonii** præferat, & deinde *Procuratorem hereditatium patrimonii privati*, inter utrumque patrimonium discretam significationem ostendit.

Jam verò ex hac patrimoniorum distinctione ad ipsam nostræ ejusdem inscriptionis explicationem dilabimur. Et primum, quòd ea *Patrimonium* solitariè prolatum, & *Patrimonium privatum* rem diversam & distinctum munus & officium designet, eo tempore incisam jure & meritò suspicor, quo *Procurator* unus patrimonium seu sacrum, sive fiscale, vel denique publicum appelles, alius vero *patrimonium* privatum, & substantiam propriam Principis administrabat. Præterea id constare arbitror, eo ævo *patrimonii* nomen simpliciter dictum, non hoc privatum Principis, sed publicum, & sacrum significasse; atque inde cum noster **AQUILIUS patrimonii Procurator** dicatur, hoc ipsum publicum rexisse & administrasse. Testimonium nostrorum in Jure consultorum, quo non majus ac illustrius, appello. Ulpianus in l. cum servus in fine d. de legat. r. hæc ait: *Sed ea prædia Cesaris, quæ in formam patrimonii redacta sub Procuratore patrimonii sunt &c.* Prædia & bona, quæ in formam patrimonii rediguntur, publica sunt, & regali patrimonio, non privato, accrescunt. Hujusmodi sunt bona damnatorum, vacantia, caduca, & similia, quæ fisco accedere docent tituli in jure, *de jure fisci, ubi causæ Fiscales, de Advocato fisci*, & similes. Et tunc Bona incorporari dicebantur ex l. r. Cod. Theodos. de incorporat. Eaque fisco addici jubet Imp. Honorius in l. 23. ejusdem Cod. de bonis proscript. seu vindicari, & adnecti, ut in l. 4. & 12. ejusdem tituli. Hinc Hadrianus *damnatorum bona in fiscum privatum* (intelligo patrimonium privatum) *redigi vetuit, omni summâ in ærario publico receptâ*, apud Spartianum in vitâ cap. 7. Scio scriptores, præsertim mediæ ætatis, abuti his
voci-

vocibus *fiscus*, & *erarium*, & privatum *erarium* aliquando privatum *fiscum* appellare. Sed magis proprie *fiscus* de principis *erario* dicitur, ut notavit Salmasius ad hunc Spartiani locum, & nonnulla habet Fabrettus inscript. cap. 3. pag. 196. Porro, quòd bona redacta in patrimonium, publici Iuris fierent, *publicata* dicebantur. Tacitus Imperator *patrimonium suum publicavit, quod habuit in redditibus HS. bis millies octingentes*, ut narrat Vopiscus cap. x. Hoc est bona propria in imperii dominio consecrare, & quod privatum erat, publicum & sacrum patrimonium facere, uti explicat Gutherius de offic. domus Aug. lib. 3. cap. 27. id vero Plinius, ut opinor, *ex patrimonio referre in Imperium* vocat, in Panegyri. cap. 50.

Igitur ex relato Ulpiani testimonio duo elicimus; primum, quod bona in patrimonium redacta, publica sunt & fiscalia; alterum quòd Procurator patrimonii is esse intelligitur, qui eadem bona curat & administrat. Constantius Imp. in l. 3. Cod. Theod. de bonis proscript. jubet, ut super occupandis rebus ob crimina damnati, officium *Procuratoris patrimonij* conveniatur. Sanè etiam posteriori ævo constare videtur, Curatorem alium constitutum privatæ & propriæ principis substantiæ, alium verò publicæ & fiscali. Exstat constitutio Justiniani l. 3. C. de quadrienn. præscript. in quâ Imperator apertè meminit Curatorum, *per quos*, inquit, *solemus substantiam nostram gubernare & mox nostros Curatores per quos res divinarum domuum aguntur*. Comitum privatæ substantiæ clarius explicant verba lib. 6. Basilic. id est eum qui curat res, in privatos principis usus assignatas. Idem ille est apud Zosimum lib. 3. *Præpositus eorum, quæ ad Principem propriè, & privatim pertinent*, & apud Procopium in Anecdor. *Procurator privatæ Principis substantiæ*. Ab hoc ergò alius est *Procurator*, vel *Comes publicæ*, seu *fiscalis* substantiæ. Quæ sententia summo viro Jacobo Cujacio arrisit, qui in Paratitl. Codicis Justin. lib. 1. tit. 33. pag. 37. tom. 2. ex bonorum diuersitate duos factos esse

Co-

Comites ait, unum qui præesset fiscali substantiæ, alterum, qui propriæ; hunc *Comitem rerum privatarum* frequentius dictum, illum *Comitem sacrarum largitionum*. Eâ quidem notatione sumitur officium primi apud Theodoretum hist. Eccles. lib. 3. cap. 12. *Elpidius, inquit, Præpositus privatis Principis pecuniis & possessionibus, Comitem privatarum vocant*. At, quod pertinet ad secundum, ejus munus aliquantò diversimodè explicat Gutherius lib. 3. cap. 16.

Nec ea distinctio perpetua & constans, sed utrumque patrimonium Procuratori privatæ rei, vel Comiti privatarum, ut loquuta est inferior ætas, aliquandò suberat. Id ultro fatemur, ut tamen nemo inficias eat, alternis hoc usurpatum: adeoque rectè explicari nostra inscriptio possit, & ad ea tempora referri, quibus distincta patrimonia, & diversa Procuratorum munia erant.

An verò noster AQUILIUS *Procurator patrimonii* Cæsaris in Urbe, vel in provinciis fuerit, meritò quis dubitaverit. Tàm enim si tempora priorum Imperatorum spectamus, Procuratores in provinciis cõstituti sunt, quos Capitolinus in Maximinis cap. 14. *Procuratores, & Rationales* vocat, passimque eorum mentio in libris juris habetur; tùm etiam in ævum posterius Procurator Gildoniaci patrimonii, alijsque lib. xi. cod. Justinianæ, & in Theodosiano memorantur. At in Urbe *Procuratorem* fuisse AQUILIUM, res ipsa mihi videtur ostendere. Cùm enim quis in provinciis hoc munereungebatur, nomen ejus provinciæ adnecti sollemne erat. Exempla ex ipsis inscriptionibus petamus. Apud Gruterum (non referam Procuratores provinciarum primi generis) pag. 774. 4. positus est lapis *Theopraepon. Proc. ad pradia Gallicana*, pag. 575. 5. *Fortunato Proc. fisci Asiatic.* pag. 411. 1. *Flavio Proc. xx. heredit. Umbriae Tuscia, Piceni, & similis* 493. 1. Undè in Notitiâ Imperii occid. apud Pancirol. pag. 73. Comes Gildoniaci patrimonii, & Procuratores rei privatæ per *Italiam*, per *Apuliam*, per *Dalmatiam*, & ceteras provincias, occurrunt. Porro

Pro-

Procuratoris, qui in Urbe rationes Patrimonii agebat, maior auctoritas, & dignitas illustrior erat. Si enim idem ejus officium ac posteriori ævo Comitibus privatarum, quod eruditibus omnibus placet, Procuratores omnes & Rationales per provincias sub se habebat, appellationes ad ipsum deferrebantur, caduca, vacantiaque bona rei principis, seu fisco incorporabat, causas incæstum, sepulcrorum cognoscebat, quæ & alia plura ejus munia videas apud Pancirol. in Notis. Imperii Orient. cap. 87. & Guther. de offic. Dom. Augusti. lib. 3. cap. 25. nos enim ad aliud Procuratorum genus properamus.

Attamen ne adhuc hinc abeamus, una nos vocula parumper detinet. Quòd AQUILIUS dicatur fuisse *Procurator patrimonii BIS*, quæret aliquis, quo tempore hoc officium finiretur? Annale fuisse puto, saltem post Severum Alexandrum, qui *rationales cito mutavit, ita ut nemo nisi annum compleret*, teste Lampridio in vit. cap. 46. addebatque arcanum Principatus pessimi exempli, nam *eos, si boni essent, oderat, malum necessarium vocans*. Rationalis idem est ac *Procurator* eidem scriptori paulò antè c. 45. Sanè & inferiori Imperatorum ævo, cum nomen & munus *Procuratoris* patrimonii in *Comitem* rerum privatarum abierat, non ultrà annum productum ejus officium haud modicâ perquisitione assequutus sum. Nam *Eulogius* Comes rerum privatarum fuit anno 395. ut apparet in leg. 10. Cod. Theod. de infirm. sequenti verò anno 396. idem munus exercuit *Apollodorus*, ex ejusdem Codicis l. 32. quorum appellation. Rursus ad ann. 397. Cæsario, & Attico Coss. *Hyperechius* Comes R. P. signatur in leg. 14. Cod. Justin. de iur. fisc. & leg. 12. de tiron. at iisdem Coss. lex 14. eod. inscribitur *Minervio* Com. R. P. In hujus locum succedit *Firminus* ann. 398. ut desumitur ex leg. ult. de domib. ad rem priv. & leg. ult. de conlat. fund. patrim. & perseverabat anno 399. ex leg. 25. de susceptor. quem demùm excepit sequenti anno 400.

Sal-

Salvinus cui inscribitur lex 27. de Annon. & Tribut. ejus-
dem Cod. Theod. Quibus testimoniis satis claret, Comi-
tivam rerum privatarum annum non excessisse: quod
ad hanc procuracionem patrimonii, & ad aliam
hereditatum, de quo nunc dicere
aggredior, facile tra-
duci poterit.



CAPUT VI.

Qui Procuratores hereditatium. Malè cum Procuratoribus Vicefime hereditatium confunduntur. Quid hæc Vicefima, & quando sublata. Hereditates, de quibus in lapide Antiatii, Imperatoribus ex privatorum testamentis obveniebant. Boni & mali Principes, diverso tamen judicio & causâ, olim ad hereditates vocati, ex quo magna iis divitiarum accessio. In patrimonio privato computata, & peculiaris Procurator impositus. Differentia inter hereditates privati, & publici patrimonii ex nostrâ inscriptione. Cujusnam conditionis Procuratores iis dati. Vulgaris error de Cornelio Tacito, detectus. Reinesius minus rectè Procuratores semper liberos fuisse arbitratur; nam variatum arbitrio Principis. Tacitus in referendis Concionibus nimium sibi indulgit. Humpbridus Prideaux notatus.

PROC. HERED. PATRIM. PRIVAT.

Procuratori Hereditatium Patrimonii privati.

POSTQUAM semel & iterum Patrimonium Cæsaris administravit AQUILIUS, procurationi hereditatium patrimonii privati admotus est. Hic aliquid novi mihi deprehendere videor, nec aliis hætenus explicatum. *Procuratores hereditatium* sæpius sanè offendimus in antiquis inscriptionibus, ac nusquam inveni hoc additamentum *patrimonii privati*. Quærendum ergo est, quænam fuerint hereditates patrimonii privati. Primum repetenda sunt, quæ diximus superiori capite de principis patrimonio privato, atque hinc hereditates, quæ Procuratoribus regebantur, in examen vocandæ. Procuratores hereditatum, seu hereditatium (utroque enim

L

mo-

modo eam vocem usurpatam invenies in Pandectis, & in veterum lapidibus, uti Vossius quoque adnotavit de Analog.lib. 2. cap.14.) apud Gruterum reperire est hoc modo designatos: pag.590. 12. *Lemno Procuratori Patrimonii, & heredit.* eadem pag.num.7. *T. Flavio Aug. lib. adiutori tabulariorum rationis hereditat. Cas. N.* pag. 346. 1. *Q. Ael. Januario Proc. hereditat.* pag.426. n. 5. *C. Junio Proc. hereditat.* Hos procuratores hereditatum eosdem cum procuratoribus xx. *hereditatum*, remque vnam eandemque esse, putant Cujacius ad tit.33. lib.6. Cod.pag.826. tom.9. Pancirol. in norit. Imp.Orient. cap.74. pag. 122. Reinesius Class.vi.num.57. & Fabrettus inscriptionum cap.1. pag.37. *Præsignatorem hereditatum lapidis* Ciampiniani ad *viceßimam* pertinere arbitratur. At mihi à doctissimis viris liceat, etsi cum verecundiâ recedere, & ostendere hereditates Cæsaris, si ita simpliciter proferantur, toto cœlo distare à *viceßimâ* hereditatum.

Hæc quidem vesiigal erat ab Augusto institutum ad alendas legiones, quo quisque heres, qui defuncto valdè propinquus non fuisset, vel hereditas nimis tenuis non esset, viceßimam solvere cogebatur, ut tradit Dio lib.55. pag.565. Fallitur Gutherius de offic. Dom. Aug. lib.3. cap.35. altius repetens ejus institutionem, ad P.Manlium scilicet, ex Livio lib.7. nam viceßima à Manlio inventa, non hereditatum, sed libertatum fuit, ut optimè animadvertit Cl. Fabrettus pag.35. Viceßimam, de qua loquimur, Nerva, & Trajanus in quibusdam arctarunt, quod Plinius in Paneg. cap.37. & seq. pluribus commendat, & alias de ea leges tulit M. Antoninus ex Capitolino cap.11. tandemque Gratianus penitus fustulit, laudatore ejus Ausonio testante. Huic vesiigali Procuratorem constitutum tum in Urbe, tum in Provinciis, docent lapides apud Gruterum pag.411.1. pag.589. 6. apud Reinesium Class. 6. 126, quem integrum exhibet Fabrettus pag.37. num.180, ubi alios videas. Hæc porro *viceßima hereditatum* ab hereditatibus longè alia, & Pro-

Procurator utrisque diversus impositus. In lapide Romano 426. 5. C. *Junius dicitur Procurator hereditat. & subindè etiam Pro magister xx. hereditatium.* ergò res, & officium, distinctum. *Pro magister* hoc loco vicem magistri, seu Procuratoris gerens intelligendus est. Ita *magister*, scilicet procurator, *rei privata Africa* appellatur Dracontius in l. 4. de jure fisci Cod. Theod.

Ergò hereditates, quas noster lapis Antiatinus & similes proferunt, ex sunt, meâ quidem sententiâ, quæ Imperatoribus ex privatorum Testamentis obveniebant, quibus administrandis Procurator peculiaris dabatur, idèò *Procurator hereditatium patrimonii privati* dictus. Ex Civibus enim plerique, qui amicitia principum florebat, grati animi significationem extremis tabulis testati, vel ex asse, vel ex parte heredes eos nuncupabant. Vellius Pollio inter Equites divitiarum nomine celeberrimus, *magnam hereditatis partem, & Pausylipum villam inter Neapolim, & Puteolos* *Augusto legavit*, uti refert Dio lib. 54. pag. 537. & Horatius Poëta decessit, ex Svetonio in ejus vitâ, *herede eodem Augusto palam nuncupato.* Qui Imperator hanc ab amicis mutuam benevolentiam exigere solitus fuit, & eorum *suprema iudicia morosissimè pensavit, neque dolore dissimulato, si parcius aut citrà honorem verborum, neque gaudio, si gratè pièque quis se prosequutus fuisset.* Verba sunt ejusdem Tranquilli in Aug. cap. 66. Quod honoris testimonium etiam mali Principes expetivere. Idcirco Domitianum, quod eum Agricola coheredem uxori & filia scripseret, refert Tacitus cap. 43. in fin. *letatum velut honore, iudicioque.* At pessimum Imperatorem non idèò, ut amicitiam profiteretur, in partem hereditatis vocavit Agricola, sed quia eum meruerat, filiis ac propinquis hac specie honoris consulturus; unde acutissimus historicus subdit: *tam cæca & corrupta mens assiduis adulationibus erat, ut nesciret à bono patre non scribi heredem nisi malum Principem.* Eo consilio Annæus Mella frater Senecæ, mortem iussu Nero-

nis sibi consciscens, grandem pecuniam in Tigellinum, generumque eius Cossutianum Capitonem Codicibus scriptis erogavit, *quo cetera manerent*, inquit idem Cornelius Annal. 16. cap. 17. delinitum quippe hoc honoris testimonio Tigellinum, penès quem vis principatus tunc manebat, ceteris suis facultatibus diripiendis abstenturum sperabat Mella.

Frequens verò adeò erat principem testamento nuncupandi consuetudo, ut mali id in tyrannidem detorquentes etiam alienissimas hereditates confiscarent, *vel existente uno qui diceret, audisse se ex defuncto, cum viveret, heredem sibi Casarem esse*, ut de Domitiano prodidit Suetonius cap. 12. Cui praeluserat exemplo Caligula, qui eodem teste cap. 38. *Testamenta primipilarii, qui ab initio principatus Tiberii neque se heredem reliquissent, ut ingrata rescidit. Item ceterorum, ut irrita & vana, quoscumque quis diceret herede Casare mori destinaſſe*. Quod paullò secus narrans Dio lib. 59. p. 65 r. id etiam Senatus Consulto editum fuisse scribit. Quo metu inieſto, prosequitur Tranquillus, *cum iam & ab ignotis inter familiares, & à parentibus inter liberos palam heres nuncuparetur, derisores vocabat, quòd post nuncupationem vivere perseverarent, & multis venenatas mactas misit*. At boni Principes se nunquam ab ignotis heredes vocari passi sunt, benevolentia & affectu honorem pensantes, neque si quis instituto Principe filios præterisset, ut de Augusto Suetonius indicato cap. 66. de Hadriano Spartianus in vita cap. 18. & de Antoninò Pio Capitolinus cap. 8. tradiderunt. Ipseque Tiberius quamvis avidissime omnium hereditates, qui eum heredem dixissent, arriperet, ut ait Dio lib. 58. pag. 63 r. attamen eà moderatione semper usus est, ut nunquam easdem adiret, *nisi cum amicitia meruisset, ignotos & aliis insensos, eoque principem nuncupantes, procul arcebat*, teste Tacito Ann. 4. cap. 48. Quæ tamen modestia Dioni ignorata, qui omnium indifferenter hereditates, qui eum heredem dixissent adiuisse scripsit, loco

nunc

nunc relato ; *Nuncupatus* autem, ut statim subdit, *fuit heres à plurimis etiam iis fere, qui se ipsos interfecissent*, eo fortè consilio ita ab his vocatus, ne in filios & propinquos sciviret. Verba Taciti superius recitata cum pravissimum morem indicant, quo aliqui suis, & proximis legitimisque heredibus infesti & irati, principem testamento appellabant, ne ad eos, quæsito ad litem validiori adversario, hereditas perveniret. Quæ testamenta improbarunt jura nostra in l. 91. dig. de hered. instituen. & l. 22. de jure fisci, & cuncta hæc, quæ perditæ superiorum temporum mores induxerant, summâ moderatione complexus Pertinax Imperator, professus est, nullius se aditurum hereditatem, quæ aut adulatione alicuius delata esset, aut lite perplexâ, aut legitimi heredes & necessarii privarentur, ut scriptum reliquit Capitolinus in vitâ cap. 7.

Itaque hereditates, seu à malis per flagitium quæsitæ, seu à bonis principibus amicitia & Civium amore promeritæ, eorum patrimonio ingentem divitiarum & bonorum accessionem constabant. Augustus, uti narrat Suetonius cap. 101. *Viginti proximis ante obitum annis quatuordecies milles ex testamentis percepit, quod penè omne cum duobus paternis patrimoniis, ceterisque hereditatibus in Rempublicam absumpsit.* Ingens ea summa triginta quinque, ut cum vulgo loquar, milliones peræquans. Aliorum Principum nemo dubitaverit auctum & locupletatum fuisse patrimonium: quamvis enim, quod noverim, quid quisque ex testamentis privatorum ceperit, nullo Scriptore memoriæ proditum fuerit; attamen palam est nunquam defuisse, qui eis hereditates deferrent, quod usque ad Justinianum invaluisse superius vidimus. Deterioris conditionis Deos ipsos fecere, quos *Senatus Consulto, & constitutionibus Principum* institui heredes veritum fuit, ait Ulpianus tit. 22. qui hered. instit. possunt, *præter Jovem Tarpejum, Apollinem Didymæum, Martem in Gallia, Minervam Iliensem, Herculem Gaditanum, Dianam Ephesinam, Matrem Deorum Cybelem, quæ*

Smyr-

Smyrna colitur, & Calestem Salinensem Carthagini. Hereditates ergò ex defunctorum supremo iudicio Imperatori acquiritæ patrimonio eius priuato & proprio accedebant, quod vel exemplo Augusti, paullo ante relato, patet, qui eas unâ cum paterno, certe proprio, patrimonio pro suo arbitrio liberaliter absumpsit. Iis vero curandis peculiaris administrator constitutus, ideo *Procurator hereditatium* dictus in nostrâ inscriptione ceterisque, quæ procuratoris hereditatium, nullâ aliâ adjectâ notâ, meminerunt. & fortassè lex 1. Cod. de Usur. inscripta *Procuratoribus hereditatium*, de his intelligenda est, non de hereditatibus *Fisci*, ut communiter interpretes; nulla enim in corpore legis *Fisci* mentio est. Eo ipso munere functum fuisse Antherû Tiberii Libertum *super hereditates*, Marcello Empyrico memoratum arbitror. Huc etiam spectant inscriptiones pag. 589. 2. & 3. EXACTORI HEREDITATium LEGATORum, & PECVLIORum. Imperator enim legata, & hereditates, & peculia ex testamentis privatorum capiebat, quibus exigendis Seruus præpositus, qui Procuratori hereditatium, ut conjicio, suberat. Alii etiam administri huic officio, ut ceteris, dati. *Tabularios*, & *Adiutores* reperies in lapide pag. 590. 10. T. FLAVIO. AVG. LIB. CHRYSOGONO ADIVTORI TABVLARIORum RATIO Num HEREDITATium CAESARIS N. nostri in septimâ verò p. 589, quæ signari debuerat 590, habes RATIONALEM. HEREDITATIVM. Hoc loco *Tabularii rationum* sunt, qui rationes scribunt, aliàs *Calculatores* dicti, de quibus Ulpianus in l. ult. in fin. D. si mensor fals. & in l. 1. §. 6. D. de varijs, & extraord. cogn. *Adiutorum* meminit Julianus Imp. in l. 8. Cod. Th. de numer. act. &c. Vide Pancirol. in notit. Imp. Orient. cap. 77.

Non pigeat scrupulosius investigare cur hereditates *patrimonii privati* appellatæ in nostra inscriptione, tamquam si aliæ essent hereditates publici patrimonii? Ita sane: Hereditates enim *Caducæ fisco*, seu ærario publico lege

Papiâ deferebâtur, necnon *vacantes*, lege Juliâ. Hereditates seu Bona Caduca ea sunt, quæ jure reliâta capaci, aliquâ ex causâ post mortem testatoris cadunt in Fiscum; quæ olim Augusto inventa, à Justiniano sublata sunt l. 1. Cod. de caduc. toll. Vacantia dicuntur intestatorum res, qui sine legitimo herede decesserunt, de quibus agitur in l. 1. Cod. de bon. vacant. Aliquandò tamen hæc bona fisco privato principis accessere, quod intelligendum ante incorporatio-nem. *Procurator* peculiaris his caducis datus: quod discimus testimonio lapidum apud Fabrettum cap. 3. inscript. 471. 473. & 475. Prima inscribitur ARRIO. PROC. AVGG. N N IN BETIC. HEREDIT. CADVC. secunda L. FLAVIO PROC. PATRIMONI DOMITIANI AVG. PROC. CADVC. BIS. in tertiâ denique distin-cte *Laberius* dicitur PROCVR. CADVCORVM. si ad hos lapides funiculum adhibeas, primùm mirari defines, *Procuratorem* peculiarem hereditatibus patrimonii privati, quas amplissimas ostendimus, datum, cùm etiam caducis fuerit impositus: deinde in secundo notabis, *Patrimonium Domitiani* dici, ut scilicet hoc esse privatum & proprium eius Imperatoris appareret, ad differentiam Patrimonii fi-scalis & publici: & tandem Arrium in primo signari *Pro-curatorem hereditatum in Beticâ*, ut constet, quod supra dicebamus, in more positum, Procuratores in provinciis ipsius provinciæ nomine distinguere, secus ac Procurato-res in Urbe qui solitariè efferebâtur. Alia fortè causa, cur ea nota *patrimonii privati* fuit adiecta. Heres aliquandò etiam Respublica nuncupabatur, & tunc hereditas publico ærario addicebatur. Illustre exemplum exhibet Capitolinus in Gordiano III. cap. 28. *Mistheus* socer huius Imperatoris doctissimus, *Præfectus Prætorio, & Parens Principum* dictus, heredem Romanam Rempublicam eâ conditione instituit, ut *quidquid eius fuerat, vestigalibus Urbis accederet*. De hoc *Mistheo* in signe extat testimonium in lapide Gruteriano pag. 439. 3. quo verba Capitolini illustrantur.

MISITHEO. PARENTI. PRINCIPVM. P.R. TVTORI. REIP. S.P.Q.R. Igitur hereditates patrimonii Reipublicæ aliæ ab hereditatibus patrimonii privati Principis. Sanè & fiscum proprium habuisse Populum Urbis Romæ putat Jacobus Gothofredus in Commentar. Cod. Theod. ad l. 1. de Decur. pag. 141. tom. 5.

Jam verò cùm nostrum AQUILIUM *Procuratorem patrimonii* fiscalis seu publici, capite antecedenti, hic autè *Procuratorem hereditatum* ostenderim, remanet inquirendū, cujusnam conditionis homines hisce officiis præponerentur, ut AQUILIO suū genus & fortunæ gradū inscribamus. *Procuratorum* Cæsaris conditionem disertis verbis tradit Tacitus in vitâ Agricolæ cap. 4. *Julius*, inquit, *Agricola veteri & Illustri Foro-Julienſium Colonia* (ea est Galliæ) *ortus utrumque avum Procuratorem Cæsarem habuit, quæ Equestris nobilitas est*. Ipsum quoque Tacitum, qui sanè ex eodem Equestri ordine fuit, plerique omnes Procuratorem rationum in Galliâ Belgicâ faciunt, ex Plinio loco statim recitando. Et Reinesius præ ceteris inscript. 53. Class. 1, in quâ profertur CORNELIVS. VERVS. TACITVS. RATIONATORIS. HONORE. VSVRV. SECVNDVM, sibi impotentius plaudit, quòd *historicorum Latinorum nobilissimi memoriam, & verum eius nomen, quod per tot sæcula nos latuit, integrum nunc ediderit*. At demus, Tacitum, de quo Plinius, eum esse, qui hic *Ratiocinator* in Galliâ, nunquam tamen idem ipse est nobilissimus historicus. Verba sunt Plinii lib. 7. cap. 16. *Ipsi nos pridem vidimus eadem fere omnia, (puerum nempe in tria cubita, triennio adolevisse) præter pubertatem, in filio Cornelii Taciti Equitis Romani, Belgicæ Galliæ rationes procurantis*. Tacitus historicus in consulatu Agricolæ, dum ferè septimum decimum ætatis annum ageret, ut ex supputatione Lipsii in ejus vitâ colligo, illius filiam in matrimonium accepit, quod ipse testatur in Agricolæ cap. 9. *Consul egregia tunc spei filiam juveni mihi despondet, & statim Britannia præpositus*

fitus est. Consulatus Agricolaë, qui fuit ex suffectis, incidit in annum Ch. 77. ex Panvinio in fastis ad A. V. 830. & Britannica præfectura in sequentem 78. Atqui Plinius decessit in deflagratione Vesuvii, quæ peritioribus Chronologis consignatur ad annum primum Titi, scilicet Christi 79. Ergo non potuit *pridem* vidisse filium triennem Taciti historici, qui tantum ante biennium, hoc est anno 77. uxorem duxerat, & sanè primam, ut ejus ætas jam indicata suadet. Si dicas, historici patrem illum Cornelium Verum Tacitum fuisse, non repugnabo.

At verò, ad rem ut redeam, hi Procuratores ex primo, vel secundo jam recensito genere, & proinde à nostris alii, fuere. Quæramus itaque *Procuratores privata rei, & patrimonio*, seu publico, seu principum proprio, quod nostri argumenti est, præpositos. Reinesius Claf. 9. num. 45. *procuraciones rei privata* tam in Urbe quam in provinciis semper commissas liberis autumat. In hoc sanè fallitur; quod *semper* id usurpatum putet, ut mox ostendam, & ipse haud sibi constans fateri videtur Classe eadem num. 18. Profectò Antheros, quem supra hereditates fuisse meminimus, Libertus Tiberii fuit. Apud Cl. Fabrettus cap. 3. in script. 482. occurrit P. AELIVS PROCVRATOR. ALEXANDRIÆ. AD RATIONEM PATRIMONII num. 481. LEMNVS. PROCurator PATIMONI ET HEREDITATUM, & VLPIVS PROCVRATOR PROVINCIARVM PANNONIÆ, & AFRICÆ, omnes Liberti. Alios fuisse ingenuos ceteræ inscriptiones, quas eodem loco adducit, produnt; & pag. 37. Stelenius PROC. XX. aliis illustrioribus officiis, quæ ingenuos decent, ornatus reperitur. At Procuratorum dignitatem evehit Opilius Macrinus, qui *privata rei* præpositus, mox Præfecturam Prætorii, & demum Imperium adeptus est. In Gruterianis pag. 411. Flavius Germanus Proc. XX. HER. ET. PROC. PATRIMON. filios equo publico ornatos habuisse dicitur, quo fit ut ipse quoque Equestris Ordinis sit censendus.

Pag. 451. 3. L. Petronius Sabinus PROC. AVGG. STATIONIS HEREDITATVM. etiam Procurator Provinciae Narbonensis signatur, quam dignitatem equestrem fuisse jam indicavimus. An hic ipse Petronius Vicarius Hispaniarum, ad quem extant rescripta Arcadii, & Honorii I. unica tit. 21. & l. 5. tit. 22. lib. 4. Cod. Theodosiani? Certe Vicario in provinciis tributariae rei cura incubuit, cui cum affinis sit procuratio, ex uno ad aliud officium traditum Petronium non est inverisimile. Concinit & tempus, quo duo Augusti imperabant. *Statio* erat locus, in quo officiales susceptores tributorum consistebant, l. 19. tit. 6. de suscept. Cod. Th. Hic de loco officialium ad hereditates suscipiendas intelligendum, seu de ipso officio, cui praeerat Petronius. In memoratâ inscriptione 5. pag. 426. C. Junius *Procurator hereditatium* plura alia exercuit munera, quae tantum Equitibus demandabantur. Præterea Claudius Imp. in oratione ad Senatum de Civitate Gallis dandâ L. *Vestinum*, ait, *Equestris ordinis ornamentum* . . . in rebus *meis detineo*. Interpretor, quod eum Imperator rei privatae familiari procurandæ imposuerit. Eam orationem tabulis æreis Lugdunenses consignarunt, quas demum superiori seculo in eâ Urbe repertas, exhibet Gruterus pag. 502. Tacitus Annal. 11. cap. 24. hanc ipsam orationem Claudii expressit, sed quantum à verâ, quam Imperator recitavit, deflectat, quisquis utramque inter se componat, facile animadvertet. Longè diversus verborum contextus, sensus aliquot & sententiæ retentæ, plures prætermisæ vel detortæ. Et si mihi fas sit dicere, illa Imperatorem, quem *non infacundum, neque indoctum* tradidit Suetonius cap. 40, hæc Oratorem loquentem statim prodit. Quod obiter adnotavi, ut hoc exemplo deprehendas, quantum in Concionibus nobilissimus hic scriptor vera confictis commiscens ingenio suo indulserit.

Itaque hinc ingenui & Equites, inde Liberti procurationibus adhibiti. Quid ergo? Pro lubitu & ex ingenio Impe-

Imperatorum id factum arbitror. Si quæras testimonium, dabit idem Tacitus initio lib. 13. *Annal. Ministri fuere, inquit, P. Celer Eques Romanus, & Aelius Libertus rei familiari Principis (Neronis) in Asia impositi.* In eadem provinciâ eandem procurationem simul agunt Eques, & Libertus. Claudius Imp. quem rei privatæ admovisse Vestinum Equitem Rom. diximus, non mirum si Libertos quoque rei familiari præfecerit, *cum eos sibi, & legibus adequaverit,* ait Tacitus An. 12. cap 60. At pejus acceptum hoc munus ab Heliogabalo, qui *Mulionem*, quo non aliud genus hominum abjectius, *vicefam hereditatium curare jussit,* teste Lampridio in vita cap. 12. Sanè Augustus apud Dionem lib. 53. pag. 506. Procuratores, qui publicos redditus colligunt, alios ex Equitibus, alios è Libertis elegit. Id etiam in hoc nostro procuratorum genere usurpatum. *Quod* malè in suam sententiam detorsit Humphridius Prideaux, qui in notis ad marmor Tingitanum inter Oxoniensia LXXXII. pag. 137. ex eo Dionis loco putat Procuratores publici Fisci ex Equitibus, privati verò Imperatorum patrimonii, ex Libertis delectos fuisse; nulla enim ibi distinctio, nec verbum de procuratore patrimonii. Imò idem historicus lib. 52. pag. 480. recitat orationem Mæcenatis, quâ inter plura reipublicæ administrandæ consilia, illud etiam Augustum monet, *ut ærarii publici ac Fisci, præterea negotiorum aliorum Romæ & per Italiam administratio Equitibus manderetur.* A quo tamen aliqua ex parte discessisse Augustum apparet. Promiscuè igitur Procuratores rei privatæ, & patrimonii Principis ex Equitibus, & Libertis accepti: quod nobis satis est, ne quis in dubium vertat, procurationes, de quibus loquimur, Equitibus Romanis frequenter impositas, quo nostri AQUILII Equestris dignitas, pluribus jam titulis asserta, hujus quoque accessione firmetur: ne si in Libertos semper collata appareret, ut placuit Reinesio, è gradu splendidissimi ordinis ipsum deicere cogeremur.

C. A. P. U. T. VII.

AQUILIO, ob curam Operum publicorum actam, illustre genus denuò asseritur. Vespasianus Capitolium restituit. Pugna inter Tacitum & Suetonium conciliatur. Tabula marmorea Fratrum Arvalium nuper reperta. Memorata his Capitolii restituitur a eadem cum Vespasiano. Titus Capitolium denuò concrematum restituere aggreditur, de quo silent scriptores; Domitianus absolvit. Aliqua hactenus ignota, quæ iisdem Tabulis continentur, explicata. Fasti emendati. Plures Consules suffecti proferuntur. Dea Dia quæ fuerit, hucusque ignoratum. Famule Deæ, & Virgines Deæ. Loca in Amphitheatro adsignata post dedicationem, Arvales sibi nobiliori, eorum Ministri inferiori spectabant. Quot ii numero fuerint, detegitur. Ante diem, num diem ipsum significet? Nummi, male ab Antiquariis explicati; Arvalibus asseruntur.

PROC. OPER. PVB.

Procuratori Operum Publicorum.



T forte nutantem adhuc, incertumque ex his, quæ diximus, de **AQUILII** conditione, præscriptus titulus inter aulicæ ambigua versari amplius vetat. Operum quippe publicorum curam clarissimis viris, genere & gradu commendatis, impositam; testimonio lapidum, & fide historiarum comperimus. Aulus Vitellius filius Consulis, & Censoris, quique postea Imperator, defunctus Proconsulatu Africæ, curam operum publicorum administravit, ex Suetonio in vita cap. 5. Flavius Sabinus, sive is frater fuerit Vespasiani Cæsaris, qui Urbis præfecturam gessit, sive hujus filius, qui Consul anno primo Domitiani consignatur,

operum publicorum Curatorem nobis indicat lapis Romanus 2. pag. 128. Inde, ut temporum seriem sequamur, apud Cl. Fabretum inscriptio 470. cap. 3. nuncupatur *P. Metilio Procuratori operum, locorumque publicorum Imp. Caesaris Trajani Hadriani Aug. Legionis III. Aug. & exercitus Africani Legato*. Sub Antonino Pio C. *Popilius Carus Pædo Curator operum publ.* scribitur in 6. pag. 457. Gruteri, & simul *Legatus* ejusdem Imp.; & *legionis X.* aliisque gestis muneribus clarus. Septimii Severi ævo lapis Romanus pag. 171. 7. exhibet *T. Arrium Bassianum C.V. CVRatorem OPERum PVBLICORVM.* Literæ singulæræ C.V. designant *clarissimum Virum*, quo titulo Senatores honestatos; testis est Lampridius in Severo Alex. cap. 21. & in Elagabalo cap. 4. Imò hunc T. Arrium Antoninis adscribendum jure arbitror, quod cognomen familiam Arriorum gessasse, ex Spartiano infert doctissimus Casaubonus in notis ad eundem in Hadriano cap. 24. Poterat nominare & Capitolium, qui initio vitæ Antonini Pii Arrium Antoninum huic Aurum maternum fuisse scribit. Bassiani verò cognomen eidem quoque genti insertum reperio apud eundem Spartianum in Severo cap. 10. quo loci ait, hunc Imperatorem filium suum majorem Bassianum appositò Aurelii Antonini nomine Cæsarem appellasse. Nostro demum AQUILIO dignitatem splendoremque accersunt duo illustria patriciarum gentium nomina quæ præfert lapis Romanus incert. ævi pag. 93. 1. M. SVLPITIVS LEPIDVS. CN. OCTAVIVS CELSVS CVRatores OPERum PVBLICorum.

Et sanè decebat illustres viros iis operibus curandis præfici, quæ augustis Deorum, aut Cæsarum nominibus consecrabatur. Vespasianus initio Imperii *Curam restituendi Capitoli in L. Vestinum* (quem superius à Claudio familiarissime habitum vidimus) *equestris Ordinis sed auctoritate famâque inter Proceres*, contulit, ait Tacit. hist. 4. c. 3. additque sollempnia dedicationis pro restitutione templi peracta fuisse à Vestino *XI. Kal. Julius*. Tunc aberat Vespasianus,

uti

uti conjicit Savilius ad hunc Cornelii locum. At Suetonius in vitâ cap. 8. tradit, Vespasianum *rueribus purgandis manus primum admovisse, ac suo collo quadam extulisse*. Quod mirè torquêt Liplium, qui nil nisi pugnam manifestam videt, & lubens conciliantem se auditurum profiretur, in notis ad eum librum Taciti num. 83. Nescio, an post doctissimos viros eam pugnam liceat mihi levi manu dissolvere. Tacitus præter loci & aræ dedicationem nil nisi jacta fundamenta memorat; at cum *Haruspices*, ut ipse ait, monuissent, ut reliquia prioris delubri in paludes aveherentur, non ante id factum fuit quam præsens Vespasianus esset, & reliquias ipsas, seu, ut vocat Suetonius, *rudera* primus efferrer. Atque ita intelligendus est etiâ Dio, seu Xiphilinus qui lib. 66. pag. 749. ait: *Templum in Capitolio statim edificare cœpit (Vespasianus) primusque inde terram extulit*. Utrumque verò gestum primo Vespasiani anno: unde Eusebius in Chron. malè id ad quartum refert, ingenti triennii metachronismo, ut notat Scaliger num. 2088. Quod indicavimus ex eodem Tacito sollempnia restitutionis Capitolii absoluta fuisse undecimo Kal. Julias, non convenit cum alio monumento, quo vota nuncupata ad ejusdem Capitolii restitutionem & dedicationem V. l. Idus Decembris consignata sunt.

Nuper viâ Otiensis quarto ab urbe milliaro aliquot marmorum fragmenta defossa sunt, quibus sacrificia & acta fratrum Arvalium continentur, qualia videre est apud Gruterum à pag. 117. Sponium in Miscellan. erudit. pag. 5. & Fabrættum cap. 6. à pag. 442. At sanè hæc nostra non pauca eruditæ antiquitatis argumenta recondunt, quæ in illis frustra quaerieris. Ea iussu Eminentissimi Cardinalis Petri Orthoboni, in quo dignitatem inuenuimus, amorem literarum, magnificentiam, ceteraque animi præclara ornamenta, suspicimus, in ædes Cancellariæ translata, doctis omnibus, copiam faciente Illustrissimo D. Ludovico Sergardio non minus ornatu morum, quam eruditionis, bonarumque artium

artium famâ commendato, patent. In alterâ igitur earum
 tabularum hæc incisa leguntur: M. TILLIO. FRVGI. T.
 VINICIO. IVLIANO. COS. VII. IDVS. DECEM-
 BR. IN. CAPITOLIO. IN. AEDEM. OPIS. SA-
 CERDOTES. CONVENERVNT. AD. VOTA. NVN-
 CVPANDA. AD. RESTITVTIONEM. ET. DEDI-
 CATIONEM. CAPITOLI. AB. IMP. T. CAESARE.
 VESPASIANO. AVG. In Collegio adfuerunt &c. Quod
 hæc votorum nuncupatio ad Vespasianam, in quâ versa-
 mur, Capitolii restitutionem pertineat, nomen ipsum ejus-
 dem Imperatoris, quem etiam Titi prænomine usum aliqui
 putant, quos inter Panvinus de nominib. antiq. pag. 71. &
 Rupertus observation. ad Synopsin Besoldianam in Ve-
 spasiano, suadere videbatur. Consules præscripti indicium
 nullum facere possunt, cum sint ex suffectis, nec quo anno
 magistratum gesserint, uspiam constat. At eam nuncupa-
 tionem filio ejus Tito adscribendam omnino arbitror. Mos
 enim Arvalibus fuit, filium solum, non patrem, Titi præ-
 nomine indigitare. Quod patet ex tabulâ apud Fabretum
 cap. 6. pag. 442. ubi primum vota nuncupantur *pro salute*
Imp. Vespasiani Caesaris Aug. & paullo post, *pro T. Imp.*
Vespasiano Caesare Aug. F. Ex nostrâ verò sic deducimus:
 Capitolium quod bello Vitelliano conflagraverat, restitui
 coeptum fuisse à Vespasiano, Tacitus & Svetonius memi-
 nerunt, ut vidimus. Solus Plutarchus in vitâ Publicolæ ab
 eo etiam absolutum tradidit. Denud inde nobilissima arx
 Imperii, simul atque decessit Vespasianus, hausta incendio
 est, teste eodem Plutarcho, qui consentiente Svetonio
 cap. 5. Capitolium à Domitiano *expletum & dedicatum*
 fuisse scribit. Puto ergo, quod nemo unquam Scriptorum
 memoravit, Titum, statim ab hac ultimâ post excessum
 patris conflagratione, Capitolii restitutionem fuisse adgre-
 ssu, fatis verò subito abreptum, fratri Domitiano perfici-
 endum reliquisse. Hinc hujus tantum apud auctores
 mentio. Igitur ipse Titus manum operi admoturus, de-

more vota prius nuncupari Diis Imperii præfidibus iussit, quæ expleta ad diem *vij. Idus Decembris* per Sacerdotes Arvales docet nostra Tabula, & forte ab aliis quoque Sacerdotum Collegiis. Vota certè nuncupabantur initio rei gerendæ, ut benè cederet, ipsâ verò perfectâ solvebantur. Ejus nuncupationis, ne à Capitolio discedamus, formulam refert Tacitus in priori Vespasianæ: *Jovem, Junonem, Minervam, præsidisque Imperii Deos precatu, uti coepta prosperarent, ædesque suas pietate hominum inchoatas divinâ ope attollerent.* Quod verò nostra hæc Arvalium nuncupatio ad Titum sic referenda, licet satis ostendat hoc ipsum prænomen, quod in lapidibus & nummis, ipsi, non patri, dabatur, ut monuit Pagius in Critic. Baron. ad annum 77. attamen cum hæc Titi Capitolina restitutio nulli veterum scriptorum tradatur, eam ex ipsa quoque actorum, quæ in nostrâ tabulâ consignantur, serie demonstrare juvat. Quo etiam obiter rara quædam & non prius nota, in eruditorum gratiam adnotabimus: veniam interim deprecantes si parum ab instituto recesserimus.

Vespasianæ votorum nuncupatio Tacito affigitur, uti vidimus, undecimo Kal. Julias, nostra verò VII. Idus Dec., quod diversam arguit. Hanc eandem nostram sequitur statim *piaculum factum in loco Deę Dię per calatorem, & publicos XVIII. K. Februarii. L. FLAVIO. SILVA. NONIO. BASSO. ASINIO. POLLIONE. VERRV. COSO. COS.* Hi Consules ordinarii processerunt Kal. Januarii anno V.C. 832. Christi Domini 81. & postremo Titi, ut inferius patebit. Eos excipiunt alii Consules L. VETTIVS. PAVLLVS. ET. T. IVNIVS. MONTANVS ad Kal. Majas, & inde L. AELIVS. PLAVTIVS. LAMIA, & Q. PACTVMEIVS. FRONTO; quos suspectos fuisse silentium fastorum evincit. Primus horum is fuit Ælius Lamia, quem, abductâ pridem uxore, Domitianus interfecit, ex Svetonio in vitâ cap. 1. & 10. & meminit Juvenalis Sat. 4. Ejus hic habes prænomen, & alterum

rum cognomen, quæ alibi non reperies. Sub posterioribus iisdem Consulibus adnotatur in tabulâ, Fratribus Arvalibus loca assignata fuisse in Amphiteatro ab Laberio Maximo Procuratore Præfesto Annone. Fuit hic procurator Vespasiani in Judæa ex Plinio lib. 10. ep. 16. & initio Hadriani suspectus Imperio, in insula exulabat, teste Lampridio in Hadrian. cap. 5. Porro hanc assignationem Arvalibus fuisse factâ statim ac Titus Amphiteatrum dedicavit, nullus dubito. Ea dedicatio, cujus meminit Svetonius in vit. cap. 7. incidit in annum postremum Titi, ut notat Eusebius in Chronico. Quamvis verè ex contextu Dionis lib. 66. pag. 757. aliqua dubitatio suboriri possit, id factum anno antecedenti. At series temporum nostræ tabulæ secus suadet. Et quidem Dio ipse satis obscure loquitur; nam in sequenti anno, dedicatis, inquit, iis quæ suprà dicta sunt, mortuus est. Narraverat ludos in Amphiteatro, aliosque alibi exhibitos. Ergò videtur dedicatio facta anno ejus emortuali. At prosequamur nostram Tabulam, in qua post assignationem locorum recensentur vota nuncupata pro salute Imp. Titi his verbis:

L. FLAVIO. SILVA. NONIO. BASSO COS
ASINIO. POLLIONE. VERRUCOSO COS

III. Nonas Ian.

Magister. C. Iunius. Tadius. Mestitanus. Collegi. fratrum. Arualium. nomine. vota. nuncupavit. pro. salute. Imp. Titi. Caesaris. Diui. F. Vespasiani. Aug. Pontif. Max. Tribunic. potest. Cos. VIII. et. Caesaris. Diui. F. Do-

N

mitia-

mitiani. Cos. VII. et. Iuliae. Aug. Libe-
 rorumque. eorum. Victumis. immola-
 tis. &c. Deinde vota concepta recitantur: Iuppi-
 ter. O. M. Si. Imperator. Titus. Caesar.
 Vespasianus. Aug. &c. Similem formulam
 aliæ tabulæ exhibent, meminitque Tertull. de Coronâ
 c. 12. Vota nuncupabantur annuatim stato hoc die, ut est in
 veteri Kal. Titus divi filius hic expressè appellatur, & con-
 signantur iidem Consules anni eius postremi, ne ambigere
 possis acta omnia, quæ in hac tabulâ recitantur, ad eiusdem
 Titi Imperium esse revocanda: nuncupationem quidem vo-
 torum pro restitutione Capitolii ad annum Christi 80. la-
 bentem, VII. Idus Decembris, cetera verò continenter ad
 sequentem; quo Titus ipse idibus Septembris fato cessit.
 Habes ergo, restitutionem Capitolii ultimo incendio ab-
 sumpti à Tito cœptam fuisse, quam historiæ partem à Scri-
 ptoribus prætermittam, nostris Arvalium tabulis debemus.


Ut vero promissi fidem liberem, singularia quædam
 ex hisce tabulis decerpta, Eruditis hic seposui. In primis
 Fasti hujus anni, hucusque corrupti, vel supplentur vel res-
 tituuntur. Græci & Cuspinianxi apud Panvinium Consu-
 les exhibent *Silvanum*, & *Pollionem*. At Panvinius ipse,
 dum prænomen, & gentes addere attentat, omnia sædus
 depravata obtrudit. Reposuit enim *M. Plautium Silva-
 num*, & *M. Annium Pollionem*, eisdemque ad ipso mu-
 tuatus Leunclavius præfixit lib. 66. Dionis. Eminentiſſimus
 Cardinalis Norisius, in quo, singulos laudum titulos, &
 summum locum doctrinæ sibi vindicante, amplissimâ digni-
 tas accessio est, in Epistolâ Consulari pag. 50., eos restituit
 ex arâ apud Gruterum pag. 1040. 1. à Canulejo dicatâ Kal.
 Novembris SEX. ANNIO SILVANO, & T. ANNIO.
 VERO POLLIONE. COS. Fidem lapidi Gruteriano non
 abnue-

abnucrium : at certè , postquam nostræ tabulæ emerferunt ; fatendum est , aut exscriptorem nomina depravata tradidisse , vel hoc par Consulum ad fastos hujus anni non pertinere , eosque inter suspectos incerti ævi ablegandos esse . Quod sane magis arridet , cum vix credi possit , exscriptorem adeò rudem & imperitum fuisse , ut nomina toto assere discrepantia præbuerit .

At nostros Consules fuisse ordinarios patet . Nam sub ipso exordio anni , quem Consules ordinarii aperiebant , ad diem nempe tertium , & decimum quintum Januarii , notantur . Quare ad annum postremum Titi , Urbis 834 . Christi 81 . qui Baronio est 83 . Consules restituendi sunt : **L. Flavius Silua Nonius Bassus , & Asinius Pollio Verrucosus .** Quæ eadem nomina reperies apud Dionem , seu ejus exceptorem Xiphilinum , qui lib. 66 . pag. 757 . hoc ipso anno Titi emortuali reponit Consules Flavium & Pollionem . Unde frustra est Leunclavius , qui in notis pro primo reposuit *Plautium* , verum hoc esse ejus Consulis nomen autumans . Hunc ipsum non ambigo fuisse *Flavium Siluam* , qui apud Josephum lib. 7 . de bello Judaico cap. 28 . defuncto Basso administravit Judæam , & reliquias belli capto munitissimo Castello Massadâ confecit . Itaut post decem annos Consulatum adeptus fuerit , nam in annum Chr. 71 . Massadæ oppugnatio incidit . Dubitat Glandorpheus in Onomast. Rom. pag. 345 . nùm rectius apud Josephum legendum sit , *Plautius Siluanus* . Scrupulum , illi fortasse ex vulgatis Fastis haustum , nostri emendati depellunt . Hinc etiam corrigendus venit Usserius qui ad an. 73 . *Publium Siluam* vocat . Sanè in Græco Frobeniano , & Græcolat. Genevensi 1634 . est Φύλας : at Latinis omnibus , quos vidi , *Flavius* dicitur . Dissensus hic inter utriusq; linguæ scripturam impulit , ut Vaticanos Mss. Codices consulerem . Ex Græcis satis antiquis sub n. 984 . fol. 337.2 . habet Φύλας Σίλας . cujusmodi est alter inter

Urbinales. Rursus in veteribus, Vaticano num. 148. fol. 203. Palatino 284. & Urbinate 85. scribitur *Φλαυτῶ Σίλβας*. Demum recentior Vaticanus habet *Φλαυτῶ Σίλβας*. At omnes Latini constanter præferunt, *Flavius Silvas*, quos inter duo sunt antiquæ & probatæ notæ nu. 1992. fol. 164. & num. 1997. fol. 324. sex reliqui recentioremanum sapiunt. Nec dubito ita scripsisse Josephum ejusque Interpretem, qui Rufinus Aquilejensis putatur. Nam vero similis est, imperitos amanuenses potius in Græcis characteribus exscribendis peccasse, quam Latinis. Præsertim cum non sibi consent Græci Codices, Latini ubique eandem vocem præferant. Quæ omnia ex nostris quoque tabulis firmanur. Habes etiam alterius consulis genuinum nomen, seu dixeris cognomen, in fastis consularibus Anonymi, quos Em. Norisius è Codice ms. Bibliothecæ Caesareæ publicavit, additâ eruditissimâ dissertatione. In his enim annus Chr. 81. *Coss. Silva & Polliō* notatur.

In nuncupatione votorum pro salute domus Augustæ hoc anno signatur Titi Consulatus VIII, & Domitiani VII, licet eos Consulatus gesserint anno superiori, more Cæsaribus accepto, qui tamen ignoratus etiam doctis antiquitatum aliquando imposuit. Rursus inter septem illos Consulatus Domitiano inscriptos numerari etiam suffectos scias, qua de re videas doctissimos viros dissidentes, Card. Norisium in epistolâ mox laudatâ, & Pagium in dissertat. Hypaticâ pag. 64. & Crit. Baron. ad an. 83.

Præter Consules suffectos jam memoratos, alios etiam ejusdem notæ invenies in nostris tabulis. In secundâ nempe imperante *M. Aurelio*  *Antonino Aug.* signantur *L. Tullius Pontianus*, & *Gentianus Cof. VI.* Id. Febr. & in tertiâ *M. Herennius Secundus* *M. Egnatius Postumus*, III. Id. *Maji*. Locus inter nomina Aurelii & Antonini detritus, poscit Commodum. Ejus enim nomen post mortem, *alienis operibus incisum Senatus erasit*, teste Lampridio in vita cap. 17. & cap. ultimo Cingium Severum in Senatu cen-

fuit.

fuisse, ex Mario Maximo tradit, *nomen eius ex omnibus privatis publicisque monumentis eradendum.* Lollianus Gentianus Consularis, de quo meminit Capitolinus in Pertinace c. 7. fortasse ipse est Gentianus, quem Consulem notat sub Commodio nostra tabula. At non is esse potest Gentianus ultimo Severi anno Consul, ut putat Casaubonus in notis, quia sub Pertinace eum non vocasset Consularem Capitolinus.

DEAM DIAM; in cuius loco ab Arvalibus *piaculum factum* indicavimus, quæque passim in nostris, & aliorum tabulis memoratur, *JUNONEM* esse certò deprehendimus. Nam in tertia semel & iterum immolatæ dicuntur *Junoni Deæ Diae oves II.* Quo videas egregiè deceptum Sponium, qui in Miscellaneis eruditis pag. 6. *Deam Diam* Opim, seu Rheam esse sibi à Basileensi amico suaderi passus est; non alia ratione, quàm quia frugibus præsideret. A quâ notâ libens exsolvo amicissimum olim Frabretium, quamvis *Deam Diam* dixerit Heben Inscript. eap. 6. pag. 481.; Nam sibi auctorem habet Strabonem, qui libro 8. Heben Phliunte, & Sicyone sub *Diae* nomine cultam scriptum reliquit. Equidem Δῖα Græcis pro *divinus* accipitur, scilicet *habens divinum* aliquid, quo excellit. Quare sicut *Dia* antonomasticè dicitur *Juno* quasi excellentior aliis in *divinitate*, & veluti *Dearum Dea* & *Princeps*; ita Hebes *Dia* poterat appellari ob excellentem *pulchritudinem*, ob quam verè juventutì præpositam, ipsamque juventutem vocatam fabulantur Poetæ. Undè Eustathius δὲ κάλλος ob pulchritudinem de quibusdam scribi dicit: Helena apud Homerum Odyss. lib. 15. v. 106. δὲ γυναικῶν, appellatur, hoc est *egregia* seu *divina mulierum*, & Calypso Nympha eidem est δὲ θύων, *diva dearum*, Odyss. lib. 1. vers. 14. & alibi sæpius. *Dia* etiam dici potuit Hebes, quia filia *Diae* hoc est *Junonis* sicut Δῖα appellatur, qui Jove progenitus est. Immolatum etiam reperies *Famulis Divis Verbece II.* Nescio, an id intelligendum de *familiaribus Divis*, nam statim sequitur, *Laribus Verbece II.* Vel in ple-

be ultimâ Deorum etiam *famulos Divos* commenta est superstitiosa Gentilitas. Sanè nusquam id nominis observare licuit. Præterea & *Virginibus Divis oves II.* immolantur, quod vocabulum insolens porrò est.

Verba ipsa, quibus loca in Amphiteatro Arvalibus assignata jam indicavimus, huc transferre liceat, quoniam quid simile nusquam apud antiquos traditum fuit. Præfigitur hic titulus literis grandioribus. **LOCA ADSIGNATA IN AMPHITEATRO.** Inde statim sequitur: **L. AELIO.** Plautio. **Lamia.** **Q. Pactumeio.** Frontone. **Cos.** Acceptum. ab. **Laberio.** Maximo. Procuratore. **Praef.** Annonae. **L. Vennuleio.** Aproniano. **Mag. Curatore.** Thyrsio. **L. . . .** Fratribus. Arualibus. **Meniano. i.** **Cun. XII.** Gradib. marm. **VIII.** Gradui. **P. V.** Gradu. **III.** **Ped. V. S. F. Ped. XXXXIIIS.** Gradu. **I. vno. P. XXIIS.** Et. **Meniano. Summo. ii.** **Cun. vi.** Gradib. marm. **iv.** Gradu. **I. uno. P. XXIIS.,** & **Maeniano. Summo. in. ligneis. tab. LIII.** Gradibus **XI.** Gradu. **i.** **Ped. V. – S. – Grad. XI.** **Ped. V. S. – J. F. Ped. LXIIIS. – Summa. Ped. CXXVIIIIS. –** Colligas igitur, ut quidem opinor, statim in dedicatione Amphiteatri loca singulis Magistratibus, Collegiis, Corporibus, ceterisque Ordinibus fuisse destinata, idque per Præfectum Annonæ. Nam eo ipso anno, Titi postremo, quo dedicatio peracta, ut diximus, etiam loca

ca Arvalibus tradita leguntur in nostra tabula. Et sanè nobiliora, in Mæniano scilicet primo, quod idem ac Podium, præeunte Lipsio de Amphith. cap. 11, esse arbitror. Ad Podium enim spectare solebant primi è Senatu, unde enatum adagium. Certè Fratres Arvales è nobilissimis familiis sumebantur, ut videre est in nostris, & aliorum fragmentis. *Manianum* aliud in summo in ligneis tabulis notatur: quo locatos puto calatores, publicos, aliosque ministros Collegii Arvalium. Quippè in summo Amphiteatri sedisse viiores, tritum est. Quòd plures gradus in Mæniano Arvalibus assignati sint, si ceteri etiam Magistratus illustriores, & primi è Senatu è Mæniano seu Podio spectabant, necesse est, ut omnes caperet, hoc in orbem productum fuisse, & totum inferiorum ordinum spatium occupasse. Hinc lucem mutuam tribuit & accipit lapis Eugubinus pag. 172. 14. in quo Sulpitius theatrum **PODIO CIRGVMSCRIPSIT.**, eo nempe constructo per ambitum ipsius theatri. Præterea ex spatio Arvalibus permisso putare poteris, quot hominum numero eorum Collegium constaret. Nam si ex calculo Torelli apud Lipsium de amphit. extra Rom. cap. 3. singulis pes, & dimidius tribuatur ad sessionem, in spatio pedum 129. sedere poterant 86. homines, quos omnes ad Collegium Arvalium pertinuisse facile judicaveris: non enim vero simile est, loca ultra numerum tributa. Hoc sanè intelligas velim non tantum de ipsis Arvalibus, quos duodecim fuisse non me latet ex Agellio lib. 6. cap. 7. sed de omnibus eorum Collegio ministrantibus.

Dubitaverant nonnulli viri docti, an eà loquendi formà apud veteres frequenti, *Ante Diem*, puta *decimum*, dies ipse decimus, vel antecedens significaretur. Card. Norisius profusà eruditionis copiâ, quam ceteris operibus suis doctissimis, tum sacris cum prophanis, ubique florescentem miramur, ipsum diem notari demonstravit, in Cenotaph. Pis. dissert. 2. cap. 17. à pag. 342. Placet ex nostris tabulis, quibus nec scripturæ error, nec vitium ævi affigi potest, hoc

hoc ipsum certo ac luculento testimonio docere. In tertiâ fratres Arvales indicunt *sacrificium Deę Dię peragendum ante diem XVI. Kal. Junias Romę: ante diem XIIII. Kal. Jun. in Luco*. Exinde paullo inferius hæc consignata leguntur: *XVI. K. Jun. in domum Licini nepotis mag. fratres Arvales praetextati sacrificium deæ diæ ture, & vino fecerunt &c.* Recitantur alii ritus sacrificii & nomina Arvalium, qui interfuerunt; & statim hæc habentur: *XIIII. Kal. Jun. in Luco deæ diæ Q. Licinius nepos Mag. ad aram immolavit &c. Antè diem igitur sextum decimum, & quartum decimum ipse est dies sextus decimus, & quartus decimus.*

Antequam fratres Arvales deferam, operæ pretium me facturum existimo, si iisdem nummos aliquot, qui hucusque perperam explicati sunt, asseram. Ursinus Patinianus in familiâ Mussidiâ pag. 182. denarium profert, cui Imago Cereris binis spicis conspicua impressa est, in pollicâ verò parte *spicea Corona* cum epigraphæ in ejus medio: *L. Mussidius Longus*. Hanc profero in tabulâ numism. pag. 6. Eum Ursinus ad frumentariam aliquam Mussidii procuracionem pertinere arbitratur. Olim monuerat me Io: Franciscus Sinibaldus Auximas morum suavitate, & literarum studio, bonorum omnium amorem promeritus, eam effigiem ipsius Mussidii esse, spiceamque coronam unum ex fratribus Arvalibus indicare. Gavissus sum cum in nostras tabulas incidi, quarum tertia conjecturam hanc penè demonstrat. Ex eâ hæc verba describo: *Sacerdotes Arvales in tetrastulo confederunt, & ex Sacrificio epulati sunt, sumisque praetextis, & coronis spiceis vittatis &c.* Hoc ipsum illustrat Agellius noct. Attic. lib. 6. cap. 7. ubi ex Massurio Sabino ait: *Cujus Sacerdotii (fratrum Arvalium) insigne est spicea corona, & alba infula*. Additque Plinius lib. 17. cap. 2. Spiceam coronam, quæ vittâ albâ colligaretur, & Sacerdotio huic insigni data esset, primam apud Romanos coronam fuisse. Libenter igitur Ursino consentiam, effigiem scalptam in nummo esse Cereris, de quâ Ovid. lib. 4. fastor.

Tum

*Tum demum vultumque Ceres animumque recepit,
Imposuitque sua spicea fersa coma.*

Nam & imago Mussidii longè ab hac discrepat, ut videre est in sexto nummo. At coronam spiceam in parte aversâ, non procurationem frumentariam, quæ duobus tantummodo spicis notatur in sexto nummo familiæ Calpurniæ, & alibi, sed sacerdotium fratrum Arvalium, quo Mussidiusungebatur, significare omninò verum puto. Eòdem spectat denarius quintus familiæ Juniæ pag. 144. qui idem ac primus Postumiæ est pag. 231. Vittam eo prorsus modo, quem Plinius describit, coronas colligantem utrobique advertas. Sanè passim cernere est scalptra insignia, & instrumenta sacra, Sacerdotium ejus, cui nummus impressus est, denotantia. Quo non mirum est Mussidium sui sacerdotii insignem coronam spiceam, in nummis descriptum gestasse.



CAPUT VIII.

Rurfus de Operibus publicis . Horum Procuratores à Curatore Aqueductuum, Viarum, Alvei Tiberis, & statuarum distincti. Quinam curator operum nitentium, unde Valerius notatus. Curatores opera publica aliquando dedicabant; & locum iis ædificandis assignabant. Epocha temporum Casarianorum, in lapide Cetonii Albini notata, inquiritur, & Scaliger ac Pagius corriguntur. Nomen Operibus publicis inscribere vetitum, nisi extructis propriâ impensâ. Architectis hoc etiam denegatum. Tubi plumbei Antii, & Puteolis effossi, quorum occasione nonnulla de Aetate Neronis Libertâ.



DE Operibus publicis institutum argumentum, quod saxa Arvalium interceperant, prosequamur. Procuratoris Operum publicorum nomen, & Curatoris promiscuè veteres usurparunt. Primum nostra inscriptio, Gruteriana pag. 307. 5. & Fabrettiana supra indicata 470. retinent; secundum passim in ceteris inscriptionibus, & in libris Digestorum, & Codicis utriusque reperies. Hoc officium ab Augusto institutum tradit Svetonius in vitâ cap. 37. *Quoque plures inquit, partem administranda Reipublica caperent, nova officia excogitavit, curam operum publicorum, viarum, aquarum, alvei Tiberis &c.* Officium, seu magistratus inventus ab Augusto, non res ipsa, aut munus. Pridem enim hæc omnia ad Censores pertinebant, vel Ædiles. Augustus singula distinxit, & pluribus administranda tradidit. At Pancirolus in Commentar. ad Notitiâ Imp. Occid. cap. 15., ait, olim Aqueductus non habuisse distinctos Curatores: vnus enim Curator Operum publicorum vocabatur, l. 1. D. de oper. publ. Fallitur: nam Ulpianus in hac lege apertè munus Operum publicorum distinguit à curâ aqueductuum. Tantum innuit, constitutum in vno etiam alterum posse suscipere. Hic

Comes Formarū inferiori ævo dictus, & alius est à Curatore operum publicorum in eadem Notitiā. Nomen à formis quæsitum, quæ erant conceptacula aquarum, quibus aquæductus distinguebantur. At rursus dubium instaurat lapis Romanus pag. 93. 1. qui à Curatoribus operum publicorum dedicatur NYMPHIS. LYMPHISQVE. AVG. DVLCISSIMIS. OB. REDITVM. AQVAVM. PLACIDE. PROSILIENTIVM. AB. POPVLO. ROMANO DIV. DESIDER.... Cura ergo aquarum deducendarum, quod est aquæductuum, ad ipsos pertinebat. Observo adjectas in fine epigrammatis literas singulares D. S. I. P. C. nempe de suâ impensâ poni curarunt. Ex ærario publico impensæ fiebant, quibus in provinciis tertia pars reddituum destinata erat, ex præscripto Arcadii & Honorii in l. ne splendidissimæ 11. Cod. de op. publ. At aliquando privatâ liberalitate opera publica complebantur. Zeno Imp. in l. unicâ Cod. de ratiocin. oper. publ. jubet provinciarum Rectores, & Præsides discutiendas publicis operibus, vel aquæductibus (notanda distinctio, de qua nunc loquebamur) qui ex Civilibus redditibus vel à quolibet spontaneâ munificentia facti sunt abstinere. Itâ in hac inscriptione ideo nomen Curatorum insculptum, quia propriâ impensâ aquas deduxerant. Inscriptionem verò tunc privatis quoque permissam mox ostendam.

Curam viarum, & alvei Tiberis segregat Tranquillus à curâ operum publicorum. Quod servatum sequitis temporibus. Plinius lib. 5. ep. 15. memorat, Cornutum Tertulium accepisse Æmilie viæ curam. Hinc in nostris saxis pag. 446. 9. Curator viæ Flaminia, pag. 463. 4. Curatori viæ Salaria, aliarumque viarum, de quo consulas indicem Gruterianum. Hi singularum viarum curam gerebant: at omnium simul Plotius ille apud Statium lib. 4. Silv. 9.

*Te Germanicus arbitrum sequenti
Annona dedit, omniumque late
Præfecit regionibus viarum,*

108 DE INSCRIPTIONE
alia exempla ex eodem indice haurire poteris.

Curatoris *riparum*, & *alvei Tiberis*, cui annexæ frequenter *Cloaca*, sæpius meminerunt Inscriptiones, uti pag. 381. 3. 454. 5. 498. 5. 1028. 5. In Notitiâ Comes *riparum*, & *alvei Tiberis*, & *Cloacarum* nuncupatur. Invenio etiâ distinctâ fuisse curam *Bibliothecarum*, licet hæc inter opera publica numerentur à Victore. Apud Fabretum cap. 3. inscr. 478. T. Ælius eques Romanus dicitur Procurator BIBLIOTHECAR. IVRIS PVBLICI ... PRIVATI.

Rufus peculiarem *Curatorem statuarum*, quæ sane inter opera publ. censebantur, refert Notitia sub dispositione P.V. Ejus munus erat noctu Urbem circumire, manu militum adhibitâ, & prospicere ne statuæ devastarentur, aut furto tollerentur. *Romæ enim quidam populus copiosissimus statuarum, greges etiam abundantissimi equorum erant, ut phrasi utar Senatoris lib. 7. epist. 13. ubi hoc officium describit sub nomine Comitius Romanæ.* Hic videtur deceptus doctissimus Henricus Valesius, qui in annot. ad Marcellinum lib. 16. cap. 6. hunc Comitem confundit cum *Centurione rerum nitentium* qui in Notitiâ *Tribunus rerum nitentium* vocatur. Equidem eundem esse *Centurionem rerum nitentium* Marcellini, ac *Tribunum* Notitiæ assentior; at hos diversos à *Curatore statuarum*, seu *Comite Cassiodori*, ex eadem Notitiâ manifeste apparet. Puto nomen ipsum discretum munus & rem designare. *Tribuni seu Centurionis rerum nitentium* sollicitudo erat, ut *Ædes Sacræ, Basilicæ, Fora, Balnea, Circi, Theatra, Viæ, Bibliothecæ, & omnia, quæque loca publica nullis sordibus vitarentur, sed nitescerent*, ut notavit Pancirolus cap. 19. At *Comiti Romano, seu Curatori statuarum*, nil, nisi earundem statuarum custodia, ad furta & damna compescenda, & jurisdictio in earum violatores commendata erat, ut patet in memoratâ Cassiodori formulâ. Illam *rerum nitentium* Pancirolî explicationem eâ observatione illustro, quod sæpius, ad splendorem & ornatum operum publicorum connotandum, simi-

similis loquendi forma usurpata fuerit, ævo præsertim quo scribebat Notitiæ auctor. *Venas nitentium saxorum*, scilicet marmorum, invenies in l.2. de Metall. *Ædificia ad statum pristinum nitōris adducere* in l.20. de oper. publ. & *publicis nitoribus faciem aspectus deterioris inducere* (quod est opera publica deturpare) in l.25. eod. tit. ex Codice omnes Theodos. Denique Cassiodorus lib.3. ep.9. *quæ situ*, inquit, *fuerant obscura antiqui nitoris possint recipere qualitatem*.

Cetera ergo *Opera publica* Curatori, de quo nobis sermo est, committebantur. Ea passim memorata videas in libris Pandectarum, & utriusque Codicis sub titulo *de operibus publicis*. Inter hæc præcipua sunt *Ædes sacræ*, *Templa*, *Prætoria*, *Thermæ*, *Theatra*. At *Urbis mœnia*, & *Amphitheatra*, & quædam alia, *maxima* dicebantur, iisque proprius Curator datus in Notitiâ. Officiū nostri *Curatoris* erat incumbere, ea integra servari, collapsa restitui, & nova redemptoribus facienda locare. Verba ex prædictis libris juris, quibus hæc munia indicantur, non exscribo, ut tædio legentium parcam. Alia tamen ipsis intacta ex nostris inscriptionibus delibo, quò etiam constet, quantum ad veterē eruditionem præclara hæc lapidum monumenta conferant.

Primum inter egregia Curatorum munia fuit *Operum publicorum* dedicatio. In Rom. inscriptione pag. 171.7. hæc habentur: DEDIC. XV. K. FEBR. PER T. ARRIVM BASSIANVM. V.C. CVRatorem OPERum PVBLICORVM. ANVLINO. II. ET. AVFIDIO. FRONTONE COS. Quodnam fuerit hoc opus ab Arrio dedicatum, non satis liquet: licet enim inscriptio exsculpa sit in sinistro latere Lapidis, cui alia Vettii Probiani Præfecti Urbi *ad statuat in Basilicâ Iuliâ adiectam* supercripta legitur; attamen ex prædictis Consulibus prima ad Imperium Septimii Severi, secunda ex charactere, ut ibi notat illustris collector, ad ævum Constantinianum pertinere dignoscitur. Unde patet, Arrium non dedicasse statuat, quæ imposita antiquo ejus lapidi (ut non semel ævo sequiori factum obser-

vamus) Vettii Probiani dedicatione publicata fuit. Ex hoc marmore fortè restituendum cognomen Probiani Vettio Præfecto Urbi, de quo Panvinus in fastis ad annum V. 1087. Ergò Arrius *Curator*, nescio quod aliud opus publicum dedicavit. Quod intelligendum de dedicatione in sensu profano, uti *domum Neronis dedicatam* legimus apud Svet. Neron. cap. 31. *Patinam Vitelli* apud eundem in eius vita cap. 13. & *Pontem Puteolanum* in Calig. cap. 32. Non enim sum nescius, Tempia & Ædes sacras dedicandi ius apud Pontifices, & Imperatores stetisse; cuius exempla, præter ea quæ habet Emundus Figrelus de statuis cap. 29. videre poteris apud Tacitum Annal. 2. cap. 49. sub fin. & Ciceronem in orat. pro domo sua, & ad Attic. lib. 4. ep. 2. Privatis nonnisi decreto Senatus, cui aliquando iussus populi accessit, dedicare fas fuit. Consule Gutherium de vet. iure Pontif. lib. 3. cap. 12.

Præterea si cui Templum vel Ædem sacram excitare in animo erat, non id licebat, quin *Curator operum publicorum* locum ad construendum circumscriberet. Romanus lapis pag. 26. 3. LOCUS ADSIGNATUS. AEDI. OPIS. ET. SATVRNI. L. MVNATIO. VERO. ET. C. TERENCE. FELICE. CVRAT. OPER. PVBL. Magistratum hunc duobus viris conflatum ex hac, & aliâ proximè referendâ inscriptione apparet. In alio Romano lapide pag. 128. 2. *Negotiatores Frumentarii Templum extruxerunt ex auctoritate Imp. Caesaris Titi Vespasiani Aug. in LOCO qui erat DESIGNATUS. per Flavium Sabinum Operum publicorum Curatorem*. Sub Tito Templum extructum: at locus pridem designatus erat, opere fortassis per bella civilia intermisso. Quo licet conijcere, hunc Sabinum ipsum fratrem Vespasiani fuisse, bello Vitelliano obtruncatū. Et quidem Templorum curam eos egisse, improbum Vitellii facinus demonstrat, quem operum publicorum Curatorem, ut superius indicatum est, *dona, atque ornamenta Templorum surripuisse & commutasse, quedam, quoque au-*

ro & argento stannum, & aurichalcum supposuisse, ferentem famâ narrat Suetonius in vitâ cap. 5.

Quamvis cura collocandi statuas, iussu publico præclaris viris decretas, Curatoribus statuarum incumberet, locus tamen, quo ipsæ ponendæ essent, per *Curatorem operum publicorum* designabatur. Utrumque discimus ex illustri inscriptione Ceionii Rufi, quæ cum apud Gruterum pag. 387. 3. & Panvinium in Fastis ad A.V. 1087. fœde corrupta legatur, integram & emendatam proferimus ex tom. 4. pag. 492. Analectorum Clarissimi Mabillonii, qui eam ex antiquo Einsidlenfi membranaceo Codice descripsit. Et ne de Germanico exemplari quis dubitare possit, eandem prorsus similem ex autographo Joannis Marcânovæ, qui primus omnium veteres inscriptiones colligere aggressus est, Venetiis exscriptam, mecum communicavit ornatissimus vir, & in literarum studio optime versatus, Apostolus Zenus. Ea verò sic se habet: *Ceionium Rufum Albinum V. C. Cons. sic Philosophum Rufi Volusiani bis ordinarii Cons. filiū Senatus ex Consulo suo quod eius liberis post Cæsariana tempora, idest post annos CCCLXXX. & I. auctoritatem decreuerit Fl. Magnus Ianuarius V. C. Cur. statuarum. Locus assignatus ab Nigro & Cosciano Cur operum publicorum. Hæc postrema verba, quæ ad nostrum argumentum attinent, licet apud Mabillonium ab aliâ inscriptione intercepta legantur, tamen sic coniungenda sunt ex Grutero, qui vitium sanè in scriptione, incorrecto exemplari usus, admiserit, in hoc fortè deceptus non est, cum & res ipsa suadeat, ea verba ita solitariè stare non posse. Hoc Romæ: at in Colonia & Municipiis locus ponendæ *Statua* designabatur vel à Decurionibus, quod notant hæc literæ singulariæ L. D. D. D. hoc est. *Locus datus Decurionum decreto*, in inscriptionibus frequentes, ut pag. 404. 1. & alibi, vel ab ipsis Duumviris ex pag. 355. 1.*

Cum præclaram illam Epochæ Cæsariæ Chronologicam notam, quâ recitatur saxum Albini Consulis signa-

signatur, perperam versaverint insignes temporum Magistri, parcat Lector si rursus diverticula persequor. Scaliger in notis Eusebianis num. 1969. explicaturus hanc ipsam inscriptionem, quam mutilam & incorrectam producit, Epocham Monarchiæ Julii Cæsaris alligat Æræ Antiochenæ, (scilicet anno V. C. 706. Per. Julianæ 4666.) quam cum præcessisse XLVIII. annis Epocham Christi dixisset, his deductis ab annis CCCLXXX. colligit annum Christi CCCXXXII. quod iste honor Cejonio Rufio Albino habitus est. Labitur vir doctus prochronismo trium annorum. Certum enim est lapidem incisum, & cum honorem delatum fuisse Albino, seu ejus liberis, eo anno, quo ipse Consulatum agebat: legitur quippe in nostro emendato statim ab initio: *Cejonium Rufum Albinum* V.C. CONSulem. Qui Consulatus, Collega Constantio, incidit in annum Christi 335. Urbis 1088. Unde ergo illi peccandi causâ? Fortasse Panvinium sequutus est, qui computavit tantummodo annos 380, abiecit unitate. At profectò Scaliger non excusandus, dum in ipso exemplari, quod profert, ea unitas caractere grandiori exaratur. Quâ ratione saltem colligere debuerat annum Ch. 333. à cuius Autumno inchoabatur annus 381. æræ Cæsarianæ. Ita enim computus ab eo initus per detractiōnem est intelligendus. Nondum verò assequimur Consulatum Albini, qui decurrebat anno Ch. 335. De hoc redibit sermo cum Pagium excutiam. Interim eundem Scaligerum malè coniunxisse æram Cæsarianam cum Antiochenâ est demonstrandum.

Primus errorem inexit Auctor Chronici vulgò Alexandrini, quod Paschale vocat Cangius in ejus editione paucis ab hinc annis adornatâ. Chronologi verba sunt ex translatione Raderi ad annum Olympiadis CLXXXIII. *Incipit Antiochiæ annus primus . . . à primo anno C. Julii Cæsaris, & quatuor interjectis paginis: A primo anno C. Julii Cæsaris, Lepido & Planco Cos. sue XII. Maii Antiocheni auspiciantur suam Æram.* Pessimè primum annum Cæsaris

faris iis Consulibus signat, ut jam viri docti observarunt. At non melius Æram Antiochenam cum eodem primo anno componit. Quod statim ostendo. Hujus Æræ initium, maximis Chronologis vario fato exagitatum, Langio, Scaligero, Usserio, Hervuarto, aliisque, demum post Petavium Card. Norisius in elaboratissimo opere de Epochis Syromacedonum differt. 3. cap. 4. innumeris & invidis tum veterum scriptorum, tum Numismatum apud Antiochiam percussorum testimoniis, statuit in Autumno A.V. Romæ 705, Periodi Julianæ 4665, ante Epocham Christianam vulgarem 49. At certum est, Cæsarem labente ætate A.V. 706 Pompejum Pharsalicâ pugnâ profligasse, unde illi singularis dominatûs fundamenta sunt jacta, & Monarchiæ constituendæ magnus dies indictus. Nequit ergo in annum antecedentem, quo nondum Pompejum devicerat Cæsar, initium ejus Imperii conferri, & cum Antiochenorum Epochâ comparari.

Non æram falsam Antiochenam Scaligeri sequitur, sed ad idem tempus exorditur Epocham Cæsaris Antonius Pagi in Crit. Baronianâ ad ann. 314. explicans eosdem hos nostri Lapidis chronologicos characteres. Nimirû eam deducit ab anno Urbis 706, quò pugna Pharsalica fuit habita, atque hinc additis annis 381, provehitur ad annum Christi 335, & annum Urbis 1087, *qui in eo, ait, anno Christi inchoatur*. Nec pensi habet particulam POST in inscriptione notatam, *post annos CCCLXXX. & I.* cum modus hic loquendi *apud antiquos plerumque aliud non designet quam annum inchoatum*. Rectè quidem notam eam numeralem ad annum 335. Consulatus Albinî consignavit vir optimè de temporum doctrinâ meritus; at manifestè lapsus est in putandâ annorum ratione. Nam si Epochæ Cæsarianæ init. à pugnâ Pharsalicâ, quæ labente ætate, seu initio Autumni A.V. 706. decertata est, additis annis 381, non provehimur ad annum Christi 335, sed 334. completum in Autumno. Et mirum est profectò, Pagium dixisse

annum Urbis 1087. inchoari anno Christi 335, cum in tabulis Chronologicis, puta Petavii & Brietii, quas nunc ad manus habeo; patet, eum concurrere cum anno 334, æræ vulgaris Didonysianæ, qua & ipse utitur. Sed dum sugillat Onuphrium, qui malè unitatem ab Inscriptione detraxerat, ut annos Cæsarianos aptaret anno V.C. 1087. Christi 335, ab eo hos eosdem annorum characteres transcripsit; non advertens ideo Onuphrium eos annos Urbis & Christi coniungere, quia æram Christianam auspicatur ab anno V.C. 753. vno scilicet anno ante vulgarem. Sanè ex suismet hypothesebus poterat Pagius lapsum antevertere. Nam cum in Apparatu num. 59. connectat annum V.C. 706. cum anno Periodi Græco Romanæ 5446. si addamus annos 381. emergit annus Per. Græc. Rom. 5827. qui apud ipsum in Criticâ pag. 108, est annus Christi 334. Idem obtinebis ex numeris Periodi Julianæ. Anno Urbis eodem 706. labebatur annus Per. Jul. 4666, cui si addas 381. huius postremus definit in Autumno anni 5047. ejusdem Periodi, qui est Christi 334. Cum ergo in Autumno huius anni 334, jam exactus esset annus 381. Epochæ Cæsarianæ, sequenti anno 335, quem aperuerat Albinus Consul, decurrebat annus ejusdem Epochæ 382. Hinc Pagius perperam in annum 335. Consulatus Albini contulit annum Cæsaris 381. Et hinc rursus falsa videtur nostra Inscripção, quæ eundem annum Cæsarianum Albino Consule notavit.

Ut nodum solvam, & fidem lapidi asseram, revocanda est particula POST, quam Pagius abjecerat. Verba inscriptionis hæc sunt: POST. Cæsariana. tempora. idest. post. annos. CCCLXXX. & I. liberis Albini Consulis Auctoritatem decrevit Senatus. Modus hic loquendi, in sensu naturali & proprio, designat tempus jam decurrens *Post* annum 381. completum. (Quod non negavit Pagius, cum dixit *plerumque* annum inchoatum connotare.) Sola enim consuetudo induxit, ut in hanc significationem denotandi annum inchoatum abiret. Sic *ante diem* & *post diem* ex usu diem

diem ipsum designat, non sermonis proprietate. Paulus I. C. in L. anniculus 132. D. de verbor. signif. *Anniculus*, inquit, *ammittitur qui extremo anni die moritur. Et CONSVETUDO loquendi id ita esse declarat, ante diem decimum Kalendarum, post diem decimum Kalendarum, neque utro enim sermone undecima dies significatur.* Hujus Legis malam litteram, uti vocat Accursius, eruditis concertationibus agitarunt doctissimi viri Card. Norisius in Cenotaph. Pis. dissert. 2. cap. 17. Baluzius, Toinardus, & alii, qui notas ediderunt in aureum libellum Lactantii de moribus Persecutorum cap. 2. postremæ edit. Ultrajecti. an. 1693. Igitur vi consuetudinis factum est, docente Paulo, ut eâ formulâ, *Post diem decimum*, dies ipse decimus, non undecimus, significaretur. Ceterum ex naturâ suâ eadem particula *Post* tempus jam expletum connotat. Non aliud quam alterius Juris-Consulti testimonium vocabo. Pomponius in l. si ita fuerit 41. D. de manumiss. testam. *multum interesse*, ait, *inter hos sermones, duodecimo anno, & post duodecim annos.* Nimirum primo annus duodecimus decurrens, secundo exactus designatur. Quod exemplo sic explicat: *ut si testator dixerit, servus meus triennio POST, quam ego mortuus ero, liber esto. Non potest is servus, nisi triennio præterito liber esse.* Eadem prorsus loquendi formâ usus est Auctor nostræ inscriptionis. *Post Casariana tempora*, idest *post annos 381.* Annos istos numeratos ab initio Epochæ Casarianæ, necesse est fuisse completos, cum honor filiis Albinii habitus fuit: sicut triennium à morte Testatoris præteritum esse debuit, ut servus libertatem consequeretur. Quod ita necessariò explicandum est, cum ostenderimus, ipsum annum 381. coeptum anno Christi 333, exiisse in Autumno anni 334, atque idcirco nullo modo referri posse ad Consulatum Albinii, qui cum sequenti 335. concurrit.

At nondum acquiesco Æræ Casarianæ à Pagio, & Scaligero in Autumnum anni Urbis 606. coniectæ, Licet enim à pugnâ Pharsalicâ Monarchiæ fundamenta, ut ante

indicavi, posuerit Cæsar, exinde initum non fuisse cardinem temporum Cæsarianorum existimo, sed à proximis Kalendis Januariis, quò civilem annum exordiebantur Romani. quod exemplis, & ratione ostendo. Cùm Octavius Cæsar, firmato sibi à Senatu Imperio, die 17. Januarii fuisset appellatus Augustus, non tamen ab hac die desumptos annos, sed à proximis Kal. Jan. quibus inchoabatur annus civilis, refert Censorinus de die natali cap. 21. his verbis. *Annus Augustorum CCLXV. perinde ex Kal. Januariis, quamvis ex A.D. XVI. Kal. Februarii Imperator Cæsar D. F. sententiâ L. Munatii Planci à Senatu ceterisque Civibus Augustus appellatus est.* Quod idem Auctor tradit de Alexandrinis, qui Epocham in honorem ejusdem Cæsaris institutam à primâ die mensis Thoth, unde iis erat initium anni, auspicati sunt. Justinus Junior medio Novembri Imperium accepit; attamen non nisi à Kal. Januariis proximis, quibus novum Consulatum exorsus est, annos Imperii numerari voluit, ex Corippo lib. 4. de ejus laudibus, ubi hæc ait loquens de processu ejusdem Consulatus.

Hinc vester primus feliciter excipit annus,

Votaque plura tuis celebret nova Roma triumphis.

Quod igitur Kal. Januariæ A.V. 707. propinquiore essent victoriæ, quam de Pompejo retulerat Cæsar, ab iis initium Cæsarianæ Monarchiæ desumptum verisimile videtur. Sane Kal. Jan. ejusdem anni Dictaturam annuam extra exemplum sibi delatam apud Alexandriam iniit, & Consul solus processit: quo rationem & jus Monarchiæ & legitimi Principatus stetisse nemo non videt. Unde tunc verè, ut ait Eusebius in Chronico, *singulare arripuit Imperium & tunc carente Ausonio in Cæsaribus.*

Imperium binis fuerat solemne quod olim

Consulibus, solus Julius arripuit.

Ita etiam cum Octavio, ut mox memoravi, nomen Augusti à Senatu tributum firmatumque Imperium fuisset, ex ea die, inquit Orosius lib. 6. cap. 20. *summa rerum &*

pote-

potestatum penes unum esse cepit & mansit, quod Græci Monarchiam vocant. Cui sententiæ de initio Juliani Imperii præluserat Joannes Heruvartus cap. 217. novæ Chronolog. paucis hisce verbis: *Verissimum est anno V.C. 705. desinente debellatum fuisse à Cesare Pompejum Magnum, sed tamen dicendum est annum primum Imperii seu Monarchiæ Cæsarii Caesaris coincidere anno V.C. 706. proximo.* Computat hic Auctor annos Urbis Capitolinos, non Varronianos, qui vulgò usurpari solent, & idèd unum annum antevertit. Itaque ducto primordio *temporum Casarianorum* à Kal. Jan. anni V.C. 707, annus qui labebatur post tercentesium octogesimum primum ab iisdem Kalendis; ipse est annus Consulatus Albini, V.C. 1088, Christi 335, quò noster lapis fuit inscriptus.

At, dimissis hisce Chronologicis tricis, viam nostram jam expediti abeamus. Ubi in Operibus publicis signatum videas *Curatoris* nomen, id, ut supra monuimus, eâ tantum ratione factum intelligas, quòd, vel ipse de pecuniâ suâ illud excitaverit, vel quòd titulum officii præsignet. Nam cùm aliquandò ea ambitionis vesania quorundam ingenia invasisset, ut Operibus publicis tamquam auctores, nullâ Imperatorum quibus impensa steterat, mentione factâ, se ipsos inscriberent, sancivit Theodosius, ut *si qui iudices operi suum potius nomen quam Imperatoris scripserint, majestatis seneantur obnoxii*, in l. 31. Cod. Theod. de oper. publ. Iudices sive Rectores in provinciis etiam operibus publicis erant præpositi, ut in Urbe Curatores. Hanc vanitatem, quam *indomitam* subscribendi *licentiam* vocavit Horatius lib. 3. Od. 24. carpit Marcellinus lib. 27. cap. 3. in Lampadio Præfecto Urbi, qui *per omnia Civitatis membra, quæ diversorum Principum exornarunt impensæ, nomen proprium inscribebat, non ut veterum instaurator, sed conditor.* Quod in privato aucupari, fœda ambitio, in Principe respuere, summa laus erat. Hinc magnum illud fuisse in Severo Spartianus cap. 23. ait, quòd *Roma omnes ades publicas, quæ*

quæ vitio temporum labebantur, instauravit, nusquam prope suo nomine scripto, servatis tamen ubiqnè titulis conditorum. Immò etiam in conditis à se operibus, præter aquæductus & Urbes quasdam, quas suo nomine appellavit, titulos non amasse Hadrianum, memoriæ tradidit idem Historicus in vit. cap. 20. Potiori sane laudis merito, quam Trajanus, quem ideo *herbam parietinam* jocando cognominatum ait Marcellinus loco jam indicato. Ergo ea, quæ augusto Principis titulo consecrari oportebat, indignum erat nomine privatorum, veluti maiestatis dispendio, corrumpi. Nisi tamen, ut innuimus, quisquis operi perficiendo præpositus, officii nomen & curam impensam inscripserit, qua ratione verba memoratæ legis Theodosianæ ità rectè refinxit Tribonianus in l. 10. Cod. Justinian. cod. tit. *si qui Judices perfecti* (publicis pecuniis) *operi suum nomen, sine nostri nominis mentione, inscripserint,* ut observavit doctiss. Gothofredus in notis ad eam legem trigessimam primam.

Quod sane veritum, ut vides, in operibus publicâ pecuniâ extructis. Nam si muneris sollicitudinem liberalitate cumulasset, & in Urbis ornatum & decus Curator, vel alius quispiam impensâ suâ ædificia publica excitasset, tunc nomen inscribere & titulum dicare, nec jura antiqua nec posteriora Imperatorum rescripta intercessere. Hinc adeo frequens in inscriptionibus ejus formulæ mentio, *de pecuniâ suâ, impensâ suâ* &c. operibus quoque publicis superpositæ. Unum non adeò vulgatum exemplum proferam, quod Vefontione tunc repertum Cl. Mabillonius in itinere Germanico an. 1683. tom. 4. Analectorum præfixo, publicavit. DEO MERCVRIO. CISSONIO. DVB-TEATIA. CASTVLA. NATIONE. SYRIA. TEMPLVM. CONLABSVM. DENVO. DE. SVO RESTITVIT. Quotidiè nobis sub oculis versatur M. Agrippæ nomen, quo Pantheon, sed ut antiquariis placet, ejus Porticum à se extructam inscripsit.

At non idem juris artificibus & architectis, quibus;
licet

licet opus aliquod publicum impensâ suâ excitassent, nomen imponere haud permittebatur. Narrat Plinius lib. 36. cap. 5. in fin. *Sauron & Batrachum* Lacones Architectos templa *Ostaviae* porticibus inclusa suâ impensâ construxisse, inscriptionem spernantes. Quâ negatâ, hoc tamen alio loco & modo usurpasse. Nam in columnarum spiris insculpta nominum eorum argumenta, rana atque lacerta. Hanc quippe Græci *σαῦρον*, illam *βατράχον* vocant. Hinc Canonicus Blanchinus in commentario lapidis Antiatis nobis cap. 1. laudato, severitatem ejus moris, quo architectis & artificibus nomen scalpere interdicebatur, eâ observatione confirmat, quod à tot millibus earum inscriptionum, quas Gruterus, & ab eo proximi descripserunt, vix aliud reperias exemplum, quam Puteolanæ pag. 227. 2. & alterius Veronenis 186. 4. in quâ *L. Vitruvius L. Cerdo Architectus* locum obtinet nominis incidendi. Notatu prætereâ dignum est in Romanâ 330. 7. non ausos architectos nomen suum proferre, itâ enim literis Græcis exarata est: *Sapientem inter viros Augurem virum maximum Quintum Julium Miletum Artifices statuerunt.* Cui literis latinis subscriptio adjacet: *Q. Julius Faensis Alumnus cum Artificibus posuit.* Basis est prægrandis, cui fortè statua Julii Mileti erat superimposita. Quem metum prodit etiam ipse lapis Antiæ à Blanchino illustratus in quo nomen Artificis L. Coccei insculptum solo latitans adhærebat.

Suspiciatur idem eruditus auctor, hanc nominis occultationem indicium esse morum ac temporis Hadriani Imperatoris, à quo architectorum ausus usque ad necem coerciti, ideoque & dedicationes operum per literarum compendia obvolutas: permissum verò nomen artificis lateribus configari, quorum exempla aliquot promit. At architectos operibus publicis inscribi pridem ante Hadrianum interdictum, ut vidimus: ne scilicet publicas ædes, magnificentia & nobilitate conspicuas, titulus vilissimorum hominum affixus spædaret. Contra eorum nomen occulto & ob-

obscuro loco incidi, haud vetitum, prout nequē operibus privatis vulgarisque notæ & æstimationis. Ideo non tantum lateres opificis signaculo insculptos reperimus, sed tegulas quoque, aqueductuū tubos, figlina, lucernas, aliaque id genus, quorum quædam Gruterus à pag. 182. non pauca Fabrettus cap. 7. pag. 542. plura Smetius in antiquitat. Neomag. pag. 165. suppeditant. Locum hic poscit tubus plumbeus Antii, me præsentē, in extremitate veteris portus defossus, qui hos characteres non leviter injuria ævi consumptos præferebat L. T. FLAVIVS FORTVNATVS FÉCIT. Notabis duobus prænominibus *Lucii & Titi* inscriptum hunc Fortunatum, quod non insolens Romanis fuit, uti notavit Spanhemius dissertat. 6. pag. 511. Integrum nomen occurrit apud Gruterum pag. 796. 3. in epitaphio *Juliae Triphosæ* coniugi posito. Exinde alia quoque sunt inibi effossa fistularum fragmenta. Unum hæc habet: STATIO. VRBANA. AVG. N. *Statio* officinam quæ tubi constabantur, designat. Apud Gruterum 11. 5. *Stationis marmorum* mentio est. Ea tamen in Urbe erat, unde tubi Antium delati, ideo *Urbana* vocatur. *Augustus noster* fortè Vespasianus, qui in altero obsignatur. Alterius hæc est inscriptio: M. A. CAIVS. PERITVS. FEC. Primæ literæ indicant *M. Aurelium*, ex alio simili. *Cajus* nomen Servi, post libertatem in cognomen transit. Haud vulgare porro est, hujusmodi artifices *Periti* nomine insigniri. Etiam in alio visitur: SX. *Egnatius Peritus* *Fec.* Postremum PROSIAE. CRISPINAE, cujus erat officina, nomen prodit. Cum propè vetus Antii portum omnes hi tubi fuerint reperti, eò aquam derivasse non dubito. Memorat Capitolinus Antoninum Pium *Antiatum aqueductus* restituisse, in vitâ cap. 8. Hæc quoque laus est SS. D. N. INNOCENTII XII. qui nobilissima magnificentiae argumenta inter ipsas Antii ruinas molitur. Dum enim hæc scribimus, actò sub terram ingentis altitudinis ob soli inæqualitatem cuniculo, plurimam aquæ copiam ex longin-

ginq̃uo fonte ad portum Antiatem à se nuper extructum, in nautarum confluentium commodum, magnis impendiis perduxit. Utrique operi Eminentiss. Card. Pamphilus ab optimo Principe præfectus, consilio, sollicitudine, & industriâ munus prolixè complevit; jam morum innocentia, multiplici literarum & doctrinæ cultu, maximisque virtutibus dignitatem ipsam supergressus.

Dùm tubos aquæductuum tractamus, duo non sunt prætermittendi, paucos ab hinc dies Puteolis prope mare reperti, quorum primus ita inscriptus est: CLAVDIE AVG. L. ACTES: secundus verò literis inversis ΔΑΥ. ΣΕΥΟ. ΙΔΑΥΤΟ. ΙΤ. Eorum typum vidi, cui additæ erant anonymi, antiquitatum, ut videtur, studiosi, breves notæ. Vir eruditus suspicatur eos tubos per montis declive, quò plura veterum monumenta spectantur, impetu decidentium aquarum ad mare delatos. Pertinere autem ad aliquem aquæductum operis publici nō ambigit, & obseruatione dignum subdit, quòd operibus publicis nomen *Actes* Libertæ fuerit impositum. Nil tamen mirum hanc Libertam, Neronis gratia florentem, vt testantur Tacitus, Svetonius, & Dio, ausam fuisse publicum aquæductum olim à Claudio extructum, vt inscriptio alterius tubi indicat, à se restauratum, titulo nominis inscribere. Coniecturis manus addo, Attamen opus, illud publicum fuisse nil nos cogit fateri. Cùm Puteolis, & in proximo Bajano litore nobilissima ædificia, & villæ amoenissimæ Romanis essent, quisque privato sumptu & opere aquarum copiam ad usum & delicias derivabat. Nec cuiquam vetitum operi à se extructo, non tam priuato sed & publico, titulum insculpere, vt vidimus. Potiori jure id usurpatum in his tubis, vilioris notæ operibus & in occulto latentibus. Potuit verò nomen Claudii, alteri fistulæ obsignatum; denotare, eo imperante aquæductum conditum fuisse, ut moris erat notæ Consulum, & Principum ejusmodi operibus,

bus, quod superius observatum, conscribere. Hincinde coniectando ludimus.

At seriò auguror, virum illum egregiè falli, cùm certò se deprehendisse autumat, ex quo *Acte Claudie* nomen præferat, eam *Claudii* Imperatoris, non *Neronis* libertam fuisse. In id enim non cogimur ex *Claudia* nomine, cùm hoc & *Nero*, in eam familiam à *Claudio* per adoptionem insertus, gesserit, ut passim nummi & veterum saxa restantur. *Neronem* verò libertate donasse *Actem* planè suadet profusus in eam amor, quam & paullo abfuit quin iusto matrimonio sibi conjungeret, auctore *Svetonio* in vita, cap. 28. utque improbas nuptias Regiæ originis titulo honestaret (non tantùm amoris violentiâ abductus, quæ *Xiphilino* *Dionis* epitomatori caussa traditur) eam in familiâ *Attali*, quippe ex *Asia* emptam, retulit. At rem extrâ controuersiam sistunt duæ Inscriptiones apud *Fabretum* cap. 3. num. 29. & 38. Prima hos characteres præfert.

DIIS. MANIBVS
HELIO
ACTES. AVG. L
LIBERTO
A CVBICVLO

Alia in hæc verba scribitur.

THELYCO
EVTYCHI
ACTES. AVG. L. L
ALVMNO. A MANV
VIXIT. ANN. XX

Helius, & *Thelycus* erant *Liberti Actes Augusti Libertæ*. Alios *Libertos Actes* ceteri lapides, ibidem *Fabretto* relati memorant. *Libertos* non potuit habuisse *Acte*, nisi cum opibus & potentiâ floreret. Florebat autem sub *Nerone*, non sub alio Imperatore. Porro *Augusti* nomen nonnisi Imperato-

ratori viventi tributum fuit, ut versantes vel leviter priscam eruditionem norunt. Cum ergo *Actes Liberta Augusti* vocetur, non is alius quam Nero tunc vivens, à quo in perditum amoris argumentum, divitiis & turbam servitorum auctam par est credere. Hinc horri & villæ apud Puteolos, in quibus aquæductuum tubi ejus nomine obsignati jacebant, vel à Nerone donatæ, vel ab ipsâ emptæ & comparatæ sunt. *Actes* nomine dicatum fuit templum Pisis, ubi adhuc hoc lapidis fragmentum visitur: RERI. SAC. AVG. LIB. ACTE: *Cereri sacrum Augusti liberta Acte*. Card. Norisius in Cenot. Pis. diss. 3. cap. 1. dubitat, num Neronis liberta hic designetur, quod eo nomine diversorum Cæsarum libertæ nuncupatæ fuerint. De nostrâ haud ambigendum puto.



CAPUT IX.

Quid Vexillarii in militiâ Romanâ? Salmaſtus adverſus Lipſum acerbior emollitus, & inconstantia notatus. Turnebi ſententia de Vexillationibus perſtriſta. Num hæc perditum, vel equitum? ex milite legionario, vel externo? Deducta de loco ad locum; cuiam generi Vexillationum AQUILIVS præpoſitus.

PRAEP. VEXILLAT

Praepoſito Vexillationibus.



Tab Urbe ad Caſtra nos revocat AQUILIVS, & inter pacis opera verſatos, denuð ad belli militiæque munera tractanda deducit. Has compendio literas inciſas prodit noſter lapis: PRAEP. VEXILLAT. Quem alius apud Gruterum pag. 407. 1. expreſſis penè omnibus elementis ita explicat: PRAEPOSITVS VEXILLATION. Alij quoque inſcriptiones, quas in hujus capitis decurſu afferam, *Vexillationum* meminere. Ergò his *Praepoſitus* noſter AQUILIVS. Quid verò *Vexillationes*, quodve genus militiæ fuerit non ſatis veteribus traditum, nec recentioribus explicatum. In id contendam, ubi aliqua de Vexillariis tradidero. Nam res utraque mutuam ſibi invicem depoſcit opem atque lucem.

Vexillariorum plurima apud Tacitum eſt mentio. Lib. 2. hiſt. cap. 100. *Vexillarii Legionum Equites ſequuntur ad occupandam Cremonam, ſtatimque prima Italica cum Vexillariis trium Britannicarum Legionum incedit.* Hos eſſe putat Lipſius ad hunc locum eoſdem milites, qui *Annal. 1. cap. 17.* queruntur, *ne dimiſſis quidem ſinem eſſe militiæ, ſed apud Vexillum reſentos, alio vocabulo eoſdem labores*

res perferre ; traditque duplicis generis fuisse , prius è veteranis , qui stipendiis peractis , idest vigesimo militiæ anno absoluto , sub vexillis habebantur , donec præmium & emerita acciperent ; alterum ex electione in necessitate aliquâ , cum certâ manu ex legionibus decerpâ sub vexillo in provinciis mittebantur . Has nugas esse audacter inclamat Salmasius ad Vopiscum in vitâ Probi c.6. & vexillarios legionum pro certo habet eos fuisse , quos triarios vocabant veteres , eosque ferè ex veteranis , qui sub vexillo retinebantur , aliorum omnium munerum immunes præterquam propulsandi hostis : nullam verò fuisse legionem , quæ non haberet hoc veteranorum vexillum . Livius enim lib.8. *primum* , ait , *vexillum triarios ducebat , veteranum militem spectate virtutis* , qui idem paullò post *vexilla* vocat istos triarios . Eadem retexit Salmasius in Firmo c.4. At deinceps nil sibi constans , in opere postumo de re militari Rom. cap.19. longè diversam sententiam sequutus est . Eos enim apud Tacitum *vexillarios* legionum esse ait , qui in antiquiore militiâ *velites* , postea sub Cæsare *antesignani* appellati sunt . Ergò *vexillarii* ab ipso Salmasio de gradu dejecti , & ex veteranis , quo robur militiæ constabat , in levis armaturæ militiam detrusi . Et sanè hæc mihi opinio verior videtur . Nam ipse Tacitus *vexillarios* leviozem & debiliozem legionis partem apertè esse indicat hist.2.cap.66. *Præcipua* , inquit , *quartadecimanorum ferocia , qui se victos abnuebant , quippe Bedriacensi acie , vexillariis tantum pulsos , vires legionis non affuisse* . Velites verò eo vocabulo appellati , quia cum olim sine vexillis & ordinibus vagantes passim ac discurrentes , postea sub signa reducti operam eandem velitarem & procurfatoriam præstiterunt . Quæ ulterius confirmo ex eodem Cornelio An.2. cap.78. ubi de Pisonè loquens ait , *concurrentes desertores per manipulos componit , armat lixas traiecitque in continentem navibus vexillum tironum in Syriam euntium intercipit* . Ergo tirones , qui inter velites computabantur , sub propriis vexillis erant .

erant. Inde quis dubitet vexillarios dictos? Cùm hic videas tirones, seu vexillarios in provincias deductos, Salmasio non permittas in Liptium debacchari, quòd vexillarios certam manum in legionibus in provincias missam dixerit. Cæsarem adhuc appello in Liptii causam, cujus sunt verba lib. 6. de bell. Gall. *Erant inquit, in castris ex legionibus agri relictæ, ex quibus qui hoc spatio dierum convalescerant, circiter trecenti sub vexillo unâ mittuntur.* En milites sub vexillo missos, atque inde vexillarios. Porro locus Livii superius à Salmasio laudatus, ad ostendendum veteranos vocatos vexillarios, quòd sub vexillo essent, nil probat. Nam ibi historicus aliis etiam infimæ fortis militibus vexilla tradit; statim enim sequitur, *secundum rorarios, minus roboris atate factisque, tertium accensos minima fiducia manum.* Hi omnes sub suis vexillis: ergò non tantum triarii seu veterani. Ceterum hi vexillarii legionum. Sunt enim eodem nomine apud Tacitum etiam milites auxilarii. *Antonio, inquit hist. 3. cap. 6. vexillarios è cohortibus, & partem equitum ad invadendam Italiam rapienti, comes fuit Arrius Varus.* Auxilia in cohortes divisa erant, cohortes in vexilla.

At verò qui *Vexillarii*, & *Vexilla* Tacito, *Vexillationes* aliis, & præsertim sequiori ævo, dictæ sunt. Sveronius in Galba cap. 20. narrat omnes milites opem ferre eidem Imperatori recusasse, exceptâ *Germanicorum vexillatione.* Turnebus adversar. lib 5. cap. 2. in fin. hanc *vexillationem* cohortem militum putat, qui confectis & emeritis stipendiis sub vexillis etiamnum habebantur, usque dum commoda & agros acciperent. In hoc falli videtur: quia tantum legionarii milites in commoda, & agrorum distributionem admittebantur, nisi de aliis præmiis intelligat. At Germani inter Auxilia Romanorum fuere, & in *Vexilla* distribuuntur; nec opus est, tunc solum, ut commoda expectarent, eos sub vexillis locare. Hæc ipsa *Germanica Vexilla*, quæ Tranquillus *Vexillationes* vocat, in eadem sedi-

seditione Galbianâ , diu nutasse ait Tacitus hist. 1. cap. 31. *inualidis adhuc corporibus, & placatis animis, quod eos à Nerone Alexandriam præmissos, atque inde rursus longa navigatione agros, impensore curâ Galba refovebat.* Idcirco tandem opem tulerunt: nō verò sub vexillis detenti præmia præstolabantur. Eodem lib. cap. 70. *Germanorum vexilla præmittit Cæcina, quæ alia à superioribus erant, nam ab ipsâ Germaniâ in Italiam traducta.* Porro eam Germanicorum *vexillationem* pedestris militiæ fuisse, ex ipsâ Tranquilli & Cornelii narratione conicio.

Sed posteriori ævo *Vexillationes* constanter de equitibus sunt acceptæ. Vegetius lib. 2. cap. 1. *Equitum ala dicuntur ab eo quod ob similitudinem alarum ab utrâque parte protegant acies, quæ nunc vexillationes vocantur à velo, quia velis, hoc est flamulis utuntur.* In Notitia Imperii plures *vexillationes* enumerantur. Palatinæ quinque, Comitantes septem, aliæque. Omnes militiâ equestri constabant, non legionariâ sed externâ. Hoc sensu *vexillationum* meminit Marcellinus initio lib. 25. & Diocletianus, & Maximianus in l. 2. Cod. de his, qui non implet. stip. leg. 9. quando provoc. est necess. & Constantius l. 2. de heredit. decurion. Jam *vexillationes* prius promiscuè equites peditesque, deindè solos Equites significare habes, pro variâ temporum consuetudine. Sanè Vegetius loco proximè recitato, alas Equitum *vexillationes* vocari, novitium ferè institutum aperte indicat. Eodem modo variatum in militum conditione. Nam olim, sicuti de vexillariis diximus, etiam vexillationes tam ex legionariis militibus, quàm externis seu auxiliis constabant, donec tempore Notitiæ sola auxilia continebant. Quod spectat superius ævum, in lapide pag. 256. 8. **VEXILLATIO. LEGION. XX.** Imperatori Hadriano monumentum nuncupat. At in 5. pag. 425. C. Julius inter alia militiæ munera etiam **PRAEF. VEXILL. DACOR. PARTHIC.** dicitur. Hic vides externum militem, illic legionarium.

In

In hac tam variâ *vexillationum* acceptione, quid demum de nostro AQUILIO statuamus? Eo sane ævo præpositum *vexillationibus* crediderim, quo nomen illud promiscue pedestrem & equestrem militiam designabat. Quare utri earum ejus præfecturam affigas, nil morabor. Quod verò frequentius *vexillationes* auxiliariis copiis constarent, his præpositum fuisse libenter annuerem. Profectò hoc munere functum putat Pertinacem Salmasius, de quo narrat Capitolinus cap.2. per Claudium Pompejanum *vexillis regendis* astitum, additque eo munere approbatum, inde in Senatum lectum fuisse. Videas quo loco id officii habitum, & dignitatem AQUILII hinc conjicias. Subdit Salmasius, *vexillationibus præpositum* in saxis Ducem auxiliorum vocatum. Addo, & fortasse *Præfectum* Auxiliorum, ut in tribus inscriptionibus Vario Clementi dicatis pag.482. PRAEF. AVXILIORVM. IN. MAVRET. TINGIT. ET. HISPANIA. MISSORVM. Nam auxilia, & legiones ipsæ ab unâ ad aliam prævinciam, prout bellorum necessitas exigeret, traducebantur. Et quidem si legio integra & solida esset, suo Legato regebatur: cum verò aliqua ejus pars decerpta aliò mitteretur, quod sub propriis *vexillis* incederet, ideo *vexillatio* nuncupabatur. Itaque, ut opinor, in frequentiori significatione *vexillationes* dictæ, cum vel auxilia, vel legionis pars de loco ad aliû locum transferretur; tuncque ad eas deducendas peculiaris *Præpositus*, seu *Præfectus* destinabatur. In eam sententiam ut abeam, suadent frequentia lapidum testimonia, quibus *Præpositum vexillationibus*, id muneris in earum deductione explevisse memoratur. Romanus pag.407. 1. inscriptus est CILONI Imper. Aurelii Antonini Aug. PRAEPOSITO VEXILLATIONIBVS PERINTHI. PERGENTIBVS. Sæpinatensis pag.441. 4. L. Neratio Proculo. . . . *Misso ab Imp. Antonino Aug. Pio* AD DEDVCENDAS VEXILLATIONES in Syriam ob bellum Parthicum, In alio Romano Attius Senecio *emissus à Divo Hadriano in expeditione*.

ditione *Judaica* AD VEXILLATIONES (ut supplet Reinesius Class. VIII. nu. 9.) DEDUCENDAS. Subditque ad cohortes vexillares, seu auxilias deducendas Attium fuisse missum, & *Præpositum vexillationum* idem esse ac Auxiliarium in equitibus, horum enim tantum vexilla. Demum Abelinus 6. pag. 1096. sculptus est Cn. Martio Plaetorio PRÆPOS. NVMERORVM tendentium in Pontum ab Sero. Numeri vocabulo hic intelligendæ sunt vexillationes ex legionariis militibus. Numeri enim sunt legiones; qua de re consulas Salmasium ad Vopiscum in vitâ Probi cap. 14. Quamvis alii aliter sentiant. At numeros idem denotasse, ac vexillationes, Joannes Voëtius de jure milit. pluribus ostendit ex l. 8. C. de erogat. milit. annon. Porro adhuc incertus agor, an AQUILUM deducendis vexillationibus delectum liceat conjectare, cum id in nostro lapide expressum haud legam. Sive hoc velis plurimo exemplo instructus, seu stato imperio in exercitu eas rexisse dicas, nulla religione in utram partem teneri te scias.



CAPUT X.

Varia sigla P.P. & nota FR. interpretatio. Praepositus legionis in saxis, & apud Scriptores. Quod munus in undecima exercuit AQUILIUS. Unde Legio XI. Claudia appellata. Dio Cassius falsus. Lazijs prolixè refutatus. De Provinciâ Commagenâ, quæ postea Euphratensis, & Euphratesia, addito Augustæ cognomine. Locus Concilii Calchedonenfis, & alius Seleuciensis emendantur. Undè nomen Euphratensis, & Augustæ accessio: Pancirolus & Lupus notati. Plura de Legione decimâ Fretensis, cui appellatio à Freto, fortè Gaditano. Eadem conjectura de nomine Fretensis nostræ undecimæ attributo, suadente præsertim Galieni nummo, qui cum aliis illustratur.

PR. LEG. XI. CL. FR.

Praeposito Legionis undecimæ Claudiaæ Fretensis.



IV multumque hæsisse me fateor in hoc versiculo, quod sigla P.P. & nota compediaria FR. variis interpretationibus animum in diversa distraherent. Etenim PP. *Praepositum*, *Primipilum*, *Propraefectum*, & denique *Proprætorem* designare posse, eaque nomina in Legionibus usurpari, animadvertēbam. Per singula breviter excurram. *Praefectum* Legionis X. C. Junium tradit inscriptio pag. 194. 2. & L. Vocontium Leg. VI. pag. 286. 4. *Propraefectus* ejus locum, & vices in Legione explebat. At *Praefectus* non simplici P. in saxis expressus fuit, sed hac notâ PRAEF. ut in duobus nunc memoratis, & in 1. pag. 347. necnon 5. pag. 1099. utrumque una inscriptio Romana pag. 487. 6. luculenter ostendit: P. VIBI. . . . PRAEF. LEG. II. ITAL. P. P. LEG. III. GALL. Neque ad *Praefectum*, nec ad *Propraefectum*

Num legionis ea sigla duplicis P. traduci potest, ob diversum scripturæ modum. Hoc ipsum de *Pratore* legionis, cujus meminerunt epigrammata pag. 1102. num. 3. & 4. statuendum arbitror. *Proprator*, aliâ quidem notione, passim hac notâ PR.PR. signatur. Adhærebam *Primipilo*, quem aliquando duplici P.P. indicatum, observat Eques Ursatus in notis Rom. simulque resolutâ ultimâ notâ FR. ita hunc versum, quem sollicitamus, legebam: *Primipilo Legionis XI. Claudie frumentario*. *Primipilus Centurio erat dignior in legione, qui non solum Aquile præerat, verum etiam quatuor Centurias gubernabat, caputque totius legionis censebatur*, uti ait Vegetius lib. 2. cap. 8. Centurionis *Frumentarii* mentionem ingerit lapis Fulginas pag. 347. 1. L.ÆLIO. Marcello . . . *Cent. frum.* Expressum verò, quamvis in milite, ejusmodi munus legitur in Romano pag. 530. 7. T. Aurelio Pio milit. Leg. VI. *Victr. Frumentario*. Officium frumentariorum fusè explicant Salmasius in Hadriano Spartiani cap. 11. & Bulengerus de Imp. Rom. lib. 6. cap. 42. At AQUILIVM, post exactas amplissimas dignitates *Primipilatum* gessisse, non admodum verisimile mihi est. Quamvis enim id muneris *dignius* in legione dicatur Vegetio, hoc sanè rectè, si *Primipilum* cum aliis Centurionibus componas: nam *Tribunum*, *Præfectum*, *Legatum* legionis ei prælatos nemo negaverit. Porro *Frumentarii* officium, seu annonæ militari transvehendæ impositum dicas, seu ad res novas, & ea quæ in Provinciis gerebantur, Imperatori nuncianda, nunquam nisi infrâ dignitatem & gesta ab AQUILIO munera reputabis. Tantum obest allatus Rom. lapis 6.487. in quo P. Vibium, post illustria munera, *Frumentarii* officium exercuisse intuemur. Ita enim se habet: P. Vibius *Praef. Leg. II. P.P. Leg. III. 7. Frument.* hoc est *Centurio Frumentarius*. Equidem animadverti in inscriptionibus non semel ordinem graduum & dignitatum haud servari, sed de nostrâ id mihi adhuc persuasum esse nequit, nitente contra aliâ lectione, quam modo exponam.

Itaque hunc versum ita legendum arbitror: PRÆPOSITO LEGIONIS VNDECIMAE CLAVDIAE FRE-
TENSIS. Non moror, si statim quæras, cur in anteceden-
tenti versiculo PRAEP. primis literis distinctis insculptus
appareat, hic verò sub ejusmodi Siglæ involucri delite-
scat. Singula verba dum expendam & explicabo, quibus
argumentis & conjecturis nostra hæc lectio obfirmetur,
constabit. Quòd literas singulares P. P. attinet, magnum
Indicis Gruteriani Compilatores sequor, qui ubique eas
in *Praepositum* resoluit, cum *legioni* annectuntur, exemplis
plus septem, quæ videas cap. 6. militari, & 20. de abbre-
viaturis. Et si expressum nomen *Praepositi* cupias, lapis Stri-
gonienſis pag. 164. 4. vorum expediet: FOSCANVS
PRAEPOSITVS LEGIONIS. I. MARTIORVM. Nec
historicis ignotum nomen ipsum & munus. Suetonius in
Tito cap. 4. ex *questura*, inquit, *honore legioni Praepositus* &c.
& Spartianus de Severo hæc ait: *legioni IIII. Scythica deinde Praepositus est circa Massiliam*, in vit. cap. 3. jam Lega-
tionem Proconsularem aliaquæ egregia munera Severus
expleverat, quod *Praepositi* legionis dignitatem arguit.
Eam legionem Scythicam circa Massiliam stationem ha-
buisse, subdubitans Salmasius legit, *circa Syriam*. Prius *Moe-
ssiam* reposuerat Casaubonus: at Gruterus *Massiliam* reti-
nuit. Sanè Salmasio faver Dio, qui ad hæc tempora scrip-
psit, Legionem IV. Scythicam in Syria stetisse lib. 55. pag.
564. Hinc *militum praepositura* etiam Lampridio memo-
rata in Severo Alex: cap. 46. & *Praepositos militum* vocat
Suetonius in Othone cap. 1. & Marcellinus narrat Petro-
nium ex *Praeposito Martensium militum* repentino saltu Pa-
tricium effectum lib. 26. cap. 6. ubi vide notas Valeſii. Hos
verò non solidæ legioni, sed certo militum numero vel
generi præfectos fuisse apparet. Nobis satis hic est de-
monstrasse, nomen in militiâ frequenter fuisse usurpatum.
Jura etiam nostra *Praepositi* meminerunt, quem à *Tribuno*
distingunt in l. unic. Cod. Theod. de Comit. & Tribun.
& in

& in l. 1. de erogat. militar. annon. & *Præpositi legionum*, uti legit Gothofredus, non *largitionum*, mentio est in l. 10. de veteran.

Præpositorum munera passim indicantur in eodem Codice Theodosiano. Loca haud profero, ne crebris citationibus lectorem onerem. Videri poterunt congesta ab eodem doctissimo huius Codicis illustratore Gothofredo in Paratit. lib. 7. pag. 257. tom. 2. Hoc mihi prætermittendum non est, *Præpositos* frequenter *Tribunis* comparari, modò tamen iis præponi, modò postponi, ut idemmet Auctor notavit. Quod indicio est, eorum dignitatem non multum à Tribunatu discrepasse. Parum abest, ut credam, *Præpositos legionum* alio etiam vocabulo *Præfectos* vocatos, remque unam eandemque fuisse. Refert Lampridius in Heliogabalo cap. 6. perditissimum hunc Imperatorem omnes reipublicæ dignitates postituisse, *militaribus etiam Præposituris, & Tribunatibus, & Legationibus, & Ducatibus venditis*. Nulla hic mentio de Præfecturis, quas primæ notæ in legione Heliogabalum præteriisse, ad pinguius lucrum captandum, non est verisimile. Quare eas sub *Præposituræ* nomine latere coniicio. Sanè & eadem utriusque vocabuli vis est & notatio. Tacitus hist. 4. cap. 68. Varum Arrium prætorianis *Præpositum* memorat, quem antea *Præfectum* Prætorii appellaverat. cap. 2. Nostrum itaque AQUILIVM *Præpositum legionis XI. Claudia* si sculptam in saxo notam spectemus, at si rem ipsam *Præfectum* dicere pro libito erit.

Porro legionem hanc *undecimam*, sicut & septimam, *Claudiam* appellari voluit Claudius Imp. quòd adversus se in seditione à Camillo Scriboniano Delmatix Præfecto concitæ non rebellasset, ut refert Dio lib. 55. pag. 664. & lib. 60. pag. 674. Hoc posteriori loco subdit historicus, Scribonianum cùm milites *dicto non audientes* metueret in *Issam insulam delatum*, ibi mortem voluntariam oppetiisse. At Tacitus hist. 2. cap. 75. in eadem seditione, cuius
etiam

etiam meminit lib. 1. cap. 89. & Annal. 12. cap. 52. *sub Claudio interfectum* scribit, ipsumque *percussorem* nominat *Volaginium*. Suetonius in Claud. cap. 13. *oppressum* ait *intra quintum diem*, quæ loquendi forma Tacito accedit. Apertius loquitur epitomator Aurelii Victoris in Claudio: *Hujus tempore*, inquit, *Scribonianus Camillus intra Delmatis Imperator creatus, continuo occiditur*. Falsus itaque Dio, qui cum sibi ipsi manus intulisse tradidit; nam certè Tacito, qui proximus rei gestæ, amplior fides adhibenda est, in partes ejus Suetonio & Victore euntibus. Nec verò fortasse in Interpretem labem refundas, quòd malè Græcam vocem reddiderit. Nam hæc verba Dionis: *ἐν ταῖς ἡμέραις αὐτῆς ἀπέθανε*, de morte sibi illatâ intelligenda esse non dubitat à me consultus Bernardus Montfauconius è Congregatione Parisiensi S. Mauri O. B., cujus, præter omnigenam eruditionem, in linguâ Græcâ peritiam testantur edita nuper ab eo absolutissima S. Athanasii opera, iterque Italicum susceptum lustrandis & colligendis Græcis M. SS, sicut quatuordecim ab hinc annis eandem operam latinis navavit Joannes Mabillonius Socius alter ejusdem celeberrimi Coetus, doctrinâ & editis libris Orbi jam notus. Par hoc doctissimorum hominum libenter nomino, quòd primum, plurimâ ab eo familiaritate donatus, nunc Romæ præsentem colam, alterius absentis benevolentiam literarum commercio comparaverim.

Legionis *undecimæ Claudie* frequens in Gruterianis inscriptionibus mentio habetur, ubi etiam *Pia*, & *Fidelis* vocatur, quæ nomina Senatus addidit teste Dione. Iis prætermisiss, quæ obviæ sunt in indice Gruteriano, Aquilejenses tres, quòd nondum sint editæ, in gratiam eruditum hic proferam,

1

D. M.

AVREL. DIZO. MILEX
LEG. XI. CLAVD. VIXIT
ANN. XXVII. MILIT. ANN
QVINQVE. OBITVS. IN
MAVRÉTANIA. BENE
MERENTI. CIVES. ET
COMMANIPVLI, DE. SVO
FECERVNT

In quadam domo Capituli.

2

L. POMPONIVS
SILVANVS
MILES. LEG. XI
H. S. E

3

D. M.

AVRELIVS. SVDLCEN
T. CVS. MILEX. LEGIO
NIS. XI. CALVIE

Vini ex Aquileja apud Nobb. Gurgos. Olim in ædibus V. Capitanei.

Postrema hæc ita fædè corrupta, cùm Aquilejæ amplius non extet, cum suis plagis relinquenda fuit.

Optanda nunc Accii Navii manus, quâ cotem secuit, ut lapidis nostri difficilem notam F R. in partes explicando dissolvam. Eam in hanc vocem FRETENSIS traducendam jam indicavi. Sanè ubi Legioni decimæ affixam legimus, semper ita interpretatam observamus. In lapide 2. pag. 442. signatur LEG. X. FR. quæ alibi expresse LEG. X. FRETENSIS. dicitur, pag. 354. 5. 457. 6. 480. 6. At novum & insolens hoc cognomen; nec uspiam legio vndecima ea appellatione notata invenitur. Fateor equidem: sed neque sextam decimam nisi in 1. pag. 407. cum apposita eadem notâ FR., neque duodecimam cum expresso cognomine FRETENSIS. nisi in 30. Class. VIII. Reinesii legimus. Quare, ut iis ejusmodi denominatio rata manet, frustrâ ipso Reinesio ut solet mendum in numero XII. somniant; ita nostræ non est invidenda. Potuit enim eadem nominis causa & ratio adfuisse. Quod ut pervestigemus, prius de decima, cui id vocabuli certum, paullo diligentius est agendum.

La-

Lazius lib. 5. de Rep. Rom. cap. 17. appellationem legionis X. *Fretensis* se acceptam referre ait Eutropio in historiâ Vespasiani, ubi hæc verba scripta ipse reperit: *Trachæa, Cilicia, & Commagene, quam hodie Augusto Fretensem nominamus, quæ sub Regibus amicis fuerant, tunc primum rediere in provinciarum formam.* Ita Legio *Fretensis* à Provincia Augusto *Fretensi* nomen sumpsit. Porro se invenisse autumat, illam usque ad seculum deflorescentis Imperii in Palæstinæ stativis mansisse eodem *Fretensis* cognomento, ex Codice Notitiarum. At pluribus peccat hic Autor, qui aliunde non leviter in antiquitatum Romanarum studio versatus fuit. Primum eam vocem *Augusto Fretensem*, à qua legionis decimæ denominationē accersit, ex corruptis exemplaribus hausit; non quidem veri Eutropii, & qualem postea edidit Vinetus, à quo eadem vox omnino abest, sed ex historiâ Miscellâ, quam Paullus Diaconus, seu quisquis fuerit, non tam ex ipso Eutropio, sed aliis etiam superiorum temporum historicis consarcinavit. In hac siquidem historiâ lib. 8. genuina lectio habet *Augustophratensem*, quod vocabulum ipsius Miscellæ auctor addidit ex Aurelii Victoris epitome in Vespasiano, cujus sunt verba: *Syria, seu Palæstina necnon Cilicia, Trachæa, & Commagene, quam hodie Augustophratensem nominamus, provinciis accessere.* Jacobus Gothofredus ad l. 2. Cod. Theod. tit. ne Comit. & Tribun. in victore legit *Augusteuphratensem*; eandemque vocem restituit Valesius in notis ad Marcellinum lib. 14. pag. 42. qui hoc loco ait: *Commagena nunc Euphratensis clementer assurgit.* At rectius ad fidem veterum monumentorum illud vocabulum in duo est secandum. Nam in l. ult. Cod. de divers. offic. Leo & Zeno Imp. appellant Comitem *Augusta Euphratensis*, & in Synodico, quod post Christianum Lupum edidit V. C. Stephanus Baluzius Tomo primo, & adhuc postremo, novæ collectionis Concilior. pag. 699. subscribunt Theodoretus Episcopus Cyri *Augusta Euphratesia*, & Meletius Episcopus Cæsareæ

rex *Augustæ Euphratesia*. Porro, ut vides, hæc provincia promiscue *Euphratensis*, & *Euphratesia* appellatur. Primæ nomenclaturæ exempla alia, præter Marcellini mox laudatum, habes in Codice Theodosiano leg. 2. ne Comit. & Tribun. & lege itidem 2. de venat. ferar. ubi limitis *Euphratensis*, & Præsidis *Euphratensis* fit mentio. Provincia *Euphratensis* dicitur in l. 10. Cod. Justinian. de ædific. privat. & in Notitia Provinciarum, quæ extat Tomo secundo postumo Antiquit. illustratæ Emanuelis Schelestrate pag. 712. Secundæ appellationis unum & alterum testimonium ex Synodico supra recitavimus. In eodem Synodico cap. 183. laudatur Flavius Lybianus Præses *Euphratesia* Provincie, & cap. 81. Alexander *Euphratesia* Provincie Metropolitanus. Adde etiam cap. 7. ac 13. necnon Notitias apud eundem Schelestratum pag. 651. & 685. Hæc verò differentia non ex libito Scriptorum, sed à proprietate diversi idiomatis profluxit. Nam quæ *Εὐφρατινία* Græcis, *Euphratensis* Latinis dicitur, ut observavit Lucas Holstenius utriusque linguæ peritissimus in notis ad Stephanum de Urbibus verb. *Germanicia*; addiditque ideò malè apud Nicephorum *Εὐφρατινία* verti in *Euphratesia*,. Hinc allata omnia exempla, quæ ex Græcis monumentis translata sunt, veniunt rigenda. Sanè eam legem servarunt doctissimi viri Jacobus Gothofredus, & Henricus Valesius, qui in suâ quisque Philostorgii versione, ubi lib. 3. cap. 8. & lib. 11. cap. pariter 8. in Græco est *Εὐφρατινία*, ipsi transtulerunt *Euphratensem*.

Optimè notavit idem Valesius loco mox allato Marcellini, corruptam esse subscriptionem Concilii Calchedonensis, ubi legitur *Augustus Euphratensis*, quasi Episcopi nomen sit, cum sit provincie. Corruptius adhuc idem vocabulum exhibet editio Labbeana Conciliorum tom. 4. col. 788. *Augustus Euphrasienfis*. Reponendum itaque *Augusta Euphratensis*, vel *Augusteuphratensis*. Sed quid nomen hoc Provincie in eo Concilio nudum & solitarium,

absque Urbe, absque Episcopo? Nil ultra Valesius tentavit. Quare mihi castigandus is locus est, & veræ lectioni restituendus. Subscriptiones exhibet Labbeus loco indicato ex apographo Sirmondi, qui eas olim descripserat Romæ ex antiquissimo mille annorum Codice. Distributæ sunt per Provincias, & unusquisque Episcopus post suum Metropolitanum subscribit. Laterculum, quod rem nostram spectat, oculis subjicimus ex eadem col. 788.

Provincia Arabiæ Episcopi XV.

Constantinus Bostren.

Eulagius Filadelfensis

Proclus Adraonensis

Theodosius Canothasensis

Ormisda Philippopolitanus

Flaccus Geronosotanus

Augustus Eufraasensis

Stephanus Hierapolitanus

Sequuntur alij septem, *Samosatenus, Cyropolitani, Germaniensis Doliches, Zeugmatos, Perrensis & Neocæsariensis.*

Falsus in primis est titulus: nam post Constantinum Bostrensem, quinque tantum qui sequuntur Episcopi ad Provinciam Arabiæ pertinent. Hos statim excipit *Augustus Eufraasensis*, & inde subsequitur *Stephanus Hierapolitanus*, alijque septem Antistites. Bostra Metropolis erat *Arabiæ*, Hierapolis *Euphratesiæ*, ut cuilibet Geographiam sacram versanti patere potest. Itaque duo hic Metropolitæ, *Bostrensis*, & *Hieropolitanus*. Quare duæ Provinciæ sunt distinguendæ. Si ergo ubi *Augustus* tamquam Episcopus *Eufraasensis* collocatur, levi adhibitâ castigatione legas, Provincia *Augusta Euphratensis*, jam habebis secundam Provinciam, sub quâ, ordine non immutato, agnosces rectè designari *Stephanum Hierapolitanum* Metropolitanum, & ceteros Episcopos, qui re vera omnes eidem suberant. Ita non tam explosus *Augustus* fictitius Episcopus, sed etiam sui Antistites Provinciæ Euphratensi & Metropolitano

tano reſtituti, qui antea perperam Arabiæ accenſebantur.

Diſcedam hinc, ubi alterius Concilii ſimili labe depravatum locum emendavero. In Seleuciendi anni 359. Epiſcopi Ariani expoſitionem fidei emittunt, cui inter alios ſubſcribunt: *Cyrion Epiſcopus Doliches, Auguſtus Epiſcopus Euphrateſia*. En Auguſtus importunè rem iterum miſcer. Quem ſi Epiſcopum patimur, jam Euphrateſia Urbs eſt, non Provincia. Arbitror unum tantum hic eſſe Epiſcopum *Doliches*, adjectâ Provinciâ, in quâ verè ea Urbs ſita eſt. Quare expunctâ voce illâ *Epiſcopus* ſecundo loco poſitâ, omninò legendum: *Cyrion Epiſcopus Doliches Auguſta Euphrateſia*. Qua eadem ſubſcribendi formulâ uſos Theodoretum, & Miletium Epiſcopos ejuſdem Provinciæ, jam vidimus. Miror oculatiſſimum Baluzium, qui eam expoſitionem fidei primus edidit in citatâ collectione col. 66. hoc mendum non advertiſſe, cùm proſectò doctiſſimam operam, ut ceteris ſuis præclaris operibus, in his ſacræ antiquitatis monumentis caſtigandis & illuſtrandis contulerit.

Ex tot igitur illuſtribus veterum ſcriptorum testimoniis planè conſtat, deceptum Lazium, qui, ut nomenclaturam legioni decimæ aſſereret, Commagenem *Auguſtam Fretenſem* dictam exiſtimavit. Sanè ſi ad hujus Provinciæ ſitum parumper animum intendiſſet, vel Procopium conſuluiſſet, veri nominis cauſſam edoctus, haud ægrè errorem poterat exuere. Commagena, quæ Syria ſecunda eſt, ad Euphratem porrigitur, cujus Urbs olim illuſterior Samofata ponte jungebatur, atque exinde appellationem *Euphratenſis*, & Græcis *Euphrateſia* adepta eſt. Profero verba Procopii lib. 1. de Bello Perſ. cap. 17. ex poſtremâ verſione Malteſti. Porro, inquit, *plagam quæ à Samofatis trans Euphratem eſt, vocarunt veteres Commagenen, nunc à Fluvio ductâ appellatione, dicitur Euphrateſia*. *Euphratenſis* reddere debuerat interpres. *Auguſta* nomen additum putat Pancirolus in Comment. ad notit. Imp. Orient. cap. 113. ab *Auguſto*

gusto Cæsare, quando Armeniam cum signis M. Crasso adeptis recuperavit. In quam sententiam abripi se passus est etiam Christianus Lupus in notis ad cap. 183. Synodici supra laudati tom. 2. variar. epistol. pag. 534. At ea nomenclatura recentior est, quam ut Augusto adscribi possit. Svetonius cap. 8. Vespasianus, ait, Thraciam, Ciliciam, & Commagenem ditionis Regie usque ad id tempus in provinciarum formam redegit. Verba eadem penè descripsit Aurelius Victor, quæ jam retulimus, nisi quod de suo addidit, quam bodie Augusteuphratensem nominamus. Ergo post Tranquillum enatum hoc nomen, & non longè à Victoris ævo, qui sub Juliano Apostata scripsit. Quo eodem tempore simili phrasi usus Marcellinus, Commagena nunc Euphratensis, indicavit, recentem fuisse hanc quoque Euphratensis appellationem. Quò recidit etiam Procopij loquendi forma. Sane nusquam apud veteres scriptores Strabonem, Plinium, Tacitum, Ptolemæum, qui Commagenes meminerunt, Euphratensem vocatam invenies.

Rursus quod in Palæstinâ Legionem X. Fretensem collocet Notitia, non ideò Lazijs in causâ suâ proficite. Nam cum eadem Notitia inter provincias sub dispositione Comitum Orientis recenset *Euphratensem*, dici nequit, legionem *Fretensem* ab hac eadem provincia nomen derivasse. Et præterea Lazijs perperam confundit *Fretensem*, quæ in Palæstinâ stativa habuit, cum *Ferratensi*, seu *Ferratâ* Judaicâ, quia hæc sexta apud Dionem loco non semel relato, & in marmore Capitolino, in quo singulæ legiones prostant pag. 513. 2. illa decima erat.

At cur vim nomini inferamus, cum ipsum se statim prodât, originemque suam præseferat? *Fretensis* legio, ait ipsemet Lipsius Analect. de militiâ Rom. lib. 2. Dial. 5. quia *Freto* assita: vel à *Freto* aliquo undè extracta est, uti suspicantur Pancirolus in Notit. Orient. de Duce Palæstinæ pag. 217. & Turnebus adversarior. lib. 18. cap. 10. Cum Lipsio, opinor: nam plerumque legiones à loco stationis appellatæ, uti

uti *Macedonica*, *Mæfiaca*, ne alias referam. Et quod proximum ad rem nostrā exemplum est, *Ripuarienses* legiones passim in Notitia, & l. 14. Cod. de re milit. quòd in *ripis* fluminū essent locatæ, vocantur. Quodnam verò illud *Fretum*, à quo legio decima nomen mutuavit? *Fretanam* legionem in Apuliâ apud Plinium loco non indicato, videre sibi visus est Pancirolus mox allegatus, eòque à vicino fretò Siculo fortè appellatam dixit. Vèrum Plinius nusquam id habet, ut evoluenti magnum indicem Harduini, in quo non res tantum sed vocabula penè omnia & voces digessit, apparebit. Puto, doctissimum virum vel corrupto Codice usum, vel memoriâ lapsum, *Regionem Fretanam* in Apuliâ, cujus quidem meminit ipse Plinius lib. 3. cap. 11. in *Legionem Fretanam* commutasse. Mihi ad *Gaditanum fretum* eam nominis originationem referre omninò arridet. Nam certum est, sub Augusto Legionem X. in Hispaniâ constitutam, diu in eâ provinciâ excubasse: & illinc tandem à Ducibus Vespasiani accitam, ut refert Tacitus hist. 4. cap. 68. dum in Italiam iter pararet, in Germaniam divertisse, ubi Cerealis exercitum supplevit, eodem historico testante l. 5. cap. 19. Cum ergo in Hispaniâ manserit, quid vetat opinari, stativa ad ipsum *Fretum Gaditanum* traxisse, atque inde *Fretensis* nomen fuisse adeptam? Certè cùm tres legiones, tertia, sexta, & decima Hispaniam tenuerint, solam hanc *decimam*, Lucejo Albino Mauretaniæ Præposito hostilibus signis, *Hispania augustò fretò diremptæ*, imminente *propinquare litori*, ut *fretum ipsum transmissurus jussit* Cluvius Rufus, uti narrat Tacitus hist. 2. cap. 58. Quod eam haud longè ab ipso Fretò locatam arguit. Cur enim hanc potius, non alias *propinquare* jussisset Rufus? Ceterum non abnuerim, legionem decimam Hispanicam Geminam, utcumque appellatam, id enim non uno lapidum scriptorumque testimonio docemur. At *Fretensem* nihilominus etiam dictam, asserere non dubito. Extant exempla vetustatis in Germaniâ, quibus insculpta est LEGIO X. FRETEN-

TENSIS; scilicet paginâ 354. 5. pag. 475. 1. pag. 1068. 2. quæ quisque consulere poterit. Ea ergo legio decima, quæ ex Hispaniâ in Germaniam traducta fuit, ut vidimus, *Fretensis* appellabatur. At quæ in Palæstinâ excubabat *Fretensis decima*, aut ex ipsâ Hispanicâ olim divulsa, nomen simul in Judæam transvexit, vel ipsa Germanica inclinante Imperio eò deducta, & veteri decimæ addita fuit. *Decumanos fortenses* memorat Marcellinus sub finem lib. 18. eosque ex legione *Fretensi*, quod nomen in *Fortensem* degeneravit, esse alii putant. Id negare non ausim, cum non vacet rejicere. At video in Notitiâ, & *Fretensem legionem*, & *Fortensem* memoratam, quod argumento est, discrimen inter ipsas intercessisse.

Ergo ne longè conquestis etymi argumentis pretium quoque rei pereat, *Fretensis* vocabulum à *Freto* simpliciori derivatione formaveris. Nec à nomine purioris seculi auctoritas abest. Illud enim ipse Tullius usurpavit lib. 10. Epist. 7. ad Atticum ubi ait, *Adriatico mari Dolabella, Fretensi Curio*. Quam lectionem quibusdam suspectam firmat Turnebus loco superius indicato, amplectitur Bosius, nec Lambinus damnat in notis ad hanc uterque epistolam. Quare ut *decima* legioni ab Augusti ævo, ex Hispanicâ ad *fretum* statione, id nominis quæsitum; ita sequiori Imperio nostræ *undecima*, quantum conjecturâ assequi possumus, similis appellatio ob eandem causam indita fuit. Nam non semel, prout hic illic, bellorum necessitate poscente, variis stationibus hæc mansit, ita nomen quoque commutavit, sicuti de aliis legionibus legimus. Stante Republicâ adversus Annibalem in Africâ fuit, teste Livio lib. 30. inde dicta *Africana*: Postcâ *Macedonica* nomen adeptæ est, quòd in hanc Provinciam eam Cæsar deduxerit; ut ipse narrat lib. 3. bell. Civil. Post Pharalicam pugnam in Delmaticam proximam Macedoniæ regionem transmissam verosimile est; nam sub Claudio Imperatore, cum Scribonianum nova molientem deseruit, inibi degisse jam vidimus, appel-

appellationemque *Claudia* suscepisse. Inde in Italiam traducta fuit jussu Othonis adversus Vitellianos, teste Tacito hist. 2. cap. 11. ubi cum de *Delmatia*, & *Pannonia* motas legiones ait, septimam Galbianam, undecimam, & tertiamdecimam, hæc undecima ad Delmatiam est referenda, quod distinguere neglexit historicus. Unde Lipsio error, qui nunc eam *Delmaticam* facit, postea *Mæscam*, perperam intellectis hoc ipso & aliis proxime afferendis Taciti locis, de Repub. Rom. lib. 5. cap. 18. Denuò autem suis hibernis redita fuit, ex eodem Cornelio lib. 2. c. 67. quam tamen profectiorem non expleffe puto, cum paullò post ceteris Vespasiani copiis adjunctam scribat lib. 3. cap. 50. Tunc cum ex Delmatia in Italiam profecta est, aliquandiu Aquilejæ moratam fuisse non dubito; sicuti non de Mæscis tantum, sed de hac etiam quæ adventantem exercitum constabat, innuere videtur Tacit. lib. 2. cap. 46. unde militibus inibi tunc fato functis lapides emortuales, quos adduximus, positos fuisse suspicor. At tempore Dionis, scilicet sub Severo Alexandro, stativa in Mœsia agebat, ideoque & *Mæscia* eidem appellatur. Nolo hic miscere quæstionem, an legionum stativa Dioni recensita referenda sint ad tempora Augusti, vel ad ea, quibus ipse scripsit. Hoc mihi verius est: nam præter argumenta Casauboni exercitat. 14. cap. 10. & Reinesii ep. 31. ad Rupertum pag. 163. cur Dio, si ævum Augusti respexisset, nostram undecimam *Claudiam* appellasset, quod nomen nondum enatum erat? Ad Hispanica stativa, quod in rem nostram est, tandem traductam, omninò evincit Notitia Imperii Occidentalis, penès quam *Undecumani* sub spectabili Comite Hispaniarum recensentur. Additque Pancirolus cap. 23. hos esse ex legione *undecimâ Claudia* in Mœsiâ olim collocatâ. Quod si in Hispaniâ, cur non etiam ad fretum Gaditanum excubasse, indeque nomen *Fretensis* traxisse divinare nobis non liceat?

Sanè ea à Galliæ ævo maritimæ alicui oræ imposita
fue-

fuerat, adeoque jam à statione Mœsiacâ, quæ regio tota mediterranea est, recesserat. Nam Vaillantius tom. 2. numismat. Imp. pag. 168. profert nummum ejusdem Imperatoris, cui in aversâ parte sculptus est *Neptunus* dextrâ *Tridentem*, sinistrâ *Delphinum* gestans, cum hac epigrapha: LEG. XI. CL. VI. P. VI. F. scilicet *Legio undecima Claudia sextum pia, sextum Felix*. Has ultimas notas numerales ita ab Harduino expositas pag. 298. de Nummis populor. nolo ad eruditorum tribunal vocare. Cum decem & octo alias legiones iisdem signatas apud Vaillantium videam, nescire me fateor, cur omnes in eundem numerum conspiraverint. At hoc extra aleam nostram. Illustre illud symbolum usurparunt Laodicensēs in nummo Alexandri Theopatoris, apud eundem Vaillantium, sed alio opere, historiæ scilicet Regum Syriæ pag. 262. inscriptis hisce verbis ex Græco: *Laodicensium qui sunt ad mare*. Alia numismata Urbium maritimarum cum iisdem insignibus, vel cum Delphino, passim videre est apud rei monetariæ scriptores. Potuit ergo quòd oræ maris, seu freti accubaret *legio undecima*, Neptunum delphino, & tridenti insignem gerere. Certè inter numismata unius & viginti legionum, quæ inibi exhibet Vaillantius, sola hæc eo symbolo utitur: quod indicio est, illud singulare & proprium undecimæ fuisse, & nonnisi à maritimâ statione acceptum. Utique & *mare* ipsum, latiori vocabuli significatione, passim à Poëtis, & non semel ab alijs scriptoribus, *fretum* vocatum scimus. Quare quacumque statione ad maris litora nostram legionem locemus, ab eo *Fretensem* dictam suspicari fas erit. Ut verò obiter lucem aliquam ipsis numismatibus afferam, tunc ea à Gallieno percussa crediderim, cum demens Imperator, interfectis apud Byzantium rebellantibus militibus, quasi magnum aliquid gessisset, vesanâ pompâ, & novo genere ludorum & voluptatum decennia celebravit. Quæ sollemnia Trebellius Pollio in ejus vita cap. 8. fusius enarrans *vexilla centena* sub-

subdit, & prater ea qua collegiorum erant, dracones, & signa Templorum omniumque LEGIONUM ibant. Hæc signa legionum certè non alia quam quæ iisdem nummis, tunc sanctis, expressa conspiciamus; Capricornus videlicet primæ Adiutrici attributus, Mars galeatus primæ Augustæ, Neptunus cum delphino & tridente nostræ undecimæ, ceteraque videnda apud eundem celeberrimum Antiquarium.

Adhuc per immensa pelagi spatia nos legio undecima traducit, ut aliud cognominis indicium persequamur. Reinesius Class. 8. num. 17. hanc inscriptionem Vicentiæ, seu rectius Vicetiæ in Venetis, extantem, sibi que à Cl. Bartholino traditam profert.

M. BILLIENS. M. F
ROM. ACTIACVS
LEGIONE. XI. PRAE
LIO. NAVALI. FACTO
IN. COLONIAM. DE
DVCTVS. AB. ORDI
NE. DECVRION. ALLEC
.... O ERVC.
COSS

Jacobus Marzarius lib. 1. hist. Vicetiæ p. 37. legit in secundo versu: *Romæ. Leg. XI. &c.* omittitque ea vestigia Consulium. Sed alius potuit acutiori oculo uti. Reinesio sunt hi Consules: *Soffius Falco* & *Erucius Clarus*, qui Consulatum inierunt A. V. 496. Christi 193; quo scilicet Pertinax & Didius Julianus occisi sunt, & Septimius Severus ad Imperium erectus. Prælium navale, cujus in hoc lapide fit mentio, illud esse subdit vir doctus, quo Byzantini obsessi à Severianis, & fame coacti, se navibus, ut effugerent, crediderant, quibus contractis & submersis ad unum omnes interfecti sunt, eamque cladem mox sequuta est deditio Urbis. Si clausis oculis Reinesio manus darem, compendio rem meam agerem. Statim enim Legio

gio XI. ideo *Fretensis* esset, quòd prælum hoc ad *fretum* Byzantinum feliciter gesserit. At magis est, ut veritatis obsequio alucinationem Reinesii detegam. Septimius Severus inclinante anno eodem 193. rerum potitus, bellum adversus Pescenium Nigrum movit, & subinde Byzantinam Urbem, quæ ab ejus partibus stabat, obsidione cingi jussit; quæ tandem nonnisi post triennium capta est, dùm ipse in Mesopotamiâ degebat, ut narrat Dio l. 74. p. 847. Hæc quidè gesta esse jam elapso Consulatu Falconis & Erucii, nemo est qui dubitet. Quamobrem Billienus, qui post prælum navale redux in patriam, & honore quopiam à decurionibus suæ colonix honestatus, lapidem sculpsit iisdem Consulibus, huic postremæ ad Byzantium pugnæ interfuisse non potuit, immò neque initia obsidionis vidisse. Præterea idem historicus pag. 846. disertè ait, Byzantinos eâ clade vi tempestatis obritos fuisse, *nullo facto prælio navali*. Ad horum Consulum tempora, vel paullò ante, aliam pugnam navalem commissam non reperi. Erucium alterum, fortè hujus patrem, signant Fasti Consulem cum Claudio Severo sub Antonino Pio an. 146. cui ætas lapidis alligari posset, si expeditio aliqua maritima simul occurreret. At verò, quocumque velis loco aut tempore, certò discimus ex hac inscriptione, Legionem XI. prælum navali aliquandò decertasse, & sanè victoriam fuisse adeptam; neque enim, si secus, rei malè gestæ memoriam Billienus saxo inscripsisset. Ob eam igitur causam *Fretensis* dici potuit, nòmine à maritimâ expeditione traducto; & simul maritima symbola, quæ scalpta nummo Gallieni memoravimus, usurpasse. Id quippe in more positum alia ejusmodi numismata ostendunt. Apud Oisellum tab. 36. 10. nummus est M. Agrippæ, quo Neptunus dextrâ Tridentem, sinistrâ Delphinum præfert. Ejusdem schematis alter visitur Augusti, nisi quod Neptunus dexterâ, pro Delphino, acrostolium navis detinet. Uterque victorias navales his signis denotare voluit.

Scrupulus adhuc remanet dissolvendus. Quid nempe sibi velit interpunctio illa, seu signum γ quod ubi fractus est noster lapis, ante notam FR. incisum conspicitur? illud esse ex iis, quæ pro marmorarii libito frequenter in inscriptionibus offendimus, nihilque omnino significant, arbitror. Plura ejusmodi exempla apud Gruterum, & Fabrettum reperies. Hic cum in angulo, oscitantia fabrili, spatium vacuum fuisset relictum, signum illud loco implendo exsculptum divino.

C A P U T XL

Mos cooptandi Patronos à Romulo. Formula rogati, & suscepti patrocinii. De Municipio Civiulitano in Africâ. Vaillantius & Harduinus erroris, quem sibi invicem regerunt, ambo notati. Tabula patrocinii in domo suscipientis asservata. Quodnam Patronorum munus. Hi aliquando in tutelam, & mox in fraudem tributorum. Etiam femine in Patronas Urbium electæ. Statua plerumque Patrono posita, quæ Aquilium ab Antiatis donatum verisimile est.

PATRON. COL. OBMER. EIVS. ANTIAT. PVBL

Patrono Colonia ob merita ejus Antiates publice.



PRIMA tantum hujus postremi nostræ inscriptionis versiculi pars nobis nunc versanda est, cum aliam, quæ Coloniam Antiatem spectat, olim in ipso limine dissertationis abundè fuerimus prosequuti. Cum Antiates pridem in Patronum

Coloniæ M. AQUILIVM adoptassent, isque eos beneficiis, & collatis tutelæ præsidis jugiter demeruisse, lapidem hunc, tot inscriptis dignitatum titulis illustrem, decreto publico posuerunt, quod ultima ejus particula indicat.

Eum quoque pro ædibus publicis locatum fuisse prònum est credere. Quo argumento publicum aliquod ædificium stetit eo loci, quo repertus fuit, non malè conjicio. In nobiliori Urbis parte, quà in subjectum portum aspectus patet, visitur porticus subterranea lunato fornice in orbem à circulari deflecentem, ad modum amphitheatri, producta, in cujus medio satis ampla ejusdem figuræ area supernè expanditur. Substructionem hanc putaverim ad sustinendum ædificium, quod eandem aream circumplectens, columnis per ambitum dispositis porticus publicas, ubi Aquilii monumentum fuerat positum, efformabat. Etenim stylobatæ, capitella ordinis Corinthiaci eleganter elaborata, epystillia, aliaque columnarum fragmenta inibi jacent, pristinam magnificentiam loquentia. Has fuisse *publicas porticus*, opinor, quas Neronis *Libertus*, cùm daret *Antii munus gladiatorum*, *investivit picturâ*, *gladiatorum, ministrorumque omnium veris imaginibus redditis*, ut memorix prodidit Plinius lib. 35. cap. 7. Antii porro non tam gladiatorii, sed alia quoque ludorum genera per triduum agebantur. Cicero ad Atticum, se Antium profecturum scribit, *ludi enim*, inquit, *Antii futuri sunt à IV. ad pridie Non. Maii*, lib. 2. ep. 8. Quamquam eos spectare noluit, ut vitaret *omnium deliciarum suspicionem*, sequenti ep. 10. Domum quippe Antii secessus causâ possidebat Tullius, cujus sæpè meministi in epistolis ad eundem Atticum: ibique librorum *festivam copiam* paraverat, eodem libro ep. 6. Quam postea domum Lepido vendidit, ex ep. 47. lib. 13. Hæc quoque austarii loco accedere velim ad ea quæ capite primo de Romanorum apud Antium secessibus notaveram.

Ejusmodi aliarum Urbium grati animi, quem ergà Aquilium Antiates produxerunt, in Patronos suos monumenta, sub hac eadem verborum formulâ, plurima reperire est in magno Gruteri Inscriptionum thesauro, quæ passim occurrentia consulas. Sollemne enim Coloniae, & Municipiis fuit, se in præpotentium Civium Romanorum clientelam

Iam adscribere. Quam consuetudinem Romulus ipse in Rempublicam inexit, teste Halicarnasseo lib. 2. pag. 85. editionis Francofurdien. an. 1586. *Nec tantum, inquit, in ipsa Urbe plebs sub patriciorum erat patrocinio, sed & Coloniarum, & sociarum, atque amicarum Civitatum, & bello subactarum, suos quæque habebat tutores, & patronos quoscunque velles è Romanis; & sæpe numero Senatus controversas Civitatum, ac gentium ad earum patronos remisit, eorumque iudicia rata habuit.* Eminentissimus Norisius in Cenotaph. Pisan. dissert. 2. cap. 7. in fin. plures Urbium, ac Provinciarum Patronos, Cives Romanos, produxit, quo aliorum diligentiam studiumque occupavit. Formulam etiam, quâ Civitates suos sibi Patronos cooptabant, integram ex Grutero pag. 362. recitat, aliaque id genus decreta apud eundem indicat, ex quibus demonstrat, Patronos nobilissimorum Civium, immò ipsorum magistratuum legatione destinata, Civitatum tutelam suscepisse, in quorum etiam Palatiis Cives, si quando Romam venirent, hospitarentur, is enim honor erat tesserae hospitalis.

Purpuræ pannum assuam, si post summum dignitate & doctrinâ virum, aliqua in hoc argumentum addidero. Et primum ne, dum de Patronorum cooptatione agimus, lectoris curiositatem aliò ablegemus, unam ex formulis hic exscribam, eamque ipsam Gruterianam jam indicatam, tum quia inter alias fortè illustrior, cum etiam quoddam ejus authographum in fragmento laminæ æneæ apud Cl. Fabretum viderim, unde ipse correctiorem in opere suo inscriptionum cap. 5. pag. 364. traduxit, suppletâ ex Grutero ea parte, quæ in eodem authographo confracta desideratur, hic designatâ minutioribus characteribus.

PRAESIDI. PROVINCIAE. *Val. Byzac.*
 DD NN CRISPO. ET. CONSTANTINO iuniorē
 NOBILISSIMIS. CAES. S. COSS. IIII. Kal. Sep
 MVNICIPES. MVNICIPII. AELII. *Hadriani. Aug. Ciuin*
 LITANI. Q. ARADIVM. RVFINVM. *Valerian. Proculum*
 V.C. LIBEROS. POSTEROSQVE. *eius. fibi. liberis. poste*
 RISQVE. SVIS. PATRONVM. *cooptauerunt. testem*
 QVE. HOSPITALEM. CVM. eo. fecerunt
 Q. ARADIVS. RVFINVS. VALERIVS. PROCVLVS. *liberi*
 POSTERIQVE. EIVS. MVNICIPES. MVNICIPII. *Aeli. Ha*
 DRIANI. AVG. CIVIVLITANI. LIBEROS. *posterofq. eorum*
 IN. FIDEM. CLIENTELAMQ. SVAM. RECEPERUNT. *in. quam*
 REM. GRATVITAM. LEGATIONEM. SVSEPERUNT
 INSTEIVS. RENATVS. ET. APOLLONIVS. *Gallentius &c.*

Vaillantius de Coloniis to. 1. edit. 2. p. 169. & to. 2.
 p. 31. inscriptionem hanc *municipii Civilitani*, ut malè ex
 Grutero legit, intelligendam esse ait de Opido Plinio *Cullu*
vocato, & *Chulli Antonino*, quæ Urbs est Numidiæ lito-
 ralis, & huc etiam revocandum nummum Antonini Imp.
 cum epigraphe AEL. MVNICIP. COEL. nempe *Ælium*
Municipiū Coelli. Eum ob id acerbè perstringit Harduinus
 in Anthirretico de Nummis antiquis p. 84. & vicem reddit
 ab eo reprehensus quòd scripsisset in notis Plinianis p. 496.
 illud Municipium, nostræ inscriptioni memoratum, ad *Cibi-*
litanos Lusitaniæ Populos spectare, quam porrò sententiam
 mordicè defendit. At dum Adversario, in quem integer il-
 le libellus calamo plus nimium atrociori conscriptus est,
 oculos configere vult, suos ipse confodit. Videre siquidem
 poterat in ipsâ Inscriptione Gruterianâ, quam citat, literis
 penè uncialibus in fronte hæc verba, quæ jam retulimus,
 exarata: *Valerio Proculo V.C. Praefidi Provinciae Val. Byzac.*
 Sed laboris fortè pertæsus in evoluendo grandi illo Inscr-
 iptionū volumine, cōtentus est nil ultra scivisse, quàm quod
 ab aliis didicerat. Ergo ex recitato titulo constat, Muni-
 cipium *Civilitanum* (seu verius *Civilitanum* ex authogra-
 pho

pho Fabrettiano) in Byzacenâ Provinciâ fuisse, cujus Præfidem Valerium Proculum in patronum adoptabat . Nam, & dùm munus hoc ageret Proculus , aliæ quoque Colonix ejusdem provinciæ honorem hunc ei detulerunt, *Adrumentina* scilicet, *Mercurialis Theanites*, & *Zama* regia, ut eadem paginâ, & duabus sequentibus apparet . Quorsum igitur Harduinus , similitudine nominis fretus , Municipium *Civilitanum* ex Africâ in Lusitaniam transplantavit ? Vidit Vaillantius eam epigraphem, & elogium *Præfidi provinciæ Byzacenæ* dedicatum fassus fuit, sed nihil profecit. Nam *Civilitanum* Municipium ex Byzacenâ in proximam Numidiam traduxit , & in *Coellitanum* , seu *Coellutanum* migrare jussit . Vellem doctos hos viros , & de antiquitate nummariâ plurimùm meritos , manu ducere in celeberrimum conventum Carthagine habitum ab Episcopis Catholicis diversarum provinciarum ad fidei rationem Hunerici regis Vandalorum Ariani jussu reddendam . Ibi digito ostenderem , inter Episcopos Byzacenæ provinciæ, Fortunatianum *Cilitanum*, quàm Urbem haud negaverint, opinor, eandem esse *Civilitanam* nostræ laminæ , adeoque ex hac etiam ejus nomen corrigendum . In collatione quoque Carthaginienſi cap. 128. memoratur Tertiolus Episcopus plebis *Cillitane* . Et, si Antoninum in Itinerario sequi non pigeret, eis occurreret *Cilio* inter Suffetulam & Meneggerem, quæ Byzacenæ provinciæ sunt opida , nam & eorum Episcopi Præfidius & Servus in eadem provinciâ locantur proximè ad Cilitanum. *Cilio* verò corruptū esse ex *Civilio*, à quo *Civilitani*, faciliè mecum consentient . Catalogus ille Episcoporum conventus Carthaginienſis proſtat apud Labbeum tom. 4. Conciliorum pag. 1142 , Ruinartum in historiâ persecutionis Vandalicæ pag. 123, & Schelestrænm tom 2. postumo antiquitatis illustratæ pag. 656.

Revertamur unde divertimus . Decretum, quo Urbes & Colonix Patronum eligebant , tabulâ æneâ incidi curabant, eamque per Legatos, ut permitteret suis, *Ædibus* reponi,

poni, Patronum rogabant. In Romano lapide pag. 456. 1. Ferentini *Pomponium Bassum* in Patronum hac decreti formulâ adoptant: *Placere Conscriptis legatos ex hoc ordine mitti ad T. Pomponium Bassum clarissimum Virum, qui ab eo impetrent in clientelam amplissimâ domus suâ Municipium nostrum recipere dignetur, Patronumque se cooptari tabulâ hospitali incisâ in hoc decreto in domo sua posita permittat.* In his postremis verbis Hypallage est pro, *decreto hoc tabulae hospitali inciso.* Hinc ejusmodi tabulæ ferè Romæ repertæ sunt, quod à Legatis deferrebantur in domibus Civium clientelas suscipientium. Animadverti omnes jam memoratas *Aradii Proculi* fuisse eodem loco in Cælio monte inventas, ubi dubio procul domus ejus sita erat. Duas quoque profert æneas idem Collector pag. 470. 1. 2. & quatuor Tomasinus de Tesseris hospital. cap. 2. Brixia effossas in Vico S. Zenonis, quod à totidem Municipiis Africanis fuerant transmissæ ad C. Silium Aviolam ab ipsis in Patronum delectum. Mos idem Collegiis & Corporibus Artificum fuit usurpatus. Docet decretum pag. 1101. 1. quo Collegæ *Fabrûm, & Centonariorum Regientium Ju. Silium Julianum* sibi Patronum cooptantes *tabulam æream cum inscriptione hujus decreti nostri domo ejus poni censuerunt.* Scilicet cum Urbes, & Collegia non tam tunc electum, sed etiam *liberos posterosque ejus Patronos* adsumerent, clientelæ & hospitalitatis sancitæ perenne testimonium apud ipsos manere volebant. Susceptas in tutelam Civitates & Populos apud Senatum & Magistratus, quodcumque res & negotia eorum postularent, Patroni defendebant fovebantque. Halicarnasseus loco proximè recitato, munera, quibus Patroni ergà clientes in Urbe adligabantur, & vicissim quid clientes ipsis præstare tenerentur, describit. Quæ etiam Patronis, clientibusque *Coloniarum & Urbium*, communia fuisse indicat.

Aliud Patronorum genus inclinante Imperio, memorat Valesius in notis ad Marcellinum lib. 19. cap. 11. Cum enim

enim in exigendis tributis susceptores avaritiâ & rapacitate cuncta miscerent everterentque, moris erat ut provinciales sese in potentiorum ac militarium maximè ducum, patrocinia conferrent, ut sibi adversum susceptores auxilio forent. Verùm id sensim in fraudem versum, quod prætermisit doctissimus vir adnotare; nam etiam, ut iustas tributorum exactiones declinarent, agricolæ & rustici in potentiorum tutelam confugiebant. Quare severissimis poenis ejusmodi fraudulenta patrocinia coercita sunt & verita, primò per Constantium, deinde per alios Imperatores. Ad eas, si lubet, eorum leges congestas in Cod. Theod. lib. 11. tit. 24. de Patrociniis vicor. easque eruditè exornatas à Jacobo Gothofredo in Commentariis. Patrociniis quoque, quæ potentiores negotiatoribus in fraudem Fisci, seu lustralis collationis præbere consueverunt, occurrunt leges 12. 15. & ult. tit. de lustral. conlat. ejusdem Cod. Theodosiani.

Porro non tam Civitatibus honor, quòd Optimates earum tutelam susciperent, sed ipsis etiam Optimatibus hoc patrociniî munus dignitatis accessio fuit. *Curatores* enim, quos sub *Patronorum* censù refero, idcirco Marcus Antoninus Imp. multis Civitatibus è Senatu dedit, ut notat Capitolinus in ejus vita cap. 11. quòd *latius Senatorias tenderet dignitates*. At mirum, feminas ipsas & nobilissimas matronas in Urbium populorumque *Patronas* adoptatas, decreto publico, legatione illustri, ceterisque præclaris ad dignitatem & honestamentum argumentis. Extat insigne exemplum apud Grut. pag. 443. 6. in quo Peltuinates in Vestinis Nummiam Variam Sacerdotem Veneris, *Patrociniû offerre, petique ab ejus claritate, & eximia benignitate, ut honorem oblatum libenti, & prono animo suscipere dignetur*. Neq; in ejus Clientelam se, remque publicam eorum nomine tantum, & titulo tenus commendatam proficentur, sed ut in quibuscumque ratio exegeris intercedente

auctoritate dignitatis suae, tutos defensoresque praestet. In alio pag. 322. 2. videas Cantiam Saturninam Patronam Coloniae Ariminensis, & num. 8. Albinam Balbinam Municipii Pitinatium Pisaurensium Patronam, utrasque Sacerdotes Flaminicas. Quid verò feminae praesidii & tutelae clientibus suis praestare poterant, quibus nec causas agere, nec Senatui publicisque negotiis immisceri permissum? Sanè in potentiam & ambitionem feminarum Severus Cæcina acerbè invehitur apud Tacitum Annal. 3. cap. 33. cùm legem à Senatu ferri censuit, irritò tamen conatu, ne quem magistratum, cui provincia obvenisset, uxor comitaretur. Inter cetera queritur quod, mulieres Oppii quondam aliisque legibus restrictae, nunc vinclis exolutis, domos, fora jam & exercitus regerent. At hæc ad invidiam sexus exagitata. Inter monstra est, quòd Alagabalus matrem in Senatu rogari iussit, teste Lampridio in vita cap. 4. quo interfecto, ne probum in posterum exemplo esset, cautum fuit ne unquam mulier Senatui ingrederetur cap. 18. Matronas, in quorum patrocinium memoratae Coloniae venerant, Sacerdotes fuisse observo. Quare non tam natalium splendore & familiaritatis merito, sed etiam, ut ipsum Peluinensem decretum indicat, Sacerdotis dignitatis intercedente auctoritate apud Senatum, magistratus, summosque in republica viros officiis & commendatione Clientibus suis prodesse poterant. Nemo ignorat quanta Vestalibus auctoritas & gratia apud Romanos inesset. At honores, tùm feminis Cæsaris sanguine & affinitate conspicuis, cùm aliis quoque matronis habitos, fusè prosequitur Spanhemius de præst. numism. dissert. 7.

Ceterum Patronis suis Urbes, & Provinciae plerumque statuas ponere consueverunt. Exempla inscriptionum Grutero debemus pag. 446. 1. & 2. pag. 491. 1. 2. & 3. & alibi. Manlium Theodorum æreo signo Patronum testata est Africae provincia, quam proconsulari Imperio rexe-

rat.

rat. Claudianus in panegyrico de ejus Consulatu vers. 24. hæc ait:

*Hic te pars Lybia moderantem jura probavit,
Quem nunc tota probat, longi sed pignus amoris
Exigua peperere mora, populumque Clientem
Publica mansuris testantur vocibus ÆRA.*

Postremum enim hoc verbum de æreo simulacro Manlii, potius quam cum interprete ad usum Serenissimi Delphini, de tabulis æreis, quibus inscriptæ res ejus, intelligo. Nam & Virgilius Æncid. 6. *spirantia mollius æra* dixit, & Horatius Epist. 1. *Lyippo duceret æra*, & Claudianus ipse eadem significatione illud non semel usurpavit in Eutrop. v. 71, de primo Consul. Stiliconis v. 177. Appulejum irā adloquuntur magistratus Hypatæ Civitatis, Metamorph. lib. 3. *At tibi Civitas omnis pro ista gratia honores egregios offert. Nam & Patronum scripsit, & ut in ÆRE stet imago tua decrevit.* Auctor est Cicero in Verrem art. 4. Siculos posuisse statuas Marcellis, ut Patronis. Qui Philip. 6. indignatur, statuam L. Antonio tamquam populi Romani Patrono positam fuisse: *Adspicite*, inquit, *à sinistra illam equestrem statuam inauratam, in qua quid inscriptum est? Quinque & triginta Tribus Patrono Populi Romani. Igitur est Patronus L. Antonius? malam quidem illi pestem.* In id fortè Catonis in censurâ vociferationes erant, *Mulieribus Romanis in Provinciis statuas poni*, ut narrat Plinius lib. 34. cap. 6. Nam & ipsas Patronas adscitas jam vidimus.

Ea verò veluti lex & perpetuus mos Urbibus populisque fuisse videtur, ut statim ac Patronum sibi aliquem decrevissent, statuam quoque in tutelæ susceptæ argumentum ipsi publicè ponerent. Indicat hoc Plinius, qui de origine & honore statuarum loquens: *Prius*, inquit, *bonos Clientium instituit sic colere Patronos* lib. 34. cap. 4. in fin. & ad finem itidem cap. 6. *passimque*, ait, *Clientes* (apertius alii legunt *gentes*) *in Clientelas ita recepta.* Scilicet dedica-

tione *statuarum*. Simul se Patronum à Capuanis appellatum, donatumque statuâ innuit Cicero in Pisonem his verbis: *Me inauratâ statuâ donarunt, me Patronum unum adsciverunt, à me se habere vitam, fortunas, liberos arbitrantur.*

Antiates statuam AQVILIO Patrono suo collocasse; hæc omnia suadent. Nunc marmor tantumodò, quod amplissima dignitatum ejus ornamenta & gesta officia complecteretur, inscripserunt. Nempe statuam, delatâ statim clientelâ in patronatus testimonium, Inscriptionem postea, cum in suscepto munere plurimis magnisque beneficiis Civium animos provocasset, merita ejus, & decora posteritati tradicuri, dedicarunt.







PARS ALTERA DE MITHRA

EJUSQUE TABULIS SYMBOLICIS.

C A P U T I.

Figura simulacri Mithriaci in lapide Antiato exculpta describuntur. Indicatis locis, ubi similes tabulae extant, notatur symbolorum inter ipsas diversitas. Quid his representaverint veteres; unde falsa quorundam opinio arguitur.



SIMULACRUM MITHRÆ, quod hic spectas æri eleganter incisum, idem est quod in præfatione ex Antii ruderibus effossum dixeram. Eodem fato & tempore, post diutinas ævi intercurrentis tenebras, cum *M. Aquilio* luci traditum, par erat eadem manu & consorti curâ illustratum, utinam non potius fœdatum, in literarorum conspectum prodire. Scio equidem doctos viros de Mithrâ ejusque tabulis jam olim dicere occupasse, sed scio iterum, ex his neminem earum symbola & significationes per partes singulas explanare fuisse adgressum; ita ut penè integrum hoc argumentum reliquerint, & plura etiam de Mithrâ vel non observata, vel secus explicata nobis, qui spicas colligimus, dimiserint. Quare æqui bonique consulant eruditi, quorum manibus, si tanti res erit, meam hanc lucubrationem versari cōtigerit, cum vel quædam prius dicta vel alia minus fortasse ad seculi palatum cōposita, offenderint. Nam omnes, qui in hæc studia incumbimus, ex iisdem ve-

terum

terum fontibus nostra haurimus, eademq. omnes refundere cogimur. At sanè, præter novam ferè symbolorum explicationem, in id curam proferre conatus sum, ut Mithram toties ab aliis, ut ita dixerim, recusum, ad gratiam novitatis revocarem, vel superfusâ obscuris luce, vel evolutis plerisque quæstionibus, aut tandem rebus suo ordine digestis, & in integram & justam de MITHRA commentationem compositis. Nam licet suscepti operis occasio intra explanationem tabulæ Anriatis nos cogeret; attamen non tam ad alios similes lapides stylum produxi, sed etiam universam, quantum ingenii exilitas ferre possit, Mithræ causam & argumentum complexus sum. In quo nescio an liceat mihi præfari, quod Plinius initio naturalis historix usurpavit: *Res ardua vetustis novitatem dare, novis auctoritatem, obsoletis nitorem, obscuris lucem, fastidiis gratiam, dubiis fidem, omnibus verò naturam, & nature suæ omnia. Itaque etiam non assequuntis, voluisse, a bunde perpulchrum atque magnificum est.*

Itaque quamvis oculos non fallat appositus nostræ Tabulæ typus, ejus nihilominus partes & figuras describam; tùm ut fax veluti prælata lucem dicendis ingerat, cùm etiam ut aliorum qui alibi extant, lapidum Mithræ discrimina quædam & varietates facilius internosci & distinguere queant. Adstat juvenis, ut vides, fusâ in auras chlamyde, succinctus veste breviori, recurvâ tiarâ seu mitrâ Persicâ, *Tauri* jacentis tergum premens sinistro genu, altero pede ad caudam dejecto. Dexteram manum, cujus partem extremam longa ætas detrivit, ad collum admoveat, sinistrâ dexterum cornu apprehendit. Adsiliunt ad caput *Tauri Canis* erectus & *Serpens*: sub ventre *Canes* repit. Ab unâ parte caput *Juvenis* radiatum, *Sol* scilicet, sub quo geminæ *Aves*, & inferius *Puer* tunicatus & mitratus facem demittens, quem propè ad pedes *Vas* quoddam informæ jacet. Ad sinistram stat *Puer* alter, eodem habitu, facem erectam tenens, supra quem pars lapidis fracta

Luna





Luna effigiem abstulit. Tabula marmorea est, figuræ semixtantes, seu operis anaglyphi, satis affabre exculptæ. In longum ad sex palmos protenditur, latera tres & dimidium complent.

Quinque ejusmodi thoremata, ut vocat Sponius (an satis recte?) describit Gruterus pag. 34. Capaccius in historia Neapol. lib. 1. cap. 14. & Summontius lib. 1. pag. 77. postremæ editionis, alterum delineatum exhibent. Laurentius Pignorius in auctario ad Cartarium pag. 294. aliud producit, rudibus typis excusum, quod idem antea retulerat Marlianus lib. 7. Topograph. Urbis p. 153. Et quoniam tam Gruterus, quas exponit, quam alii Scriptores plures *Mithræ* tabulas Romæ extare testati sunt, ita iis conquirendis incubui; ut tandem, amicorum monitu vel propriâ diligentia, octo fuerim nactus, locis tamen diversis omnes quam quæ iisdem Auctoribus notantur. In Palatio Pincianæ nobilissimæ Principis Burghesii Villæ tres adsunt externis parietibus infixæ: prima ad latus septentrionale, in occiduo altera, tertia ad ortum. Rursus alia in palatio Ducis Matthæi, Ducis Sanesii secunda, & in ædibus Burattianis ad S. Angeli Custodis harum postrema. Tandem sub pariete internum viridarium ejusdem Pincianæ Villæ ambiente, duo non operis anaglyphi, ut cetera, sed solida & extantia *Mithræ* simulacra reperies. Has inter tabulas, binas æri incidendas curavi: Burattianam quòd detrimenta longioris ævi feliciter evaserit, & in figuris quædam à nostrâ diversa ostendet. Nam *Mithra* stat in rupe excavatâ, seu antro, Tauri humerum parazonio feriens: Canis ac Serpens ad vulnus adsiliunt, manantemque sanguinem lambunt, & pro Cancro Scorpius adest, qui videtur Tauri testes chelis circumplecti, quod in Burghesianis duabus manifestè deprehenditur. Alterius ad latus occiduum, in ipsâ scilicet facie & prospectu Palatii Pinciani, eëtypum exhibui, quòd singulare aliquid, nusquam in aliis expressum, nec scriptoribus memoratum re-

præ-

præsentet; Mithram nempe puerumque facem gestantem
alatos. Cum hoc simulacrum æri jam mandassem, incidit
dubitatio, num verè Mithram exprimat, quòd species oris
& mamilla exerta mulierem proderè videatur. Cogita-
bam Victoriæ effigiem esse, quæ ubique alata pingitur.
Nam & in nummo aureo Augusti, quem vidi in Musco Il-
lustrissimi Leonis Strozii, variis & pretiosis cimeliis refer-
tissimo, Victoria taurum procumbentem calcit, cum epi-
graphie: *Armenia capta*. Quomodo taurus Armeniam figu-
ret, videas apud Oisellium, tab. 19. num. 2. At sanè in nostro
lapide taurus parazonio petitus, & puer facem præfe-
rens, propria sunt Mithræ symbola, cui alæ quoque conve-
niunt quam maximè, ut alio loco explicabo. Quid ni
etiam liceat augurari, quâ parte marmor est mutilum,
aliud puerum stetisse, & fortasse cetera quoque Mithræ si-
gna. Potuit ergò opifex, ut Mithram juveniculum fingeret,
ita lascivienti scalpello indulgisse, ut propè in feminam emol-
liret; detractò etiam capitis integumento. Liberum sit eru-
ditis decernendi arbitrium. Ceteris tabulis manet antrum,
& Mithra feriens: *Canis* solus in Burghesiana vulnere in-
cumbit: aliæ *Cancrum* retinent. In Sanesianâ *Tauri* cauda
in spicas desinit, ut in Neapolitanâ Capaccii. Burghesia-
na ad latus septentrionale eadem est quæ apud Gruterum
4. pag. 34. Adhuc in ventre Tauri exsculpta prostant ver-
ba: DEO. SOLI. INVICTO. MITHRAE, & ad collum:
NAMA. SEBESIO. *Sol* specie juvenis quadriugès agitatur,
Luna sub formâ mulieris bigâ vehitur: quos inde *puer* nu-
dus antecedit. *Arbores* tres in summo antri frondescunt,
Corvus crepidini insidet. Adstantes pueri erectam faciem
ambo gestant. Deraferat edax vetustas caput Mithræ par-
tesque nonnullas hujus lapidis, quas recentior manus
sarcivit. Iconem hîc profero ex munere egregii viri Do-
minici Montelatici, qui cum plurima signa, statuas, alia-
que antiqua monumenta, quæ in memoratâ Burghesianâ
Villâ magnificè sanè ac splendidè habitant, tabulis æreis
incisa





cisa, dum hæc scribo, evulgaverit, hanc ipsam perhumaniter mihi largitus est.

Neminem arbitror non secum statim reputaturum, tot varia & inter se diversa symbola & simulacra, non casu aut ex arbitrio ficta, sed ad occulta mysteria gentilitatis, vel ad rerum naturalium causas significandas, sic in unum fuisse composita & concinnata. Quare facturum me operæ pretium existimavi, si singula diligenti examine discuterem, & ex arcana antiquorum philosophiæ penû interpretationem depromerem. Sanè, ut antea monui, plures viri docti hisce tabulis *Mithram* seu *Solem* repræsentari rectè animadverterunt, sed neque solliciti de ceteris symbolis, nec de mysticâ significatione, penè tantum, quæ ad *Mithram* spectant, veterum testimonia congesserunt. Marlianus tabulam, quam excusam prodidisse diximus, munus optimi Agricola significare arbitratus est, & figuras singulas in hanc explicationem aptavit. Ea tunc opinio viguit: nam Joannes Macarius in libello, cui titulus *Abraxas* pag. 14. memorat fuisse editam Romæ imaginem tabellæ fictilis, eique nomen inditum, *Typus Agricultura*; idemq. tradit Joannes Chiffletius; in commentariis ad eundem Macarium, cap. 3. pag. 71. & Pignorius loco superius indicato. At eam interpretationem explodunt, illumq. esse typum *Mithræ*, seu *Solis* optime censent, ceteris figuris pene delibatis. De his neque laboravit, ad alia properans, Gisbertus Cuperus in eruditissimo Opere de Harpocrate, contentus pag. 65. Camerarium, non satis feliciter de Agriculturâ hanc *Mithræ* picturam, explicantem, notasse. Capaccius denique eundem errorem induens, partes singulas ad Agriculturam refert, sed verbis tenus & ex ingenio, nullo fultus veterum præsidio, utpote qui omnia ex Marliano hauserat.

CAPUT II.

*Mithra Inviſtus Deus; quem è petrâ natum tradidit anti-
quitas. In eam rem verſus Commodiani à Hieronymo
Alcandro explicati. Mithra boumſur habitus, unde
Julius Firmicus à Barthio expoſtulatſus defenditur. Mi-
thra idem ac Sol, primùm Perſis, deinde ceteris Gentili-
bus. Divino cultu acceptus ab iisdem Perſis, non tantùm
civilis, ut Auſtor nuperus opinatur. Mithra Sol eſt in nu-
meros reſolutus. Cur Mithra alatus? Diverſo nomine
appellatus, unde explicantur gemmæ Baſilidianorùm.
Difficilis locus Herodoti expenditur. Hinc lux Julio
Firmico. Vetus Inſcriptio explanata. Cur Mithra Invi-
ſtus?*



IHI igitur ſingula, quæ in Mithriacis tabellis
ſcalpta ſunt ſimulacra, interpretanti, primùm
ea tradenda ſunt, quæ fabuloſa de Mithrâ
prodiderunt veteres, mox mythologica &
phyſica referabo. Commodianus Poeta Chri-
ſtianus, ævo Conſtantini Magni, in libro cui titulus eſt
Inſtructiones, primùm à Rigaltio edito an. 1650. in In-
ſtruct. 13. hæc ait, *mediocri ſermone quaſi verſu*, plane ut
de eo ſcripſit Gennadius,

Inviſtus de petrâ natus, ſi deus habetur

Nunc ergò retro vos de iſtis date priorem,

Vicit petra deum, quærendus eſt petra creator.

Idem Rigaltius in notis putat, his verſibus reſpexiſſe
Commodianum ad hiftoriam Agdeſtis, qui fuit Magnæ
Matris filius, Agdi petræ in Phrygiæ finibus inauditæ per
omnia vaſtitatis nepos, uti tradit Arnobius lib. 1. adver-
ſus Gentes ex Timotheo Theologo, nec aliunde peten-
dam eſſe hiſce verſibus lucem; *Inviſtum* tamen deum &
Mithram fuiſſe appellatum, cùm eo nomine in antiquis in-

„ libello de fluminibus, ubi de Araxe loquitur: *Mithras*
 „ *filium habere cupiens, & perosus muliebri genus, cum pe-*
 „ *trâ quadam concubuit, ea vero pregnant effecta, post sta-*
 „ *tutum tempus juvenem progeniit nomine Diorphum.*
 Obiter addo, hunc locum illustrandum ex notis Mussacii
 quas in calce Operum Plutarchi edit. Parisiens. Græcolat.
 pag. 83. T. 2. reperiis. „ Dum vero, prosequitur noster
 „ Auctor, ait Commodianus,

— *vos de istis date priorem*

Vicit petra deum, querendus est petra creator,
 „ hoc utique voluisse videtur: Vos Ethnici, qui Mithram
 „ vestrum, sive Inviſtum ex petra natum fatemini, dicite
 „ per vestram fidem, quisnam prior antiquiorq. fuit, In-
 „ viſtus an petra? Certe ipsa petra Inviſtum vincit. (sic
 „ fortasse legendum) ætate nimirum vincere necesse erat,
 „ quæ ortum dei dederat. Non equidem ignoro diversa
 „ significatione vincendi verbum usurpari solitum, quod
 „ docet Servius ad XI. Eneid. *Veteres*, inquit, *vivendo*
 „ *vincere dicebant supervivere: ut multa virum voluens*
 „ *vincendo secula vincit, nam & in Togatis victrices ap-*
 „ *pellantur, quæ viros extulerunt.* At non miror, bellum
 „ hunc poetam novam ejus verbi notionem excudisse;
 „ cum acrostichidis lege coarctatus non *pariendi*, non *gi-*
 „ *gnendi* verbo, aliove hujusmodi uti posset: nam *vincendi*
 „ verbo simpliciter uti pro eo quod est ætate antecedere,
 „ haud ita facile videretur concedendum. Fortassis etiam
 „ elegans illi jocus visus est, *viſtum* dicere, qui *Inviſtus*
 „ audiebat. Postquam verò fateri coegisset deum illum
 „ ætate posteriorem esse petræ genitrici, nunc (subdit)
 „ quærendum superest, quis petræ ipsius Creator fuerit
 „ atque opifex. petinde atq. vellet per hosce gradus
 „ Ethnicos ducere ad veri Dei cognitionem. Ita Alean-
 der: cujus opera inedita licet brevi lucis usuram adeptura
 speramus, atramen pauca hæc, quæ nostrum argumentum
 spectant, eruditis veluti prægustanda obtulisse, haud
 alienum duximus.

Tra-

Tradidit præterea fabulosa antiquitas, Mithram *Bovum furem* fuisse, eosque in speluncam raptos abegisse. Sanè in nostris tabulis, quæ Mithram sub antro bovem cornibus per vim torquentem, insistoque vulnere veluti prædam mactantem, repræsentant, id expressum designatumque videretur, nisi cetera Symbola mysticum aliquid arcanumque denotari suaderent. Quod tamen Gasparem Barchium in animadversion. ad Statii versus, quos inferius proferam, induxit, ut calumniam fingeret Julio Firmico, quem, quòd viderit imaginem Mithræ in antris taurum cornibus ducentis, ideo ait commentum fuisse ipsum furem & *bovum abactorem*. Parcerem viro doctissimo, & conjecturam alucinationis utcumque probarem, si Firmicus id dixisset solus. At Commodianus, post versus superius exscriptos, Ethnicos redarguens hoc ipsum tradit.

Insuper & furem adhuc depingitis esse

Cum si deus esset unquam non furso vivebat.

Terrenus utique fuit, & monstrivora natura.

Vertebatque boves alienos semper in antris,

Sicut & Cacus Vulcani filius ille.

Quòd si aliquem ex Gentilibus id fatentem posceret, Porphyrium profero, doctissimum supersticiosæ religionis æque ac veræ infensissimum, cui Mithras *bovum fur deus* diserte dicitur, in libello de Antro Nympharum apud Homerum pag. 262. inter ejus opera ab Holstenio latinitate donata, & impressa Cantabrigiæ an. 1655. Quod moneo, quia sapius deinceps erit mihi hic auctor appellandus.

Mithra itaque qui in nostris hisce tabulis, ceterisque antiquæ gentilitatis monumentis frequenter memoratur, cujusque ortum & studia mox reculimus, *Sol* ipse fuit habitus, vel sanè epitheton nomenque, quo *Sol* significabatur. Docet in primis lapis Burghesianus, cui sub ipsâ Mithræ imagine sculpta est epigraphe: *Deo Soli Inviesto Mithrae*. Plura id genus vetustatis exempla describit Gru-

Gruterus pag. 33. & 34. quorum hic duo apponam, quod mentionem Spelæi præferant.

I

DEO. SOLI. INVICTO. MITHRAE
FL. SEPTIMIVS. ZOSIMVS. V. P

^{fic}
SACERDV. DEI. BRONTONTIS

^{fic}
ET ÆCATE HOC SPELÆVM
CONS TITVIT

2

SOLI INVICTO MITHRAE
TIBERIVS. CLAVDIVS. TIBERI. F. THERMODORVS
^{fic}
SPELÆVM CVM SIGNIS... CETERISQ.
VOTI. COMPOS. DEDIT

Vocabulum hoc & significatio primùm à Persis accepta, quibus *Mithras Sol* est, teste Hesychio, Suida, Strabone lib. XV. pag. 732. edit. Paris. 1620. aliisque. Hinc non malè conjicit Salmasius ad Vopiscum in Aureliano cap. 5. Solem pateræ, quam Persæ Aureliano donaverant, eo habitu insculptum, quo colebatur in eo templo, quo mater ejus fuerat Sacerdos, eundem hunc fuisse Mithram, facie leoninâ, cum tiarâ seu mitrâ. Nam Persæ eo Leonis vultu Mithram colebant, apud Luctatium seu Laëtantium veterem Commentatorem Statii, & in ejus sacris multa Leonis mentio. Mithram tamen Medum facit Lucianus in dialogo, quod *Deorum concilium* inscripsit, ubi Momum inducit deastrum hunc barbarum facetissimè ita irridentem: *Aus etiam Mithres illa Medus, qui indumento Persico amictus, & tiarâ redimitus est, neque Græcam vocem sonans, adeo ut si quis illi nectâr propinet, prabibentem non intelligat.* At gens utraque, uti sub uno imperio, ita eadem religioni addicta, & ut ait Strabo eod. lib. 15. *Persici mores cum Medis iidem sunt.* Quæ verba oscitanter omissa in memoratâ edit. Græcol. extant apud Casaub. in notis, & in aliâ

aliâ Latinâ. Equidem & origo vocis petenda à Persis, si credimus Scaligero, qui lib. 6. de emendat. temp. pag. 588. *Mitbri*, *Mitbir*, aut *Metber* iisdem esse *Dynastam* ac *Dominum* scribit. Quò referri poterit testimonium Hesychii, qui *Mitbren* apud Persas *μετρον* *deum* vocari tradidit: primum scilicet, seu majorem ac si dixeris inter deos *Dynastam*. Ad hæc appositè observo inscript. 1. pag. 36. *Mitbra aram* dicatam, *cum ornamentis*, & *tabellas*, ut corrigit Gutherius, *insignia DOMINI*, nempe ipsius Mithræ, habentes. Et Solem seu Mithram passim vocat *Dominum*, & *Regem* Julianus orat. IV. Si Persicum vocabulum ad Græcam significationem fas esset traducere, plausu exciperem commentum Tristani Santamantii, qui in præclaro opere Gallico ad Historiam Imperator. explicans nummum Aureliani pag. 245. Tom. 3. Persas ait, Solem (qui Mithra est) vocasse *Κύριον*, hoc est *dominum*, indeque Cyro nomen inditum ex Plutarcho, cujus locus, ab eo non citatus, est in vita Artaxerxis. Sed Tristanus de suo addidit, apud Persas vocem *Κύριον* esse *dominum*, nisi eo jubente Græcam civitatem aliquando fuerit adepta: nec Plut. id somniavit. Ceterum quod Mithra præcipuus inter deos haberetur, sollemne Persis erat illius numen juramento contestari, ut de Dario idem Plutarchus in Alex. de Cyro Xenophon in œconom. lib. 5. & de Tyridate Dio lib. 63. memorant. Ejus verò nominis vestigium hodie quoque inesse libris Persarum, quibus Sol dicitur *Mibr*, testatur Spanhemius in notis Gallicè scriptis ad Cæsares Juliani pag. 317.

Cùm huic lucubrationi fastigium imposuisssem, animadverti, Mithræ de statu quæstionem moveri, tanquam Deus apud Persas non fuerit, neque divinis honoribus cultus. Cogor itaque vestigia relegere, & pauca raptim adnotata, nam Typographus à tergo instat, in ejus causam hoc loco attexere. Inter Diaria erudita Amstelodamensia, vulgò *Novelles de la Republique des Lettres*, proximè

ximè elapsi Decembris, hic titulus prostat: *Historia Religionis veterum Persarum, eorumque Magorum. Ubi etiam nova Abrahami, & Mithræ, & Vessæ &c. historia. Auctore D. Hyde Linguarum Orientalium in Academiâ Oxoniensi Professore.* Egregium Operis specimen duorum capitum brevis conspectus præbet; nam cruditus Auctor se demonstraturum promittit, *cultum divinum apud veteres Persas datum fuisse Soli Deo: Mithræ & Igni cultum tantum civilem, & falli contrarium affirmantes: atque Sacerdotum eorum ad hoc responsum: Mithram præterea ab ipsis nunquam vocatum Deum, uti neque Ignem, nec necessitatum petitiones eis unquam exhibitas.* Nescio quid vir doctus sit prolaturus: at scio equidem disertis verbis inter alios Hesychium, loco jam indicato, tradidisse, Mithram Deum habitum apud Persas, & profectò non vulgarem, sed *supremum & maximum.* idque non apud vulgus tantùmmodo, & recenti religione, sed ab antiquissimo tempore, quo scilicet Zoroaster, primus Persarum magister, Mithræ cultum induxit. Ille siquidem *antrum in Perside in honorem creatoris patrisque omnium Mithræ consecravit; ita ut conditi à Mithræ Mundi figuram præberet;* inquit Porphyrius, alibi productus, ex Eubulo, qui luculentissime de cultu & mysteriis Mithræ scripserat. At quomodo fieri possit non video, ut Mithra Deus non fuerit à Magis Persarum habitus, quem omnium creatorem & patrem mundique opificem credebant. Præterea & Deum putasse, ac in necessitatibus invocasse palam est, nam *mediatorem inter Oromazam & Arcimanium, bonum malumque deos, statuebant, eique votivas & pro gratiis agendis oblatas victimas immolabant,* ex ejusdem Zoroastris instituto, teste Plutarcho de Iside, & Osiride pag. 396. quem locum inferius laudavi. Rursus si Mithra Sol est, ut nemo dubitat, utique Persæ Solem unum Deum esse credunt, & equos eidem Deo *sacratos ferunt,* ait Justinus ex Trogo lib. 1. cap. 10. De Massagetis, quæ natio fuit Persis contermina, idipsum tradit

dit Herodotus lib. 1. cap. 116. & Strabo lib. 11. pag. 513. Obiter notabo, Vossium eorum testimonia perperam de Persis citasse, lib. 2. de Idololatr. cap. 9. Necessitatum quoque petitiones fuisse exhibitas, ostendit Darius *Solem, Mithrem, sacrumque, & aeternum invocans Ignem*, dum esset cum Alexandro congressurus, ut militibus *dignam vetere gloriâ majorumque monumentis fortitudinem inspirarent*, apud Curtium lib. 4. cap. 50. Ex quo loco & Ignem invocatum discimus, & proinde Deum habitum. Accedit vetustissimum Herodoti testimonium. qui libro 3. cap. 16. *Persæ*, ait, *Deum Ignem esse arbitrantur*. Ideoque & cadavera ab ipsis non cremabantur, *quia nefas esse Deo dicebant depasci cadavere hominis*. Recentior testis est D. Joannes Chrysostomus in homilia 4. de patientiâ & tolerantia: *Deus apud Persas Ignis esse putatur, ipsumque multo cultu venerantur*. Uti etiam Sidonius Appollinaris, qui in Panegyri. Anthem. v. 84. ait: *Magis juratur ab illis Ignis & unda Deus*. Necnon Theodoretus lib. 5. hist. cap. 39. & Evagrius lib. 5. cap. 14. ubi Persis ignem Deum habitum prodiderunt. At his non immoror, cum antiquioribus exemplis res sit agenda. Originem religionis repetit Clemens à Nemrothe, qui *Persas docuit ignem colere*, lib. 1. Recognitionum in Bibliothecâ P. P. tom. 2. part. 1. pag. 391. Et lib. 4. pag. 423. hæc subdit: *Busti cineres tanquam fulmine ignis reliquias colligentes hi qui erant primitus decepti, deferunt ad Persas, ut ab eis tanquam divinitus è cælo lapsus ignis, perpetuis consecraretur excubiis, atque ut cælestis Deus coleretur*. Lapsum hunc ignem, fociisque sempiternis custoditum memorat Ammianus Marcellinus lib. 23. cap. 6. Foculos vocabant *Pyræa & Pirathæa*, de quibus plurima est mentio apud Scriptores. Adeo autem ceteris Diis Ignem præferebant Persæ, ut unicuique Deo sacrificent, primum Igni preces faciunt, ut emendavit Casaubonus, nam Xylander imprecationes verterat, apud Strabonem lib. 15. pag. 733. ubi & sacrificia Igni exhibita, ejusque

que sacra describit. Nam sacrificiis Ignem apud Persas fuisse cultum, docuit etiam Laërtius in procemio sub initium. Petitum porrò precationibus ostendit insanus & ridendus mos Persarum, cùm ignem ad fluvium delatum, merfuros se aquâ minarentur, ni voti compotes fierent, ut narrat Plutarchus de primo frigido pag. 970. Quæ fortasse tantummodò in vulgus credita. Nam facilè assentior, Sapientes Persarum & Sacerdotes non aliter Ignem hunc terrenum divinis honoribus coluisse, nisi quia coelestem Ignem, nempe Solem, repræsentaret, unde originem duxisse putabant, ut vidimus. Auctorem habeo Maximum Tyrium, qui in dissertatione 38. quæ est de statuis Diis dicandis, ait Persas Ignem coluisse veluti *imaginem seu statuam Dei*, unde eos increpat, quod *elemento immanissimo omnium violentissimoque* adhæsisent, cùm Deum aliis signis repræsentare potuerint. Loquitur Philosophus in suum argumentum, quo conatur ostendere, statuas omnes quas veteres Diis dicabant, positas fuisse, ut Dei memoriam mentibus revocarent. Clemens quoque Alexandrinus admonit. ad Gentes pag. 43. ex Dinone refert, Magos Persarum *sacrificare sub dio, sola Deorum simulacra Ignem & aquam putantes*. Itaque Magi cultum ignis ad Deum referebant. Deus verò non alius ipsis quam Mithra seu Sol, cujus portio Ignis hic terrenus & *quotidianus*, uti vocat Tyrius eodem loco, credebatur. Quodnam fuerit illud *Sacerdotum responsum* à viro clarissimo doceri cupio. Nisi intelligat de responso regi Perosæ à Magis reddito, cùm ab Euthalitis captivus detineretur, quo videntur comparasse adorationem Regis & Solis. Rem narrat Procopius de bello Persico lib. 1. cap. 3. in fin. Sed non is Magorum fuit sensus. Ceterum cùm non ignorem, plerisque Gentiliis sapientibus, tam Græcis quàm Romanis, imò & Barbaris, ratione magistrâ patuisse, unum esse Deum, rerum principium & moderatorem, nequè in divinitatis consortium corpora creata, Solem, Sidera, hominesque, esse

esse adscribenda; eodem modo & Persarum Magos de Deo cogitasse libenter addiscam. Adhuc tamen & demonstrandum est, publicum cultum Mithræ & Soli tributum, fuisse tantummodo civilem. Nam is non congruit rerum mundique Opifici, qualem Magi Mithram putabant; & sacrificia precationesque divini & lateutrici honores sunt. Ea nihilominus de clarissimi viri doctrinâ opinio mihi est, ut non ambigam promissis liberaliter responsurum, meque in ejus sententiam pleno suffragio concessurum.

Quod Solis appellationem spectat, Basilidiani superstiosâ numerorum resolutione Mithram in Sole quærebant, teste D. Hieronymo in cap. 3. Amos: *Basilides*, inquit, *omnipotentem Deum portentoso nomine appellat Abraxas, & eundem secundum Græcas literas & annui cursus numerum, dicit in Solis circulo contineri; quem Esbnici sub eodem numero literarum vocant MITHRAM.* Abraxas Græcis literis redditus statim producit numerum 365. quot diebus cursus Solis completur. Non ita Mithra, quem Hieronymus Latinis literis & inflexione concludens, negotium curiosis faceffivit. Siquidem Joannes Macarius de Abraxis num. 3. ex Græca voce ΜΙΘΡΗΣ efformans numerum 365, necesse habuit tribuere θ numerum 8. & π numerum 7. contrâ rectam numerandi rationem. Kircherus Oedypi Ægyptii part. 2. tom. 2. class. XI. cap. VI. felicius Mithram hisce elementis Græcis extulit, quibus ad amussim respondet numerus 365. simul & Abraxas resolutum in numeros conspicias.

$$\begin{array}{ccccccc} \text{M} & \text{E} & \text{I} & \Theta & \text{P} & \text{A} & \Sigma \\ 40 & 5 & 10 & 9 & 100 & 1 & 200 \end{array}) \quad 365$$

$$\begin{array}{ccccccc} \text{A} & \text{B} & \text{P} & \text{A} & \Xi & \text{A} & \Sigma \\ 1 & 2 & 100 & 1 & 60 & 1 & 200 \end{array}) \quad 365$$

Y 2

Mithra

Mithra quoque Solem monstrat in gemmâ, quæ *contra Solem variè resurgens Mithrax Persis* appellabatur, teste Plinio lib. 37. cap. 10. Vulgati codices legunt *Mithrax* absque aspiratione, quam reponendam rectè censuit Salmasius in exercitat. ad Solinum pag. 712. Ipsi Solino *Mithridax* mendosè dicitur, uti adnotavit idem celebris Criticus.

Præterea Gentiles per symbola Mithræ physicas Solis affectiones expresserunt. Illustre exemplum præbet marmor Burghesianum in parte inferiori secundæ nostræ tabulæ delineatum, in quo *Mithra*, (si Mithram esse consentias, ut superius monui) vulnus Tauro intentans, *alatus* representatur. Solis enim simulacra veteres *pinnata fingeant*, quæ res monstrat ejus *velocitatem*, inquit Macrobius lib. 1. saturn. c. 19. & Martianus Capella de nuptiis Philolog. pag. 20. *pennata vestigia* eidem tribuit. Eodem recidit puer, qui cum diem figuret face elatâ, merito fugientia tempora *alis* indicare conjicias. Cuperus in Harpocrate pag. 34. ætÿpum juvenis *alati* producit, quem *Mithram* esse arbitratur. Solem libenter fatear eo symbolo expressum, non *Mithram*: cum ex ejus signis, præter tiaram capitis, nullum ostenter. Nam sub diversis figuris diei lucisque dispensator pingebatur. Hinc licet Solem dicat numisma Melitense apud Sponium libro Gallicè inscripto *Recherches curieuses. d'antiqu.* dissertat. 28. cum juvenem *alas* quatuor humeris gestantem præseferat; non tamen *Mithram*, ut ipse cum amico, qui sibi ejus copiam fecerat, opinatur, monstrare crediderim. Quippe tiara seu mitra bifida & superne secta in acumen delinens, ad modum prorsus episcopalis phrygii, quâ caput ornat, non convenit *Mithræ*, qui Persicam mitellam, qualem in nostris tabulis conspiciamus, sibi vult. Præterea juvenis ille sinistrâ flagrum, dexterâ baculum seu sceptrum gerit, quibus insignibus Sol quidè, sed sub nomine *Abraxas* seu *Jao* depingi solet, ut videre est in quamplurimis gemmis
Maca-

Macario & Chiffetio allatis. Nonnulla Imperatorum numismata Solem flagello armatum exhibent. *Alis* etiam ea imaginum portenta donantur, ut in gemmâ Chiffetianâ secundâ. & Harpocrates, qui Solis significationem assertam eidem doctissimo Cupero debet, in *alata* effigiem confurgit. Attamen nemo suspicetur, me communionem significationis & rei velle discindere, cum Mithram, Abraxam, Harpocratem, & si quæ sunt alia vesanæ superstitionis ejusmodi monstra, inter se difformiâ & diversa pronuntiavi. Nam id intelligendum ratione habitâ ad varios gentium populorumque mores & ritus, quibus Numen unum idemque frequenti nominis & appellationis dissensu colebatur. De Sole accommodè ad rem nostram hæc habet Capella lib. 2. de nupt. Philologiæ pag. 43. edit. Plantin. 1599.

*Te Serapin Nilus; Memphis veneratur Osirim,
Diffona sacra Mithram, Ditemque ferumq; Typhonē.
Astis pulcher item, curvi & puer almus aratri,
Ammon & arentis Lybies, ac Biblius Adon.
Sic vario cunctus te nomine convocat Orbis.*

Unde apud Nonnum in Dyonisiac. lib. 40. vers. 405. Mithra, seu Phaëton *πλυννῆς* *multinominis* dicitur. Quod etiam de Ifide tradidit Appulejus in Miletiis seu Metam. lib. 11. pag. 241. *cujus numen unicum, multiformi specie, ritu vario, nomine multijugo totus veneratur orbis.* Exempla aliorum deum passim reperies. Nec idèò tamen minus rectè, ni fallor, prædixi, imaginem & effigiem, quâ Abraxas, Harpocrates, & similes repræsentantur, eam ipsam Mithræ non esse, licet omnes ad unam Solis significationem revocentur, & ob hanc rursus naturæ communionem etiam inter se conferri, & alter alterius notionem inducere possit.

Nimirum hac quoque viâ evolves difficilem locum, qui crucem eruditis imposuit, apud Herodotum lib. 1. cap. 331. ubi ait: *Vocant autem Assyrii Venerem Mylittam, Arabes*

bes eandem Alitam appellant, Persæ Mitram. Ex quo fortasse hausit D. Ambrosius lib. 2. contra Symmachum p. 840. T. 2. Editionis P. P. Benedictinorum: Cùm Celestem Afri, Mitram Persæ, plerique Venerem colunt, pro diversitate nominis, non pro numinis varietate. At Strabo lib. 15. pag. 132. Mitram apertè vocat solem, deamque ab eo distinctam apud Persas Venerem facit; Colunt Solem, quem Mitram vocant, item Lunam, & Venerem. Et veteres penè omnes non alium quam Solem fuisse Mitram apud Persas pronunciant. Petrus Faber Semestr. lib. 3. cap. 2. pag. 35. cùm in textu Græco Herodoti observasset scribi Mitram absque aspiratione, eandem lectionem esse quoque reponebam apud D. Ambrosium asseverat. Ita ut Persæ Mitram & Mitram coluerint: Deum Solem, Deamque Venerem. At lubricum iter pergit doctus vir unius literulæ, imò aspirationis, indicio. Barthius ad Statium pag. 249. Herodotum ceteris contradicere negat, sed Persas, ait, masculo Soli etiam feminam deum Mitram adjecisse, cum non sit verisimile in sexu tam crasse errare ipsum potuisse. Huc recidit sententia Thomæ Gatakeri, qui in Adversariis miscellan. cap. 21. pag. 238. existimat apud Persas Mithræ nomen & Soli & Veneri tributum fuisse, sed de illo formâ masculinâ usurpari consueisse, de ipsâ feminâ. Unde Herodoto pro linguæ suæ ratione nomina effermanti Sol Mithras seu Mithres, Venus Mithra sive Mithre dicta fuerit. Rem hanc disquirendâ relinquit Cuperus in addendis ad Harpocratem pag. 53. Animadvertēbam utrumque Scriptorem, Herodotum & Strabonem, eadem fermè de Persarum religione tradidisse. Ille enim in hunc fermè modum loquitur: Persis neque statuas neque templa, neque aras extruere consuetudo est. Et post pauca: Editissimis montibus Jovi hostias immolant, omnemque gyrum Cæli Jovem appellant. Soli, Lunæque sacrificant, & telluri, igni, aquæ, atque ventis. Urania quoque sacrificant, sic nimirum ab Assyriis, Arabibusque edocti. Vocant autem Assy-

*Affyrii Venerem Militiam, Arabes eandem Alitam appell-
lant, Persæ Mitram. Verba Strabonis hæc sunt: Persæ nec
statuas, nec aras erigunt: sacrificant in loco excelso: Cælum
Jovem putant, colunt Solem, quem Mithram vocant; item
Lunam, & Venerem, & ignem, & tellurem, & ventos, &
aquam. Rursus eundem Strabonem in Perside fuisse versa-
tum notavi, religionemque Persarum curiosè pervestigas-
se. Nam paucis interjectis lineis, describens eorum sacra
& ritus subdit: *Ista nos vidimus.* De Herodoto id com-
pertum non habemus, sed ex Græcis scriptoribus, quæ de
Persis scripsit, sumpsisse videtur, uti observat Gatakerus,
qui & linguæ Persicæ ignorantiam in ipsum effundit, plura
ab eo errata recensens. Potior itaque fides Straboni testi-
oculato esse debet. Qui dum Venerem Persis cultam re-
fert, non omisisset, eam quoque Mithram vocatam doce-
re. At Herodotus cum vulgarissimam apud Persas Solis
appellationem silverit, vero admodum simile est, memo-
riâ lapsus, vel falsâ traditione deceptus, Mithræ nomen,
quod Solis erat, Veneri tribuisse.*

Ad Solem itidè eū cecutuisse oportet, cum narrat lib. 7.
cap. 37. Xerxe in Græciam exercitum ducente, Solem su-
bitò sereno cælo disparuisse. Quod ostentum cum Rex à
Magis quæsisset, quid portenderet, illi, inquit, *respon-*
derunt, Deum significare Græcis civitatum defectionem;
quod dicerent, Solem Græcorum, Lunam ipsorum (Persa-
rum) esse præsidem. Etenim nihil profectò certius est,
quam Solem, non Lunam Persis summum deum præsidem-
que stetisse. Imò ipsemet Herodorus mox recitatus dignio-
ri loco apud Persas Solem collocat. Sanè vel comicus
Aristophanes historici lapsum coarguit. Cum enim tempo-
re belli Peloponnesiaci Sol & Luna defecissent, inducit Try-
gæum vinitorem, qui grande arcanum Mercurio aperiens,
Solem & Lunam, ait, propitia Persis, à quibus colebatur,
numina consilia in necem aliorum deorum agitasse, ut per-
ditâ deletâque Græciâ ceteris numinibus sublati sibi so-
lis

lis cultus haberetur. Verba ipsa lepidissima ex Comœdiâ, quæ *Irenes* seu *Pax* inscribitur, pag. 649. edit. 1607. hic in scenam producâ.

TYG. Nam Luna jam pridem atque Sol nefarius
Consilia vestrum moliuntur in caput,

Qui Græciam omnem prodiderunt Barbaris.

MERCVR. Quidnam ista faciunt? TR. Quod solemne,
per Jovem,

Litare vobis subque placare, ijs solent

Voluntque Barbari: inde iure postulant

Omnes semel nos funditus perbitere:

Quo nempe sacra cœlitum cedant sibi.

MER. Ergo dierum hinc illa diminutio,

Et prava detrita orbite aurigatio.

Quòd si adhuc rem salvam velimus Herodoto, Mithra esse non potuit Venus, ut paullò ante memorabam, nisi participatione virtutis, & similitudine potestatis, quâ Venus quoque rerum genitrix, uti mox exponam, fuit habita; ideoq. eadem res ac numen cum Mithrâ seu Sole censebatur. Quæ explicatio lucem affundit Julio Firmico de errore prof. religion. cap. 5. ubi hæc ex Persarum doctrinâ profert: *Hi itaque Jovem in duas dividunt potestates, naturam ejus ad utrumque sexum transferentes, & viri & femina simulacra ignis substantiam deputantes: & mulierem quidem triformi vultu constituunt, monstris eam serpentibus illigantes . . . Virum vero abactorem boum colentes, sacra ejus ad ignis transferunt potestatem . . . Hunc Misbram dicunt.* Feminæ hanc potestatem triformem, Lunam fuisse vel Idem, inferius ostendam. Rursus patebit, utroque nomine etiam Venerem fuisse appellatam. Quare Herodotus unam ex his potestatibus, feminam scilicet, poruit Venerem indigitare, eique ob virtutis communionem cum viro, qui altera socia potestas Firmico est, idem quoque Mithræ nomen affigere. Et verè utraque

cùm ad ignis communem *substantiam* referatur; eadem censerì poterat. Ipseque ignis nil aliud quam Sol, fons luminis & caloris, à quo generationum omnium est principium. Porro Jupiter, ut rerum auctor, in duas hæc dividitur *potestates*, quia Sol ad ipsum refertur, ex Oraculo apud Iulianum Orat. 4. pag. 254. edit. Petavii an. 1630.

Unus Juppiter, unus Pluto, unus Sol est Serapis.

quo nomine & Venus generationis præses, seu Luna, sive Isis in idem consortium assumitur. Hinc quoque hæsitare desinat Nicetas, qui sibi dubius, quodnam numen Mithra fuerit, hæc ait ad Steliteuth. 1. Nazianzeni; *Mithram alii Solem, alii venem ignis, nonnulli peculiarem quandam potestatem esse volunt.* Nam quodcumque ex his Mithram esse putes, sub diverso nomine rem eandem invenies. Ceterum non is scrupulus est Eliæ Cretensi & Nonno, qui in scholiis ad eundem Nazianzenum alibi producendis discrete Mithram Solem asserunt.

Quòcumque igitur rem vertamus, nil tandem *Mithra* nisi *Sol* est, vel potestas aliqua ad Solem referenda, ubi alio nomine & appellatione notatus reperiatur. Quare cogor discedere a Cl. Muratorio qui ad vers. 112. postremi poematis S. Paulini, quod cum aliis, duos ab hinc annos, maximo literarum bono, ex Bibliothecâ Ambrosianâ in lucem protulit, & eruditis annotationibus exornavit, fretus testimonio Nicetæ & Firmici, in saxo Gruteriano pag. 22. num. 12. D. I. M. ET. SOLI SOCIO. SAC. nempe *Deo Invisito Mithræ & Soli socio sacrum*, arbitratus est, Mithram aliud numen esse à Sole diversum, non ipsummet Solem *tanquam alienigenam*, ut parum rectè, inquit, opinatur Reinesius ad inscript 48. Class. 1. Dixerat doctus hic Auctor, singulare esse hominibus Romanis Mithræ tanquam extero à Persis accepto, Solem veluti proprium & indigenam jungere, quasi diceretur *οὐρανίου κύριος*. Quæ vocabula explico, *Assessor*, seu in eodem throno sedens, & in eodem templo cultus; Nec sanè ita malè Reinesius,

fius. Potuit enim Romanus ille, qui lapidem exsculpsit, ob nominis differentiam, alium populari opinione Mithram à Sole putare. Cum verò sciret etiam utrique eandem inesse potestatem & consortium religionis, idcirco *socios* eos appellavit. Quà profectò ratione Julianus Imp. in orat. 4. mox indicata, Apollinem vocat Solis *assessore* σύνθετον pag. 269. & pag. 285. *regni consortem* & *SOCIVM* συμβασιλεύον uti has voces vertit ejus interpres Petavius. Quia Apollo idem est cum Sole physiologicè, ratione potestatis & significationis, diversus fabulosè, & ut deus animalis, quàm de re nos fufius in dissertatione de Beleno.

At quid si literas illas singulares alio modo explicando, litem omnem & scrupulum, quamvis cum Mithræ injuriâ, succidamus? Mihi sanè aridet hæc lectio: *Deæ Isidi Matri & Soli socio sacrum*. Isis celebre & æquè insanum numen apud Ægyptios fuit, in Romanam Urbem, omnium gentium superstitioni servientem, invecum, uti omnes norunt. Passim cum Serapide *junctâ religione colebatur*, ait Macrobius in fine cap. 20. lib. 1. Saturn. idemque produnt gemmæ utriusque effigie scalpæ, apud Chiffletium num. 112. 113. & 114. & nummus Juliani Imp. apud Oiselim tab. 47. nu. 7. Pausanias in Corinthiacis pag. 151. memorat erectum Serapidi & Isidi fanum; ut & Romæ quoque aderat. Porro Serapis idem omnino est ac Sol, ut sæpius docet Macrobius eodem capite, & versus Oraculi apud Julianum, quem paullò ante exscripsi. Rectè igitur Sol, qui Serapis est, *Socius* Isidis in lapide, quem exponimus, appellatur. De nomine *Matris* Isidi attributo non est cur ambigamus. Siquidem expressis verbis apud eundem Reinesium Class. 1. inscript. 213. legitur: ISIDI. MATRI. Quod nomen idè tributum, quòd Isis *Terra sit & natura rerum*, ex eodem Macrobi capite & sequenti, Julio Firmico in libello sæpius citato, & Isidoro ex Servio lib. 8. cap. 11. Terra autem passim rerum omnium *Mater* vocitur, ut in lapide 38. Class. 1. apud Reinesium, & *Ter-*

*ra uni rerum natura partium . . . nomen indidimus mater-
nae venerationis*, ait Plinius lib. 2. cap. 63. Quamobrem for-
tasse in Gruteriano epigrammate pag. 82. num. 2. *Iſſi* dici-
tur *Dea quæ est omnia*. Igitur ex ea inscriptione nihil pro-
ficie Muratorius, ut Mithram à Sole sejungat. Allata ab
eo Herodoti & Nicetæ testimonia jam exposui.

In veterum monumentis frequentissimè & penè indi-
viduâ appellatione Mithra vocatur INVICTVS. Binas in-
scriptiones jam dedimus ex Grutero, qui alias profert
pag. 33. apud Reinesium quatuor extant Class. 1. à num. 45.
Plerumque Soli jungitur hoc modo: SOLI INVICTO
MITHRAE. Quod nomen utrique alligatum invenies.
Nam Sol idem ac Mithra. Huic solitariè tributum docuit
Commodianus, & Julianus Imperator, pluresque inſcri-
ptiones. Soli autem monstrat inscriptio 236. Class. 1. apud
Reinesium: SOLI INVICTO. PACIFERO. In nummis
Gallieni, Qujeti, Aureliani, Probi, aliorumque Imperato-
rum, Sol gradiens specie juvenis, vel in quadrigis, aut ca-
pite radiato, nudus, dexterâ elatâ, sinistrâ globum gestans,
cum stellâ, & epigraphe, SOLI INVICTO, repræsentat-
ur. Non semel solus titulus cusus, ut in numismate Vi-
ctorini, in quo juvenis eodem typo ac in alijs, nisi quod
sinistra flagrum quatit, cum inscriptione INVICTVS. Im-
mo & Imperatores ipsi *Invicti* nomen usurparunt, quorum
eruditum indiculum texit Cl. Bonarota in suo numisma-
tum præclaro opere pag. 359. Tradit Reinesius ad inſcri-
ptionem postremo loco laudatam, nomen hoc Soli tribu-
tū fluxisse ab illo Homeri & Hesiodi ἡλίου, ἀνάμαρ-
τον, quod continenter laborans laborem non sentiat; vel
quod nunquam in suo cursu victus vel interceptus fuerit.
Vnde Tristanus tom. 3. pag. 54. ait, Imperatores cussis his
nummis, sibi auguratos esse, Solis præsidio, eandem felici-
tatem adversus hostes. Id illustrat exemplum Aureliani, qui
templum Solis Heliogabali Emesæ situm maximis donis
ornavit, quia illic eam formam numinis reperit quam in bel-

lo sibi faventem vidit, inquit Vopiscus in vitâ cap. 25. Aliam causam appellationis alibi attingam. At de his hæcenus.

C A P U T III.

Progressus ad symbolorum interpretationem, quæ singula ad rerum generationem & cōservatōnem referri ostenditur.
Mithra Tauri cornua contorquens, & cur sub Antro?
Sol seu Mithra siderum moderator. Locus Porphyrii productus & illustratus. Quid Mithra fur boum? Taurus Lunam figurat, quæ cum Sole vires socias habet; unde explicatur vetustum simulacrum, & locus Julii Firmici.
Taurus signum Veneris, quæ eadem ac Luua & Isis: eo etiam Terra designatur. Quid Mithra Taurum ferient, & animalia sanguinem lambentia?



UM Mithram esse Solem jam constat, ad tabulæ explicationem progredior, quæ ipsius Solis lumine perfusa & illustrata symbola in obscuro arcane significationis latentia in conspectum educit & prodit. Nam statim GENERATIONEM rerum iis figurari contendo, Mithræ Solis vi & potestate cuncta ad productionem agente, & vivificâ virtute fouente, cōservatōnem. Primum itaque MITRHA & TAVRVS sub antro occurrunt, cujus ille, specie juvenis, cornua per vim torquet. Rem hanc, non secus atque sculptor in lapide; nobilissimus Poëta Statiûs versibus expressit in fine libri primi Thebaidos, ubi Adrastus Solem inuocat variis nominibus appellatum.

*Adsis ò memòr hospitiî, Junoniaque arva
 Dexter ames: seu te roseum Titana vocari
 Gentis Achemeniæ ritu: seu prestat Osirim
 Frugiferum: seu Persei sub rupibus antri
 Indignata sequi torquentem cornua MITHRAM.*
 Hunc

Hunc locum Lactantius, aliis Luctatius vetus Statij interpretres, incunte hoc seculo ex Bibliotheca Francisci Pithoei editus, ita explicat, ut prorsus ad nostram tabulam illustrandam scripsisse videatur. *Perse*, inquit, *in spelæis soli Solem primi invenisse dicuntur*. Et hic Sol proprio nomine vocatur Mithra. quique eclipsem patitur, ideoque intra antrum colitur. Est enim in spelæo Persico habitu, Leonis vultu cum tiarâ utriusque manibus bovis cornua comprimens, quæ interpretatio ad Lunam dicitur. Nam indignata sequi fratrem occurrit illi, & lumen subtexit. Sol enim Lunam minorem potentiâ suâ & humiliorem docens taurum insidens cornibus torquet, quibus dictis Statius Lunam bicornem intelligi voluit. Profectò in spelæo jacentem Mithram & nostræ tabulæ repræsentant. Perperam Pierius Valerianus Hieroglyph. lib. 3. qui alios etiam seduxit, putavit bovem cornibus arreptum eductum fuisse ex antro in sacrificium, atque in id detorquet versus Statij proximè recitatos. Addit Marianus Victorius in Notis ad S. Hieronymi epistolam 7. & contra Jovinianum lib. 2. taurum excantatum carminibus à Sacerdote ex antro prodiisse ad victimam. Nemo veterum id docuit. Alia siquidem & magis arcana ejus rei fuit ratio, quam modò indicabam, & nunc uberius explicare pergo, Porphyrius in libello de antro Nympharum, pag. 254. Zoroaster, ait, primus omnium montibus Persidi vicinis antrum nativum floridum fontibusque irriguum in honorem creatoris patrisque omnium Mithræ consecravit. Ita ut antrum conditi à Mithra mundi figuram ei praberet: ea vero quæ intra antrum erant certis invicem intervallis disposita, elementorum climatumque mundanorum symbola seu figuras gererens. Infana hæc mendacia & commenta, apud Gentiles Mithræ rerum creationem tributam ostendunt. Postrema verba illustraveris ex Origene, qui lib. 6. contra Celsum, Mithræ sacris, inquit, apud Persas duplex stellarum circumactio pretenditur, affixarum & erronum, & per has animarum transitus: Ideo scala erigitur

in septima porta aditu. Pergit portas enumerare, atque alia ad symbola Porphyrio indicata fortassis pertinentia. Porro & in antris sacra Mithræ agebantur, plane nonnisi ex Zoroastris instituto, & in argumentum rerum generationis & creationis Mithræ attributæ. At de his alibi.

Ceterum ut Lactantii interpretationem illustremus, Sol seu Mithra Lunam, *cujus exaltatio est Taurus*, notante Porphyrio pag. 262. indignantem sequi, trahit veluti cornibus apprehensam, & motu suo moderatur, non secus ac alia sidera. Unde Claudianus lib. 1. de laudibus Stiliconis ait:

Et vaga testatur voluentem sidera Mithram.

Et egregie Martianus Capella de nupt. Philolog. lib. 2. pag. 53. de Sole loquens:

*Nam medium tu curris iter, dans solus amicam
Temperiem superis, compellens atque coercens
Sidera sacra deum, cum legem cursibus addis.*

Hinc Sol Ciceroni in somn. Scipionis dux, princeps, & moderator luminum reliquorum vocatur. Quem locum explicans Macrobius cap. 20. hæc scribit: *Moderator reliquorum dicitur, quia ipse cursus eorum recursusque certa spatii definitione moderatur. Nam certa spatii definitio est, ad quam cum unaquæque erratica stella recedens à Sole pervenerit, tanquam ultra prohibeatur accedere, agi retrò videatur, & rursus cum certam partem recedendo contigerit, ad directi cursus consuetam revocatur.* En aberrantis Lunæ aliorumque luminum conatus à Solis vi & potestate subactos & perdomitos. Ideo INVICTI nomine passim, ut diximus, donatur Mithra & Sol: & apud Persas Leonino vultu effingitur, quod *hic deus*, ait Lactantius, *ceteros sui numinis & potentie impetu excelsat, ut inter ceteras feras Leo.* Mithram, Leonis vultu apud Persas, dum Romani in suam religionem inve-xissent, satius duxerunt in humanam effigiem mollire, ut videmus in nostris tabulis: neque tamen Leonina symbola in ejus sacris neglexerunt, ut postea explicabo.

Ex

Ex hac Solis & corporum cœlestium pugnâ, omnia in sublunaribus generantur, efficiente caloris vi & potentia. Nam & *Mitbra* aliquando ignis appellatur apud Q. Curtium, qui de Dario loquens ait lib. 4. cap. 50. *Solem Mithrem sacrumque invocans ignem*, quasi hæc omnia unum sit numen & res eadem. Et Firmicus *sacra ejus*, inquit, *ad ignis transferunt potestatem*. Ideo de *petra* natum dixerat Commodianus, quo nihil aliud significari nisi ignem è silice exculsû, ex Aleandro supra monuimus. Et sane omnia, quæ Mithræ tribuuntur symbola, ad rerum GENERATIONEM referri, docet Porphyrius p. 265, ubi describens animarum generationem, earumq; ascensum & descensum per portas cœli variè apud Romanos & Ægyptios acceptas, subdit hæc verba, quæ mirè tabulas Mithriacas illustrent: *Quocirca Mitbra peculiarem sedem juxta æquinoctia attribuerunt: Ideo Arietis, Martii signi, gladium gestat, vehiturque Tauro signo Veneris; nam Mitbra æque ut Taurus AVCTOR PRODVCTORque rerum est, & GENERATIONIS dominus*. Concinnunt quæ de Sole, quem *Mithram* etiam appellat, disserit Julianus orat. 5. pag. 322. ex versione Petavii: *in primis quod à terrâ Sol trahat omnia, quod ea velut fonte quodam & admirabili calore suscitet ac vegetet*. Idque moliri Solem subdit *per arcanam corporisque prorsus expertem ac divinam sinceramque radiis illius insidentem naturam, fierique in mundo nostro tum soleat, & dies esse longior nocte, quando Arietem permeare rex Sol incipit*. Latentem & occultam hanc Solis generandi virtutem ut exprimerent mythologi, *Mithram boum furem* finxerunt, quod scilicet *clanculum GENERATIONEM promoveat*, inquit Porphyrius pag. 262. Nam quemadmodum quod agunt fures, clam agunt, ita vivificus & genitilis calor sensim permeans, rerum generationem furtim & latenter promovet. Porro *bos* quoque ad generationem pertinet, nam ex eo procreantur *apes*, quæ sunt animarum symbola, ut pergit disserere idem Philosophus. Si vero velinus ad *Taurum*

in

in nostris tabulis expressum iterum respicere, eo nomine *Lunam* vocatam ait, *GENERATIONIS præsidem*. Nam Luna cum sit bicornis, ut dixit Læstadius, Tauro significatur. Unde Orpheus in hymno Dianæ, Bovis cornua Lunæ fuisse gratissima scripsit; & in nummo Caracallæ apud Patinum de numism. Imp. pag. 296. Luna vehitur bigâ, quam gemini Boves trahunt; idcirco *Boum agitatrix* dicta Nonno in Dionysiac. lib. 8. Immò *Hecate*, quæ Luna est, *Tauri nomine fuit appellata*, inquit Porphyrius de abst. lib. 3. cap. 17. Hinc duo hæc *Mithræ*, & *Bovis* symbola in nostris faxis, Solis, & Lunæ efficientiam declarant, qua cuncta generantur & conservantur & utriusque beneficio, ait Macrobius in somn. Scip. lib. 1. cap. 19. *hæc nobis constat vita, quâ fruimur*. Quem inter hæc coelestia lumina nexum & societatem, ad rerum perpetuitatem significandam, produxit antiquitas in illustri simulacro, quod delineatum exhibet Spanhemius in notis Gallicè scriptis ad Cæsares Juliani pag. 460. Mulier veste longiori stans, dexterâ puerum radiatum sustinet facem manu præferentem, sinistrâ puellam Lunulâ bicorni capiti insidente pariter cum face, peplo seu velo à dexterâ ad sinistram supra caput ipsius mulieris circumvoluto, ita ut circulum quendam constituat. Subiecta est inscriptio, quam nusquam antea editam clarissimus Auctor profert pag. 485, eamque hic libenter exscribo, quod novum sit Mithræ monumentum.

M. POPILIVS. M. F. OV. LVPERCVS. SACERD
D. SOL. INVICT. MITHR. ET LVNAE
AETERNAE. VOT. SVSCEP. L. M

Eâ mulieris figurâ *Æternitatem* designari ait vir doctissimus. Sanè reperio in nummo Hadriani apud Oisellum tab. 105. num. 8. eâdem planè formâ mulierem stantem, alterâ manu Solem, alterâ Lunam præferentem, cum inscriptione: AETER. AVG. & tab. 106. num. 4. mulier simili prorsus specie velum ad caput in orbem circumvoluit, adje-

adjectâ epigraphe: AETERNITAS. Hinc apud Gruterum pag. 329. extat saxum, AETERNITATI. SACR. SOLI ET LVNAE. Nam veteres *Ævum designantes, Solem & Lunam pingunt, quòd aterna sint elementa*, ait Horus Apollo in Hieroglyph. in princip. Circulum verò *Æternitatem* monstrare, satis est notum. Ita Mithra & Luna, quorum Sacerdos erat Popilius, sociâ virtute cuncta *generando & conservando*, rebus omnibus, ut erat falsa quorundam antiquorum opinio, *Æternitatem* inducunt. Rectè hæc quidem: at liceat aliam interpretationem asserre. Mulier Juno est, aerem figurans; nam Juno ipsa est aer Poëtis, qui ut eleganter ait Firmicus, *effeminarunt hoc elementum*. In aere collocata sunt duo lumina, Sol & Luna, ideo Junonis manibus imposita. Supra aerem cœlum, in gyrum protensum, *velo* seu *peplo* Junoni circumducto, (nam & Juno *peplum* gestat apud Martianum lib. 1. pag. 18.) designatur. Ideo & *Cælum dictum Templum*, ait Varro lib. 5. ob concavam convexitatem, templorum concamerationi similem. Servius ad illud *Æn.* lib. 1. vers. 507. *mediâ testudine templi, testudine* inquit, *camerâ incurvâ, vel fornicatâ, quæ ideo sic fit, ut simulacro cæli imaginem reddat*. Et ad formam hanc in gyrum ductam respexit Regius Vates, cum inquit Ps. 103. v. 2. *qui extendis cælum sicut pellem*; ad modum scilicet tentorii militaris incurvi, quod pellibus tegebatur. Hinc idem Varro lib. 6. de ling. Lat. *cælum cortinæ Apollinis* assimilat. In plerisque nummis antiquis hæc cortina exhibetur modò formâ sphaeræ dimidiatâ, modò veluti sphaera integra. Demum hanc interpretationem digito monstrat Porphyrius in sæpius laudato libello pag. 259. *antiqui*, ait, *ipsum cælum PEPLVM vocarunt*. Itaque *velum* seu *peplum* simulacro aeris seu Junonis circumdatum *cælum* ipsum est. Quod ideo sub figura *veli* expressum, ut denotaretur à cœlo corporum *generationem & conservationem*, Sole & Lunâ agente, derivari; unde Homerus dixit, Nymphas in Antro *texere purpureas telas*; ut interpretatur

codem loco Porphyrius, qui subdit, ea de causâ ab Orpheo Proserpina, omnium ex semente nascentium præses, telam texens inducitur. Quare Popilius eo simulacro Mithram & Lunam, omnium in mundo tam coelesti quam terreno generationum auctores, potuit designasse.

Eandem Mithræ & Lunæ sociam virtutem contexere veteres sub iis geminis utriusque sexus potestatibus, in quas Jovem divisisse diximus ex Firmico. Virum aperte Mithram cognovimus. Mulier vero triformi vultu quid aliud est quam Luna, triformis passim appellata? Subdit Firmicus, monstris eam serpentibus illigasse. In tabulâ Mithriacâ apud Marlianum lib. 7. Topograph. Urbis visitur figura mulieris alata, quam serpens à pedibus ad humeros circumambit: eademque extat in schemate Mithræ Burghesiano, quod delineatum profert Begerus in Spicilegio antiquo pag. 97. Quis statim non sibi persuadeat, hanc ipsam esse mulierem Firmici monstris serpentibus illigatam, quæ cum sociam habeat potestatem cum Mithrâ, ideo in ejus tabulis repræsentetur? Huc referas, quod Hierapolitani juncta Solis simulacro statuunt signa feminarum, quæ cingit flexuoso volumine draco, ait Macrobius lib. 1. Sat. cap. 17. In gemmâ abraçâ 57. apud Chisletium extat monstrum triformi facie manibus serpentes gestans. Quidquid hoc portentosum simulacrum fuerit, certè in speciem nostri effictum apparet. At in tabulâ Bembinâ serpens Iſidis capiti est impositus. Ejus tabulæ eruditus explanator Pignori pag. 26. docet ex Æliano lib. 10. cap. 32. Ægyptios Iſidis simulacra serpentibus coronasse. Unde Flaccus lib. 4. Argon. de Iſide canit:

————— Et procul Jo
Spectat ab arce Poli jam Divis addita, jamque
Aspideincta comas, & ovanti persona sistro.

Et nummus apud Oisellum tab. 47. num. 6. duas Iſides alatas aspidem in capite cum caudâ sinuosâ versus tergum habentes, repræsentat. Alas gestat etiam mulier in tabula

Mi-

Mithræ. Porro Isis apud Ægyptios Luna est, uti mox dicemus. Quod si velis Lunam ipsam, seu Dianam *serpentibus* implexam spectare, adcas Pausaniam in Arcadic. Duas ergo illas *potestates* Firmici, *Mithram* seu Solem & *Lunam* esse constat. Quæ cum *ad ignis substantiam* deputentur, eodem auctore, patet iis inesse GENERATIONIS significationem, quæ vi caloris perficitur.

At rursus Porphyrius dixerat verbis supra recitatis, *Mithram Tauro signo Veneris vehi*. Quo fortasse respexit ad commercium, quod Venus habet cum Mithrâ; in quem sensum explicavimus Herodotum, & D. Ambrosium. Ex hoc verò consortio & nexu omnium genitrix & parens Venus est, sicut de eâ scribens philosophatur Julianus orat. 4. pag. 281. *Celo temperiem optimam inducit: terra secunditatem affert: non minus & animalium propagationi perpetuitatem tribuens. Cujus ita pendens regem Solem causa est primaria, ut in ejus quoque COMMUNIONEM Venus adsciscatur;* est enim ut pag. 287. subdit, *Solis admissura & cognata*. Quippe cum signum illud Veneris Taurum Sol candit, depulsâ hieme & nivibus, germinatio & secunditas terræ promovetur, & omnia, quæ ipsa continet, *aperire se in germen* incipiunt, ait Macrobius lib. 1. Saturn. cap. 12. ubi addit, apud Athenienses *ἀνθίστην* Aprilem vocari, eo quod hoc tempore cuncta florescant. Hinc, puto, *Venus physica* dicitur in inscriptione apud Reinesium Class. 1. nu. 18. quod præfesset rerum naturalium generationi. Nec quispiam, quod nunc Venerem sub Tauri symbolo, superius Lunam latentem dixerimus, dissona & pugnancia obtrudere nos arguat. Nam Phylcorus apud Macrobius lib. 8. Sat. cap. 8. *Venerem eandem esse Lunam* affirmat; & utraque non femina tantum, sed mas quoque putabatur. De primâ restantur Calvus & Lævinus eodem Macrobii loco, unde & apud Cyprum ejus simulacrum barbatum colebatur. *Lunam* appellatam *Lunum*, maremque deum mysticè dici, auctor est Spartianus in Caracalla c. 7. ubi videas adnotata

à Salmafio, & Tabulam Palmyrenam Sponii Atiquit. erudit. cap. 1. Luni effigiem dabit nummus Antiochenſium, apud Patinum de numism. Imp. in Antonino pag. 218. Imò, quæ eſt fabularum inconstantia, vel apud varias gentes diverſa rerum phyſicarum interpretatio, & deorum diſpar acceptio, ſub Bovis vel *Tauri* ſymbolo figuratur *Iſis*, quæ eadem eſt ac *Luna* & *Terra* Plutarcho, Macrobio, & ceteris veterum Mythologis. *Iſis* vero *natura ea pars eſt*, inquit idem Plutarchus de Iſide & Oſirid. pag. 372. editionis Pariſi: Græcolat. *quæ quaſi feminea omnes in ſe recipit ortus, tanquam nutrix quædam & omnium commune receptaculum.* Et Macrobio lib. 1. Sat. cap. 20. dicitur *natura rerum ſubjacens Soli*. Hinc *Taurus* ſubſtratus eſt Mithræ in tabulis. Quocunq; igitur pergamus, ſive *Taurus* Mithriacæ Tabulæ *Luna* ſit, ſive *Venus*, ſive *Iſis*, vel *Terra*, (nam & Terram ſub bovis figurâ ſignificaffe Aegyptios prodit Macrobius eodem lib. & cap.) res eadem cenſeri debet, & nihil aliud tandem quam virtus Soli ſociata ad promovendam **GENERATIONEM**, vel natura rerum Soli ſubjacens, aut demum ſubjectum ipſum **GENERATIONIS**, quod Sol calore ſuo pervadens & radiis veluti penetrans, omnia in naturâ rerum procreantur & generantur.

Hinc, ut opinor, Mithra *gladium* apud Porphyrium geſtat, quo in noſtris tabulis *Taurum* transfodit; ad ſignificandum ſcilicet Solem vi & potentiâ radiorum ſubjectum **GENERATIONIS**, quod per *Taurum* figurari diximus, penetrare, & veluti inſiſto vulnere pervadere. Quò ſpectant verba Martiani Capellæ lib. 1. pag. 6. ubi de Sole loquens hinc quoque, ait, *ſagittarius, hinc quoque vulniſicus, quod poſſit radiorum jaculis icſa penetrare.* Quamobrem & Poëtis dictus fuit *ἐκβολῆς* & *ἐκταβιλέτης*, ſeu *eminus jaculans*, quaſi radiis velut jaculis feriat. Qua vi radiorum ſolarium ſeu caloris pervadente, ut mox notatum, ſubjectum **GENERATIONIS**, ſanguis quaſi ex vulnere elicitur, ſemen nimirum genitale ad rerum omnium procreationem

tionem & alimentum . Unde *canis* & *serpens*, in tabulâ secundâ hic depictâ , guttas sanguinis ex *Tauri* vulnere manantes lambere conspiciuntur , quo denotatur , animantia singula inde vim *geneticam* & *nutritionem* haurire & educere . Hinc ad canem ipsum, & serpentem, ceteraque symbola progredior .

C A P U T IV.

Animalia in tabulâ exsculpta ad Solem referuntur tamquam generationis auctorem . Scorpium testes Tauri complectens, & baculi Solis apud Aegyptios, explicantur. Vas in tabulâ Mithriacâ, cauda Tauri in spicas desinens, pueri facem gestantes, & Solem Lunamque praecurrentes, quid significant. Nama Sebesio, & inde locus Isaiae expositi. Triplicis Mithrae nomen variè tentatum . Apud ANTIVM Mithra cultus, & speleum dicatum .



QUATUOR animalia CANIS, CANCER, SERPENS, & CORVUS ex singulis scilicet generibus, quadrupedum, piscium, serpentium, & avium, ideo, ni fallor, in tabulâ Mithriacâ exsculpta sunt, ut ea omnia animantium genera ortum & conservationem *Mithra* seu *Soli* acceptam præferant . Hæc verò selecta præ ceteris, ob peculiarem aliquam rationem & proprietatem ad Solem seu Mithram referendam . *Canis* & *Cancer* sidera, hoc principium anni, illud generationis apud Aegyptios fuit, testante Porphyrio toties laudato pag. 265 . Apud quos etiam quâ infantiâ cultus fuerit *Canis* notum est . *Cancer* obliquo gressu, ait Macrobius lib. 1. Sat. cap. 21, quid aliud nisi iter Solis ostendit, qui viam nunquam reſtam, sed per illam (legerim obliquam) semper meare sortitus est ? *Cancerum* in dexterâ cuiusdam monstri *Abraxe* vidit Macarius, quo res à Sole productas significari ait p. 17 . Duas statuerunt Solis portas physici, unam in signo *Cancer*,

cri, Capricorni alteram. Per illam fieri somniarunt descensum animarum in terras, ideo hominum dictam: quæ idem Macrobius in somnium Scipionis lib. 1. cap. 12. refert, & summus Poetarum in 6. Aeneid. jam indicaverat. Ergo *Cancer* Solis signum, & per *Cancrum* transitus animarum ad hominum vitam informandam.

Serpentem ad Solis naturam referri idem Saturnalium auctor pluribus demonstrat lib. 1. cap. 20. eundemque in Mercurii caduceo Solis esse symbolum dixerat capite antecedenti; cui & sacrum facit Artemidorus in Oneirocrit. lib. 2. c. 13. Nil frequentius in nummis & ceteris veterum monumentis notatur, quam *Serpentem* Apollinem comitari. Quod vero ad *generationem* spectat, Arnobius lib. 5. & Firmicus de error. profan. rel. cap. 11. tradunt consecratis Sebazio Jovi anguem in sinum demitti solitum, & rursus eximi ab inferioribus partibus: quo denotabatur rerum omnium GENERATIO & productio, quas Solis opus esse, jam satis superque ostendimus.

Corvus denique Mithræ peculiari religione dicatus fuit. Ideo enim *Coracas* seu *Corvos subministrantes* ejus *sacris* vocatos testatur Porphyrius de abstinencia lib. 4. cap. 16. In lapide Romano pag. 27. 4. Ulpius Egnatius dicitur PATER ET HIEROCORAX D. S. I. M. hoc est *Dei Solis Invisi Mithræ*. Et hinc Aegyptios coluisse volucres, quia *Coracina* sacra habebant, colligit vetus Commentator in epist. 1. ad Roman. vers. 23. qui falsò putatur D. Ambrosius, ideoque à PP. Benedictinis doctissimis ejus editoribus ad appendicem tom. 2. rejectus. Quæ verba interpolata retulit Reinesius Class. 1. inscript. 48. Ea sacra HIEROCORACICA appellat lapis alius Romanus pag. 303. 2. In Gemmâ 21. apud Chiffletium *Corvus* appositus est *sideri*, addito *Lauri* ramo. Sidus forte Sol, & Laurus Apollini sacer. sane ipsi Apollini ubique hæc avis comes, ut in nummo Faustinae; & in gemmâ apud Goriæum num. 3. Apollo nudus tripodî sinistro cubito incumbens, dexterâ
ma-

manu ramum protendit ad *Corvum* adstantem, & in gemma anulari num.9. *Corvus* ad tripodem sistitur. Optime ad rem nostram animadvertit Cuperus in Harpocr.pag.71. in gemmâ alterâ (est inter gemmas anulares ejusdem Goriæi num.71.) binos *Corvos* insistere Cornucopiis, & inter illos cerni papaverum capita & binas spicas; quia Sol, subdit eruditus Auctor, omnis fecunditatis parens habebatur. Hunc consule, si *Corvum* Apollini sacrum plenis veterum suffragiis testatum cupias.

In lapide Burattiano, quem delineatum damus, non Cancer, sed *Scorpius* sub ventre Tauri jacet. Hunc *naturam Solis* repræsentare prodidit sæpe laudatus Macrobius lib.1. cap.21. prope fin. At cur in hac ipsâ tabulâ, & in Burghe- sianis haud obscurè, *Scorpius* testes *Tauri*, chelis apprehen- sos, circumplectitur? Latere arcanam significationem & ad nostrum argumentum mirè appositam divino. Diximus So- le in Tauri signo versante rerum omnium vegetationem promoveri. Quo signum oppositum Scorpionis scandente, vegetationem ipsam, ob decrecentem ipsius calorem, mi- nui & deperire necesse est. Itaque appictus est Scorpius Tauri genitalia constringens, ut significaretur, tunc in sub- jecto GENERATIONIS vim seminalem repressam esse & debilitatam. Hinc Aegyptii post Aequinoctium autum- nale, Sole nimirum ad scorpii signum appropinquante, fe- stum quendam diem celebrabant, tunc *Solis baculos natos esse dicentes, quo innuebant*, inquit Plutarchus de Iside & Osirid. pag.372. *Solem veluti fulcro & baculo indigere, & caloris ac luminis aliquam passum esse dinutionem.* & qui- dem in Scorpione Solis natura torpescit, inquit Macrobius lib.1. Sat.cap.21. prope fin. In eam significationem fabulæ referunt genitalia Attidis recisa & dissecta, ad rerum nem- pe vim generatricem & conditricem cohibitam ac debili- tatam ostendendam, ut inter alios pluribus ratiocinatur Julianus Imperator orat.5. in Matrem Deorum, & innuit Sallustius philosophus de Diis & Mundo cap.4.

At

At quoniam, ut Thales Milesius aiebat, & nunc Chymiathræ jactant, aquâ omnia constant, & in aquam resolvuntur; & ex sententiâ Orphei apud Athenagoram Apol. pro Christian. *aqua rerum omnium principium est*, Vas positum ad pedes dexteri pueri jacet in tabulâ Antiæ. Et sanè *Crater juxta Mithram* poni consueverat *pro fonte*, eo quia *aqua concurret ad GENERATIONEM*, inquit Porphyrius pag. 261. Quod dubio procul exprimere voluit sculptor nostri lapidis.

Præter genera animalium jam recensita, aliæ figuræ extant in aliis tabulis Mithriacis incisæ. In Neapolitano, & Saneſiano cauda Tauri desinit in *Spicas*. Burghesianus præfert *Arbores*. Quo designari, *generationem & vegetationem* frugum ac plantarum Mithræ seu Soli tribuendam nullus dubito. Spicas ad fertilitatis symbolum in nummis aliisque monumentis, vel solas vel cornucopiæ insertas, passim inueniuntur.

Pueros utrimque *facem* demissam & erectam gestantes, diem & noctem designare, luce ipsâ clarius est. Nam & hinc Solis imago, & inde Lunæ superimposita conspiciuntur. At variant in hoc schemate lapides. Plerunque quâ parte Sol radiatus refulget, puer facem erigit, è regione Lunæ deprimat: hoc noctis, illud diei symbolum. Contrâ, in nostro fax dejecta jacet, ubi Sol eminet, sub Lunâ elata præluet. Fortasse ita explicandum, ut cum dies est, & Sol cuncta lumine suo illustrat, face amplius opus non sit, ideoque eam puer demissam extinguit: Alter sublimem gestat, quasi noctis tenebras discussurus. At in Burghesianâ Septentrionali, cujus cætypum exhibui, uterque faculam extollit. Luserunt marmorarii, vel utcumque lumen solare præfigurarent, nil pensi habuere situm facis componere. Aut cum hanc tabulâ recentiori manu interpolatam non uno loco appareat, fortasse in alterâ face peccavit imperitus artifex. Cui tamen si fidē manere velis, faces duæ erectæ lumen Solis & Lunæ indicabunt. Nam utrumque sidus, licet di-
spari

spari modo & virtute, lucem emittit. Ita in simulacro Spanhemii, quod descripsi superiori Capite, Sol æque ac Luna facem præfert. Huic rursus tabulæ Burghesianæ singulare est, juvenem quadrigâ vehi, mulierem bigâ: ne locus dubitandi esset, hac Lunam, illo Solem figurari, ut canit Poëta Astronomus lib. 5.

Quadrijugis it Phæbus equis, & Delia bigis.

Licet Pausanias in Eliac. prior. pag. 307. unicum equum Lunæ tributum referat; imò & mulis vectam quosdam tradidisse. Pueruli qui utrumque antecedunt, Phosphorum seu Luciferum, & Hesperum signant; quorum primus diem denotat, alter noctem. Idèò ille facem erectam, hic depressam gestat. Cicero lib. 2. de Nat. Deorum; *Stella Veneris*, inquit *Phosphoros Græcis, Latine Lucifer, dicitur, cum antegraditur Solem, cum subsequitur autem Hesperus*. Scio Poëtas duo hæc sidera, licet verè unum sit, modò curru vecta modò equo sinxisse. At nihilominus potuit opifex nostri marmoris pueros sculperè, tanquam stellas Sole & Lunâ minores, qui juvenili facie etiam absque curru depingebantur. Nam & Lucifer *Sol alter dicitur Plinio, & Vesper vicem Luna reddens*, lib. 2. cap. 8. Si Lucifer ille est Phosphorus, de quo in inscriptione Grut. pag. 88. 13. **BONO. DEO. PVERO. POSPHORO.** jam expressam in nostro schemate pueri imaginem assequuti sumus. Et non semel PH permutatum in P. plura exempla docent. Ita in faxis *Sphaisterium* pro *Sphaeristerium*, *Pilippus* pro *Philippus*, & similes. Utique hæc ad arbitrium fieta: sic in gemmâ apud Pignorium in notis ad Cartarium pag. 297. Luciferi currus, non equis, sed duobus gallis trahitur.

Adhuc Mithriacæ tabulæ non omnia sunt exhausta mysteria. Sculptum in collo Tauri Burghesiani & apud Gruterum notatum, ænigma difficile & inexplicatum remanet, duabus hisce voculis latens: **NAMA. SEBESIO.** Persica esse vocabula ait Gruterus in margine. Bulengerus lib. 1. de Magiâ cap. 4. falsò legit *Nannæ Sebesio Deo Mi-*

thrae; non enim est *Nannae*, nec duo postrema nomina primis adjacent, sed procul in ventre Tauri scalpta sunt, ut videre est in ipso schemate, quod delineatum dedi pag. 160. inde *Nannam* esse *Mitbram* autumat. Muratorius loco quem olim retulimus, magis aptè tria numina efformat, nisi quòd, cùm inscriptionem apud Bulengerum viderit, *Nannam* retinet, & ea vocabula juncta. Attamen libenter ex *Nanna* in lapide irrepsisse *Nama* crediderim, & numen hoc *Nanneam Dianam* intelligendum, ipso præeunte ex testimoniis à Bulengero mutuatis. Nam *Diana*, ut omnes sciunt, eadem cum *Luna* est. At si ulterius ariolari liceat, utriusque nominis schema propiori affinitate me invenisse gratulor. S. Epiphanius lib. 1. hæresi 16, quæ est Phariseorum num. 2. hos memorat Græca ferè omnia astrorum vocabula totidem Hebraicis reddidisse, subditque: *exempli causâ Sol HAMMA & SEMES iis appellatur*. Ita vertit Petavius. Qui in primo vocabulo non Græcam vocem Epiphanii *ἡμα* sequutus videtur, sed ipsam Hebraicam *Chammah*, quo modo apud Nicolaum Serrarium redditur in Minervali cap. 3. *Hamma* itaque quam proximum sit *Nama* nemo non videt. *Semes* literulâ permutatâ abire potuit in *Sebes*, & inde more inflexionis Latinæ dici *Sebesius*. Unde *Nama Sebesio* collo Tauri insculptum nil aliud est, quam *SOL*, eademque ipsa epigraphe in ventre, *Soli Deo Invisio Mitbræ*, barbaris & mysticis characteribus expressa. Nam ex Hebraicâ linguâ plures voces in sua portentosa mysteria, quorum pars *Mithra* fuit, Basilidianos traduxisse palam est. Porro *Sebesius* aliunde quoque *SOL* audit. Nam ipse est *Sebasius*, *Sebadius*, vel *Sabazius*. Quæ nomina Bacchum sanè, sed & Solem præferunt. Auctorem habeo Macrobius, qui lib. 1. Sat. cap. 18. hæc scripsit: *In Thraciâ eundem haberi SOLEM atque Liberum accipimus; quem illi SEBADIVM nuncupantes, magnificâ religione celebrant*. Bacchum Solem esse, post Macrobius, pluribus docet Alexander in tabulâ Heliacâ pag. 23. *Sabazium*

zium verò non tam Jovem sed Bacchum quoque appellatum nemo est qui ambigat. Ità ut valdè mirer, cur doctus vir Muratorius, dum pro Jove stat, se nescire fassus sit, quā auctoritate Heinsius in Aristarcho sacr. Sabazium etiam Bacchum dixerit. Hic sane cap. 1. pag. 705. auctorem nullum laudat: at aliunde id discimus. Loca tantum indico apud Hesychium, Diodorum Siculum lib. 3. ex quo Eusebius de præp. Evang. lib. 2. cap. 2. Scholiasten in Aristophanis Vespas sub initium, quibus addas quos citat Vossius de idololatr. lib. 2. cap. 14. Rursus si adhuc literis velimus ludere, *Nama* ore Romano prolatum *Menin* esse poterit. *Menin* Luna est, accepto nomine à mense, quo cursum suum conficit. Vel barbarus ille deus est, de quo meminit Isajas cap. 65. vers. 10. ubi in textu Hebræo legitur: *Et me requisierunt MENI implentes*, alia lectio habet: *Qui libatis MENI*. Consule Poliglott. Angl. tom. 3. pag. 170. Variè explicant Interpretes, & inter eos aliqui, quos videre poteris in Synopsi Critic. Tom. 5, *Stellas*, seu *Planetas* intelligunt. *Nama* itaque seu *Meni* Luna est. Ita his duobus nominibus, *Nama Sebesio*, notavit opifex lapidis *Solem & Lunam*, quos curru per aëra vectos jam expresserat. Sic omnia in hac tabulâ Mithriacâ inter se connexa & ad mutuam significationem composita dignoscas.

Hic extrâ tabulam manum pono, non extra argumentum, quippe arcanam Mithræ appellationem, doctis variè vexatam, explicaturus, ut ad rerum *generationem* traducam. S. Dionysius Areopagita Epistolâ septimâ ad Polycarpum (nolo enim litem versare de vero auctore) narrans retrocessionem umbræ in horologio Ezechie, Solisque motum tunc, ex ejus sententia, per decem horas contractum, in miraculi testimonium subdit hæc verba ex versione Corderii tom. 2. operum pag. 91. *Attamen id vel maxime sacris Persarum monumentis celebratur, atque etiamnum Magi TRIPLICIS Τριπλᾶσιον Mithri, sive Solis memoriam recolunt.*

Pachymeres in paraphrasi distinctius S. Patris sensum exponit; cui addas S. Maximum in scholiis, & eundem Cor-
 derium qui in notis hæc subicit: *Et quia dies tempore
 Ezechie fere in morâ seu duratione triplicatâ fuit, ideo ait
 Dionysius, Persas triplicis, seu triplicati Solis memoriam cele-
 brare.* Vossius de idololatr. lib. 2. cap. 9. SS. Patrum tes-
 timoniis latè ostendit, hanc sententiam de triplicato illius
 dici spatio esse suspectam, & propterea nomen *triplicis* Mi-
 thræ indè peti non posse. At dum veram ipse causam ap-
 pellationis quærit, fatetur *facilius esse quid sit falsum vide-
 re, quàm verum perspicere.* Tres verò conjecturas subinde
 profert, quæ nullo sunt veterum fundamento innixæ. Joan-
 nes Seldenus de DIs Syris in prolegom. cap. 3. rejicit Græ-
 corum hanc interpretationem, nihil ultrâ Michram *tripli-
 ctem* sollicitans. Mihi in re obscurissimâ conjectanti, primum
 occurrit Arnobius, qui lib. 3. adloquens & irridens Genti-
 les, cum *Liberum*, inquit, *Apollinem*, *Solem unum esse con-
 tenditis numen*, *vocabulis amplificatum TRIBVS*, *nonne
 sententiis vestris deorum imminuitur census?* Sol ergo *tri-
 plex*, trium numinum vocabulis compactus; ut *Diana Tri-
 via* seu *Triformis*, quia etiam *Luna* & *Proserpina* seu *Ce-
 res*. Quod cum vulgò satis sit notum, placet nihilominus ex
 eodem obfirmare: *Dianam, Cererem, Lunam caput esse unius
 dei TRIVIALI germanitate pronunciant, neque ut sunt
 TRINAE dissimilitudines nominum, personarum differentias
 tres esse.* In Sole quoque latet *triplicitas*, quod *præterita
 noverit, & præsentia cernat, & futura visurus sit*, ait Ful-
 gentius Mythol. lib. 1. cap. 16. ideoque *TRIPVS* *Apollini
 adiungunt.* Concinit Suidas in verb. *Tripus. Apollinis TRI-
 PVS fatidicus dictus, vaticinans TRIBVS temporibus, præ-
 senti, præterito, & futuro.* Si Persas ipsos consulamus, qui-
 bus Sol *triplex* fuit dictus, *Darius* apud Q. Curtium, ver-
 bis ante recitatis, contestatur *Solem*, *Mithram* sacrumque
Ignem, numen unum, ut ostensum est, *triplici vocabulo ap-
 pella-*

pellans. Hæc profectò nominis causa potior mihi est. Pergam tamen, cum in Juliano, qui plura de Sole ex Persarum & Aegyptiorum philosophiâ ineptivit, nomen hoc ipsum & significationem hucusque traditam, deprehenderim. Nam Solis, quem Mithram quoque vocat, *triplicem efficientiam* commemorat, in orat. 4. pag. 294. quæ appellatio ad ea refertur, quæ ante pag. 278. paullo obscurius disseruerat. Sol enim ait *quadrifariam* signiferum circum secat, unde TRIPLEX ad nos gratiarum largitio proficiscitur, ex iis videlicet circulis, quos deus ille *quadrifariam* tribuens, *quadripartitam annuarum tempestatum gratiam* immittit. Hæc ex Mathematicis sunt desumpta, qui in quatuor partes Zodiacum secantes, cuique tria signa, quatuor anni tempestates discriminantia, deputant, quas partes ideo TRIGONOS appellant. Hinc igitur *triplex* Solis efficientia, ob quam *parens tempestatum* Sol est, & Zodiacum *quadrifaria* triplicitate distinctum percurrentes, singulis anni temporibus fecunditatem dispensat,

Etque, ut ait Aratus, circa hunc eunte

Circulum, adolescunt omnes frugifera tempestates.

Et hinc denique *triplicis* nomen apud Persarum magos adeptus est Mithra. Plutarchus quoque rerum genesis *triplici* ratione constare docet in libello de Iside & Osirid. pag. 373. ubi *Aegyptios*, ait, *universi naturam* comparasse *triangulo*, *cujus lineâ rectum angulum alteri insidente marem, basî feminam, subsistente prolem utriusque representari.* Ergo ex *triplici* hac terminorum communione tota rerum omnium GENERATIO consurgit. Cujus equidem generationis cum toties Solem seu *Mithram* auctorem & patrem ostenderimus, jam nil mirum videtur *triplicem* eum fuisse appellatum. Macrobius quoque *Tricipitem* Solem facit lib. 1. cap. 20.

At verò ut tandem nostram Tabulam Antiatem ceterasque dimittamus, hoc unum reliquum est observatione di-

dignum, eam ipsam ostendere, apud Antium *Mithram* cultum, & sacra Mithriaca celebrata fuisse. Præterea & *Antrium* seu *Speleum* inibi conditum & dicatum, in quo ipsa sacra agebantur. Nam uti testatur Porphyrus pag. 263. *ubicunque Mithram agnoverunt Gentiles, eidem deo specubus sacra faciebant.* Sanè ubi nostræ tabulæ fragmenta repperita sunt, quò nempe vetus navale desinit, & solum veluti in collem, cui Civitas erat imposita, assurgit, quædam adhuc visuntur loca cavernosa & interni recessus, quorum aliquem *Mithræ specum* fuisse facile judicaveris,



CAPUT V.

Ad sacra Mithrae praeluso. Ea sub antris agebantur, ubi & initia sub figuris ferarum tradita, earumque vocabulis Sacerdotes appellati. Erasmi allucinatio. Marianus Victorius, Bulengerus, Pamelius, & Faber notantur. Sacrorum Mithrae varia genera. Quid sit tradere Leontica &c. & ostendere Cryphios; unde inscriptiones antiquae explicatae. Sacerdotes formis animalium induebantur. Archelai locus emaculatus. Undenam Manetis error de duobus principiis. Quid sit Cervulum facere. Initia sacrorum Mithrae ex Christiana religionis ritibus & Sacramentis petita. Quis deus Pileatus apud D. Augustinum. Per immania varii generis tormenta initiandi transibant. In sacrificiis Mithrae humana victima immolabantur. Lampridius explicatus. An Mithrae lucus sacer? unde Graeca inscriptio Divionensis explanatur, & Liceti interpretationes expendantur.



ACTENUS superstitiosa Gentilitas, penè dixerim innocenter, ineptiisse videbatur, dùm abditas rerum causas & naturæ majestatem sub fictis MITHRAE vocabulis & sculptis imaginibus ac symbolis recondere, atque à vulgi oculis arcere conata est. At supra fidem sunt & rationis aleam quæ inter ejus sacra & initia immiscuit superstitio-num deliramenta & religionis portenta: polluta sacrificia, nefandas ceremonias, scelestæ mysteria, profana sacramenta, sacerdotesque suo simul cruentatos & initiatos sanguine. Hæc dum horrenti & attonito calamo persequor, ne quis existimet Christiano viro, ac veri Numinis sectatori alienum, falsos & inanes Ethnicorum deos ritusque vanos ab obscurâ antiquitatis latebrâ in lucem revocare & legendum oculis prodere. Nam id in religionis nostræ argumen-

mentum conducet & Dei O.M. laudem, qui discussâ pridem erroris caligine & impio idolorum cultu profligato, verum sanctumque Evangelii patrimonium nobis in hereditatem reliquit, & fidem, sanguine Filii sancitam, in symbolum & tesseram æternitatis condidit. Ut dum Gentilium insanias horremus & proscindimus, maneat nostræ religionis amor; & pietas, comparatione indictâ, altius animis infideat. Narrat Socrates histor. eccles. lib. 5. cap. 16. Theodosium, qui pietate potius quam rerum gestarum famâ Magni nomen adeptus est, cum idololatriæ reliquias acerrimo edictorum gladio præcideret, ex innumeris deorum signis, quæ in alios usus conflare iusserat, unum reservasse omnino turpius ceteris, quod ad posteritatis memoriam in loco celebri & propatulo defixit. Quo facto Gentilibus adeo displicuisse subdit historicus, ut Ammonius Grammaticus dicere soleret, malè cum deorum veneratibus unâ re hac actum esse, quorum unâ ludibrium & dedecus perpetuum id monumentum esset erectum. Hoc utilitatis argumentum revelata impiorum mysteria conferent: & Mithræ sacra ex antri sui latebris educâ, turpitudinem falsæ religionis & Dei potentiam & gloriam in conspectum producent.

Dixi ex Porphyrio, Zoroastrem primum omnium montibus Persiæ vicinis *antrum nativum, floridum fontibusque irriguum, in honorem Mithræ consecrasse*. Hoc more, simul cum Mithræ religione, à barbaris in Romanum Orbem inducto, passim *antra & spelæa* ei dicata & condita sunt, quæ Templorum vice sacris peragendis deputabantur. Romæ non unam ejusmodi speluncam fuisse exempla lapidum, quæ jam exscripsi, palam faciunt. Ibi enim **DEO SOLI INVICTO MITHRÆ ZOSIMVS SPELEVM CONSTITVIT**, aliudque simile **SPELEVM TIBERIVS CLAVDIVS VOTI COMPOS DEDIT**. In eâ Capitolii parte, quæ Aquilonem spectat, templum subterraneum, ibique Mithræ simulacrum repertum fuisse

ex Mormillio refert Gruterus inſcript. 4. pag. 34. eaſque cavernas, cum effigie & inſcriptione, à ſe viſas teſtatur Juſtus Rycquius de Capitol. cap. 42. in fin. *Spelæi* Mithriaci meminere, Tertullianus de corona mil. in fin. Juſtinus Martyr dialog. cum Tryphone pag. 296. & 304. & S. Hieronymus epiſt. 7. ad Lætam. Quorum loca jam viris doctis haud ſemel ſunt producta. Nondum vero quiſquam retulit egregium teſtimonium S. Paulini, cui Cl. Muratorius cum alijs ejuſdem operibus recens lucis uſuram donavit. Perſtringens S. Vates falſa gentilitatis numina & inſanam ſuperſtitionem, de *Inviſto* ſeu *Mithra* hæc canit.

Quid quod & Inviſtum ſpelæa ſub antra recondunt,

Quæque tegunt tenebris, audent hunc dicere Solem.

Quis colat occultè lucem, ſidusque ſupernum

Ceſet in infernis, niſi rerum cauſſa malarum?

Eodem argumenti genere uſus eſt Firmicus de error. prof. relig. cap. quinto ſæpius mihi laudato. *Hunc*, inquit, *Mithram* dicunt. *Sacra* vero ejus in ſpeluncis abditiſ tradunt, ut ſemper obſcuro tenebrarum ſquallore demerſi, gratiam ſplendidi ac ſereni luminis non videant. Profecto tenebris damnanda erant deliria ſacrorum & impiæ ceremoniæ, quæ antris Mithriacis peragebantur. Reperies barbaras vocabulorum effigies, auribus quoque graves, & ut ait S. Hieronymus loco proximè indicato, *portentosa ſimulacra quibus Corax, Niphus, alii rectius legunt Gryphus, Miles, Leo, Perſes, Helios, Bromius, Pater* initiantur. Eraſmus peſſimè corruptit hæc vocabula, dum ea non intelligens, ingenti allucinatione, in Urbes ſingulas transformavit. Perperam quoque Marianus Viſtorius putavit, deorum nomina hujusmodi formis inſignia eſſe, quòd belluas omnis generis veteres colerent, & ſub animalium ſpecie deorum ſimulacra efformarent. Nam dum S. Pater Coracem, Gryphum &c. *initari* dicat manifeſtum eſt de hominibus loqui, qui ſub iis figuris Mithræ ſacra ſuſcipiebant. Quibus ſuſceptis adhuc eadem appellatio manebat, teſte Porphyrio lib. 4.

de abſtinentia cap. 16. ubi hæc ait: *Magi apud Perſas ſacerorum Mithra participes, ſymiſtas Leones vocabant, homines ſcilicet, feminas vero Leænas, ſubminiſtrantes autem Corvos; Quo teſtimonio deceptum Bulengerum apparet, qui lib. 1. de Magia cap. 4. licet Perſis idem Mithram & Solem fuiſſe fateatur, diſtincta tamen ſacerdotia, & feminas Solis, mares Mithræ ſacerdotes fuiſſe autumat. Unde Juſtinus, quem in argumentum vocat, ubi lib. 2. cap. 10. Artocerſem narrat Solis Sacerdotio Aſpſiam Cyri pellicem præfeciffe, quo perpetua illi ab omnibus viris pudicitia imperabatur, de Mithrâ certe eſt intelligendus. Subdit Porphyrius, qui illis ſacris quorum ſymbolum eſt Leo, initiatus eſt, omnimodis animalium figuris induitur. Diſtincta & multiplicia fuere ſacra Mithriaca: nam *Leontica, Coracica, Gryphica* memorantur in inſcriptionibus. Soli ergo initiati *Leonticis*, ut innuere videtur Porphyrius plures animalium figuras induebant; ceteri, ut puto, eam tantum effigiem, cujus nomen gerebant, ut initiati *Coracicis* Corvi, Gryphi quorum ſacra ad *Gryphios* pertinebant. Tertullianus lib. 1. adverſ. Marcion. cap. 13. Mithræ ſacerdotes eodem vocabulo *Leones* vocavit: *Sicut arida & ardentis naturæ ſacramenta, Leones Mithræ philoſophantur.* In quem locum male notavit Pamelius, Deo Mithræ *Leones* attributos currum ejus traxiſſe. Eumque pejus detorquet Petrus Faber lib. 3. Semeſtr. cap. 2. in fin. ad *Leones* currum Cybeles aut Junonis trahentes, ut Mithram Deam feminam faciat. Nam *Leones* philoſophatos fuiſſe, nec fabulæ unquam ſomniarunt. Loquebatur Septimius de ſepulturâ & inventionem Oſiridis, quæ profana myſteria *reciprocationem frugum & vividorum elementorum* interpretabantur *Leones Mithræ*, ejus ſcilicet ſacerdotes, quos *Leones* vocatos mox ex Porphyrio didicimus. Ceterum eodem loco ait Porphyrius magos Perſarum hiſce Mithræ myſteriis ſignificari *transmigrationem animarum; noſtram enim cum animalibus convenientiam ſubinnuentes, eorum nominibus nos indigita-**

gitare solebant : licet ex vulgi opinione subdat, ea animalia ad Zodiaci circulum respicere.

Tàm ergo initiandi quàm Sacerdotio jam inaugurati singula nominum portenta, quæ B. Hieronymus recitat, inducunt. Hinc diversa sacrorum Mithræ genera fluxerunt, iisdem vocabulis appellata, puta *Leontica*, *Eliaca*, *Patri-ca*, *Persica*, *Coracina*, quorum mentio est in inscriptionibus apud Gruterum locis inferius indicandis, ubi & Gryphios reperies. Reinesius Class. 1. inscript. 48. & in epist. 69. ad Rupertum pag. 647. dum nomina Hieronymo memorata explanat, singula hæc eruditè percurrit. Egregiam quoque iisdem operam navavit Gutherius de vet. jure Pontif. lib. 1. cap. 25. cui tantùm aliquid de laude demas, quòd ad sacra Iſidis & Osiridis pertinere voluerit. Macarius non paucæ tradidit, plura Chiffletius, in suo quisque eleganti de gemmis Abraxeis libello. At in hæc sacrorum arcana non satis, opinor, viri docti introspexerunt. Nam cùm lapis 4. pag. 1087. ita loquatur :

DATIANO. ET. CEREALI. CONS
NONIVS. VICTOR. OLYMPIVS. V.C
PP. AVR. VICTOR. AVGVSTIVS. V.C.P
TRADIDERVNT. PERSICA. PRI. NON. APRIL, FEL
CONS. SS. TRADIDERVNT. ELIACA
XVI KAL. MAI. FELIC
OSTENDERVNT. CRYFIOS. VIII
KAL. MAI. FELIC

codemque modo in aliis *tradita* dicantur *Leontica*, *Coracica*, *Patrica* & *offensi Cryfi*, arbitrati sunt, hæc Sacra Mithræ referenda esse ad initiandos. Quippe *tradere* & *accipere* verba sacrorum sunt, & traditio ab initiatis accepta dicitur, inquit Gutherius. Quem fugit egregius locus Appulei lib. postremo Metamorph. in fin. ubi dum tertium esset suscepturus sacra Osiridis, cogitabat suspensus, quod *subscituum*, quamvis *iterata* jam traditioni *remanisset* : & paullo post Dei imagine se monitum ait, quod *futura sa-*

erorum traditio *perneceffaria* effet. Poterat etiam *sacra*
initiato ostensa & ipse videre apud Themistium, qui
 orat. 20. in Patrem pag. 235. edit. Harduini, ab Antistite
 simulacrum Dei *initiato* conspiciendum præberi refert;
 & Dio Chrysostomus orat. 12. pag. 203. edit. Paris. *ini-*
tiantum multa videre arcana spectacula ait. At vero
 quamvis iis nominibus initiari novitios sacrorum Mithræ,
 & figuris animalium indui, ex Hieronymo & Porphyrio,
 non negaverim, attamen *Leontica*, *Coracica* &c. de quibus
 nostri lapides, non initiandis, sed populo, cum sacra Mi-
 thræ & sacrificia publice agerentur, *ostensa* & *tradita* fuisse
 arbitror. Suadet quoddam privata hominis alicujus inaugura-
 tio publicis monumentis, & sollempni Consulum adnotatio-
 ne, non fuisset exsculpta. Præterea statis diebus, & quidem
 diversis, singula hæc spectacula peracta fuisse observo. In
 inscriptionibus pag. 303. & 1087. *tradiderunt Eliaca* XVI.
 KAL. MAI. *Persica* PRI. NON. APRIL. *Leontica* XVI.
 KAL. APR. & V. ID. MART. *Coracica* VI. ID. APRIL.
Ostenderunt verò *Crysfos* uno & altero anno VIII. KAL.
 MAI. Quo patet hæc sacra fuisse statæ & sollempnia, ut vo-
 cat Festus, quæ singulis annis peragebantur, ut Eleusina,
 Iſiaca, & alia quæ notantur in veteribus Calendariis, &
 passim apud Scriptores. Hinc Langius lib. 1. de annis Chri-
 sti cap. 12. quoddam hæc sacra anniversaria essent, & singulis
 annis instaurarentur, demonstrare contendit, annos Luna-
 res ex 360. diebus à Græcis usurpatos fuisse. Nam cum in
 faxis indicatis tradita dicantur *Leontica* XVI. Kal. Apr.
Daciano & *Cereale* Coss. & iterum IV. Idus Martias Euse-
 bio & Hypatio Coss. priora scilicet anno Christi 358. poste-
 riora anno proximè sequenti 359. à die 17. Martii primi
 anni ad 12. ejusdem mensis anni sequentis, evoluti erant
 dies 360. At præterquam in Gruteriano lapide, quem ipse
 Langius laudat, non dies IV. Idus Martias, sed V. signatur,
 unde ab uno ad alium annum decursi erant tantummodò
 dies 359. vix induci possum, ut credam post Julianam cor-

rectionem Romanos unquam annos ejusmodi Lunares, & menses tricenarios in usu habuisse. Nostri enim lapides non in Græciâ sed Romæ sculpti sunt. Præterea apud Gruterum duabus inscriptionibus p. 303. 2. & p. 1087. 4. notatur eodem ipso die VIII. Kal. Maij ostensos fuisse *Cryphios*, anno 358. & 376. unde patet evolutis annis octodecim ad eundem diem hæc sacra peracta fuisse. Quod si anni fuissent Lunares, non ita accidisset. Hinc statim annuatim die tam *Cryphii* ostensi, quam *Leontica* tradita, & hæc quidem semel & iterum, videlicet undecimo & septimo decimo die Martii. Non prætermittam omnia, quæ memorantur in saxis, sacra nea *Mithræ*, *Eliaca*, *Coracica*, *Leontica* &c. Martio & Aprili tradita fuisse, vere scilicet decurrente, sub Ariete & Tauro, quæ *Mithræ* sunt signa dicata, ut ex Porphyrio didicimus cap. 3, quia tunc Sol omnia ad generationem aperit & provehit.

Porro sacra *Mithriaca* præscriptis diebus peculiari ritu & pompâ publicè spectanda ab *Épopis*, & reliqua sacerdotum & ministrorum turbâ ducebantur. Nostri inter hæc esse censenda, videntur palàm facere præsertim inscriptiones, quibus *ostensos* fuisse *Cryphios* memoratur. In *Bacchanalium* pompâ, quam ducebat *Liber*, *alter erat*, inquit *Firmicus de error. prof. relig. cap. 6. nigro amictu teter, alter OSTENSO angue terribilis, alter cruentus ore &c.* Eodè modo *ostensos* *Cryphios*, eorum scilicet figuras, publicè festis diebus *Mithræ* arbitror. Nam *ostensio* proprie de pompâ & publico spectaculo dicitur. *Isidorus lib. 18. cap. 2. Pompa dicta est Græca significatione à πομπήν hoc est publice OSTENTARE.* Et *Statius Theb. 8. v. 239.*

———— *nigri vexilla triumphi*

Liber & ignotos populis OSTENDERET Indor.
Apud *Lampridium in Alex. Severo cap. 33. OSTENSIO-NALES* milites sunt qui ad solam pompam & *ostensionem* adhibebantur, uti explicat *Salmasius*; qui subdit *ostensionem* idem esse ac Græcis *παράδειγμα*, quæ vox publicam pompam signat.

signat. Quamobrem *Leontica*, *Coracica* &c. per sacerdotes Mithræ publicè spectanda populo exhibebantur. Et sanè diverso ceremoniarum ritu: nam diversis diebus & nominibus commissa sunt. At quænam ex ceremoniæ fuerint, præsertim in *Eliacis*, *Perficis*, & *Patricis* non ausim divinare. Tantùm constare videtur, prima à *Sole* denominari, secunda à *Perfis*, unde religionis Mithræ origo, postrema à *Patribus* vel *Patratis* qui Mithræ sycophantæ & digniores sacerdotes erant, ut in lapide pag. 28. 2. & 34. 9. Et ideo distincta nomina, quia quodque sacerdotum genus sua sacra distinctis diebus celebrabat. Cetera sacra, quæ ab animalibus nomen accepere, ut *Coracica*, *Leontica*, & *Gryphia*, nullus dubito, sub figuris eorundem animalium tradita fuisse. Et quidem vel sacerdotes vestes iisdem simulacris ferarum depictas & figuratas gestitabant, ut de se ipso, cum initiaretur, refert Appulejus dicto libro non longè à fine: Nam iisdem & postea usos vel ex hoc patet, quòd sacerdos quam vestem in auguratione induisset, nunquam postea abiciebat. Vel etiam sacerdotes ipsas imagines animalium assumebant, cùm Porphyrius asserat *omnimodis ferarum figuris* indutos fuisse, & ità sacra peragebant. Unde ea fluxerunt sacrorum nomina, ut scilicet quæ ducebantur à sacerdotibus formis Leonum indutis *Leontica* dicerentur, & ita de aliis. Quod sanè ridendum spectaculum, & histrionicam representationem, nonnisi insanis Gentilium oculis diaboli fraude obcæcatis in re sacrâ tolerandam, sapiebat. Quò respexisse puto Archelaum Episcopum Mesopotamiæ in disputatione habitâ cum Manete, ubi eum peregrisse ait mysteria Mithræ tanquam *ludionem* & *mimum*: cum scilicet Manes illius Sacerdos, sub huiusmodi ferarum imaginibus scenicam personam representans, ludicra sacra exhibuisset. Egregium hoc testimonium in nostram sententiam, acceptum fero Laurentio Zacagnio, doctrinâ & omnigenâ ecclesiasticæ eruditionis peritiâ Præfecturam Bibliothecæ Vaticanæ promerito, qui eam disputationem, una cum aliis

Patrum ineditis monumentis, nuper vulgavit. Verba sunt hæc ex pag. 63. *Barba* (editor rectè restituit *Barbare*) *Sacerdos Mithræ & collusor, Solem tantùm coles Mithram locorum mysticorum illuminatorem, ut opinaris, & consciùm, hoc est quod apud eos LVDES, & tanquam elegans MIMVS perages mysteria.* Amicè ferat Cl. Zacagnius, me manum in ejus melle ponere. Legendum arbitror *ludus*, vel *ludius*, ut sit casus nominandi respondens sequenti vocabulo *mimus*. Veteribus enim *ludio* dicebatur etiam *ludus* & *ludius*. Juvenalis Sat. 6. vers. 82.

Nupta Senatori comitata est Hippiæ ludum.
ut legit Salmastius: & Satir. 11. v. 20.

————— *veniunt ad miscellanea ludi.*

Ludium usurpavit Cicero pro *Sex. ille ipse maximus Ludius, non solum spectator, sed actor.* Et Ovidius de Arte lib. 1. vers. 112.

Ludius æquatam ter pede pulsat humum.

Porro licet Juvenalis *Ludum* pro gladiatore accipiat, frequentius ea vox *histrionem* ac *mimum* significabat, ut in ceteris exemplis, idemque erat ac *Ludio*. Manetes igitur Archelao est *Mimus*, & *Ludus*, qui sub ferarum formis more histrionico mysteria Mithræ peragebat, unde & ejus *collusor* dictus. Conjecturam hoc loco addam, quoniam de Manete sermo est. Narrat Plutarchus de Iside & Osirid. pag. 369. Persarum Magos ex Zoroastris sententiâ, duos Deos statuisse inter se contrarios, *Oromazan* & *Areimanium*, quorum unus mala, alter bona conficeret, interque eos medium esse *Mithram*, quem idcirco *mediatorem*, idest *mediatorem* seu *intermedium* nuncupabant. An non igitur à Mithræ Sacerdotibus nefaria Manetis doctrina de duobus principiis, uno bono altero malo, fluxit, quam primùm Scythianus, deinde Terebinthus, è cujus libris Manes ipse hausit, impie docuerant? Mithra certe Deus ille *mediator* idem est ac *murus*, quem fingebat Manes intermedium inter bonum & malum, de quo plura in memorata disputatione Archelai

lai pag. 39. Porro Terebinthum, seu Buddam sermones habuisse de duobus principiis cum Mithræ editis & sacerdotibus refert Epiphanius hæc. 66. de Manichæis num. 3.

Si quis modum quærat, quo sacerdotes Mithræ animalium figuras inducunt, dabo exemplum non dissimilis spectaculi apud ipsos Romanos, quod describit Halicarnasseus lib. 7. pag. 477. *amicti erant, inquit, tunicis villosis, quas quidem appellant scortas, amiculisque confectis ex omni florum genere: qui verò satirorum speciem induerant hircinis se pellibus incinxerant, horrentesque in capite gerebant setas.* Propius expressere SS. Patres, dum Christianos increpant, qui morem insanum nondum cum gentilitate exuerant. S. Augustinus serm. 215. de tempore, qui in edit. Monachorum S. Mauri tribuitur Cæsario in appendice serm. 265. tom. 5. part. 2. *Si adhuc agnoscat aliquos illam sordidissimam turpitudinem de hircinula vel cervilem exercere, ita durissime castigat, ut eos pœniteat rem sacrilegam commisisse.* Induebantur enim horum animalium figuris, ut idem Cæsarius explicat sermone 129. ejusdem append. *quis enim sapiens poterit credere inveniri aliquos sana mentis, qui cervulum facientes, in ferarum se velint habitum commutare? Alii vestiuntur pellibus pecudum, alii assumunt capita bestiarum, gaudentes & exultantes, si taliter se in ferinas species transformaverint, ut homines non esse videantur.* Bollandus sermonem hunc adscribit Faustino Episcopo, ad diem 1. Januarii tom. 1. pag. 2. Agebantur hæc laruatorum ludicra Kalendis Januariis, ut ex hoc sermone & sequenti 130. apparet. Unde in Concilio Antissiodorensi Can. 1. statuitur: *Non licet Kalendis Januariis vetula aut cervolo facere.* Videas etiam, si lubet, Burchardum lib. 19. cap. 5. & epistolam S. Bonifacii Episcopi Moguntini ad Zachariam P. c. 6. Quæ Conciliorum & Patrum monita frustra sunt, dum eadem larvata deliria per licentiam dierum bacchanalium adhuc in nostros mores invadunt.

Verum ad Mithræ initiationes redeo, quæ impio mysterio-

steriorum ritu perficiebantur. Iis quippe ad imitamentum sanctiorum Christianæ religionis Sacramentorum compositis, per gradus profanæ augurationis telex ad sacra capeffenda informabantur. Nec ausim secus ea describere, quam ipsismet verbis Tertulliani de Præscription. cap. 40. *Tingit & ipse diabolus quosdam, utique credentes & fideles suos, expositionem delictorum de lavacro repromittit, (in libro quoque de Baptismo cap. 5. initiatos fuisse per lavacrum commemorat) & si adhuc memini, Mithra signat illic in frontibus milites suos celebrat panis oblationem, & imaginem resurrectionis induit, & sub gladio redimit coronam.* Ut verò Eucharistiæ imago luculentius adumbraretur, panis & poculum aquæ ponebatur, verbis quibusdam additis, uti refert Justinus Martyr Apolog. 2. pag. 98. edit. Græcolat. Parisiensis 1615. Qui rursus in Dialogo contra Tryphonem pag. 296. Sacerdotes Mithram è petra natum docentes, & suos instantes in specu, imitatos fuisse ait prophetica verba Danielis & Isajæ, ubi ille cap. 2. *lapidem absque manibus de monte abscissum memorat, hic verò cap. 33. de Christo prophærat: Habitabit in excelsa specu petre fortis. Panis dabitur ei, & aqua ejus fidelis.* Iterum Tertullianus de Coronâ mil. in fin. exprobrans fidelibus, quòd caput Christi diademati reservatum, rosas & auro damarent, initia sacerdotum Mithræ eleganter sic exponit: *Erubescite commilitones ejus (Christi) jam non ab ipso judicandi, sed ab aliquo Mithræ milite, qui cum initiatur in spelæo, in castris vere tenebrarum, coronam interposito gladio sibi oblatam, quasi minimum martyrii, de hinc capiti suo accommodatam, monetur obviâ manu à capite pellere, & in humerum, si fortè, transferre dicens, Mithram esse coronam suam.*

Huc refero egregium locum S. Augustini, qui victum Leonem diabolum sanguine Domini Agni enarrans hæc ait in cap. 1. Joan. tra&. 7. num. 6. edit. Benedictin. tom. 3. part. 2. pag. 344. *Ergò nescio quid simile imitatus est quidam spiritus, ut sanguine simulacrum suum emi vellet, quia nove-*

rat pretioso sanguine quodcumque redimendum esse genus humanum. Deus Mithra hic est impius spiritus, qui suos milites mimos martyrii cogebat redimere coronam interposito gladio, ut ait Tertullianus; & sanguine inter immanes cruciatus, quos inferius describam, simulacrum suum, ipsis ita initiatis concreditum, emi volebat. Nam & apud eundem Septimium *Mithram*, eo cruento pretio emptum, dicebant esse coronam suam. Sequitur Augustinus: *Usque adeo ut illi ipsi qui seducunt per ligaturas, per præcantationes, per machinamenta inimici miscent præcantationibus suis nomen Christi: quia jam non possunt seducere Christianos, ut dent venenum, addunt mellis aliquid, ut per id quod dulce est, lateat quod amarum est, & bibatur ad perniciem.* Nomen Christi magicis præcantationibus immixtū arguit designari Basilidianos & ceteros portentosa artis magistros, & diaboli discipulos, qui divino illo nomine aliisque ex Sacra Scriptura depromptis abutebantur in amuletis suis & telesmanicis præstigiis. Porro illi & *Mithram* invocabant colebantque. Cujus quoque Sacerdotes *mel* initiatis tradidisse, ex Porphyrio mox ostendam. Tandem Augustinus digito monstrat *Mithram* his quæ statim subdit: *Usque adeo ut ego noverim aliquo tempore illius Pileati Sacerdotem solere dicere: & ipse Pileatus Christianus est.* Quis iste *Pileatus* nisi *Mithra*, quem passim pileolum seu mitram aut tiam gestare videmus & legimus? Hæc enim vocabula idem sonant vel uno Hieronymo teste ad Fabiolam: *Quantum genus est vestimenti rotundum pileolum hoc Græci & nostri Τίγαν nonnulli galerum vocant.* Augustinus vocem Latinis frequentius usurpatam scribere maluit, quam alias barbaras & peregrinas. Imò & *Pileus* Persarum fuit, attestante Herodoto lib. 7. cap. 62. ubi hac ipsâ voce *πίλον* utitur, & Strabo lib. 15. pag. 733. Itaque *Pileatus* *Mithra* est. Cui enim alio ex diis, quos pileatos confinxere antiqui, ea omnia quæ suo Pileato tribuit Augustinus, aptari possint non video. Pileo donatur Mercurius, Castores pileati

leati incedunt, Ulysses cum pileo seu galericulo pingitur, Attidem Phrygia tiara quandoque exornat. At nusquam in eorum sacris & mysteriis vel simulacrum sanguine com-
ptum, aut mel exhibitum, aut magica incantamenta, seu denique Christi symbola & nomen usurpata simul compe-
rimus. Porro si hoc Augustini cum ceteris, quæ produxi, sanctorum Patrum testimoniis conferas, ita omnia Mithræ mysteria ad Christianorum rituum & Sacramentorum imi-
tamentum ficta & composita reperiēs, ut mirum non sit, sacerdotem illum, ad seducendos impiā nominis profana-
tione Christianos, suum *Pileatum* seu *Mithram Christianum* vocasse. Imò Manichæi, quorum nefarium ducem Mithræ addictum vidimus, Solem, qui Mithra est, ipsummet Chri-
stum putabant, teste eodem Augustino in Joan. cap. 8. tr. 34. pag. 534.

Quæ sequuntur militum Mithræ initia, non ad timo-
ris speciem comparata, sed sincera & vera martyrii argu-
menta sunt. S. Gregorius Nazianzenus oratione 3. Stileut.
in Julianum pag. 77. tom. 1. edit. Paris. 1630. in *sacris Mi-
thræ adhibitis*, ait *cruciatu*, *justasque*, *aut etiam mysticas*
ustiones, & orat. 39. in sancta lum. pag. 626. vocat *justum*
eorum supplicium qui Mithræ sacris initiari sustinent. Nul-
lus quippe sacris Mithræ initiari poterat, nisi plura proba-
tionum genera & cruciatu corpore suo exceperet, fortitu-
dinisque in perferendis laboribus specimen, & *se sanctum*
& *perturbationum immunem esse demonstraret*, ait Suidas
in verb. *Μίθρα* pag. 162. tom. 2. Eò spectat ritus ille, ut *qui*
Leonticis sacris initiabantur, *aqua loco mel manibus lavandis*
affundebant, quo jubebantur, inquit Porphyrius de antro
Nymph. pag. 260. *manus ab omni malo noxioque scelere pu-
ras habere*. Immo & *linguam melle ob omni peccato expurga-
bant*. Gradus tormentorum *octuaginta* enumerat Nonnus
(non Elias Cretensis, uti malè citat Barthius ad Statii lo-
cum sæpius laudatum) in collectione historiarum ad eandē
investivam Nazianz. advers. Julian. num. 5. & 45. Hi

verò serie quadam suscipiebantur, *primum quidem levioribus suppliciis, deinde atrocioribus inflictis*. Nam *primum ei diebus multis aperienda est aqua*. Deinde *necessario ipsi faciendum est, ut se in ignem coniiciat: postea in solitudine versari, sibi que ipsi inediam imperare necesse habet; atque ita ad alia pergere quousque LXXX. suppliciorum genera defunctus fuerit. Quibus si supervixerit, tunc demum sacris Mithriacis initiatur*. Sunt verba Nonni num. 45. Immanis tamen hic numerus corrigendus videtur eidem Barthio & ad duodecim probationum gradus arctandus, ex Eliâ Cretensi in oratione 3. ejusdem Nazianzeni num. 64. & 83. At is cum numerum ad tormentorum genera, ultionis, famis, flagellationum & hujusmodi definivit, quæ potuerunt repetitis vicibus usque ad octoginta gradus iterari, ut sic Nonno cum Eliâ conveniat. Nam & Nicetas Episcopus ad eundem Nazianzenum, *in ipso probationis ingressu, inquit, per quinquaginta totos dies eos fame cruciant, deinde duos dies flagris cadunt, tum in nivem viginti dies immittunt*. Imò in antiquissimo ms. Codice septingentorum annorum, qui in Bibliothecâ Laurentianâ Serenissimi Magni Ducis asservatur, hic ipse Nicetas octoginta probationes recenset, quo Nonni testimonium amplius fulcitur. Cum hisce jam scriptis prælum propè immineret, clarissimus Montfauconius, quæ ejus est humanitas, & in hac nostrâ lucubratione, cui aliquandò calculum suum detulit, exornandâ studium, dum Florentiæ moratur in itinere ab Urbe in Galliam suam suscepto, textum ipsum Græcum ex eodem Codice descriptum ad me datis literis transmisit, additâ eleganti interpretatione Latinâ. Hæc autem Scholiastæ sunt verba: *Mithram alii alium esse arbitrati sunt: quidam scilicet Solem, alii inspectorem seu moderatorem ignis, alii propriam quandam virtutem*. Hujus autem Mithræ mysteriis quedam initiationes sunt maximè apud Chaldaeos. Qui Mithræ mysteriis initiabantur, quibusdam ceu gradibus cruciatûs probari solebant: itaut primum leviori penarum genere adficerentur, ac

deinceps vehementiore. Exempli causâ, primo initiandos fame adflegebant quinquaginta diebus, ac si hæc constanter tolerarent, illos biduo cædi curabant, ac deinceps eodem pene genere singulos exercebant viginti octo diebus: eoque pacto auctis cruciatibus, si qui initiabantur hæc patienter ferrent, tunc demum perfectiora mysteria edocebantur. Si numerum colligas probationum, quinquaginta scilicet famis, duo flagellationum, repetito eodem genere pænæ per alios viginti octo dies, ipsosmet octoginta gradus Nonni deprehendes. Videas præterea Mithram aliquibus fuisse *inspectorem* seu *moderatorem* ignis, quem *Renem ignis* in vulgatâ Nicetæ versione vocatum alibi diximus. In Codice Florentino est ῥενορ, quæ vox corruptè potuit immigrasse in νενορ, hoc est *renem*. Et sanè ea lectio magis arridet; nam *inspector* & *preses* ignis terreni est Mithra seu Sol, qui eum conservat & fovet, uti putarunt veteres maximè Persæ. Quos inde nil mirum ejusdem ignis cultum retulisse ad suum præsidem & conservatorem, Solem videlicet seu Mithram, ut observabam capite secundo.

Polluisse hæc profana mysteria sacerdotum sanguine per tormenta & cruciatus non satis fuit, nisi & victimarum humanarum crudeli & immani sacrificio contaminarentur. Homines enim mactatos Mithræ innuit Porphyrius de abstinentia lib. 2. cap. 56. ubi ex Pallante, qui collegit Mithræ mysteria, narrat, Hadrianum Imp. propè omnes *humanæ hostiæ mactationes sustulisse*. Nonnullis placuit cruentum morem instaurasse Commodum, qui teste Lampridio in ejus vitâ cap. 9. *Sacra Mithriaca homicidio vero polluit*. At cum historicus subdat, *cum illic aliquid ad speciem timoris vel dici vel fingi soleat*, quo videtur respexisse, ad metum & fictum pavorem, qui militi Mithræ initiando, interposito gladio, injiciebatur ex Tertulliano, ideo magis est ut credamus, Commodum vano timore in verum traducto, ipsum initiandum gladio transverberasse. Non obscuratamen alia patrati humanæ hostiæ sacrificii testimonia extant.

tant. Refert Socrates historiæ Eccl. lib. 3. cap. 2. versionis Valesianæ, locum fuisse Alexandriæ jam inde à priscis temporibus vacuum & neglectum, in quo Gentiles Mithræ mysteria peragentes immolare homines consueverant. Eum dum repurgare vellent Christiani, adytus repertus est seu specus immensæ altitudinis (hunc *Misbrium* vocasse Alexandrinos memorat Sozomenus lib. 5. cap. 16.) in quo mysteria Gentilium erant recondita, scilicet complures hominum calvariæ, juvenum pariter ac seniorum, qui olim mactati dicebantur. Ea circumlata sunt per Urbem, ob idque à Paganis ingens orta seditio, quam narrare pergit historicus; qui denuò lib. 5. cap. 16. cruenta Mithræ sacra publice spectanda fuisse proposita repetit. Ex priori loco Socratis discas, homines in Mithræ sacris mactatos fuisse, *ut divinatione quæ per extorum inspectionem fit, uterentur Gentiles, & magica sacrificia ad animas incantandos peragerent*, Sanè raro exemplo tam immania sacrificia Soli, miti Deo & benigno, imputata sunt, & divinatio, cui ipse præerat, ita per scelus tam grande quæsitæ.

Dum antra seu spelæa dicata vidimus Mithræ, disquirendum est, an Lucos quoque sacros habuerit; cùm nobilis inscriptio lapidis Divionensis id primore adspectu suadeat. Eam ex archetypo descripsit Andreas Taurellus, & Fortunio Liceto communicavit, ab eo explicationem quærens, Celebris tunc Philologus prolixè votis annuit epist. 25. inter ejus responsa ad quæsitæ per epistolam pag. 185. to. 1. Epitaphium Græco idiomate & literis exaratum est. Nos interpretationem Latinam Taurelli hic producimus. IN MITHRAE LVCO *tumulus hic corpus tegit Chyndonactis sacerdotum Principis. Impie abstine: Dii liberatores cineribus favent*. Non parum negotii facessivit Liceto explicatio hujus lapidis. Postquam enim rejecit Taurelli sententiam, qui, quòd in marmore scribatur *Mithræ* inflexione femineâ, putaverat Mithrem Solem seu Apollinem esse non virum, sed femineæ naturæ participem, tres subindè procudit in-

terpretationes. Primæ non immoror, quòd ipsi quoque haud probetur. Mithrem igitur, in cuius luco Chyndonactes princeps sacerdotum tumultus fuit, Venerem omnino autumat, fretus in primis testimonio Herodoti nobis alibi excusso. Cum autem sepulcralia attineant ad Venerem, quæ Libitina antiquis vocabatur, idcirco, ait Chyndonactem in luco eidem dicato fuisse conditum. At præterquam sublestæ fidei testimonium Herodoti est, ut jam ostendimus, constat Gallos Deum marem, non feminam, putasse Mithram. Extat inscriptio Lugdunensis apud Gruterum pag. 33. 11. & Nemausensis apud Sponium Recherch. d'antiq. diss. 3. par. 71. quæ dicatæ sunt, *Deo invictæ Mithrae*. Qui non alius quam Sol, uti satis superque demonstratum est. Nec vox *Mithres* femineâ inflexione quidquam mover; cum ea ad mares fuerit Græcis traducta, cuiusmodi non unum exemplum dedi, & mox alia proferam. Et Latini eandem femineam terminationem, *Mithra*, usurpare non sunt veriti. At lapidi Divionensi nequaquam Deum Mithram inscriptum, nec ei dicatum lucum sepulcralem Chyndonactis arbitror. Nam interdictum fuit religione veterum in loca Deo cuiquam consecrata cadavera inferri, quòd res sacræ non tam contactu, sed vel solo eorum aspectu contaminari putarentur. Quamobrem Flamini Diali non licebat locum, in quo bustum erat, ingredi, vel mortuum attingere, teste Agellio lib. 10. cap. 15. Tiberius cum laudaret pro rostris filium, *stetis in conspectu*, ait Seneca de consol. ad Martiam cap. 15. *posito corpore, interiecto tantummodo velamento, quod Pontificis* (ipsius Tiberij) *oculos à funere arceret*. Videtis Kirchmannum de funeribus Rom. lib. 2. cap. 21. Quâ de causâ intra Urbem condi cadavera veritum fuit lege duodecim tabularum, *ne funestarentur*, inquit Paullus lib. 1. sententiar. tit. 21. *sacra Civitatis*. Qui mos viguit in aliis quoque urbibus, *ne sanctum Municipiorum jus pollueretur*, ait Diocletianus Imp. in l. mortuorum C. de relig. *sed incolarum domicilio sanctitas reliu-*

relinqueretur, subdit Theodosius in l. 6. de sepulcro viol. Cod. Theod. Quare lucus Divionensis Mithræ, sive Deo, sive Deæ, sacer esse non potuit, ubi cadaver Chyndonaëtis fuerat collocatus.

Tertia Liceti interpretatio monstrat iter, non ducit ad metam. Mithræ lucum esse ait nemus peculiare destinatum sepulcris sacerdotum Druidarum; cum alii defuncti tumularentur in alio loco. Quippe *Mithra* cognomen erat proprium Sacerdotum primariorum, sive principis sacerdotum ex Appulejo lib. 11. Metam. ipsumque *Mithram* illum suum sacerdotem precipuum divino quodam stellarum consortio, ut aiebat, mihi conjunctum, sacrorum ministrum decernit. Addas etiam eundem propè finem: *complexus Mithram sacerdotem, & meum jam parentem* &c. Et rursus, si placeat, Archelaum in disputatione cum Manete non semel mihi laudatâ, pag. 97. *Parcus verò quidam Propheta, & Labdacus Mithræ filius arguebat eum* (Terebinthum) mendacii; tanquam Mithra hic quoque sit cognomentum primarii Sacerdotis. Attamen magnopere dubito, num Mithra apud Appulejum sit cognomen primariorum sacerdotum; imò potius nomen proprium sacerdotis illius præcipui, qui eidem Appulejo initia Iſidis tradiderat. Quod Reinesius quoque indicat epist. 69. ad Rupertum pag. 655. Equidem video in Ægypto ubi hæc gesta sunt, aliis etiam, non tantum primario sacerdoti, commune fuisse ejusmodi nomen. Quippe auctore Plinio lib. 36. cap. 8. *Mitres* rex fuit Ægyptiorum, qui primus obeliscos fecit. Nec juvat sequi Kircherum, qui lib. 1. de origine obelisc. cap. 4. legit *Mestres*. Præterea frequenter *Mithra* nomen occurrit promiscuè hominibus impositum, ut inferius ostendam. Quod ad locum Archelai attinet, suspecta mihi lectio est, & interpretis fides. Nam Epiphanius in hæresi Manichæorum nu. 3. ait Terebinthum disputasse cum *Ædituis & sacerdotibus Mithræ, imprimisque Parco quodam, ac Labdaco prophetis de duobus principis*. En Labdacus propheta
est

est seu sacerdos dei *Mithræ*, non filius *Mithræ* hominis. Hæc hauserat Epiphanius, sicut & cetera, ex eademmet disputatione Archelai. Cui sanè potior fides esse debet, quàm interpreti Latino, quem plura peccasse in suâ versione notavit eruditissimus Editor Zacagnius in præfat. pag. 5. & passim in notis. Fortassis cum vidisset in Græco vocem *Μίθρα* transtulit *Mithra filius*, quodd apud Græcos mos fuerit filium designare nomine patris gignendi casu elato. At potius cum Epiphanio Labdacum dei *Mithræ* prophetam seu sacerdotem dicere debuerat.

Ceterum *Mithra* & *Mithres* nomen quoque fuit hominis nullo sacerdotio insigniti. Extat saxum apud Gruterum pag. 269. 3. inscriptum C. Rutilio MITRHAE Centurioni cohortis II. Vigilum. Calpurnius MITHRES visitur in 3. pag. 1140. Et C. Fyrmus METRAS monumentum ponit Fyrme METRAE filio pag. 685. 1. C. Curtius *Mithres* Libertus Postumi memoratur Tullio epist. fam. 69. in princ. lib. 13. Apud Diogenem Laërtium *Mithres* est procurator Lyfimachi, lib. 2. pag. 58. edit. Græcolat. Londin. 1664. & sub initium lib. 10. eodemque libro pag. 273. Epicurus inscribit librum sententiarum ad *Mithrem*; idemque nomen inuenies apud Plutarchum contra Colotem, propè fin. Itaque, meâ quidem sententiâ, locus in quo tumulatum fuit cadaver Chyndonæis, non lucus Mithræ deo sacer erat, nec nemus peculiare, quod appellationem à cognomine sacerdotii primarii traxerit; sed vel lucus, vel ager hominis cuiusdam qui *Mithres* vocabatur. Nam vox *ἑγὰς*, quæ legitur in epitaphio, apud Lexicographos non tam locum Deo sacrum, sed etiam eum quem colere nefas est, ut luci & campi inculti, imò & agrum & vineam designat. Quamobrem *Μίθρης ἢ ἑγὰς*. commodè reddi potest, in agro *Mithres*, hominis scilicet qui ejus olim dominus fuerat, & fortasse sacerdotibus Druidarum ad sepulturam donaverat, unde nomen mansit. Et ager ille, seu etiam velis lucus, illatione cadaverum religiosus effectus & incul-

Ec

tus,

tus, *εργα* dici potuit etiam magis propriâ vocabuli significatione. Ergo inscriptio Divionensis ita intelligenda est, ut Chyndonactem sepultum præferat in agro, qui fuerat *Mithres* viri cuiuspiam, non deo sive deæ sacro. Quâ loquendi formâ Suetonius ait, Caligulæ cadaver *in hortos Lamianos* asportatum, & tumultuario rogo semiambustum, levi cespite obrutum fuisse, in vitâ cap. ult. & reliquæ Hadriani *in hortis Domitiæ* collocatæ sunt apud Capitolinum in Antonino Pio cap. 5. Corvusque à populo Romano celebri pompâ æquæ ac insanâ elatus, *in campo Redicula* concrematus, est auctore Plinio lib. 10. cap. 43.



CAPUT VI.

Natalis Inviſti in veteri Kalendario male à Bucherio & Lambecio explicatus. Is Mithra ſeu Solis eſt; cui eo die Circenſes dicati. Mithra Feſtum aliis gentibus ſollemne. Quid feria natalitiæ Ori. Annus apud Aegyptios. Cur natalis Mithræ die 25. Decembris, qui Chriſti Domini Nativitati ſacer eſt, à Paganis celebratus? In id diſſertatio inedita Hieronymi Aleandri produciſtur. Sol poſt bi-bernum ſolſtitium antiquis renaſci creditus, unde & Sol novus dictus. Quæ eſt vera cauſſa natalis Mithræ. Nativitas Dominica non fuit à Chriſtianis in diem natalis Mithræ translata, ſed ſemper in Eccleſiâ Romanâ acta eſt die 25. Decembris, unde reſellitur opinio P. Harduini. Locus S. Lucæ de vigiliis Paſtorum nocte Natalis Domini expoſitus. Quæ prima pluvia apud Hebræos, & quænam pecora deſerti. Hinc duo textus Talmudici explicantur.



RELIGIO Mithræ adeo Romanorum animos invaſerat, ut etiam dies ejus natalis, feſto ſollemni inſtituto, ſaſtis publicis fuerit conſignatus. In Kalendario ſub ævum Conſtantini condico hæc adnotantur: VIII KAL. IAN. N. INVICTI. CM. XXIV. Ægidius Bucherius de doctrinâ temp. pag. 288. optimè ſiglam N. natalis interpretatus eſt; at minus rectè *Inviſti* nomen ad Conſtantium detorſit, putans eo die natalem ejusdem Imperatoris fuiſſe celebratum. Eodem lapſus eſt Lambecius in notis ad ipſum Kalendarium pag. 300. to. 4. Bibliothecæ Cæſareæ. Viri eruditi has notas ita explicant: *Oſtavo Kalendas Januarias Natalis Inviſti, Circenſes, Miſſus XXIV. Inviſtus eſt Mithra* tot jam argumentis aſſertus. Circenſes ludos eo tempore in ejus honorem actos fuiſſe, docet Julianus Imp. orat. 4. pag. 292. *Itaque ſtatim exacto ultimo menſe, qui Saturno dica-*

tus est, ante initium anni magnificentissimos ludos in honorem Solis committimus, quos INVICTO Soli nuncupamus. Quo-
modò exactè in hanc diem VIII. Kal. Jan. incidant hi ludi,
egregiè explicat Petavius ad hunc locum Juliani. Dixerat
hic ipse Imperator paulò superius pag. 290. se recentiora
proferre cum Mithræ cultum & agones in honorem Solis
memoraret. Fortassis respexit ad tempora Aureliani Imp.
qui teste Eusebio in Chron. ad annum 175. agonem Solis
primus instituit. Porro hi ludi seu agones agebantur solle-
lemniori pompâ & celebritate, quod indicat nota apposita
in Calendario: MISSVS XXIV. In Circo mittebantur ad
ludos quadrigæ equorum, quarum quæ prior in septimo
curriculo metam circumflexisset, palmam adipiscebatur.
Hinc editi equorum tot missus dicebantur. Et quidem uno
die viginti quatuor exhiberi, sollempne & legitimum erat.
Quo numero missuum celebriori constabant Circenses Na-
tali Invicti dicati. Eadem sollempnitate natales quoque Im-
peratorum celebrari consueverant. Cæsarum id genus Circensium
adnotatur. Ceterum proscriptâ Gentilitatis superstitione,
Circenses quibus natalis Solis seu Mithræ colebatur, in
adulationem Principum Christianorum sunt traducti. Te-
stis est Corippus Poeta Christianus de laudibus Justi-
ni lib. 1. ubi post versus inferius recitandos, quibus
novo Soli spectacula ab antiquis sancita dixerat, hæc
subdit:

Hunc veterum primi ritum non rite colentes,
Esse Deum Solem rectâ non mente putantes,
Sed factor Solis postquam sub Sole videri
Se voluit, formamque Deus de Virgine sumpsit
Humani generis, tunc munere Solis adempto
Prin-

*Principibus delatus honor, mundusque Latinis
Et jocunda novæ Circensia gaudia Romæ.*

Apud alias quoque gentes Mithræ sollemnia statim diebus colebantur. Athenæus lib. 10. cap. 10. ex Ctesia & Duride narrat, eo die tantummodò, quo Persæ *Mithræ sacra* facerent, licuisse Regi usque ad ebrietatem bibere. Ludis equorum exhibitis hæc sacra fuisse acta coniecit Casaubonus in animadu. ad eundem lib. 5. c. 5. cum in aliū usum verisimile non sit adhibita fuisse viginti millia equorum, quæ mitti solita refert Strabo lib. 11. ad Regem Persarum sub illud tempus *quo festum Mithræ celebrabatur*. Ita enim eum locum Strabonis ipse interpretatur, secus ac Xilander qui *de Mithriacinis* vertit. Equos sanè sacros fuisse Soli apud Persas tradit Justinus lib. 1. cap. 10. & Xenophon Cyropæd. cap. 8. Unde & ejusmodi mōs fortasse, cum ceteris Mithræ ritibus, fluxit ad Romanos, qui, ut diximus, equorum ludis ejus sollemnia peragebant. Nescio an dies ille, apud Persas perinde quoque fuerit natalis Mithræ. At utique Ægyptios hunc coluisse, non videtur ambigendum. Plutarchus de Iside & Osir. pag. 372. refert, eos ultimā die mensis Epiphi, Sole & Luna in eadem lineā coeuntibus, *ferias egisse natalitias oculorum Ori*. Subditque, *oculos Ori Solem & Lunam* censuisse. Ægyptii post victoriam Augusti, ut id honoris in eum conferrent, initium mensis Thoth, à quo annum exordiebantur, in diem 29. Augusti fixerunt. Inde *Epiphi* apud ipsos (uti apparet in diagrammate apud Eminentiss. Norisium de Epochis Syromaced. dissert. 5. cap. 2.) desinebat in diem 25. Julii, quo *feriæ illæ natalitiæ Solis* celebrabantur. Secus esset, si tempora ante hanc Epocham acceptam, quibus annos vagos usurpabant, spectaremus. Nam vel ob intercalationem quinque dierum in anno solari, quòd menses omnes triginta dierum facerent, seu quia Thoth annum quidem ducebat, sed in novilunio ab ortu Caniculæ, quilibet mensis sedem mutabat, & proinde dies certus huic sollemnitati constitui non posset. Fortasse
Plu-

Plutarchus, qui post novam Epocham scribebat, de annis fixis intellexit. At nodus alius emergit. Si feriæ natalitiæ Solis in novilunio agebantur, nimirum Sole & Lunâ in eadem lineâ coeuntibus, non video quâ fieri possit ut Plutarchus de annis fixis intelligat, & statâ die ultimâ mensis Epiphi ejusmodi feriæ inciderent; cum certum sit in anno solari, quo utebantur Aegyptii, Sizygias Lunæ singulis annis anteveruisse. Nisi dicamus, indictas fuisse feriâs in neomeniâ, quæ proxima esset diei ultimo mensis Epiphi. Vel cum feriæ in plures dies protraherentur satis habuisse Sacerdotes, si postremus Epiphi unum aliquem eorum perstrinxisset. Hæc scripseram, cum animadverti, Josephum Scaligerum lib. 4. de emend. temp. pag. 237. editionis 1629. lapsum hunc gravissimum Plutarchi jam adnotasse, quod nimirum menses fixos Aegyptiis ab ultimâ antiquitate attribuat, & deinde hoc loco, & alio quem refert, lunares faciat.

Porrò NATALIS INVICTI Mithræ seu Solis uberior nobis disserendi segetem suppeditat. Querendum enim est, cur die VIII. Kal. Januar. seu XXV. Decembris, in quem Natalis pariter Christi Domini incidit, à Paganis fuerit constitutus. Inter scripta Hieronymi Aleandri, quæ non semel laudavi, extat brevis dissertatio in hunc diem Kalendarii veteris, ubi explicato nomine *Invicti*, hæc quoque quæstio eleganter agitur. Integram enim commentationem in illud Kalendarium scripserat, testantibus viris doctis, qui eo dum viveret familiariter utebantur. Gassendus in vitâ Peireskii sæpius commemorat, Aleandrum in eâ adornandâ laborare. Pignorius in tab. Isiacâ pag. 16. propediem proditura spondet. At Leo Allatius tanquam de opere jam perfectò loquitur, illudque inter alia ejus monumenta post obitum relicta enumerat, in libello cui titulus, *Apes Urbane* pag. 124. Neque alteri id perspectius esse potuit quam Allatio, qui nobilissimæ Bibliothecæ Barberinæ, in quâ Aleandri fœtus inediti fuerant reconditi, cu-
ram

ram agebat. In hac quidem plura ejus scripta authographa adhuc servantur; quæ cum Eminentissimus Card. Franciscus, cui inter amplissimas virtutes literarum patrocini-um in censu Majorum est, non tam lustrare, sed etiam exscribere permisisset, nusquam Commentarium illud reperire licuit. Tantum in unum volumen conjecta vi-suntur plurima veterum scriptorum loca & testimonia, ve-luti in adversariis descripta, ex quibus opus suum concin-nasse virum eruditum facile intelligas. Quare illud periisse, vel alicubi inter tineas jacere dolemus. Ne verò cetera scripta idem fatum maneat, ea undique collecta editioni parat Justus Fontaninus, Scriptoribus Foro-Julien-sibus, de quibus eruditum opus & multi laboris in Patriæ commu-nis ornamentum jam molitur, auctoritatem factururus, Aleandro veluti in exemplum famæ præmisso. In eo igitur volumine adversariorum memorata elucubratio in hunc diem Calendarii integra & absoluta superest. Quam, velu-ti ex pretiosæ suppellectilis naufragio servatam purpuræ la-ciniam, si hic attexuero, jure aliquo meo id videbor fecisse; ut quoniam eadem mihi cum Aleandro provincia Foroju-liensis patria est, sit etiam quædam inter ingenii fœtus com-munio.

» VIII. Kal. Jan. N. Inviſti. Jovis Inviſti templum
 » Romæ fuiſſe conſtat. Herculem quoque hoc cognomen-
 » to ſæpiſſime inſignitum reperi; ſed & Martem reliquos-
 » que Deos. Verùm natalem hunc diem non alium eſſe
 » quam Mithræ Perſarum Dei autumo, quo die Romæ de-
 » dicatur ei fuerit templum, ſeu potius ſpelxum, etenim
 » antra loco templorum huic Deo ſtatuebantur. Jam du-
 » dum enim ejus ſacra recepta Romę fuerant, cùm de-
 » Commodo Imperatore referat Lampridius, ſacra Mi-
 » thriaca homicidio vero polluiſſe. Sed & ante Commo-
 » dum privata ſaltem veneratione Romæ cultum fuiſſe, in-
 » dicant plura vetera monumenta, quibus ſigna araſque
 » & ſpelxæ fuiſſe illi dicata demonſtratur. Porro ſimplici
 » ap-

„ appellatione INVICTI Mithram intelligi, alibi docui-
 „ mus, Commodiani carmina quædam explicant. Id
 „ etiam elicitur ex antiquæ inscriptionis fragmento.

M.D.M. IDEÆ ET ATTIDI MINOTAVRANO
 NOBILIS. IN. CAVSSIS. FORMA. CELSVSQUE...
 HIC. PATER. INVICTI. MISTICA. VICTOR. HABET
 SERMO. DVOS. RESERVAT
 ET .. VENERANDA. MOVET. CYBELES. TI....
 AVGENTVR. MERITIS. SYMBOLA. TAVROBOLL
 RVF. CEIONI. CAES. SABINI. F. V. C.
 PR. PATER. SACRORVM. INVICTI
 MITRAE. TAVROBOLINVS.

„ nam qui *Inuictus* simpliciter fuerat appellatus, *Inuictus*
 „ *Mithra* postmodum dicitur. Aufeſcenti Chriſtianæ Re-
 „ ligioni multis machinamenti ire obviam conatus eſt
 „ diabolus, ac cum omnes ferè peregrinas ſuperſtitiones
 „ Romam inveniſſet, Mithræ cultu profano incrementum
 „ Chriſtiani cultus remorari tentavit, Deum hunc Perſa-
 „ rum fictitium vaſro quodam ſuco Chriſto vero Deo op-
 „ ponens. Itaque quodd de Chriſto dictum eſſet, vicit Leo
 „ de tribu Juda, non tantum Inuicti nomen Mithræ fuit in-
 „ ditum, ſed Leonina quoque facie efformari ſolitum tra-
 „ dit Lucretius Statii interpres ad primum Thebaidos.
 „ Mithram quoque eundem cum Sole fuiſſe creditum, te-
 „ ſtantur Strabo, Heſychius, Suidas, alique: nimirum
 „ quia Chriſtus Sol Juſtiæ appellaretur, ſequè ipſe lucem
 „ mundi dixerit. Ignem ſe in terras attuliſſe Chriſtus do-
 „ cebat, ideoque ſacra Mithriaca ad ignis transferebant
 „ poteſtatem, ut conſtat ex Julio Firmico. Quid quod ejus
 „ myſtæ dicebatur milites? annon quia Chriſti martyres
 „ hoc nomine inſigniri conſueverant? nam martyrii quo-
 „ dammodo mimum agere (ut loquitur Tertullianus) vi-
 „ debantur, dum coronâ quâ in martyriis donabantur è
 „ capite in humerum reſectâ, ſuam coronam Mithram eſſe

„ te-

testabantur, ut idem auctor est lib. de corona mil. Lavationes etiam in iisdem mysteriis adhibebantur; nimirum eodem Tertulliano conquerente in lib. de Baptism. ut Baptismi adumbraretur Sacramentum. Eucharistiæ quoque imaginem ingerere voluerunt, dum panem & poculum in iisdem Mithræ initiis ponerent, ut consideravit Justinus martyr Apolog. 2. pro Christianis. Ex petrâ verò prodiisse Mithram prædicabant, ut imitarentur, quod de Christo dictum fuit, petram esse ex monte excisam, sive lapidem in fundamentis locatum; quemadmodum & idem Justinus in Dialogo cum Tryphone Judæo, & Julius Firmicus de error. prophan. relig. asserunt. Addit etiam eodem in libro Justinus, ideo in spelæo Mithriacæ initia peragi solita, ut ad Bethleemiticum antrum alluderetur, ubi constat natum Christum fuisse. Ut vero fabulam hanc omnibus absolutam partibus egregie pravus dæmon clauderet, palam est ex Calendario nostro Natalem Mithræ hac die VIII. Kal. institutum, qua die Christi Natalem veri Dei, verè Inviçti quotannis solemniter celebramus.

Ita Aleander doctè & ingeniosè sententiam suam de Mithræ natali à Paganis in diem Nativitatis CHRISTI constituto prosequitur. Profectò tot exempla, Sanctorum Patrum suffragio munita, in hoc quoque redemptionis nostræ Sacramentum nefariâ imitatione diabolum invasisse suadere possunt. Qui quia noverat, ut de futurâ per sanguinem redemptione agebat S. Augustinus loco superius recitato, Christum Solem, Ignem, Leonemque appellatum iri, Mithram eadem symbola induere, etiam ante ipsius adventum, iussit, & subinde potuit quoque diem ejus natalem occupasse. At nihilominus aliò pergere fas mihi sit, & alienis conjecturis dimissis, ex re ipsâ promere causam cur Gentiles Solis seu Mithræ natalem die xxv. Decembris sollemnem agerent. Quod nunc expono. Sol integro Zodiaci circulo per anni tempestates emenso, cùm ad extrema hiberni

tropici delapsus est, tunc quasi ab imo & profundo loco emergens, ad superiora revertitur, novumque cursum inchoando quodammodo renasci videtur. Julianus Imp. de hac ipsâ die sollemnitatis Mithrę differens, non aliam rationem indicavit. *Tunc enim, inquit orat. 4. prope finem, rex Sol extremo meridiano limite derelicto, rursus ad nos revertitur, & ad Capricornum, tanquam ad metas, cursum reflectens ab Austro ad Septentriones progreditur, ut annua comoda nobis impertiat.* Nam Solem anni curriculum perneantem veluti per ætatum vices transire fingebant antiqui, & ita cū ad ejus finem pervenisset, tanquam completo vitæ spatio, ad senectutem delapsus esse dicebant. Itaque cum ad Deorum consistorium accedentem describit Capella lib. 1. de nupt. Philolog. pag. 20. *Facie autem mox ut ingressus est, pueri renidentis, in incessu medio juvenis anbeli, in fine senis apparebat OCCIDVI.* Itaque occiduus Sol in extremâ senectute, dū novum cursum instaurat, quasi in novam vitam prodeat, nil mirum quod denuò nasci crederetur, diesque is ejus natalis appellaretur. Nam verè tunc parvus & infans videtur, qualem Ægyptii proferunt ex adyto, ait Macrobius lib. 1. Sat. cap. 18. qui luculentius ita rem nostram attingit cap. 21. *Cum, inquit, ad minimum diei Sol pervenit spatium, quod veteres appellavere brumale solstitium, brumam à brevitate dierum cognominantes. Ex quibus latebris vel angustiis rursus emergens, ad æstivum hemisphaerium tanquam ENASCENS in augmenta porrigitur.* Cum igitur bruma seu Solstitium contingeret ipso die viii. Kal. Januarias, seu xxv. Decembris, ex ordinatione Julii Cæsaris, licet octo ante diebus præcederet (nam antiqui cardines temporum in octavis signorum partibus fieri arbitrabantur, uti observat Petavius loco superius notato, & de doctr. temp. lib. 4. cap. 27.) ideo die illo Solem veluti natum putantes, NATALEM ejus colebant, ludisque institutis sollemniter celebrabant. Hinc hac ipsâ de causâ SOLEM NOVVM eum diem Solstitialem, seu xxv. Dec. esse dicebant,

bant, veluti tunc Sol innovatus & recens natus esset. Auctores laudo, Censorinum de die natali c. 21. in fin. ubi annum incipere ait à *NOVO SOLE*, idest à brumâ, aliis ab æstivo Solstitio &c. & Servium qui lib. 7. *Æneid.* ad vers. 720. *Vel cum Sole novo*, hæc scribit: licet *Poëta* intelligat de primâ æstatis parte, proprie tamen *SOL NOVVS* est octavo Kal. *Januarias*. At Corippus, quem supra retuli, non tam *Solem novum* digito ostendit, sed etiam ipsos Circenses in nostro Calendario in hunc diem consignatos. Ita enim canit:

*SOLIS honore NOVI grati spectacula Circi
Antiqui sanxere patres, qui quattuor esse
Solis equi &c.*

S. Ambrosius initio sermonis 10. de Nativitate Domini, vel quisquis ejus auctor sit, nam Monachi Benedictini falsò ei adscribi censent, ideoque ad calcem secundi tomi rejecerunt, ubi est sextus: *Bene quodammodo*, inquit, *sanctum hunc diem natalis Domini SOLEM NOVVM vulgus appellat, & tantâ sui auctoritate confirmat, ut Judæi etiam atque Gentiles in hanc vocem consentiant. Quod libenter amplectendum nobis est, quia Oriente Salvatore non solum humani generis salus, sed etiam SOLIS ipsius claritas INNOVATVR.* Gentiles scilicet in hanc vocem consentiebant, non ut mysterium Nativitatis CHRISTI imitarentur, sed quia tunc Sol innovari & quodammodo renasci videretur; ideoque superinductâ superstitione, natalem ejus sollemni Circensium pompâ celebrabant. Hinc etiam Leo Magnus apud Christianos sui ævi ex Gentilium more traductam appellationem perstringit, nomen *natalis Solis* expresse designans, sermone 2. de Nativit. Dom. cap. 5. *Illudens simplicioribus animis de quorundam persuasionem pestiferâ, quibus hac dies sollemnitatis nostræ, non tam de Nativitate Christi, quam de NOVI, ut dicunt, SOLIS ORTU honorabilis videatur.* Et subinde originem insani cultus monstrat: *trahuntur enim adhuc stultissimis gentilitatis erroribus.* Eodem

respexit auctor homiliæ in S. Lucam de Nativit. Joannis Bapt. quam licet docti abjudicent Joanni Chrysoſtomo, attamen antiquiſſimam eſſe patet, & fatetur Cave de ſcriptor. Eccleſiaſt. pag. 186. Ejus hæc ſunt verba tom. 2. oper. Chryſoſt. edit. Ven. Latinæ 1583. pag. 432. nam in Græcis non extat: *Sed & INVICTI NATALEM appellant. Quis utique tam invictus, niſi Dominus noſter? qui mortem ſubactam devicit. Vel quod dicant SOLIS eſſe NATALEM: ipſe eſt Sol juſtitia, de quo Malachias Propheſia dixit (cap. 4.) orietur vobis timentibus nomen ipſius Sol juſtitia, & ſanitas eſt in pennis ejus. Quo illuſtri teſtimonio non tam iterum diſcimus, natalem Solis hac die creditum Paganis; ſed etiam *Invictum* eadem die notatum in Calendario non alium eſſe quam *Solem*. Quod igitur VIII. Kal. Januar. ſeu XXV. Decembris *Sol novus* eſſet, & quodammodo *naſci* antiquis diceretur, idcirco NATALIS INVICTI qui Sol ipſe eſt & Mithra, eo die ſollemni nuncupatione colebatur. Nec alia cauſa quaerenda eſt.*

Attamen P. Harduinus in Antirrhethico de Nummis antiq. pag. 65. in aliam ſententiam abiit, quam ut adſtrueret, ipſum diem Natalis Chriſti Domini, perpetuâ Eccleſiæ traditione ſancitum, de loco ſuo dejicere adgreſſus eſt. Cùm enim, inquit, à primis temporibus Chriſtianos lateret dies, quo natus eſt Chriſtus, ſapienter fuit inſtitutum die, XXV. Decembris, eo nimirum conſilio, ut quoniam dies ille ab ethnicis natali Solis dedicabatur, religione mutatâ JESU CHRISTI noſtri natali tribueretur. Præmonverat natalem Chriſti verius Septembri mēſe incidiſſe, cùm in eum non in Decembrem convenient Paſtorum vigilæ ſuper gregem ſuum, quas Lucas commemorat. Et quidem ante ævum D. Chryſoſtomi in obſcuro fuiſſe natalem Domini, & tunc ſolum morem celebrandi diem 25. Dec. tranſiſſe ad Orientales, ipſo teſte Chryſoſtomo homilia 31. Tom. 4. de natali Chriſti. Profert ſubinde verba noſtri Calendarii; quæ rectè ait intelligenda eſſe de natali Invicti Mithræ

So-

Solis & demum concludit: in eum ergo diem natalis Christi Romæ primùm translatus est: ut dum Gentiles profano ritui vacarent, sacris suis Christiani libere operam darent. Profectò P. Harduinus in oppositum prorsus ab Aleandro discessit. Hic Mithram in diem natalem Christi invasisse arbitratus est: ille Christum cum Mithrâ sollemnitatis consortium iniisse autumat. Vtrique satis essent quæ in explicandâ verâ causâ natalis Mithræ congestimus. At quoniam Harduinus per inania & falsa ad Mithram pergit, iis refellendis operam aliquam proferre cogor.

Sanè non una fuit antiquitus de vero Dominici Natalis die in ecclesiâ Orientali sententia. In Ægypto celebrari suffragio sextus dies Januarii, quo Epiphania celebrabatur, sollemniis quoque Nativitatis dicatus fuit, ut inter alios testatur Epiphanius hæresi 51. num. 24. Quidam apud Clementem Alexandrinum lib. 1. Strom. eligebant 24. vel 25. Pharmuthi, hoc est 19. seu 20. Aprilis; ipseque Clemens omninò favebat Novembri. At plerisque ex nuperis Sectariis, cum quibus ire Harduinum doleo, Septembrem præferunt, ut Calvisius cap. 48. Isagoges, Scaliger in notis post opus de emendat. temp. pag. ult. quamvis postea ineuntem Octobrem adoptaverit in Canone Isagog. pag. 301. & alii. Singulas opiniones ad criterium non revocabo, quod jam viri docti præstiterunt. Id tamen conabor evincere, perpetuo more & ab Apostolis tradito, in Ecclesiâ Romanâ natalem Christi Decembri fuisse celebratum, & nonnulla in Harduinum pro Septembri pugnantem reponam; ut constet, falsum esse, apud eandem Romanam Ecclesiâ diem Domini natalem *obscurum & incertum* fuisse, & ideo ad xxv. Decembris conjectum, quòd ethnici eodem die natalem Mithræ colerent.

Et primùm eruditus auctor, pro suâ quâ pollet in antiquitate perquirendâ, ut tot edita ab eo scripta testantur, peritiâ, hoc nos docere debuerat, fuisse aliquandò Romæ extrâ Decembrem celebrata Nativitatis Domini sollemnia,

nia, diemque & mensem prodere; tunc enim grandi aliquâ causâ mutatam religionem fateremur, & fortasse hac eadem quam ipse commentus est. Sed nusquam, aut ego fallor, veterum aliquis est, qui id mandaverit scriptis: & si quando Latini Patres Nativitatis CHRISTI meminerunt, semper eam in Decembrem conferunt. S. Augustinus in Psalm. 132. & de Trinit. lib. 4. cap. 5. à *majoribus traditum* testatur, Christum fuisse natum VIII. Kal. Januar. Quam phrasim cum usurpat S. Pater tempora Apostolica respicit, ut videre est in epist. 118. ad Januarium. Evodius in cathedrâ Antiochenâ S. Petri successor peperisse Virginem ait vigesimâ quintâ die mensis Decembris, teste Nicephoro qui ejus sermonem inscriptum *Lumen* recitat lib. 2. hist. cap. 3. Prætereo antiquissimum Auctorem, quisquis ille fuerit, Constitutionum Apostolic. lib. 5. cap. 13. Ambrosium ser. 8. 10. & 12. Prudentium hymno 11. Catherin. pluresque alios, ut uni Chrysostomo, quo utitur seu abutitur Harduinus, causam penè dixerim religionis assertam referam. Antequam Chrysostomi sanè in obscuro erat apud Orientales verus dies natalis Christi. In prolato enim sermone 31. qui in editione Parisiensi Frontonis Ducæi an. 1636. quator, est tomo 5. pag. 417. satis indicat S. Doctor nondum decimum annum fluxisse, ex quo ipse dies iis regionibus innotuerat. At si de Occidentali ipsaque Romanâ Ecclesiâ, de quâ quæstio vertitur, loquamur, non alium locupletiores, quam ipsum Chrysostomum testem quærimus. Quippe in eodem sermone dum morem à Romana Ecclesiâ in suam Antiochenam traductum tuetur, hunc diem natalis Dominici *cognitum* fuisse, ait, *ab EXORDIO iis qui in Occidente habitant*, & paulò post: *jam inde à PRIMORDIO ab ipsâ Thraciâ Gades usque incolentibus MANIFESTVS & celebris fuit*. Videat Harduinus qui à *primis temporibus* in Romanâ Ecclesiâ *latuisse* verum diem natalis Christi dixerat. Pergit Chrysostomus demonstrare, ex monumentis de censu hunc diem fuisse deprehensum, & vetustam

nam traditionem hucusque ab ineunte Ecclesiâ promanasse: *Ex his, inquit liquet, primæ descriptionis tempore natum esse. Et cui veteres historiæ codices, qui Romæ publicè adservantur, lectitare libeat, perfacile etiam tempus hujus descriptionis accurate discere poterit. Ceterum quid hoc ad nos, dicat aliquis, qui illic neque sumus neque fuimus unquam? Ausculta neque diffidas, si ab illis qui exactam hujus rei cognitionem habent, quique illam Urbem inhabitant, hunc diem accepimus. Nam illi ipsi qui illic commorantur, multò ante ex ANTIQUA TRADITIONE ipsum celebrantes, ad nos usque illius notitiam nunc transmiserunt. De censu seu descriptione, cujus hic meminit Chrysostomus, frigida est observatio Calvisii loco quem præmisimus. Nimirum non convenire hiemale tempus ad eum censum agendum, ne patres familias cum uxoribus & liberis ad locum destinatum longinquis itineribus proficisci cogerentur. Scilicet publicæ utilitati & Cæsaris præscripto præferenda erant privata Judæorum commoda. At quam grandis hæc erat viæ molestia, cœlo iis regionibus etiam hiemis tempore placidissimè vel quæ longa peregrinatio, dum singuli profiterentur in suam Civitatem, ut textus Evangelii loquitur, ad quam certum est brevi itinere opus fuisse, urbibus in Judæâ non admodum inter se distitis? Porro Codices census seu descriptionis, ex quibus ait Chrysostomus exscriptum fuisse verum diem natalem Dominicum, Romæ extitisse, testatur Justinus antiquissimus scriptor sub Antonino Pio, qui rem certò scire poterat, nec si falsa fuisset, ausus esset proferre in Apologiam quam eidem Imperatori obtulit. In secundâ enim, pag. 75. loquens de Christo in Bethlehem nato, quemadmodum, inquit, & ex descriptionibus census acti, quæ sub Quirino primo vestro in Judæa procuratore sunt confectæ, intelligere potestis. Et Tertullianus paullò Justinianæ ævo inferior lib. 4. contra Marcionem cap. 7. de hoc censu Augusti verba faciens, quem, ait, testem fidelissimum. Dominicæ Nativitatis Romana Archiva custodiunt. Ab hisce*

hiscæ igitur fidelissimis testibus Romana Ecclesia verum diem Natalis Christi, ut dixerat Chrysostomus, didicit.

Non moror Joannem Nicænum, qui in epist. ad Zachariam Catholicum Armeniorum vulgatâ à Combesio Tom. 2. Auctarii SS. Patrum pag. 310. refert Julium Romanum Pontificem ex libris Judæorum cognovisse Christi natalem in diem xxv. Dec. incidisse, atque *ex eo tempore*, inquit, *cæpit Romana Ecclesia lætis gaudiis celebrare natalem Salvatoris diem 25. Dec. tradiditque celebrandum, universis Ecclesiis*. Certe falsa est hæc narratio, eamque convulsam prosternit grande Chrysosthomi testimonium, quo ab *exordio* Ecclesiæ viguisse Romæ hunc morem didicimus. Et aliunde quoque ejus epistolæ fides planè suspecta est viris doctis, uti animadvertit Corelierus in notis ad lib. 5. Constituit Apostol. cap. 13. pag. 234. ubi fragmentum ejus recitat.

At non tantum Antiochiæ, quo cum sermonem habuit Chrysostomus, perperam nonnullis Constantinopoli dictum censentibus, tunc temporis celebritas natalitia ad 25. Dec. agebatur, sed in aliis quoque Orientis Ecclesiis. Cl. Zacagnius in opere olim laudato protulit quatuordecim epistolas S. Gregorii Episcopi Nysseni, quarum prima, pag. 354. statim ab initio hæc habet: *Cum superiores cæli partes cursu suo Sol repetens, hiberno tempore, diurni spatii mensuram auget, vera lucis per carnem humano generi affulgentis apparitionem festivâ sollemnitate celebramus*. Et post aliqua: *quid est quod nocti ad longitudinis summum jam provecta, nulla cum fieri potest accessio, tunc nobis in carne apparet, qui cuncta complectitur &c.* Quibus sanè verbis nemo est, qui non videat Solstitii hiemalis tempus designari: tunc enim tantummodo *nocti ad longitudinis summum provecta nulla fieri potest accessio*; ac perinde neque scrupulum inesse potest, de Epiphaniâ non de Nativitate, diverso die ipsoque Solstitiali celebratâ, loqui Gregorium. Nimirum & in aliis Ecclesiis Orientis, secus ac in Ægypto, ex festivitates dis-

scre-

secretis diebus agebantur, ut notavit idem vir eruditus in præfat. pag. 40.

Nondum P. Harduinum defero, qui ut Christi Nativitatem de loco moveat, multò veriùs, ait, in Septembrem conveniunt pastorum vigilia super gregem suum, quas Evangelista Lucas cap. 2. vers. 8. commemorat, quàm in Decembrem, quo sane per biemem ea campestris stabulatio sub dio non fiebat. Nam Sbaabb. fol. 45. 2. & Bezab. fol. 41. 1. Hæc sunt pecora eremi ea nempe quæ prodeunt pastum circa tempus paschatis, & pascuntur in campis & domum redeunt ad pluviam primam. Nedarim fol. 63. 1. Taanith fol. 6. 1. Quanam est pluvia prima? Incipit tertio mensis Marcheshuan. Qui mensis partem habuit cum Octobri nostro ac Novembri.

Futilem hanc argumentationem, toties Sectariis recitam, non alio telo conficiam, quam quod in ipsam pridem intorserunt nonnulli ex ipsismet Heterodoxis. Casaubonus exercitat. in Baron. 2. num. 14. non esse inverisimile, ait, Pastores in Judea, locis maxime meridionalibus, noctu mansisse sub dio, nam & in Angliâ, quæ frigidissima est regio, saltem armenta toto anno in agris pernoctant, neque propter frigus aut pluviam aut ventos tecto unquam subeunt. additque Epiphonema: Quare vetusta traditio Ecclesiæ, ad 25. Decembris Nativitatem recolentis, non temerè nobis reiicienda. Wilhelmus Langius de annis Christi part. alterâ lib. 2. cap. 2. scribit hoc argumentum Scaligeri (addamus & Harduini) ne bili quidem esse, subditque: sane in Daniâ meâ oves totâ bieme in agris degunt, nisi terra ita penitus nive tecta sit, ut nihil pabuli extrâ villas habere possint. At quid Judea ad meam patriam gelidis trionibus subiectam? Certum igitur est ac demonstratum verum Christi Natalem incidere in 25. Decembris. Addo Vossium de tempore nat. Christi part. alterâ cap. ultimo, & Richardum Montacutium Originum Eccles. part. 1. pag. 47. ubi ait, perridiculum esse, quod Scaliger & similes ineptissimè scripserunt. Quasi Jacob non dixerit de se ipso vitam pastoritiam apud Labanem,

exercente: *Die noctuque astu urebar & gelu, fugiebatque somnus ob oculis meis.* Genes. cap. 31. 40. Testaturque in suâ Angliâ sub Jove frigido, pluvio, nivoso, per dies noctesque greges, etiam agnos tenellos, in Decembri mense stabulari. Quem etiam videas in Apparatu 11. ad Origin. Eccles. pluribus propugnantem sententiam de Nativitate Christi ad diem xxv. Decembris.

His acquiescerem, nisi Talmudica illa testimonia, quæ Harduinus suppresso nomine descripsit ex Lightfooto in Horis Hebraicis ad Evangelium Luc. cap. 2. vers. 8. tomo 2. operum pag. 496, rursus evocarent. Sanè pecora eremi, quæ vox regionem campanam denotat, ubi non distinguitur sæpibus ager hujus ab agro alterius, uti explicat idem auctor Anglus in Decade Corograph. ad Evangel. Marci cap. 2. pag. 401. pecora, inquam, eremi utique domum redierint ad primam pluviam, hieme ingruente; at quis despondeat, ea cum domum rediissent, hoc est in locum ubi Pastores habitare consueverant, non sub dio mansisse? Certè in locis Casaubono & Langio appellatis, & passim hic in agro Romano, videmus armenta tota hieme intra septa, in aperto degere. Pastores autem etiam si sub tecto dicere-mus habitasse, saltem alternis vicibus, quod *vigilias* agere est, ad modum militarem, aperto cœlo vel tenui sub tentorio, ita ut possent vidisse lucem circumfulgentem, & voces Angelorum audisse, noctem insomnem ducebant, ut armenta à latronibus, lupis, & aliis noxiis animalibus defenderent. At gratis eam vocem *domum* in textum Talmudicum intrusit Lightfootus & ex eo Harduinus. Cum enim consuluissem Joannem Pastricum in Collegio Urbano de Propaganda Fide Polemicæ Lectorem, Græcæ & Orientalium linguarum eximiè peritum, vir humanissimus juxta ac doctus mihi nuncupatâ epistolari dissertatione, non tam ea loca Talmudica impensius excussit, sed plura ex Hebraicis ritibus ad argumentum composita eruditè congeffit. Hic pauca admodum delibabo, quæ jugulum causæ propius impetuant.

petunt. Primum itaque textum *Sciabbath*, seu de Sabbato, fol. 45. 2. in *Ghemarà* ità interpretatur: *ea sunt deserti animalia quaecumque exeunt in Paschate, & intrant ad pluviam primam*: alter vero *Bezà*, nempe *Ovum*, quā dictione tractatus ille inchoatur, sic se habet: *Deserti animalia sunt quæ pernoctant in prato*. Accedit *Ghemarà*, ubi ad explicationem hujus textus hæc scribunt Rabbini: *Deserti animalia sunt quaecumque exeunt in Paschate, & pascuntur in prato, & intrant in Rebingà pluviam primam*. Nusquam hic reperies animalia intrasse in domum. Potuit decipi, vel decipere *Ligthfootus* sumendo vocem *Baytoth*, nempe *domestica animalia*, quæ inchoat versum sequentem, & eam applicando ultimæ, in quam definit proxime antecedens sententia, significationem *domus* confinxisse. Nam iis textibus fit distinctio inter *animalia deserti*, & *domestica*. Ea pernoctant extra limitem, & veniunt in *Revingà* scilicet ad primam pluviam, quod dicitur in primo versu. Post quem statim sequitur secundus: *Baitoth*, nempe *domestica animalia quaecumque exeunt & pascuntur extra limitem, veniuntque, & pernoctant intra limitem*. Limes erat terminus Sabbaticus bis mille cubitorum, extrà quem Sabbato non licebat egredi. Ergò *deserti animalia* cum redeunt, non intrant in domum, sed in locum unde in Paschate exierant. Qui sane locus non erat habitabilis, sed in agro & in aperto. Nam in primo textu Talmudico *Sciabbath* hæc subduntur: *deserti animalia non intrant in habitabilem locum neque in diebus æstus, neque in diebus pluviarum*, scilicet in hieme. Quare optimè inferimus, pecora, super quibus vigilabant Pastores in nocte Dominici Natalis, fuisse pecora deserti, & mansisse utique sub dio, etiam in Decembri & hiemis tempore, quo, ex ipsis Talmudicis testimoniis ab adversariis prolatis, constat non intrasse in habitabilem locum.

Manet ergò, non Septembri, sed ipso xxv. Decembris die, Christum Dominum mundo in salutem prodiisse: neque diem illum ad usque exordia Ecclesiæ latuisse fideles,

nec in *obscuro* fuisse, nec demum, saltem Romæ, ullo tempore ejus *mutatam religionem*. Quare ineptè translatus dicitur à Christianis ad 25. Decembris, ut quoniam is apud ethnicos sacer Soli seu Mithræ habebatur, JESV CHRISTI quoque veri Solis sollemnitati dicaretur. Quorsum hoc, ut eodem die, quo Gentiles ritus impios agebant, Sacramenta sua, quasi religionis consortio, ex compacto profanarent Christiani, qui toties sancitâ lege vetarunt, ne dies Sacrosanctus Paschatis eodem quo Hæbræi celebraretur, hac sanè ratione, ait Constantinus Magnus in epistolâ ad Concilium Nicænum, *ut nihil nobis COMMUNE sit cum inimicissimâ Judæorum turbâ* & Nempe, prosequitur Pius Imperator, *aliâ nos viam à Servatore accepimus*. Recitat eam epistolam Eusebius lib. 3. de vitâ Constantini cap. 18. An ergo dies ille, quem Christiani traditione *acceperant*, ad alium erat traducendus; & Christus velut de suo loco defigendus, ut inter profana falsi numinis spectacula versaretur? Quamquam scio placere nonnullis, plures ritus induxisse Christianos exordientis Ecclesiæ, ut gentilitatis superstitionas ceremonias eodem die actas abolerent. Quod malignè ab Heterodoxis detortum, ansam in nos deblaterandi præbuit. At longum hæc quæstio examen posceret, à quo nostri argumenti ratio arceat. Ritus quosdam eâ de causâ in vectos non abnuerim: de festis & sanctioribus sollemniis aliud judicium. Ratio itaque utriusque sua stetit, Christianis & Gentilibus, celebrandi Natalem Christi & Mithræ eodem die viii. Kal. Januarias. Illis quòd verè hac die Christus ortus fuisset: his quoniam tunc Sol novus prodiret, & veluti nasceretur. Utrumque egregiè in rem nostram complexus est Sanctus Pater Augustinus sermone 190. editionis Benedictin. tom. 5. qui aliàs est 61. de diversis: *Habemus, inquit, sollemnem istum diem, non sicut infideles propter hunc SOLEM, sed propter eum, CHRISTVM scilicet, qui fecit hunc Solem*. Hæc causâ & ratio celebritatis natalitiæ inter utrosque: Pagani ut Solem materia-

teria-

terialempie colerent; fideles ut Christum auctorem Solis sanctè venerarentur. Neque illi ergò ut his se opponerent, quod Aleander putavit: nec isti ad illorum exemplum, ut Harduinus commentus est.

CAPUT ULT.

Mithræ cultus quàm latè per Romanas provincias effusus.

Lux plurima Vopisco: & vetus lapis explicatus. Lectio Epiphanii asserta: vera Aristotelis producta, unde Erasmi lapsus detegitur. Metragyrta quod hominum genus. Quandonam apud Romanos mysteria Mithræ primùm cognita, & demum abolita. Exponitur locus S. Hieronymi de tempore Præfecturæ Gracchi, & excidio Mithræ, quod variis chronologicis observationibus contra Gotthofredum statuitur. S. Paulinus explicatus; & quisnam Antonius; cui ultimum suum pœma nuncupavit.



UDEAT ulterius sacra nostra profanis Ethnorum immiscere. *Mithram* ergò ex instituto persequamur. In Urbem Romam, quæ ut ait Leo Magnus Serm. i. in natal. Apostol. *omnium gentium serviebat erroribus*, turba deorum ex omnibus undique toto Orbe acceptis superstitionibus invaserat. Unde eleganter Tertullianus Apolog. cap. i. o. apud Romanos ait, *quodvis colere jus est præter verum Deum*. Et Minucius in Octavio indignatur eos *initiasse ritus omnium religionum*. At nullius fortè numinis, cultus insanis mentibus altius infederat quàm *Mithræ*. Monstrant tot lapides, quos recensuimus, pluresque alii apud Gruterum, *Mithræ* mysteriis dicati, & veterum Patrum Scriptorumque profanorum testimonia. Plerumque iisdem lapidibus leguntur vota vel nuncupata vel soluta, non semel etiam pro salute Imperatorum, ut in 9. pag. 1066. SOLI INVICTO. MITHRÆ pro salute Commodi Antonini M. Aurelius Stertinius votum

tum fecit. Alium dabo inferius. Unde inter Deos Servatores accensum fuisse Mithram apparet. Bello quoque invocatum docet inscriptio 3. pag. 34. *Vibius Pius SOLI INVICTO aram dedico ut sis mihi propitius militibus Centurionibusque meis.* Legatus erat vel Tribunus alicujus legionis in Dalmatia degentis hic Vibius, atque Inviſtum eam religione bellicis rebus præſſe putabat, quâ affecti Imperatores aliqui numismata percuffere INVICTO, & SOLI. COMITI. ut olim memoravimus. Julianus Imperator qui à vero Sole Christo impiè deſceiverat, Mithram Solem inſaniori cultu proſequutus eſt. Eum nempe non tam in rebus agendis perſugium, ſed etiam cum vitâ migraturus eſſet, ducem propitium ſibi ſpondet. Verba recito quibus librum ſeu Saryram de Cæſaribus concludit: *Tibi autem, Mercurius ad me ſermonem dirigens inquit, feci ut Solem,* (in Græco eſt *Mithram*, quani vocem minus aptè mutavit Interpres) *Patrem cognosceres. Tu vero ejus præceptis obtemperato, illum tibi tutum portum & perſugium, dum in vivis agis, comparans, & quando oportebit hinc excedere, bonâ ſpe tibi Deum propitium Ducem conſtitue.*

Hinc igitur longè latèdque falſa MITHRÆ religio promanavit. Non pigebit regiones nonnullas, quibus Mithriaca monumenta veterem cultum prædunt, peragrarè. Sub Urbe ipſâ Antium Mithræ devotum fuiſſe, jam ſatis noſtra tabula indicat; ibique etiam antrum conditum olim deduximus. Ticuli in regione Urbevetanâ *Soli Inviſto Mithræ* dicatum *ſpelaum* docet epigramma Gruterianum, quod pridem deſcripſimus. Capaccius loco pariter jam adnotato Neapoli extantia monumenta proſert, & Cumis Gruterus pag. 33. 6. SPELEVM RESTITVTVM D. S. I. M. hoc eſt *Deo Soli Inviſto Mithræ*, fuiſſe Mediolani, monet lapis pag. 34. 9. & M. Valerius Maximus, (quem celeberrimum Scriptorem eſſe cum Alciato Mediolanenſes, nullo certo indicio, exiſtimant) SACERDOS. D. S. I. M. viſitur in alio pag. 313. 4. In Galliam quoque Mithræ religio-

gionem traduxit : nam Lugdunum DEO. INVICTO. MITH. monumentum posuit, pag. 33. 11. ac Nemausum eodem titulo, apud Sponium *Recherch. de antiq. dissert.* 3. pag. 71.

Jam inter barbaras gentes *Mithrae* cultus irrepserat. Nam in Daciâ stetit marmor inscriptum INVICTO MITHRAE, refert Gruterus pag. 34. 3. imò & tabulam symbolicam nostris similem cum epigraphe, S. I. M. nempe *Soli Invicti Mithrae*, eadem paginâ num. 10. Refleximus iter in Pannoniam, ubi apud Petovionem *Aurelius Justinianus Templum DEI. SOL. INV. MIT. labefactatum restituit*, pag. 35. 4. Indicio hujus lapidis me assequutum puto Templum illud, in quo mater Aureliani erat sacerdos, patriamque ipsius Imperatoris, quibus investigandis mirum se torsit Salmasius. Nam ad Vopiscum in ejusdem vitâ cap. 39. primum templum Beleni putavit; inde, ex quo idem historicus cap. 5. dixerat, huic Imperatori, cum legatus esset apud Persas, pateram donatam à Rege, in quâ Sol insculptus erat eo habitu, quo colebatur in eo templo, in quo mater ejus fuerat sacerdos, optimè conjectatur, ut monui cap. 2. hoc ipsum templum *Mithrae* dicatum fuisse, quia apud Persas *Mithra* ipse erat Sol: habitum vero eundem fuisse, quem Persæ tribuebant *Mithrae*, Leoninâ scilicet facie, & tiarâ capiti impositâ. Unde inquirendum relinquit in Pannoniâ templum aliquod, ubi *Mithra* esset cultus, quo etiam patria Aureliani certò possit deprehendi; nam cum Pannonem fuisse testatum reliquit idem Vopiscus. Cum ergò ex hoc lapide constet, apud Petavionem, quæ Pannoniæ Urbs est, stetit templum *Mithrae*, sanè in hoc ipso mater Aureliani fuit sacerdos, nec alibi natale solum ipsius Imperatoris est querendum.

In proximâ quoque Norici provinciâ Templum *Mithrae* dicatum nuper didici. Dùm enim hæc prælo essent subjicenda, R. P. Antonius Morettus Utinensis S. I. Græcio Styriæ transmissit aliquot inscriptiones repertas prope
Clan-

Clangenfurtum Carinthiæ circa campum Solfeld, ubi olim sita erat Solva urbs Norici mediterranei, Plinio lib. 3. cap. 34. Flavium Solvense appellata. Earum alteram, quæ ad rem nostram attinet, huc transfero.

PRO. SALVTE. AVG. IN. HONOREM. DD. SOLI INVICTO
MYTHR. HILARVS. AVG. LIB. TAB. PR. N. ET. EPICETVS
ARK. AVG. N. TEM. VETVSTATE. CONL. SVMP TV. SVO
CVM. PICTVR A. REFE. IMP. D. N. GORDIANO. AVG. ET. AVIOLA
C. ROM. D. N. LICIN. MARCELLO. PAT. D. VIII. K. IVLIAS

Duo hi homines Romani *pro salute Augusti*, Gordiani III, *in honorem Deorum* (ita repetitum D. interpretor, vel si malveris, in honorem *domus divinae*, uti expressum legitur apud Grut. 163. 4. & 92. 1. domus scilicet & familiæ ipsius Gordiani Imperatoris) *Soli Invicto Mithra templum vetustate conlapsum sumptu suo cū picturâ refecerunt, die viii. Kalendas Julias, Gordiano Augusto & Aviola Coss. anno scilicet 239. æræ Christianæ*. Notam C. Rom. explico, *Consulibus Romanis*, quæ sanè insolens, ita fortassis expressa est, quia Magistratus simili nomine etiam in Coloniâ Solvensi esset. Nam Consules in Coloniis quoque & Municipiis quibusdam creatos non uno testimonio comperimus. Quid literæ singulariæ D. N. ante Licinium Marcelum, & sequens nota PAT. significant, planè nescire me fateor. Nisi mendum quadratarii, vel exscriptoris dicamus. Hilarus signatur TABularius PROvinciæ Norici, quòd rationes tributorum ejus provinciæ tractaret. Ejusmodi characteres visuntur in saxo apud Gruterum pag. 63. 10. TAB. P. H. C. *tabularius provincia Hispania citerioris*. Epicetus ARKarius suscipiendis Augusti redditibus, qui in arcam seu mensam fiscalem vel privatam Cæsaris inferebantur, erat præpositus. Arkarii, qui plerumque per K scribitur, exempla profert index Gruterianus cap. 7. Utriusque quoque officii plurima mentio est in libris Juris. Templorum parietes & tecta picturis præari consuevisse, etiam an-

te Urbem conditam, prodidit Plinius lib. 35. cap. 3. Qui eodem libro cap. 10. Cornelium Primum & Aetium Priscum Honoris & Virtutis ædes Vespasiano restituenti pinxisse scribit; & M. Ludium Junonis templum apud Ardeates dignis picturis condecorasse. In templo Mithræ Solvensi Hilarus & Epicetus *picturam* labefactatam refici curarunt. Hanc eadem signa & symbola repræsentasse arbitror, quæ in nostris tabulis marmoreis visuntur.

In Ægypto, quod omnium deorum colluvies confluit, Mithram cultum, non est ambigendum: & testimonia Socratis ac Sozomeni, quæ jam retulimus, palam faciunt. Persæ hujus religionis magistri & principes fuere. De Cretâ insulâ dubitare nos jubet Dionysius Petavius, quamvis Epiphanius disertè scribat Hæresi 42, *Epimenidem Mithræ cujusdam apud Cretenses idoli sacerdotem* fuisse. Eâ ratione ducitur doctissimus vir in notis ad hunc Epiphanii locum pag. 81, quod id apud alium se legisse non meminerit. Barthius in animadv. ad Statium pag. 247. jurat in verba Petavii, *qui nihil non legit*, & rejectâ voce *Mithra*, vel ex *mystra* corruptam putat, vel prorsus insititiam. Non ausim tam grandia eruditorum hominum nomina provocare: sed utique non video, cur opus fuerit plures scriptores in idem Epiphanii testimonium conspirasse.

At Erasmus Athenis religionem & ministros Mithræ quærens, totâ viâ propalam aberravit. Chiliade 4. cent. 8. num. 55. explicans adagium, *Mithragyrtes non Daduchus*, hæc habet: *is qui in functione quapiam sordidas, contemptasque partes agit, Mithragyrtes dicetur, Daduchus esse negabitur.* Eoque Iphicrates Calliam *παῖδα ἱερῶ* & *δαδύχο* appellabat. Significans illum non fuisse initiatum sacris, sed tamen velle videri. *Mithras* apud Persas Sol dicitur, quem illi deorum summum judicant. Unde *Mithragyrta* dici videntur qui obambulant cum simulatis mysteriis, & rudibus imponunt. Scemma illud ab Iphicrate in Calliam jactum refert Aristoteles lib. 3. Rhetoric. cap. 2. quod indicare negle-

xit Erasmus. At in textu Græco edit. Græcolat. Paris. 1619. non est *μὲτραγύρτης*, sed *μὲτραγύρτης*, quam vocem transtulit Antonius Riccobonus *Matrageriam*, rectius, spectatâ ejus derivatione, quam alii qui locis statim producendis *Metragyrtem* efferunt. Genus hominum hoc erat qui magnæ *Matris*, unde nomen, mysteria circumferentes stipem cgebant. *Αγύρτης* enim est mendicus qui circumit, & stipem petit. De his intelligendus Aristoteles. Qui Athenis frequentes erant & religiosè habiti. *Metragyrtes*, ait Svidas pag. 159. tom. 2, *magnæ deorum Matri Rheæ, sive Cybele stipem cgebant*. Inde fabellam narrat de quodam Metragyrte, qui Athenis occisus, ob idque exortâ pestilentia, Athenienses in loco ubi eum sustulerant, curiam ædificarunt, eamque magnæ Matri consecrarunt. Præferebant tabellam, fortassè icone dæ Matris pictam, ut simplicioribus sequestra divinitate imponerent, pinguioremque mercedem coraderent. Unde Menander Comicus in Aurigâ sacrorum hanc nundinationem averfatus ait:

*Nullus mihi placet Deus foris vagans,
Anus sodalis quaslibet petens domos,
Aut Metragyrtes cum tabellâ.*

Et Antisthenes repellebat Metragyrtes mendicantes festivâ irrisione dicens: *Non alo Matrem deorum, quam dii alunt*. Quæ recitat Clemens Alexandrinus admonit. ad Gentes pag. 49. edit. Paris. 1629. Dionysium regno pulsum sub extremum ætatis Metragyrtem egisse, refert Athenæus lib. 12. cap. 10. ubi malè, *Cereri stipem emendicando cogens*, vertit Dalecampius, & Casaubonus non emendavit. Nam magnæ Matri, non Cereri eruscabant Metragyrtes. Eadem de Dionysio habet Eustathius Homer. 1624. 10. Alii Ludimagistrum Corinthi egisse eum tradunt. Sed fieri potuit, ut hac arte dimissâ, sub extremum tantummodò vitæ, quod innuit Athenæus, inter agyrtes dæ Matris stipendiis meruerit. Agyrtas hos eruscatores, qui cum mysteriis lîdis obambulabant, facietâ narratione describit Appulejus

Iejus lib.9. Metam. pag. 181. edit. Pricæi. Romæ quoque traductâ religione & sacris Idææ Matris, Metragyræ Phrygii generis vir & mulier, qui ejus sacerdotio fungebantur, circulatorio ritu stipem cogebant, Deam cum tympanis per Urbem gestantes, uti narrat Halicarnasseus lib. 2. pag. 91. edit. Græcolat. Francof. 1586; notatque historicus, ex Romanis indigenis neminem cum *Matriacis* (ita *μητρὰς-Τωρæ*, vertit ejus interpres Sylburgius, rectè cum Riccobono retinens derivationem à *matre*) stipem collegisse, aut orgia Phrygiæ matris celebrasse ex decreto Senatus. Quod etiam lege 12. Tab. vetitum fuit: *Præter Idææ Matris famulos, eosque iustis diebus, ne quis stipem cogito*. At Julius Pollux in Onomastico lib.3. cap. 2. in fin. *Metragyrtem* appellatum quoque ait iniciatorem sacrorum dæ Phrygiæ, scilicet magnæ Matris, unde Athenis ejus sacrum *Maternum* dicebatur. Cum itaque Athenis fuerint Metragyræ, nec uspiam in Græciâ Mithræ sacra & religio Scriptoribus sint memorata (præter Cretam, quæ inter Ægyptum & Orientem posita inde cultum hauserat) planè lapsus est Erasmus, dùm Mithragyras vidit in Aristotele. Porro Iphicrates ajébat Calliam non esse *Daduchum*, sed *Metragyrtem*, quia illud *honoratum* erat, subdit Philosophus Rhetor, *hoc inhonoratum*. *Daduchus* est *Tædiser*, qui nempe in sacris facem gestabat; eoque officio functum fuisse Calliam reperio apud Plutarchum in Aristide p. 321, unde narratio Aristotelis illustrari poterit.

Mithram Solem dimittam, atque hanc dissertationem absolvam, ubi quæsiro, quo tandem tempore, Christo vero Sole tenebras gentilitatis discutiente, ipse Mithra templis & aris fuerit dejectus. At cum ejus religionem apud Romanos plurimam celebremque tot congestis monumentis hucusque ostenderim, & nunc tempus, quo desuit, pergam reterege, rogabit aliquis, ecquando etiam coeperit? Opportunè occurrit Plutarchus, qui in vitâ Pompei p. 631. tom. 1. *mysteria Mithræ primùm Romanis monstrata fuisse*

ait à *Piratis*, qui è diversis Orientis partibus effusi, & direptionibus maria implentes, tandem ab ipso Pompejo debellati fuerunt. Bellum hoc Piraticum incidit in annum V. C. 687. Igitur primi omnium, opinor, Alexandrini impium cultum proscribere. Nam ex Socrate, cujus verba pridem retuli, constat sub Juliano Imperatore, qui in Perside occubuit anno 363, locum in quo Gentiles Mithræ mysteria peragebant, jam inde à *priscis temporibus vacuum & neglectum* repertum, à Christianis fuisse repurgatum. Non ità Romæ, ubi eodem tempore, sub Christianis Principibus, sacra Mithriaca publicè & palam fiebant. Nonius Victor & Aurelius Victor *tradiderunt Leontica, Constantio nono & Juliano II. Con.* scilicet anno 357, ejusque rei monumentum exposuerunt in marmore, quod extat apud Gruterum pag. 303. 1. Sequenti anno, Datiano & Cereale Conf. iidem Nonius & Aurelius *tradiderunt Patrica*, ut constat ex alio lapide pag. eadem num. 2. & iterum *Persica & Eliaca*, atque *ostenderunt Crisfos*, pag. 1086. 4. Rursus in annum proximum Eusebio & Lippatio Conf. (corrigere fastos qui scribunt *Hipatium*, nec Pagius, aut alii id animadvertere) *tradiderunt Leontica*, pag. eadem num. 5. Aurelius hic Victor sacerdos erat Mithræ, ut alibi monui, nam in hoc saxo & altero pag. 303. superius indicato, signavit se tradidisse *Coracica* anno *tricesimo consecrationis sue*, Valente & Valentiniano Juniore *primum Augg. Conf.* Hic annus notatur in fastis 376. quo patet adhuc viguisse insanias Mithriacas. Eodem anno Sextilius Agestilaus dicitur *Pater Patrum Dei Solis Invisi Mithrae* pag. 28. 2. & sequenti Gratiano & Merobaude Conf. Rufius Cejonius *Pater Sacrorum Mithrae* num. 6. vocatur, & inferius *Persidicique Mithra Antistes*. Sacrorum hæc nomina jam explauavi.

Ità pervincente diaboli nequitia, dum Crucis signum Imperatorum diademati præfulgeret, adhuc vexilla superstitionis palam in Urbe explicabantur. Integrum tandem triumphum Christus egit, & Mithram profanaque myste-

ria depulit. Celebre est testimonium S. Hieronymi epist. 7. ad Ietam, ubi hæc ait: *Ante paucos annos propinquus vester Gracchus, nobilitatem patriciam sonans nomine, cum Præfecturam gereret urbanam, nonne speleum MITHRAE, & omnia portentosa simulacra, quibus Corax, Gryphus, Miles, Leo, Perseus, Helios, Bromius, Pater initiantur, subvertit, fregit, excussit?* Huc referendus est locus Prudentii libro primo adversus Symmachum vers. 563.

*Nam quid Plebicolas percurram carmine Gracchos
Jure potestatis fultos, & in arce Senatus
Præcipuos, simulacra Deum jussisse revelli,
Cumque suis pariter licitoribus, omnipotenti
Suppliciter Christo se consecrassse regendos.*

Annus quo Præfecturam Urbanam egit Gracchus, quærendus est, ut postremos subversæ superstitionis Mithriacæ casus venemur, & ultimam dissertationi nostræ manum imponamus. Baronius ad annum 383. num. 3. importunè errorem in Hieronymo irrepsisse suspicatur, & loco Præfecturæ prætoris, urbanam esse positam. In Codice Theodosiano lex prima tit. ne in sua causâ quis jud. data est ad Gracchum P.P. (nempe Præfectum Prætorio) Kal. Decembris, Valente V. Valentiniano A.A. Coss. hoc est anno C. 376. Ad eundem simili titulo appellatum directâ est lex 3. de quæstion. Pridie Non. Januar. Gratiano Aug. IV. & Merobaud. Coss. videlicet anno sequenti 377. Gothofredus in notis ad has leges tom. 1. pag. 93. & tom. 3. pag. 252. inscriptionem correxit, & Gracchum P.V. Præfectum Urbis, reposuit; quomodo etiam se habet lex unica Cod. Justinian. cod. tit. ne quis in sua causâ. & concinunt recitata Hieronymi & Prudentii testimonia. Hincque collegit, excisa fuisse Mithræ simulacra altero ex præscriptis annis, & perperam id à Baronio referri in annum 383. sexennii metachronismo. Pagius in sententiam Gothofredi concedit in crit. Baron. ad eundem annum num. 5. At falluntur viri docti, & chronologiam confundunt. Quomodo enim fieri potuit, ut altero ex
iisdem

iisdem annis Gracchus *specum Mithrae & portentosa simulacra, Coracem, Grypum, Leonem & cetera à Hieronymo memorata, subverterit, fregeritque*, si tunc eadem ipsa portenta, ex indicatis inscriptionibus, tradebantur, in ipso certe Mithrae specu, sacerdotesque ea profana sacra & titulos sui sacerdotii publicis monumentis consignabant? Quare in alium annum ducenda est Praefectura Gracchi, & Mithrae excidium. Quod ut clarius pateat, prius eam Praefecturam Gracchi in annos praedictos non incidisse demonstratio. Anno 376. fuit Praefectus Urbi Rufinus, ut palam facit lex 3. Cod. Justin. de offic. Praef. Urb. eidem data vi. Kal. Jul. Valente A. V. Valentiniano jun. Coss. Quintus Consulatus Valentis & primus Valentiniani junioris conferuntur in dictum annum 376. iisdemque Consulibus lata est lex prima Cod. Th. ne in sua caus. quam Gothofredus vult directam ad Gracchum *Praefectum Urbi*. Nec sanè duo Praefecti eodè anno esse poterant. Annus proximus excepit Probianum Praefectum Urbi, ad quem directa est lex 3. Cod. Th. tributa in ipsis spec. xv. Kal. Octob. Gratiano A. iv. & Merobaude Coss. qui in annum ipsum 377. Consules processerunt, ut diximus. Quamobrem non ante annum sequentem 378. Praefecturam Urbanam gessit Gracchus; eo etenim signatur praedicta lex unic. ne quis in sua caus. expressis verbis, *ad Gracchum Praefectum Urbi*, Kal. Dec. Valente vi. & Valentiniano II. Coss. Quam subscriptionem cum viderit Gothofredus, miror, nihilominus Praefecturam Gracchi retrò tulisse ad alium annum. Profectò apud Panvinium nullus notatur Praefectus Urbi hoc anno. Quare in locum hunc vacuum nil vetat quin reponamus Gracchum. At quoniam id ipsum quod de iudicibus statuitur in hac lege Codicis Justin. datà anno 378, sancitum quoque reperitur in alià jam memoratà antecedenti anno 376, vel huius titulus & subscriptio emendanda venit, vel rectius dicendum, Imperatores legem jam latam rursus instaurasse post duos annos. Ne verò inanis sit inscriptio alterius legis

gis tertiæ de quæst. *ad Gracchum P. P.*, quæ hac ipsâ notâ extat in Codice Just. leg. 10. de dignit. editionis Con-
cili, (nam Gothofredus habet P.V.) omninò arbitror, hoc
anno 377. quo tradita est, *Gratiano 10. & Merobaudæ
Coss.*, Gracchum Præfecturam Prætorii administrasse. Quo
munere defuncto, inde euectus est ad Urbanam Præfe-
cturam, quæ Romæ honoribus omnibus & potestatibus il-
lustrior habebatur. Atque ita tempora suo ordine digesta
consistunt: leges in speciem pugnantes conciliantur: &
Gracchus suis dignitatibus restituitur. Igitur A.C. 378, &
non antea, dejecta simulacra Mithræ, subversus specus,
abolita sacra, & præterea Victoriæ ara, de qua celebris pu-
gna inter D. Ambrosium & Symmachum exarsit, convulsa,
aliaque gesta sunt à Graccho Præfecto Urbi, quæ memo-
rantur Hieronymo & Prudentio.

Putaveram ad umbilicum rem perduxisse; sed aurè-
m vellunt carmina D. Paulini superius mihi recitata, quæ huc-
usque firmatis labem aliquam inferre videntur. Poëma
extremum, quo ea carmina continentur, rectè conjicit illu-
stris Muratorius in præfatione, à Paulino fuisse elucubra-
tum & inscriptum Antonio, A. C. 394. aut 395. Cùm verò
inibi mentio sit *Invisi* seu Mithræ *spelæ sub atra* culti,
haud verum erit, ejus sacra & specum ante septem & de-
cem annos à Graccho fuisse subversa. Sed eo Poëmate, ut
opinor, sanctus Vates potius proscindit Gentilium numina
& errores, prout ab iis fingebantur & tradebantur, quàm
velit ritus omnes, sacrificia, & ceremonias, quas describit,
tunc viguisse. Quod cetera percurrenti conjectare licebit.
Quamvis enim non sim nescius, ad hæc quoque tempora,
Pauliniana Christianos perinde ac Paganos, veluti duo rei-
publicæ membra, in Imperio Romano egisse; attamen istis
ritus suos & religionem publicè exercendi, si non in totum,
saltem maximâ ex parte jus fuerat sublatum, ut tot querelæ
Gentilium scriptorum, & leges Principum, Theodosii po-
tissimum, sub quo vel filiis hæc Paulinus scribebat, lucu-
len-

lenter demonstrant. Cum igitur certis testimoniis comperimus, spelæa Mithræ detricta, & mysteria interdicta à Græcho fuisse anno 378. nemo sibi persuaserit, ea adhuc anno 395. perseverasse. Quare Paulinum ità loquutum fieri oportet, ut exprobraret quod factum fuerit, & impia religio doceret, non quia tunc fieret. Quæritur Muratorius, se divinare non potuisse, quisnam fuerit ille *Antonius*, cui D. Paulinus Poëma suum inscribit. Reperio in Fastis *Antonium* cum Syagrio Consulem ad annū 382. & in Codice Theodosiano, sæpius occurrit *Antonius* maximis in Italiâ & Galliâ functus muneribus & dignitatibus. Ad eum quoque quinque sunt datæ epistolæ à Symmacho, lib. 1. ab ep. 83. Qui sanè, prodente temporum ratione, non alius est ab hoc Paulini amico.



A D D E N D A

Ad Cap. III. de Mithra.



UM in Museo Strozio gemmas antiquas, earumque innumeros ectypos cretâ vel sulphure expressos evoluerem, inter hos occurrit simulacrum Mithræ novo symbolorum apparatu spectabile, & uberiori quam saxa in Opere mihi descripta figurant. Curiosè & intentè singula perlustrantem animadvertens Illustrissimus Leo, quæ humanitas ejus est nobilissimo generi par, nil moratus est, quin eo ipso ectypo, nonnullisq; aliis me liberaliter donaret. Igitur quæ scripseram animo revolvens, & cum hac Mithriacâ gemmâ componens, observabam plura à me jam fuisse explicata, non pauca verò novi argumenti segetem parare. Sanè Mithram in gemmâ Abraxeâ sculptum nondum sciebam, neque pro amuleto supersticiosâ religione usurpatum cognoveram. Quare Leonardi Augustini opus Italicum de gemmis antiquis perlustrans, in 2. parte, cujus tunc primùm copiâ mihi feceram, ipsam hanc gemmam delineatam offendi num. 77. Cujus iconem cum ob temporis angustiam huc transferre nequeam, describere saltem non prætermittam. Mithra eodem prorsus habitu & formâ ac in nostris tabulis, Taurum procumbentem calcât & ferit: Canis adsilit ad vulnus, Delphinus, in meo ectypo Serpens, propè jacet. Scorpions testes Tauri invadit: Testudo sub caudâ, quæ in spicas definit. Duo juvenes mitrati, quorum unus semen ejicit, alter reducâ veste sinum explicat. Hinc Cornucopia, inde ramus Palmæ, cui appensa est hominis calvaria. Supernè caput juvenis radiatum, ut in nostris, cum flagro; ab alio latere caput itidem mulieris, cui Luna falcata insidet. Subtus aliam Solis radiatam effigiem sculpsit Augustinus, mihi corona est. Septem Stellæ (Planetas putat idem Au-

ctor) Fulmen, Caduceum, Sagitta, binæ volucres spatium inter Solem & Lunam occupant. Figuras has singulas interpretatione accommodâ percurrit ipse Augustinus. Quem gavifus sum nonnulla, quæ mihi jam explicata fuerant, judicio suo & auctoritate obfirmasse. Symbola enim Mithriaca ad generationem pertinere ait. Atque inde Taurum prostratum repræsentare Tellurem, quam radiis, veluti gladio Sol Mithra penetrans, fecunditatem inducit. Vel cum in Tauri signo Sol versatur, terram foetam aperit, & calore suo semina ad rerum productionem educit. Porro Octobri mense Solis virtute diminutâ semina, agente frigore, intra sinum terræ reconduntur, quod Scorpius testes constringens significat. Cetera haud refero, apud ipsum videnda. Tantùm moneo, septem illa sidera mihi Planetas non esse. Quippe cum jam Solem & Lunam effigie humanâ expressisset sculptor, quid opus erat iterum figurare? Imò non septem, sed octo Stellæ in nostrâ gemmâ numerantur, inter quas una illustrior & grandior Solem antecedit. Illas fixas esse, hanc Venerem arbitror. Ceteros Planetas sub aliis figuris video. Nimirum Fulmen indicat Jovem, Caduceum Mercurium, Sagitta Martem, quæ vulgata sunt eorum symbola. Hinc malè Augustinus his denotari coelum, aërem, & amorem dixerat. Saturnus fortasse latet sub alio signaculo informi, in nostrâ gemmâ fulmini adposito; quod aliud fulmen Augustinus fecerat. Rursus duos juvenes vel ipse perperam expressit in suo schemate; vel in nostro diversimodè repræsentantur. Quippe eorum alter non veretrum, sed facem demissam è regione inguinum manibus tenet, unde non semen, sed flammula manifestè prodit. Nam & alter juvenis facem attollit. Ita ut utrique idem sit habitus ac in aliis tabulis Mithriacis.

Partem averfam hujus gemmæ delineatam exhibet Augustinus proximè sequenti numero 78. Stat Leo ore Apem præferens, quem literæ obscuræ significationis undequaque ambiunt, septemque sidera. Leonem Mithræ
signum

signum esse satis in Opere ostendi; Apem quoque & melius sacris adhibitum. Literas ignorabiles, uti vocat Apulejus, nequaquam sollicito. Ejusmodi stellarum numerus in gemmis Abraxeis apud Chiffletium passim occurrit. Nostram itaque hanc Mithriacam gemmam, ex iis unam esse, quas Gnostici & Basilidiani pro amuleto usurpabant, nullus dubito. Nam Mithra, qui Sol est, peculiari religione monstris Abraxeis accessit, tamquam malorum depulsor, & felicitatis arbiter ac dispensator. Hinc etiam in saxis vota nuncupantur Mithræ pro salute, & prospero rerum bellorumque successu, ut vidimus.

Hic Mithram gemmâ, toto opere laxo expressum conspeximus. Non prætermittam æneum quoque ejus simulacrum memorare. Extat apud Reinesium Class. 1. nu. 277. hæc inscriptio. M. Ulpus &c. IN. HONOREM. DEI. SOLIS. INVICTI. MITHRAE. SIGNVM. AENEVM. P. N. LXXXV. DONVM. DEDIT. Hanc notam P. N. compendio sculptam, PoNdo significare nullus dubito. Ut tot pondo fuerit signum illud æneum Mithræ. Quo figuras expressas puto, quibus constant Mithriaca simulacra ex solido marmore, nempe Mithram Taurum, Canem, Serpentem, & Scorpionem; cuiusmodi duo extant in Burghesiano viridario nobis descripta cap. 1. pag. 159. aliudque pulcherrimum ex nigro marmore nuper vidi in aulâ Palatii Eminentiss. Cardinalis S. Crucis.

Pag. 191. lin. ult. in fn. adde: Leonardus Augustinus de Gemmis antiq. parte 2. num. 82. delineatum præbet senem alatum, qui sinistrâ Scorpionem & baculum apprehendit, altero baculo dexteræ imposito, veluti iis innitatur, cum aliis symbolis. Solem hunc esse rectè arbitratur, alatum ob cursus velocitatem; Scorpionem verò indicare ait, gemmam illam Abraxeam sub ejus signo sculptam fuisse, & baculos utrimque stantes ortum & occasum Solis. At non aliundè petenda est explicatio hujus simulacri, quam ex recitato loco Plutarchi. Sol enim dum in signo

Scorpionis versatur, baculis innititur, tamquam fulcris, ob caloris diminutam virtutem, ideoque & specie senis fingitur.

Pag. 192. lin. 9. adde: In inferiori cubiculo Palatii Principis Justiniani tabula extat Mithriaca, in qua præter alia symbola, *Vas* quoque ante pedes juvenis apparet, non informe ut in nostrâ Antiatic, sed maxime conspicuum, anfulis utrimque manifestò instructum. Quo probè firmatur conjectura hic exposita.

Pag. 197. lin. 32. adde: Reinesius lib. 3. var. lect. pag. 603. uno verbo ænigma hoc, nobis fufius agitatam, absolvit. NAMA. SEBESIO, inquit *manifestò est ex Græco, ναμα σπειδιον* nempe *Fluvius Sebethus*. *Ναμα* utique Græca est vox, *fluentem*, seu *aqua scaturiginem* denotans. At quousque docear, cur simulacro Rômæ sub Capitolium olim, ut diximus, posito, & nunc in ædes Burghesianas translato, Sebethus Neapolitanus inscribi debuerit, & rursus quid rei esse possit fluvio cum Mithrâ, in sententiam doctissimi Antiquarii ire nequeo.



DISSERTATIO
DE
BELENO
ET ALIIS QUIBUSDAM
DIIS AQUILEJENSIBUS.

DISSERTATIO DE BELENO

VETERUM AQUILEJENSII DEO.

Guique Urbi olim Deus proprius. Aquileja Belenus cultus, qui Apollo. Beleni veteres inscriptiones producuntur & illustrantur. Belinus quoque dictus. Emaculatur Dandulus. Belenus Deus Noricorum, unde lectio Tertulliani asseritur. Apud Gallos etiam celebris ejus religio. Nomen Beleni malè Scriptores à Belo seu Sole deducunt. Sol non idem ac Apollo populari religione, quod pluribus ostenditur. Belenus ubique pro Apolline habitus. Origo nominis aliundè tentata. Fortasse ab Heleno, qui Pyrrhi comes post excidium Troja unà cum Henetis, Trojanis, & Gracis navigavit. Varia in hanc rem conjectura. Undenam populi Carnorum appellatio?



VETERES omnes, quibus veri Numinis cognitionem fraus Dæmonis subduxerat, cùm Deum quærent, rerum sensibilibus argumenta sectantes, iis divinitatem inesse facili superstitione arbitrati sunt. Hinc homines factorum gloriâ clari, sidera, virtutum vana nomina, animalia ipsa, & in summa, ut ait Sex. Empyricus propè initium lib. 8. in Mathem: *quacumque profunt vita humana*, aris templisque imposita, Deum nullum, ubi infiniti essent, fecere. Ita coelum, terram, mare, & immensa aëris spatia populus Deorum invasit; & insana religio res penè singulas veluti sub imperium impietatis coëgit. Nec tamen Dii om-

omnes æquo jure censi, sed majorum gentium alii, Con-
sentes, Olympici, Selecti: alii verò minores, Indigetes, Pe-
nates, Semidei, Deorum plebs, & quasi turba proletaria
sunt appellati. Solum quoque gens quilibet & regio Deum
proprium inauguravit, quem peculiari religione inter alios
principem veneraretur: tamquam jus esset populis, uti re-
gem suffragio constituere, ita numen consensu populorum
adoptare. Deos hos *municipes* vocat Minucius in Octavio
prope initium; unde est Tertulliani lepidum scomma in
Gentiles: *Satis video etiam Deos decuriones cujusque muni-*
cipii, quibus honor intra muros suos determinatur, ad Natio-
nes lib. 2. cap. 8. nam alibi dixerat, unicuique provincie
& civitati suus Deus est, Apologet. cap. 24. Hinc cum
Romani Urbem aliquam obsiderent, certo carmine, cujus
formulam recitat Macrobius lib. 3. Saturn. cap. 9., evoca-
bant ejus *tutelares* deos. Et propterea ipsi deum, in cujus
tutela Urbs Roma erat, ignotum esse voluerunt, ne scili-
cet, ut subdit idem auctor, *quod saepe adversus Urbes*
hostium fecisse se noverant, idem ipsi quoque hostili evoca-
tione paterentur, si tutela sua nomen divulgaretur. Sa-
cra inde, quæ diis Urbium ex patrio instituto dicaban-
tur, *Municipalia* dicta, ut in lapide Gruteriano pag. 66.
3. *Calpurnius 11. Vir bis Flam. sacr. pub. M V N I-*
C I P A L. Rursum Dii *presides*, tamquam in tutelam
adscripti, vocantur in alio epigrammate apud Reinesium
Class. 1. num. 4. *Dis deabusque PRAESIDIBVS provin-*
ciarum: & quod gentis alicujus proprii & peculiare es-
sent, *gentiles* priore loco Tertulliani; atque *patrii* in saxo
224. class. eadem: *Diis deabusque PATRIIS.* Ejusmodi
religione peculiari coluisse ait Minucius, *Eleusinos Cere-*
rem, Phrygas Matrem, Epidaurios Æsculapium, Chaldaeos
Belum, Astartem Syros, Dianam Taurios, Gallos Mercu-
rium. Videasque, si lubet, Lactantium lib. 1. cap. 15. Si-
donium carm. 9. v. 165. ad Felicem, Prudentium contra
Symmachum lib. 2. Porro hæc numina vulgò fere nota,
&

& aliis quoque gentibus in promiscuam aliorum religionem adscita erant. Alia obscura deorum vocabula non tam cultu, sed etiam nomine propria, *municipali consecratione*, ut ait Tertullianus eodem loco Apologetici, colebantur, ut *Casinensium Delventinus, Narniensium Visidianus, Aesculanorum Ancaria, Volsiniensium Nursia, Oericulanorum Valentia, Sutrinorum Nortia*. Ampliorem catalogum ignotorum deorum ex antiquis lapidibus concessit, notisque illustravit Jacobus Sponius in miscellan. erud. antiquit. Sect. 3. quem consulas.

Aquilejensibus priscis deus quoque suus municipalis & patrius fuit, qui BELENVS appellabatur. Aquileja Carnorum seu Venetiæ Urbs quondam florentissima, quam Herodianus ^a *maximam & ingentis magnitudinis vocat, ditam* Mela ^b, *opulentum emporium* Julianus Cæsar ^c, Procopius ^d *magnitudine & civium frequentia insignem*, amplissimo verò elogio ab Imperatore Justiniano ^e *omnium sub Occidente Urbium maxima* dicitur. Nunc, quod res humanas fortuna agit, superstitie magni nominis umbrâ, inter ruinas, quæ penè etiam perierunt, sepulcrum querimus pristinæ magnificentiæ & nobilitatis. Hanc vicem celeberrimæ Urbis eleganti carmine latino olim descevit Nicolaus Madrisius Utinensis, quem inter amicos optimum, severioribus disciplinis, & politiori literaturâ egregiè excultum, honoris causâ nomino. Nos de ejus Patriarchatu, & dignitate Ecclesiasticâ, si Deus annuat, aliquandò agemus. Itaque Aquilejenses, dum inter gentilitatis tenebras versarentur, BELENVM Urbis præsidem & tutelare Numen inclytâ religione sunt prosequuti. Auditor est Capitolinus in Maximinis cap. 22. ubi hæc tradit: *cum igitur frustra obsideret Aquilejam Maximinus, legatos in eandem Urbem misit, quibus populus penè consenserat, nisi Menophilus cum collega restitisset, dicens etiam deum BELENVM per Aruspices spondidisse, Maximinum esse vincendum*. Rem eandem narrans Herodianus lib. 8. cap. 3.

a Lib. 8. cap. 2.

b Lib. 2. cap. 4.

c In Orat. de Constantio.

d De bell. Vand. lib. 1. cap. 4.

e In Auth. coll. 4. tit. 8 de Præst. Papst. in princ.

ita ait: *Ceterum nonnulla quoque oracula ferebantur patrii cujusdam numinis victoriam promittentia. BELEM vocant indigenæ, magnâque eum religione colunt, APOLLINEM interpretantes. Non vulgarem discas Beleni dignitatem, qui in Oraculum fuerat constitutus. Nimirum ipse Apollo erat, vaticiniorum pater & inventor. Nam & in hanc interpretationem consentit Capitolinus statim post verba recitata: unde etiam postea Maximini milites jactasse dicuntur, APOLLINEM contra se pugnasse.* Hinc perperam scriptor ille, de quo meminit Salmasius ad hunc locum, in codice Palatino notaverat ad marginem, *idest Martem*. Apollinis hanc significationem Beleno tributam, & religionem apud Aquilejenses magnificam, plurimo veterum lapidum testimonio deprehendimus. Hi magnâ ex parte Aquilejâ Venerias deportati, adhuc in amplissimis Grimanorum ædibus visuntur. Post Pighium in Herculeo prodicio eos retulit Gruterus in suo magno inscriptionum thesauro pag. 36. & 37, Reinesius nonnullos describit. Omnes huc transferre placuit, quod ratio argumenti sibi poscere videbatur; ne, dum de Beleno integram dissertationem meditamur, ad eius monumenta conquirenda aliò lectorem ablegemus. Præterea & correctiores hinc prodibunt, collatis nonnullis, ubi suspicio mendi inerat, cum suis authographis, vel cum manuscriptis schedis, quas penes me habeo, ex quibus etiam aliquos hætenus ineditos proferam, & notatiunculas, prout rei opportunitas exigere videbitur, inseram.

¹
 APOLLINI
 BELENO. AVG
 IN. HONOREM
 C. PETTI. C. F. PAL
 PHILTATI. EQ. R
 PRAEF. AED. POT
 PRAEF. ET. PATRON
 COLLEGIORVM
 FABR. ET. CENT
 DIOCLES. LIB
 DONVM. DEDIT
 L. D. D. D.

²
 APOLLINI
 BELENO
 C. AQVILEIENSIS
 FELIX

³
 APOLLINI
 BELENO. AVG
 TIB. CLARISTIO
 ET. CORNELIAE. Q. TICILAN
 CONIVX. CVM. FILIS. CLAVD
 CONSTATE. FEROCANO
 EVTICHIANAE. AERISTIONE
 EX. VOTO. POSVER. SIGNVM
 CVPIDINIS. L. D. D. D

His saxis, (quorum primum & secundum ex Gruteri pag. 36. num. 11. & 12. postremum ex nostris schedis est desumptum) nomen *Apollinis* tributum *Beleño* vides. Caussam inferius perscrutabor. Literam singularem C in secundo, *Colonia*, explicat Reinesius Class. 1. num. 51, tanquam *Colonia Aquilejensis Felix* aram hanc Beleño posuerit. Unde

K k 2

dam-

damnat Auctores indicis Gruteriani, quòd c. 23. lit. A. non intellectâ C singulariæ significatione, eam per *Cajum*, non per *Coloniâ* exposuerint. Ita enim in 7. 491. C. B. est *Colonia Bononia*, in 6. 484. C. I. *Colonia Julia*, & in 5. 1142. C. *Aquilejensi Felix* verò est epitheton *Coloniæ*: ut *Capua Colonia Julia Felix*, *Colonia Felix Augusta Nolana*, & aliæ passim. Sed deceptum ipsum doctissimum Antiquarium, & Auctores indicis rectè legisse *Cajum*, nullus dubito. Etenim *Caius Aquileiensis Felix* homo aliquis fuit, qui *Beleño* monumentum illud dicavit. Nam & in memoratâ inscriptione 5. 1142. quam ipse in argumentum suæ lectionis profert, C omninò *Caium* designat, non *Coloniâ*, ut sensu ipso statim percipimus. Sic enim se habet suppleta ex nostris, nam Gruteriana tres tantummodo primos versus exhibet.

IALISSO. COIVG
ET. C. AQVILEIENSI
SVAVI
NEMESIN. L. C. FRENIO. SECVN
GRAMMAE

Certè *Nemesina* sepulcri titulum posuit *Jalisso coniugi*, & *Caio Aquileiensi Suavi*, non *Colonia Aquileiensis* nomen est familiæ seu gentis, cui præponitur prænomen *Cai*, sequiturque cognomen *Suavis*. Id aliis exemplis vetustatis confirmo. Saxa sunt *Aquilejensia*, quæ libentius hic exscribo, quòd nusquam edita inveniantur.

¹
CAESARIS. N. SE
FILIO. PISSIMO
ET. L. AQVILEIENSI. AGATHIO
ET. HELIO. COLONORVM

²
T. AQVILEIENSIS
STRATONICVS. SIBI. ET
NVMISIO. TIBERIO
BASILEO. FILIO. SSIMO
QVI. VIXIT. ANN. XXXVI. M. V
D. XIII

³ ^{sc}
PETRONIAE. AQVLEIENSIAE
M. IVLIVS. SOTER. CONIVGI
INCOMPARABILI

Vides non tantum *Caji*, sed prænomena quoque *Titi* & *Lucii* genti *Aquileiensi* fuisse usurpata. Neque enim quis, puto, dixerit illud vocabulum designare Patriam. Nam cuilibet saxa antiqua vel summis digitis versanti notum est, eam esse sedem gentis, non patriæ. Et licet aliquandò inveniamus patriam inter nomen & cognomen locatam, ut notarunt clarissimi Antiquarii Reinesius ep. 46. ad Rupertum pag. 388. & Fabrettus inscript. domestic. cap. 4. p. 340. in nostris hisce saxis id non patimur, ne homines illos prænominem & cognomine notatos, absque nomine cogamur fateri. Et rem extrà dubium videtur ponere *Petronia*, quæ si patriam signare voluisset, se *Aquileiensem*, non *Aquileiensem* vocasset. Cujus inflexionis in *Veronia* muliere exempla præbent inscriptiones 4.485. & 4.746. Florentiæ in Vineâ Strozziâ hoc extat epigramma exscriptum nuper ab eruditissimo Montfauconio: *Libius Abascantus Aquileia Speni coniugi suæ benemerenti*. Libius hic Abascantus, per-

mu-

mutatâ priori literâ , idem fortassis ille est *P. Vibius Abascantus* , qui in lapide inferius recitando *Sevir Aquileiensis* signatur . Unde & conjugî eandem fuisse patriam conjicio , à qua nomen *Aquileia* sumpserit . Porro nomina familiarum sæpius ab urbibus deducta ostendo cap. 1. inscriptionis *M. Aquilii* . Vel cum utrosque , virum & mulierem , Libertos credam , prodente nominum charactere , mulier libertate donata ab ipsâ Colonîâ Aquilejæ , simul etiam nomen accepit . Nam servis urbium cum manumitterentur , ipsarum nomen cum libertate datum fuisse , pluribus exemplis demonstrat Fabrettus cap. 6. pag. 434.

Tiberius Clarissio in tertio epigrammate cum conjugè & filiis *signum Cupidinis Apollini Beleno ex voto posuere* . Signa & donaria in templis alienorum deorum collocata passim occurrunt in literatis saxis . Helvius Felix *signum Apollinis* dicat *Fortuna Primigenia* in 1. 77. eidem *signum Libri Patris* , simulacra duo *Spei* , & *signum Æquitas* eadem paginâ consecrantur . At plura alia exempla erudita congerit Fabrettus in Apologemate pag. 7. Fortè inter hos conjuges dissolutam concordiam & amoris vinculum restituisse *Cupido* credebatur ; gratia autem accepti beneficii in *Belenum* relata , perinde ac si , tanquam tutelare urbis numen , civium patrocinia apud alios deos ageret & negocia procuraret , ex eorumque numero esset , quos *procurantes* , & *prefectos* , & *præsides* vocat Tertullianus in Apologet. cap. 24.

1

BELINO. AVG
SACRVM
VOTO. SVSCEPTO
PRO. A. AQVILIO
C. F. POM. VALENTE
III. V. I. D. DESIG
PHOEBVS. LIB
V. S. L. M

2

BILIENO. AVG
NALVIVS. PINTITVS

4

BELENO
AVG. SACR.
L. CORNELIVS
L. FIL. VELL
SECVNDINVS
AQVIL
EVOC. AVG. N
QVOD. IN. VRB
DONVM. VOV
AQVIL
PERLATVM
LIBENS. POSVIT
L. D. D. D

3

BELEN. AVG
IN. MEMOR
IVLIOR
MARCELL. ET
MARCELLAE. ET
IN. HONOREM
IVLIARVM
CHARITES. ET
MARCELLAE. FILIAR
ET. LICIN. MACRON
IVNIOR. NEPOTIS
C. IVLIVS. AGATHOPVS
III. VIR. AQVIL.
L. D. D. D

5

BELLENO
AVG
P. VIBIVS
ABASCANTVS
III. VIR. AQVIL
DONVM. DEDIT

6

BELINO
AVG. SAC
L. IVNIVS
SVCCESSVS
V. S. L. M

Belenus hisce inscriptionibus AUGUSTUS vocatur. Alios quoque deos simili cognomento seu epitheto insignitos frequenter conspiciamus. Causam quaerunt eruditi. Spornius Recherch. d'antiq. dissert. 29. pag. 481. occasione lapidis *Nymphis Augustis* dicati, ait hoc epitheto designari, deos conservationi familiae Imperatorum invigilare. Reinesius epist.

cpist. 69. ad Rupertum pag. 654. ubi Deos plures, quibus *Augusti* nomen inditur, collegit, id nominis diis tributum putat in adulationem summarum potestatum, quas diis æquare consueverunt; & cum diis suis supplicare videri vel-
lent, simul Augustos suorum temporū adorare & colere. Cui sententiæ confert mos inductus, quo Principes nominibus ipsis deorum appellabantur. Templum Hierosolymitanum impiā profanatione sibi dicari iussit Caligula, titulo *Jovis illustris novi Caji*, teste Philone legat. ad Cajum. Geta & Caracallus vocantur *novi Soles* in numismate Græcis charac-
teribus insculpto apud Morellum in specim. pag. 26. Feminas quoque Imperatorum eadem insania incessit. Unde Julia Sabina *nova Ceres*, Julia Pia *nova Vesta*, aliæque sunt nuncupatæ, ut notavit Cl. Bonarota in suis observat. pag. 40. & 70. Imperatoribus etiam viventibus templa, adoratio-
nes, & sacra instituta fuisse nemo ignorat. Quare cum Apollinem *Augustum*, Silvanum *Augustum*, Belenum *Augustum* offendimus, non alia hæc numina sunt, quam ipsi Cæsares tunc viventes, quibus vota sua nuncupabat stulta gentilium adulatio. At fortassis aliud ire licet. Nomen *Augusti* ex sui origine, *sanctum* & *consecratum* significat, ut ait Festus. Et Ovidius Fastor. lib. 1. vers. 609.

Sancta vocant augusta patres: augusta vocantur

Templa sacerdotum rite dicata manu.

Hinc Octavio Cæsari hoc cognomen additum, ut scilicet, ait Florus lib. 4. cap. ult. in fin. jam tum dum colis terras, ipso nomine ac titulo consecraretur. Et Suetonius in vitâ cap. 7. quod loca quoque religiosa, & in quibus auguratò quid consecratur, *Augusta* dicantur. Dio lib. 53. p. 507. postquam dixit, quare nomen *Augusti* suscepisset, hæc addit: *Tanquam aliquid esset supra hominum conditionem: nam qua in honore atque cultu sunt, ea Augusta vocantur.* Unde qui græcissabant *εὐσεβῶν* vocabant, quasi *sanctum*. Nomen ergo *Augusti* Diis proprium, ex primæva vocabuli notione: quibus opus non est, ut illud ab Imperatoribus tan-

tanquam precariò mutuentur. Nam quis magis *sanctus* & *sacer* falsæ religionis iudicio, quam Juppiter, Apollo, & cetera deorum vocabula? Inscriptus est lapis apud Reinesium Claf. 1. 108. & 148. DIS SANCTIS. & 160. DIANAE. SANCTAE, 64. & 65. HERCVLI SANCTISSIMO, nec plura exempla vacat referre. Appulejus lib. 6. Mētā. *Supplici*, inquit, *se Jūno cum totius sui Numinis augusta dignitate presentat*. De ipso Augusto Cæsare dixerat Naso versu antecedenti,

Hic socium summo cum Jove nomen habet.

Juppiter ergò *augustus* ante Octavium, qui in societatem nominis per adulationem adscitus fuit. Unde facilè suspicor, Belenum & Deos ceteros *augustos* vocatos, propriæ dignitatis merito, non ob consortium divinitatis cum Imperatoribus; vel quòd eorum custodiæ excubarent. Non negaverim tamen, ævo Cæsareo frequentius id usurpatum, ut intenderetur erga Principes reverentia, quibus æqua cum Diis tituli majestas esset.

Primum epigramma monet, *Belenum* vocatum quoque fuisse *Belinum*. Eundem characterem præferunt duæ hæc ex Grutero pag. 36. 14. & pag. 1066. 8.

¹
BELINO. SACR
L. VECTONIVS. L. L
SECVNDVS IIIII

²
BELINO
SEX
CAESERNIVS
FAVSTVS
IIIIII. VIR
V. S. L. M.

In textu Græco Herodiani, ejus verba recitavi, legitur Βελιν. Salmasius ad Capitolinum, loco itidem laudato, scribendum censet Βελινν. Rectè ad fidem nostrorum lapidū. Discriminis causam puto, quòd, qui *Belinum* usurpant, Græcam terminationem sint sequuti: qui vero *Belenum*, Romano more vocem extulerint, quod frequentius

receptum fuit, ut in saxis, & latinis Scriptoribus apparet. Hinc verum nomen potius *Belenum* fuisse crediderim, & ex E in I. transitione, enatum *Belinum*. Nam ex vocales, cum magnam habeant inter se communitatem, ut inquit Varro de ling. lat. lib. 5. in scribendo & pronunciando altera in alterius locum immigrabat apud antiquos, ex Agellio noct. Attic. lib. 10. cap. 24. Donato in Terent. Phorm. & Quintiliano lib. 1. cap. 4. Exempla, quæ ad rem marmorariam pertinent, peti possunt ex Gruteri indice XIX. & notis Reinesii ad inscr. 2. Class. 1. Et hoc sanè magis arridet, si eam originem habet Belenus, quam inferius proponam. At *Belenum* pessimè corrupit Ravisius, *Tellenum* deum Aquilejensium tutelarem effigens, in Officinâ cap. de Diis nemorum. Qui poterat *Tellinum* quoque Brixiensium deum, pro Marte habitum, de quo plura Octavius Rubens in Memor. Brix., in *Belinum* induere. Quamquam Reinesius æquior est in Ravisium, quem scripsisse ait *Bellenum*, increpans amicum Christianum Daurmum, quòd imponi sibi à futili typographo passus fuerit, epist. 93. ad eum datâ pag. 237. At aliâ viâ peccarunt Gyraldus Syntagm. de DIS lib. 1. & Rhodiginus var. lect. lib. 4. cap. 17. *Felenum* vocantes Aquilejensium Deum. Pejus lapsus est Marquardus de Susannis celebris Juris-Consultus Utinensis, qui in tract. de Judæis part. 3. cap. 1. num. 26. Aquilejenses duo numina tutelaria coluisse scribit, *Felenum* videlicet & *Belenum*, horumque templa alterius scilicet Feleni in honorem S. Felicis, ubi verò *Belenum* venerabantur fuisse Abbatiam Belinensem. Miror Henricum quoque Palladium rerum ForoJul. lib. 5. pag. 82. extra lapides, quorum non paucos excribit, *Belenum* & *Belinum* præferentes, etiam, *Felenum* cum Gyraldo, quem citat ad marginem, quæsisse. Erroris eadem illi causa cum cive suo Marquardo, ex sacrâ scilicet Æde S. Felicis Martyris, quem cum vulgò incolæ S. Fel vocitent, putavit eodem loco *Feleni* templum olim stetisse, non obscurè, ut ais, nominis allusione.

sione. At mutilum illud est & corruptum, ex ingenio nostri idiomatis, *S. Felicis* vocabulum, non *Feleni*, quem nusquam Aquilejenses novere. Rectius coniicit Palladius, à *Beleno* seu *Belino* fluxisse appellationem Abbatix, ut loquimur, *della Beligna*, templo D. Martini insignis.

Andreas Dandulus, cujus Ms. Codex in Bibliothecâ Vaticanâ asservatur num. 5842, narrat lib. 6. cap. 1. Eliam Patriarcham, qui labente sexto seculo Ecclesiam Aquilejensem regebat, *quoddam Paganorum templum in honorem Bethel in contiguo litore in mon. Puellarum sub S. Petri Apostoli vocabulo* transmutasse. In sacris Literis *Bethel* locus est, ubi lapidem unxit Jacob, Gen. xxviii. à quo nomine & ritu *Bethylia*, seu *Batbulia* lapides alicui Gentilium deo consecrati, profanis Scriptoribus vocantur. Hos animatos putabant, ut est apud Sanchoniatonem: unde moveri, & in aërem ferri scripsit Damasius in vitâ Isidori apud Phorium Cod. 242, ubi plura legere est de *Bethyliis*. Bochartus tamen Geograph. sacr. lib. 2. cap. 2. mendum esse in Sanchoniatone contendit, & lapides *unxtos*, non verò animatos scribendum. Quod derivationem à sacro Hebræorum ritu ad idololatricum morem traductam propiùs designat. *Bethel* quoque lapidem illum appellarunt veteres, quem Saturnum vorasse fingunt, ex Hesychio, & Prisciano lib. 1. & 6. & βαθυλ *Batbul* *divinum templum* Suidas interpretatur. De his plura videsis apud Scaligerum in Eusebianis num. 2150, Seldenum de DIs Syris Synt. 1. cap. 5. Marshanum in Canon. Chron. ad Seculum iv. pag. 55. Sed nihil horum ad rem nostram, In Templo enim Aquilejensi non lapidi honorem à Paganis habitum fuisse, sed cuiuspiam Deo facile intelligimus. Quare corruptum esse eum locum Danduli puto, & pro *Bethel* legendum *Belenum*. Suadet affinitas vocabuli, & quòd Belenus celebre fuerit Aquilejensium numen, Bethelis verò nusquam sit mentio. Ceterum, ut obiter moneam, vox illa in *Mon.* supplenda est

ex aliis Danduli exemplaribus, in quibus legitur, in *Monasterio*. Quamobrem Ughellus, qui eodem Vaticano Codice usus est, recitans ea verba tom. 5. Italiae sacr. pag. 38. malè scripsit in *monte*. Nusquam enim est, nec esse potuit Aquilejae mons aliquis; cum tota ea regio se in latissimam planitiem diffundat. Et sensus ipse id suadet: nam Elias templum Beleni *transmutavit in Monasterium* (donandum seculo Danduli, qui dixit, in *Monasterio*) *Puellarum sub vocabulo S. Petri*. Quod porro nō ità accipiendum, ut tunc falsi numinis cultus in eo maneret; olim enim Aquileia, gentili superstitione expulsā, Christo Domino nomen dederat. Sed pius Antistes templum illud adhuc extans Christiano ritu inauguravit, & locum, qui tituli infamiam nondum excuerat, sanctiori vocabulo expiavit.

In quinto versu secundi lapidis reposuit Reinesius Class. 1. inscr. 52. MARCELLINI, quod ibi sit sermo de filiis Juliis, de filiabus Juliabus in sequentibus. Audax correctio: at quousque sensus verborum aliter refingi nequeat, eam sequi cogimur. Nam lapidem ità loqui, exemplum nuper ad me transmissum fateetur.

Civibus Aquilejensibus patrii Numinis religio ita inhæsit, ut vota adhuc absentes ipsi nuncuparent. In quarta inscriptione *L. Cornelius Evocatus Augusti donum quod in Urbe vorierat Aquilejam perlatum libens posuit*, obtinuitque locum à decurionibus civitatis; quod significant literæ, *L. D. D. D. locus datus decurionum decreto*. Civem hunc Aquilejensem fuisse, denotat tum tribus VELLINA, ex qua Aquileja Colonia deducta fuit, ut docent alii lapides quos alibi proferam, tum expressi characteres; AQUILEJENSIS. Ex hac gente Corneliā traductam in proximam Coloniam Forojuliensem familiam Cornelii Galli, qui summus Poëta & Augusto carus, Ægypti Præfectus infelici casu occubuit, facile suspicor. De quo iterum pauca alio loco retexam.

In-

Interim inultum abire non patimur Nicolaum Chorrerium, qui de antiquit. Vienn. lib. 3. §. 24. priores duos lapides nobis surripere ausus est, ut Viennæ suæ conscriberet. Sanè adhuc visuntur Venetiis in ædibus Grimanis, nec Viennæ in Galliâ esse possunt, nisi, quod negant Philosophi, multiplicatio corporum detur. Errandi illi fons est ex Grutero lippis oculis inspecto. Pag. 36. num. 10. signatur inscriptio *Viennæ Allobrogum in æde D. Petri*: sub hac, num. 13. jacet nostra, cum hoc titulo, *in alia ara ibidem*: & inferius num. 16. similis epigraphæ, *in alia*. Itaque cum prima verè ad Viennam pertineat, sequentes quoque, ex verbis præscriptis, *ibidem* extare putavit. At progrediendum erat ordine numerorum ducente: nam cum undecimus lapis Aquilejæ consignetur, ceteri omnes usque ad septimum decimum, non interruptâ serie, *ibidem* collocari debent. Reliquas inscriptiones Beleno dicatas exhibeo.

BILIENO. AVG.
NALVIVS. PINTITVS

In hoc epigrammate, quod supra etiam produxi, nomen Beleni novâ characterum formâ procusum est. Fabrilis mendum haud dubito, cum Reinesio (qui illud extare ait Venetiis in ripâ S. Claræ) Class. I. 51. ubi pluribus exemplis docet, sæpius I pro E in veteribus libris & lapidibus irrepsisse. Culpat quoque marmorarium, quòd *Nalvius* pro *Nævius* scripserit, & *Pintitus* pro *Pinutus*. Mihi tantum licere non arbitror, & artificem libenter noxæ eximo,

¹
 FONTI BELENO
 C. AQVILEIENSIS DIADV MENVS
 B. V. S

²
 FONTI. B. . .

³
 M. HOSTILIVS
 AVCTVS
 IIII VIR
 B. S. D

⁴
 BELENO
 MANSVETIVS
 VERVS
 LAVR. LAV
 ET. VIBIANA
 IANTVLLA
 V. S.

⁵
 T. MARIVS. APTVS
 VERCELLEN
 ET
 ASIATICVS
 MAN. BELENO
 V. S. L. A

Primum hunc lapidem mirum in modum afflixit Reinesius loco proximè laudato, & *Fontem Belenum* obstruere conatus est. Eum trajectis vocibus ita legebat: BELENO *Coloniae* AQVILEIENSIS FONTEIUS DIADV MENVS: fontem in virum, hunc in Coloniam novâ metamorphosi traducens. Nec enim sibi persuadere poterat, *Belenum*, vel fontem aliquem fuisse, vel fontem sub nomine Beleni cultum. At demùm secundis curis, & *Fontem* & *Belenum* in sua divinitatis jura reposuit, quòd vidisset aliud saxum apud Gruterum 94. 4, secundum ex nostris hìc descri-

scriptis, dicatum FONTI *Beleno*; & *Fontem* esse deum prodant tam *Fontinalia* Romæ celebrata, quam delubrum iuxta portam Capenam ipsi positum. Imò & FONS non minus quam *Juno, Lympha, Dique Novenses, domicilium possidebat* in secunda cœli regione, apud Capellam de nupt. Philolog. lib. 1. pag. 16. Addo Sextum Empyricum qui adversus Mathem. lib. 8. pag. 311. edit. Græcolat. Colon. an. 1620. tradit, *Veteres Solem, & Lunam, & fluvios, & FONTES Deos* existimasse. Unde apud Fabretum cap. 6. pag. 430. ara est dicata *Jovi Optimo Maximo Caelestino FONTIBUS & Minervæ*. Gruterus ex Smetio legebat *Fontejus*: pejus Reinsius *Brontæo*. Sed ita emendavit clarissimus marmorum restitutor ex authographo ejus Museum exornante. Similes inscriptiones ibidem legere est. Itaque *Fons* suus *Beleno* maneat, & lapidi scriptura: in quo legendum *Cajus Aquilejensis*, non *Colonia*, ut de aliis supra monuimus. Præterea labitur Reinsius dum illum cum tertio M. Hostilii conjungit, nam uterque distinctus est in nostris schedis, & postremi ultimæ literæ B. S. D. sunt explicandæ, *Beleno Sacrum Dedit*, scilicet *Hostilius Sevir Aquilejensis*, non *De suo Dedicat*, ut ipse putaverat, D pro B reponens.

Hæc penè omnia, quæ retuli, Aquilejensia epigrammata vota nuncupata & soluta *Beleno* repræsentant. Id enim significatur his siglis, V. S. *votum solvit*, V. S. L. M. *votum solvis libens merito*, & huiusmodi. Vovebant gentiles, quod est nuncupare vel suscipere vota, donaria, signa, ornamenta, vel victimas; & voti compotes facti, Deo cui voverant, vel extructâ arâ, thure & vino, aut victimis faciebant, aut dona statuebant, nisi in templo essent dedicanda. Sexcenta eiusmodi vota soluta produnt veterum lapides, quibus tempus, personæ, res dicatæ, & similes circumstantiæ adnotabantur. Locus porro statuendi aram nonnisi permissu publico eligebatur, unde frequens hæc formula etiam in nostris saxis, L. D. D. D. *locus datus Decurio-*

tionum decreto. At hæc trita sunt.

Dùm de Beleno agimus, non prætermittam lepidissimum distichon, quod extare sculptum marmorì in agro Tiburtino testatur Antonius del Rè in antiquit. Tiburtin. Italico idiomate cap. 5. part. 2. ubi de Villâ Hadriani in fine.

ANTINQO ET BELENO PAR AETAS FORMAQVE PAR EST.
CVR NON ANTINOVS SIT QVOQVE QVI BELENVS.
Q SICVLVS.

Antinous puer Hadriano in deliciis fuit, gratiâ apud ipsum & honoribus florens, quem fato abreptum in Ægypto, vesanus Imperator, in perditì amoris argumentum & doloris solatium, templis & oraculo consecratum pro Deo coli iussit: nisi populi in adulationem principis hoc fecerint, ut scriptores aliqui prodiderunt. Extant numismata eius consecrationem præferentia, de quibus antiquarios consulas. Cum igitur Q. Sículus Antinorum videret summo loco apud Cæsarem haberi, queritur non eadem sorte acceptum esse *Belenum*, qui nec ætate nec formæ elegantia Antinoo concedebat. Hunc *Belenum* Aquileiensem fuisse non inani coniecturâ suspicor. Quòd scilicet ex patrii Numinis appellatione nomen sortitus sit. Non insolens quippe fuit Romanis Deorum nomina hominibus indere. Exempla lapidum producit Reinesius epist. 69. ad Rupertum pag. 655. & Cl. Cuperus in monum. Antiq. post libellum de Harpocrate pag. 188. nihil ex eruditâ antiquitate prætermittit. His interim auctarium faciet noster *Belenus*; addasque & *Phoebum* in inscriptione superius memorata pag. 261.

A Carnis, ubi Aquileja, ad finitimos Noricos Beleni religionem migrasse certum videtur. Nam *Belenum* his fuisse cultum disertè tradit Tertullianus cap. 24. Apologetici jam indicato: *Unicuique etiam provincie & civitati suus est Deus, ut Syriae Astarte, ut Arabiae Disartes, ut Noricis BELENVS, ut Africa Cælestis*. Et iterum adversus

Gen-

Gentes loco itidem sub initium prolato. Antiqui Codices Tertulliani non *Belenum*, sed *Tibilenum* præferebant. Petrus Pithœus adversar. subseciu. lib. 1. cap. 4. cum in Ausonio Beleni mentionem offendisset, suspicatus est, textus Septimii corruptos, & ipsum *Belenum* reponendum. Quam conjecturam veteri manuscripto munivit, & exinde eam amplexa est universa Literatorum natio. At verè non omnium primus Pithœus correxit Tertullianum. Siquidem Jacobus Nicolaus Loënsis miscellaneor. epiphill. lib. 5. cap. 15. inter Criticos Gruteri tom. 5. pridem mendum detexerat, & pro *Tibileno* *dium Belenum* legerat. Eà sanè ratione, quòd Aquilejensis regio, ubi Belenus colebatur, proxima sit Norico, quod pluribus ostendit, quàm opus fuisset in re Geographis notà. Si tamen audiamus Germanos Scriptores, qui *Tibileno* antiquæ Tertullianeg lectionis jura asserere contendunt, à Noricorum finibus eliminandus est *Belenus*. Tuentur eam opinionem Rhénanus ad marginem primæ edit., Althamerus commentar. in Taciti Germ. adducti à Pamelio, Fabritius origin. Saxonie. lib. 1. Joan. Saubertus de sacrific. vet. cap. 5. & nuperus Auctor Hætor Gothofredus Masius in Schediasmate historico de Diis Obotritis, seu Idolis Mekelburgens. cap. 2. §. 3. Nimirum *Tibilenum* ex Norico in reliquam Germaniam transgressum autumant: nam etiam hodie malus Dæmon eo nomine ipsis Germanis vocatur. Inde *Tibilenum* eundem esse ajunt quem Slavi, *Zernebok*, seu *nigrum deum* appellabant, teste Helmoldo lib. 1. Chron. Slavorum cap. 53. Nostri quoque Slavi montana Forijulii, quæ Carnioliam spectat, incolentes, adhuc eodem planè vocabulo utuntur: *Zerne* quippe iis est niger, *Bach* deus. Præterea & Vandalos adhibuisse ea nomina reperio. Nam deum malum appellabant *Zernebuk*, bonum vero *Belbuk*: erat enim illis *Bel* albus, *Zerne* niger, & *Buk* deus. Et in conuiujs & computationibus suis pateram certis verbis consecrabant sub iis nominibus boni & mali dei. Ita Krantzzius

lib. 3. rerum Vandalic. cap. 37. & Munsterus lib. 3. Cosmograph. Primum horum deorum cum fuisse *Bielem* puto, apud Thuringios ingenti superstitione cultum, cujus idolum S. Bonifacius semel iterumque dejecit, uti refert Johannes Letznerus, qui ex veteri MS. vitam ejusdem Germanorum Apostoli scripsit, penès Nicolaum Scarium Moguntiac. rerum lib. 3. not. 21. pag. 474. Nescio an hujus nominis antiquiorem originem repetere possimus à *Veleda*, ut legit Rickius, quæ cum tempore Vespasiani in Germaniâ latè imperitaret, etiam numinis loco habitata fuit, teste Tacito de mor. Germ. cap. 8. & histor. lib. 4. cap. 61. Primæ sanè literæ B & V frequenter permutantur. At videant viri docti, num idem liceat in numinis sexu. Alterporrò *Zernebok*, ex nominis significatione, is potuit esse *Jopher niger*, alii legunt *Jovem nigrum*, de quo Bolandus in actis S. Julianæ 16. Februarii pag. 875.

Attamen in eam significationem nil certi Germanos adducere testatur idem Pamelius Rhenanum & Althamerum referens. Et Vossius, qui lib. 1. de idololatr. cap. 38. ire in Fabricii sententiam visus est, in notâ marginali eundem deceptum fuisse magnoperè veretur, cum à Tibileno *Tifel* esse non possit. At ego verè deceptos Germanos non dubito. Quia cum Tertullianus deum illum præsidem Norici fuisse dicat, induci non possum ut credam, Noricos in tutelare gentis numen malum dæmonem adiunxisse. Quamvis enim supersticiosa gentilitas etiam deos malos, ne nocerent, divinis honoribus cumulaverit; nunquam tamen, quodd sciam, nisi bonos & faustos in tutelam & præsidium Urbium regionumque adoptavit. Hujusmodi deprehendas eos omnes, quos Minucius & alii mihi superius laudati memorant. Percurras etiam longum deorum topicorum seu localium catalogum apud Gyraldum Syntagm. 1. Ipsimet Dii provinciarum præsidēs Tertulliano recitati, omnes boni sunt, & ex eorum numero, quos cælestes & majorum gentium vocarunt antiqui. *Astarte* Syriæ est

est Venus, *Disartes* Arabiæ Bacchus, *Cælestis* Africa Juno. Quare omnino verum videtur, etiam Noricorum deum; inter ipsos recensitum, eiusdem ordinis & dignitatis fuisse, & certe *Belenum* qui Apollo interpretabatur, non verò *Tibilenum*, eâ notione, quam Germani ingerunt, malum dæmonem & improbum deum. Quare Tertulliano & Norici deus *Belenus* reliquendus est.

Ab Aquileiâ nostrâ & Norico, ingens terrarum spatium emensi, in Galliam transmittimus, ut BELENVM plurimâ religione apud eas gentes celebrem conspiciamus. Ausonius de Professoribus Burdigalensibus carm. 4. hæc habet:

*Tu Baiocassis stirpe Druidarum satus,
Si fama non fallit fidem,
BELENI sacratum ducis è templo genus.
Et inde vobis nomina
Tibi Patera: sic ministros nominant
Apollinaris mystici.*

Et carmine 10.

<i>Non reticebo senem,</i>	<i>Stirpe satus Druidarum</i>
<i>Nomine Phæbitium,</i>	<i>Gentis Aremorice,</i>
<i>Qui BELENI Ædituus</i>	<i>Burdigale cathedram</i>
<i>Nil opis inde tulit.</i>	<i>Nati operâ obtinuit.</i>
<i>Sed tamen, ut placitum,</i>	

Patet hinc Belenum cultum fuisse potissimum in Aremorica provinciâ Galliæ ad Oceanum, in quâ Bajocassis Urbs sita erat, ex Valefio in Notitiâ Galliarum, & Pithæo, qui hoc idem observat, expendens recitatos versus Ausonii, Advers. subsec. lib. 1. cap. 3. Inter populos verò Aremorici præcipui accensentur Veneti apud Cæsarem lib. 3. de bell. Gallic. Quæ hic adnotata, deinceps usu venient. Porro Belenum Galli quoque interpretati sunt Apollinem; cognomina enim quæ huic congruunt, ministris Beleni indita fuisse, monet Ausonius. Atque hic fortassis est Apollo, quem coluisse Gallos tradit idem Cæsar lib. 6.

A Beleno etiam derivatum volunt deum *Abellionem*, de quo inscriptiones in Convenis Novempopuloniæ apud Gruterum pag. 37. num. 5. 6. & 7. & *Belanetensis* mons in Arvernīs à Beleno appellationem traxit, ut placet Valesio in eadem Notitiâ pag. Imò *Belatucadrum* Britannorum deum eundem Belenum esse, non ambigit doctissimus Seldenus de Dis Syris Syntagm. 2. cap. 1. Fortè à Gallis, qui illuc migrarunt, religio traducta est, ad regionis loquendi consuetudinem nomine accommodato. Nam & Britannos habuisse Druidas refert eodem libro Cæsar, & Tacitus annal. 14. cap. 30. Qui cum mystæ fuerint Beleni, ut jam didicimus ex Ausonio, omnino verisimile est, ipsos nomen dei & sacra in vicinam insulam importasse; siquidem in eâ, Gallorum *sacra* deprehendi *superstitiosâ persuasionē*, dixerat idem Tacitus in Agric. cap. 11.

Jam satis BELENI religionem apud Aquilejenses & Gallos, significationemque Apollinis inditam literata, saxa & scriptorum testimonia monstrarunt. At nullus veterum causam nominis, & originem numinis prodidit. Viri docti, quos nostra ætas & superior tulit, cum omnes penè antiquitatis latebras eruditâ perquisitione sollicitaverint, hanc quoque provinciam perterritarunt. Joannes Ger. Vossius de idololatr. lib. 2. cap. 17. Belenum ab Hebræo *Beel*, unde *Beelsamen*, deducit, cum omnis ferè superstitio sit ab Oriente. Ludovicus Thomassinus in tractatu Gallico des Langues lib. 3. cap. 10. nu. 4. Belenum, ut & Abellionem ab *𐤁𐤏𐤋* seu *Sole* derivat, mutatâ aspiratione in B, qui transitus non insolens est. Bolducus ineptissimè à *Bel-Enos* seu *Deus Enosæis*, quem fusè confutat Reinesius Class. 1. 5 1. Ceteri omnes Belenum esse à *Belo* contendunt, & religionē nomenque ab Oriente in Europam traductum. Ita Seldenus eodem Syntagm. 2. cap. 7. Bochartus Geograph. sacr. part. 2. cap. 42. Elias Schedius de Djs Germanorum Syntagm. 1. cap. 7. Jacobus Sponius in miscellan. erudit. sect. 1. art. 1. & Recherch. d'antiq. dissert. 3. pluresque alii quos

-ed A. c m!.

præ-

prætermitto. *Belus* celeberrimum apud Orientales numen, quod in sacris Literis *Baal*, *Baalim*, & *Beelphegor* audit, quamvis passim pro Jove habitus fuerit, ut apud Hesi-
chium, Herodotum in Euterpe, Xiphilinum in Caracalla, & alios, Solem nihilominus etiam significavit, quod jam memorati Auctores fusiùs ostendunt. Quare cum Sol Apollo sit, Belenusque Apollo, à Belo Belenum natales suos ducere, non dubitant. Inde Schedius loco indicato Solem in Beleno quærens, literis in numeros mysticè transposi-
tis, uti à Basilidianis & Gnosticis olim in Abraxis tenta-
tum, elicit numerum dierum anni, quem Sol cursu suo determinat, hoc modo:

B	H	A	E	N	O	Σ)	
2	8	30	5	50	70	200)	365

Curiosum sanè ingenii commentum, magis quàm verum. Non enim advertit doctus Auctor, non tam secundam, sed etiam primam syllabam in Beleno per scribi, ut vidimus in Herodiano; & Latinis brevem efferri, quod constat ex duobus Ausonii locis, & versibus Q. Siculi de Beleno pu-
ro jam adductis. Ac proinde si reponamus literam, cui quinarium numerus respondet, decurtato mystico illo 365. dierum numero, tota Schedii *ισοψηφία* evanescit. Præ-
terea, supersticiosa hæc numerorum mysteria Ægyptiis & Orientalibus tantùm fuisse usurpata, quibus Belenum nu-
quam notum invenimus.

Attamen quæ de Beleni hac derivatione doctissimi viri cogitarunt, mihi probata esse nequeunt. Persuasum quippe habeo, *Belenum*, qui perpetuo scriptorum & lapi-
dum consensu Apollo dicitur, Solem esse non posse, ac proinde neque *Belum*. Arduum hoc profectò & audax
effatum, cum vel pueris, ut inquit Seldenus, notum sit, Apollinem eundem esse ac Solem. Fateor ultrò: & Macro-
bius lib. 1. saturn. cap. 17. id longâ disputatione osten-
dit, & post ipsum, uberiori eruditionis copiâ idem Vossius
lib. 2. cap. 12. & Aleander junior in explicatione tabulæ

He-

Heliacæ. At si in Gentilium religionem penitiùs introsperimus, & horum sententiam veram esse, & nostram haud falsam, patebit. Theologiam suam in tria genera distinxere veteres, in Mythicam scilicet, seu Fabulosam, Physicam, & Civilem, ut ex Scævola & Varrone tradit D. Augustinus lib. 4. de Civit. dei. cap. 27. & lib. 6. cap. 5. Sallustius philosophus de Diis & Mundo cap. 4. in quinque species distribuit, quæ ad hæc facile reduci possunt. Ad primam referebant eam partem, quæ ad physiologicas naturalium rationum interpretationes pertinet. Hinc Dii omnes vel ut corpora naturalia culti sunt, ut Sol, Luna, astra: vel, ut animalia, ex historiæ vel fabularum traditione, quales putabantur Juppiter, Bacchus, Apollo, & ceteri. Atque hi, quos *ingens evexit ad æthera virtus*, ut ait Poeta, *ob merita virtutum, aut munerum, aut artium repertarum in memoriam sunt consecrati*, inquit Lactantius lib. 1. de falsâ relig. c. 5. Quare Apollo historicè seu fabulosè sumptus, unus quis Deus est animalis, diversus à Sole, qui inter naturales censebatur: idem verò cum Sole, si physiologicè, Julianus Cæsar in orat. iv. quæ de Solis laudibus est, Apollinem eundem utique cum Sole pronunciat; at quomodo id intelligendum sit, optimè in rem nostram sic explicat, ex versione Petavii; *Sunt aliqui, inquit, Solis cognati & congeneri Dii, quorum vires & effectus participat, quasi extrema principia, & ab omni corporum commercio sejuncta, quibusdam interpositis mediis, in unum à rege Sole coacta, circa ipsum copulantur. Ità Jovis vim effectricem continet, Apollinis eandem intelligendi simplicitatem, & substantia stabilitatem & actionem, Bacchi verò multiplicabilem & divinduam efficientiâ. Ita ut hac & alia Deorum nomina in singularem & primariam unitatem Sol componens omnia perficiat, secundet, & alat. Ex quibus sparsim in eâ oratione à Juliano dictis apparet, Apollinem verè alium esse à Sole natura suâ, quamadmodum sunt etiam Juppiter & Bacchus: ceterum eundem participatione virtutis & effectuum convenientiâ;*

tiâ; quare aptius *socium Solis & assefforem* appellat p. 285, & 269. Plura in hoc argumentum ex aliis congerere possem.

Sapientes igitur & Mythologi, qui sub fabularum re-
gumentis latentem philosophiam, tum moralem tum phy-
sicam, denudarunt, & theologicas fabulas, ut ait Sallustius
loco indicato, sunt sequuti, quæcunque de Apolline tradi-
ta fuerant à Poëtis, ad vires actionesque Solis patefacien-
das transtulerunt, atque ideo Deum unum, idemque Nu-
men pronunciarunt. Ceterum vulgus Gentilium, omnes-
que qui religionem, non ratione sed sensibus hauserant,
Deos quoscunque, prout sibi à Poëtis fingebantur, pronâ
superstitione amplexati, Apollinem Jove & Latonâ pro-
genitum, è cœlo quondam dejectum inter homines Adme-
ti armenta pascentem, Musarum patrem, auguriorum & sa-
gittandi artis inventorem, non eundem esse Solem puta-
runt, quem Hyperionis & Thyæ filium, in summo cœli ver-
tice diei, lucisque moderatorem conspectabant. Hanc po-
pulari religionem sequuti Magnesi & Smyrnæi in fœ-
dere inter ipsos sancito, cujus formula extat in marmore
Oxonienfi primo, jurant *per Terram, SOLEM, Martem,*
&c. APOLLINEM &c. utrosque inter se diversos non am-
bigentes. Ita lapis Ultrajectinus apud Sponium in Miscel-
lan. erudit. sect. 3. pag. 72, positus est *Jovi O.M. summo,*
exuperantissimo, SOLI Inviçto, APOLLINI, Luna &c. Et
Scriptores populo religionem & cultum tradentes, duos
esse distinctos Deos docuere. Varro apud eundem Augu-
stinum lib. 7. cap. 7. viginti Selectos Deos recenset, ex quo
numero duo sunt, *Apollo, & Sol*. Hunc Artemidorus in-
ter Deos cœlestes, illum inter æthereos reponit, lib. 2.
Oeneirocrit cap. 35. *Rhodo favere Solem, Tymbræ Delion,*
nempe Apollinem, dixit Sidonius Carm. 9. ad Felicem
v. 168. ac 173. & vetus epigramma Græc. *Delphos, ait, tuetur*
Pythius, & paullô post: est tutela Rhodos beata Solis. De-
mum Callimachus in hymno de Apolline, gesta ejus, ho-
nores, habitus, cultum, & cognomina celebrat, nullâ om-
nino

ninò Solis mentione interiectâ. Nimirum hymnodia populare erat carmen, ad vulgi aures & religionem accommodatum; & ex hymnis, ut notat Natalis Comes Mytholog. lib. 1. cap. 16, quæ cuiusque Dei natura, & quis ille esset quem laudibus, & precationibus prosequabantur Gentiles, dignoscitur. Homerus quoque prolixum in Apollinem hymnum texit, ortum ejus, perigrinationes, templâ, extructa, totamque rerum ab eo gestarum seriem complexus, nec uspiam de Sole vestigium aliquod prodit. Etenim ut Deum animale populo colendum exponebat Poëta. Hûcque est referendum tertium jam memoratum theologiæ genus, *mixtum* Sallustio vocatum, quod, inquit Augustinus ex Varrone, in urbibus cives, maxime Sacerdotes, nosse atque administrare debebant. In quo est, quos Deos publicè colere, quæ sacra ac sacrificia facere quemquam par sit; unde illud ad ceremonias spectare, ait idem Sallustius. Idcirco in hac civili, seu populari religione alia Apollini sacra, victimæ, templâ, simulacra statuebantur, alia Soli. Longum esset ire per singula. Ex re nummaria tantum indicabo, Apollinem, specie juvenis arcum intendentis, conspici in numismate Licinii Valeriani, Lyram & pateram gestantis, Antonini Pii: Sol verò utique sub forma juvenis, sed capite radiato, cum globo in manu sinistrâ, in nummis Hadriani, Gordiani minoris, Aureliani, aliorumque Imperatorum.

Quæ, supra quàm res ipsa fortè exigat, explicata in id collimant, ut ostendam, Aquileienses & Gallos cum Apollinem, sub Beleni cognomento, populari religione colerent, de Sole non cogitasse. Nullum uspiam Solis vestigium in Beleno, ubique Apollo dicitur. Ita Herodianus, Capitolinus, Ausonius, & lapides quotquot recensui. In numismate Cunobileni regis Britanni, cujus ab hoc numine augustius nomen, Belenus insculpitur Lyram pulsans, ut refert Seldenus loco indicato: quod Apollini propriè convenit, nec nisi physiologicè Soli. Ex uno, ut fatear,

tear, Aufonii versu, quem retuli, nescio quid de Phœbo, qui Sol est, deprehendi posset. Sed ille potius Poëtæ iocus est, in vocabulo Phœbicii ludentis. Certè Gallos Apollinem coluisse tradit Cæsar. Imò nil ab Aufonio commendum. Nam Phœbus nomen est Apollinis proprium, Solis translaticium. Dicitur enim à Poëtis Jovis & Latonæ filius, qui ipse est Apollo; ut apud Homerum in hymno proximè laudato. Sed ab Aquileiâ nostrâ non recedamus. Alia in eâ urbe templa & aræ Apollini Beleno, alia Soli fuerant dicata. Aras in saxis jam vidimus. Templâ Beleni tria mihi videor detexisse. Alterum ad Ecclesiâ S. Cosmæ, ubi reperta fuit inscriptio jam relata, signum Cupidinis in templo Beleni dicatum præferens. Secundum, de quo meminit Dandulus sub nomine corrupto Bethel. Tertium eo loci fuit, quo nunc Ecclesiâ S. Martini, sub *Beligne* vocabulo *Belinum* seu *Belenum* recondens, ut supra memoravi. Et Jo: Candidus Commentarior. Aquil. lib. 4. pag. 18. refert Maxentium Patriarcham, qui sub initium seculi noni Aquileiæ sedit, *ex templi ruderibus prisce patrii Belis Dei Monasterium Benedicti Monachis Belinense* extruxisse. Templum verò Solis aliâ urbis parte extructum. Eius vestigia paucis ab hinc annis detecta sunt, ibique hæc inscriptio effossa.

DEO SOLI
DIOCLETIANVS. ET. MAXIMIANVS
INVICTI. AVGG

Templum hoc statuisse Diocletianum, dùm Aquileiæ esset, vero simile arbitror. Nam in eâ urbe transegisse docent Acta S. Chrysogoni. Id contigit anno Chr. 304. Nam superiori anno ad 12. Kal. Decembres Romæ celebratis Vincennalibus, petiit Ravennam, ubi Kalendis Januariis eiusdem anni 304. Consul processit & post æstatem Nicomediam profectus est, ut in notis ad Lactantium de mortibus

bus Persecutorum cap. 17. collegit vir clarissimus Stephanus Baluzius. Tunc ergo necessariò fuit Aquileiæ, quâ Ravennâ relictū est iter in Illyricum & Bithyniam, ut ex Itinerario Antonini constat. Ibidem verò aliquandiu degisse ex iisdem actis dignoscitur. In hoc itinere morbo correptum vexatumque Diocletianum tradit idem Lactantius. Quam ob causam, si coniecturæ locus est, Aquileiæ templum Soli dicavit. Nam Solem ægris propitium putabant Gentiles; ideo apud Gruterum pag. 31. 10. lapis est positus *Soli, Aesculapio, & Hygeiæ*, & pag. 32. 11. *Soli æterno Sacr. pro Salute P. Valerii Crispi*. Porro in nostro lapide nomen quoque Maximiani visitur, quia operibus & actis publicis ambo Collegæ imperii inscribebantur.

Quòd igitur BELENUS sub nomine Apollinis ubique cultus fuerit, & Apollo religione populari alius sit Deus diversus à Sole, facilè crediderim, nomen Beleni à Belo, qui Sol apud omnes habetur, ortum non habuisse. Et sanè causam doctissimi viri, qui aliter opinati sunt, mihi demonstraſſent vellem, cur Belus qui ab Oriente in Europam transfuectus, ipsis iubentibus in Beleno nomen retinuit, congenitam tamen & antiquam significationem Solis abjecerit, ut in Apollinem migraret. Non ità se Belus ipse transformari passus est, cùm sub Aureliano sacris Romanorum inferretur. Narrat enim Zosimus hunc Imperatorem devictis Palmyrenis simulacra Solis Beli, ut legit Salmasius ad Vopiscum in ejus vitâ cap. 35, in magnificentissimo templo Romæ exstructo & Soli dicato, translata, collocasse. Nec Mithra, qui pro Sole Persis colebatur, in Romanam religionem adoptatus, juri suo decessit; sed semper Sol idem, nunquam Apollo vocatus fuit, ut ex tot monumentis, in superiori dissertatione de Mithrâ mihi productis, liquidò constat. Quidni igitur Belus nomen originis, Solisque significationem etiam in Beleno non retinuiſſet? Quare *Belenus* à *Belo* esse nequit.

Aliâ viâ ad Belenum ivit Pithœus eodem lib. 3. ad-
ver-

vers. cap. 3. Nimirum ejus nomen deducum ait à Βέλῳ. *Sagittā*, unde Apollo ἐμβέλῳ & ἐμβαλέτης seu *eminus jaculans* fuit dictus. Quæ sanè originis ratio non aliena videtur, si illud cognomentum seu epitheton ad ipsum Apollinem deum animale, qui *sagittipotens* passim à Poëtis dicitur, ob sagittandi artem inventam, & Pythonem sagittis confectum, referatur, non verò ad Solem, qui radiis, quasi jaculis, terram ferit, ut vult idem Auctor. Ità enim Belenus esset Sol, quod falsum hucusque demonstravi. Reinesius in notis ad inscriptionem § 1. sæpius laudatam, prætermisâ nominis originatione, putat Gallos, cùm in Italiam per saltus ignotæ antea viæ transgressi sunt, uti narrat Livius lib. 39. tunc etiam Belenum, qui apud eos colebatur, Aquilejensibus tradidisse. Sed Romanos, ejus gentis, quam triennio nondum exacto post adventum, sedibus depulerant, opidumque construi coeptum deleverant, ex eodem Livio, religionem & numina retinuisse, non est credendum. Præterea Reinesius non explicat unde Gallis ipsius numen illud advenierit.

Ergò *Belenus* ubique quæsitus, nusquam est. Nunc verè id recurrit, quod Tullius dixit: *utinam tam facile vera invenire possim, quàm falsa convincere*, l. 1. de nat. Deor. Attamen in tantâ remotioris ævi caligine, & scriptorum silentio conabor aliquid: & non tam nominis originem; sed etiam tempus & populos, qui religionem Beleni in Gallias & nostram Carnorum regionem invexerunt, perentabo. Fateor sanè, iter quò pergam, uti novum nec aliis tritum, ità lubricum & anceps futurum. Conjectamus, ariolamur; & si mavis, ingenio ludimus, & nugamur. Hæc præfatus, id fortasse consequar, ut præjudicata audaciæ conscientia audaciam ipsam excuset.

Ex Trojanis ducibus, qui captâ urbe sedes quærebant, Antenorem in extremis Adriatici oris, unâ cum Henetis Paphlagonum gente, à quibus regio nomen accepit, consedisse, penè omnibus antiquis Scriptoribus tra-

ditum fuit . Ammianus Marcellinus lib. 15. cap. 9. ex Timagene narrat, Græcorum manum , post excidium Troiæ, loca vacua Galliæ occupasse . Hos quoque ex eadem Henetorum & Trojanorum sociâ gente fuisse, indè facilè colligi potest , quòd populi ad littus Oceani Aremorici simili prorsus appellatione vocati sunt Veneti . Nec scrupulum facit, quod Marcellinus Græcos appellet, quia id etiam Halicarnasseo usurpatum, qui libro primo histor. passim pro Trojanis Græcos habet; quòd re verâ una gens fuerit. Vel cùm mixtim Græci, Trojani, & Heneti hanc expeditionem susceperint, potuit Timagenes Græcos tantummodo recensuisse . Ità Venetos, tàm nostros quàm Gallos Aremoricos , socios invicem, uniusque originis facimus . At cum Deum etiam eundem colverint (nam Belenum apud Aremoricos potissimum fuisse celebrem ex Ausonio jam didicimus) necesse est fateri, communi aliqua occasione & causâ utroque eam religionem hausisse. Id quomodo acciderit, sic divino .

Pyrrhum Achilles filium, excisâ Troiâ, in Epirum navigasse comite & expeditionis auspice ob claritudinem auguriorum Heleno Priami filio, prodiderunt Dio Prussæus in Troicis, Pausanias in Atticis pag. 19. & in Corinthiac. pag. 127, & Virgilius lib. 3. Æneid. Huius itineris socium Antenorem quoque fuisse, non inverisimile arbitror. Tempus quo uterque expeditionem absolvit, convenit. Pyrrhus enim post Ilii casum primus in Epirum appulit, teste Pausania in Atticis. Antenorem verò inter primos quoque navigasse palam est ex eodem libro Virgilii, & Ovidio lib. 3. Fast. qui multò ante Æneam Italiam tenuisse asserunt. Eum verò comitem potuit sibi adiunxisse Pyrrhus, quòd de Græcis bene meritus esset, & vetusti iure hospitii, ut ait Livius initio lib. 1. & quia pacis, reddendæque Helenæ semper auctor fuerat . Ideo Menelaus, quòd se & Ulysseni Helenam repentes hospicio accepisset, & ab insidiis Parisidis servasset, parem gratiam reddens cum capto Ilio in-
vio-

violatum dimisit, ut refert Servius ad lib. 1. *Æn.* vers. 242. & Pausanias in Phocicis pag. 662. prodidit, Græcos pro Antenoris ædibus suspendisse in vestibulo Pardi pellem, quæ tessera fuit, ne eius domus violaretur. Plerisque etiam Antenor patriæ proditor audit, unde enarrator Lycophronis ei dat lucernam ad evocandos Danaos, & reclusionem equi lignei; nec Livius dissimulat, & Virgilius innere videtur locis indicatis, ut notat idem Servius. Nil mirum ergò quod Pyrrhus amicè usus fuerit Antenore, cumque in societatem expeditionis admiserit. Parem gratiam ergà Glaucum & Erimanthum ipsius filios habuit Menelaus, quos secum in Africam traduxit, ut tradit Scholiastes Pindari Od. 5.

Cum itaque Græcorum, Troianorum, Henetorumque mixta manus ad Epiri oras appulisset, sicut Pyrrhus Heleni vatis monitu in eâ regione consedit, teste Pausaniâ loco quem proximè adduxi, ità verisimile est, quòd eodem Heleno auctore & auspice, pars una sociorum cum Antenore rectà per Adriaticum navigaverint, ceteri verò, flexo itinere, dùm fara Italiam *Æneæ* sponponderant, in Gallias migraverint. Igitur ad lætas, uberrimasque sedes delati, Heleno qui futurorum conscius, divino instinctu & ductu, viam direxerat, sortem felicissimam acceptam referentes, ipsum pro Deo habuerunt, & Apollinem vocarunt. Nomenque & appellationem Apollinis, qui vaticiniorum pater auctorque antiquis habebatur, facilè apud supersticiosas gentes, summo beneficio affectas, demereri potuit Helenus, quem vaticinandi arte clarum testantur Eustathius & Hyginus, & *Æneas* apud Virgilium his verbis compellat lib. 3.

Trojugena interpret Divûm, qui numina Phœbi,

Qui tripodas, Claris laurus, qui sidera sentis,

Et volucrum linguas, & præpetis omina penna.

Imò ab ipsomet Apolline sub serpentis speciem, dùm in ejus templo cum *Cassandra* versaretur, vatem summum effe-

effectum Helenum, narrat Græcus Scholiastes Euripidis in Hecubâ vers. 87. Nec abludit, longâ navigatione perfunctos religionem ergâ Apollinem usurpasse, cui etiam Argonautæ sacra fecisse ob felicem è navibus descensionem eius auspiciis confectam, refert Apollonius lib. 1. Argonaut. Ceterum divinos honores Heleno delatos nil mirum, cum id aliis etiam Troianis Heroibus factum fuerit. Nam Iliensibus cultum Hectorem, imò & Helenam, Athenagoras ait in legat. pro Christianis, & Clemens lib. 10. recognition. Sarpedonem indicat Plinius lib. 13. cap. 13. eiusque Oraculum memorat Tertullianus de animâ cap. 46, & Philostratus in Heroicis. Imò Græcis etiam qui bello Troiano interfuerunt, sacra sunt instituta; ut iidem Ilienses Aiaci, & vicini Sigeenses Achilli, & Patroclo, teste Strabone lib. 13. pag. 596.

Quæ, Musis non invitis, si vera esse possint, iam Beleni originem apud prisca Venetos Gallosque tenemus. Nam *Helenus* ab his in Deum adoptatus sub nomine *Apollinis*, sic ut suprâ exposui, faciliè in *Belenum* transire potuit. Frequens enim est aspirationis in B migratio. Damascius in vitâ Isidori apud Phorium Cod. 242. *Phœnices*, ait, & Syri Saturnum vocant *Hel*, *Bel*, & *Bolathen*. Qui etiam ex eodem vocabulo *Hel* regi imposuerunt nomen *Beli*, teste Servio ad *Æneid.* lib. 1. vers. 729. Pamphilii pro *Ἰλίου* dicebant *Βελίου*, ut ex Heraclito refert Caninius apud Fridericum Sylburgium in notis ad Pausaniam, pag. 291. v. 7. Unde verisimile fit, ipsos Trojanos eam in Heleno mutationem induxisse, more vicinæ Pamphiliorum gentis. Seu fortasse sicut *Heneti* transierunt in *Venetos*, ita primùm *Helenus* dictus fuit *Velenus*, deinceps *Belenus* ex promiscuâ harum literarum V & B permutatione, cujus passim exempla occurrunt. Hinc discretè ad rem nostram notavit Scaliger in digressionem de literarum Jonicarum origine, quæ extat inter animadversiones Euseb. post num. 1617. pag. 119., notavit, inquam, ex Servio *Æolenses*

ses Græcos pro *Elena* extulisse *Velena*, & Romanos Græcam vocem *Ελέη Veliam*, quæ Stephano etiam dicitur *Βελία*. Ob quam inter has literas cognationem nemo non videt, quàm facilè fuerit, ut *Helenus* migraverit in *Belenum*.

Hæc sanè, quæ de origine *Beleni* differui, incerta omnia & ex longinquo petita. At nescio quo fiat, ut animus aliquid audeat, cum mecum ipse reputo, duas gentes, Gallos & Venetos, remotis adedò inter se regionibus diffitas, quæ olim cognatæ ejusdemque originis fuerint, in unum eundemque Deum, aliis perindè populis ignotum, consensisse, & non etiam conjectare fas sit, illum Deum ab eodem principio parique ex causâ derivasse. Et, si nomen *Beleni*, significationem *Apollinis*, causamque cultus in *Heleno* reperimus, cur exinde ipsius *Beleni* originem, natalesque non liceat repetere.

Rursus conjecturas conjecturis addo. Pars Venetiæ, quæ circà Aquilejam est, *Carnia*, populique *Carni* vocati sunt. *Carnutum* itidem regio appellatur in meditullio Gallicæ sita; & quidem ea præcipua sedes Druidarum, qui, ut dixi, *Beleni* Sacerdotes erant. Nonne is consensus appellationis communem aliquam originem designat? Hanc ex eodem principio petimus. Apollo antiquissimis temporibus, ante Trojanum bellum, apud Græcos *Carnei* cognomentum obtinuit. Docet Pausanias in Laonicis, in Messenijs, & in Corinthijs, concinitque Callimachus hymno jam laudato in eundem Apollinem vers. 71. Hinc festa in ejus honorem instituta, quæ Carnea dicebantur, ex Pindaro in Pith. od. 5. Athenæo lib. 4. cap. 9. & Plutarcho in Sympof. lib. 8. quæst. 1. & Sacerdotes *Carnei* memorantur Eusebio in Chron., nec ulli præterea Scriptori, ut notavit Scaliger in animadver. ad eundem num. 889. Igitur suspicabar, Trojanos & Venetos partem earum regionum, ad quas beneficio Apollinis delati fuerant, in ejus memoriam, nomine ex Græcorum sacris petito, dedicatam

catam ita appellasse. Sanè memorat Cæsar lib.6. de bell. Gall. Druidas certo anni tempore, in finibus Carnutum, *in loco consecrato* (an non Apollini Carneo?) confedisse. Præterea refert Pausanias in Laconic. p. 184. Apollinem vocatum Carneum ob divinandi artem Carno traditam. Fortassis eam regionem, ad quam ejusdem artis ductu ab Apolline seu Heleno se directos putabant, idcirco Carneam indigitarunt. Nec in eo hærendum; quòd cognomen in Græciâ enatum populis Trojanæ originis ignotum fuerit. Præterquam enim & Græci, ut dixi, socii iis fuere, Trojanos cum Græcis sacra & religionem magnâ ex parte communem habuisse, satis constat. Imò etiam linguam Phrygiam non fuisse diversam à Græcâ, nisi dialecto, probat adversus Bochartum Theodorus Rickius in dissertatione de primis Italiæ Colonis cap. 12. num. 50, quæ extat ad calcem Holstenii in Stephanum de Urbibus ab ipso editum. Habes hîc obiter nostræ gentis Carnorum præscam originationem: in quâ deducendâ cum ceteri Scriptores nec speciem veritatis sint sectati, mihi etiam conjectandi licentia esse debuit.

At quid ad hæc Carnuntum Urbs quondam celeberrima superioris Pannoniæ? Nescio an adhuc ariolari liceat, à Carnis nostris, qui eò migraverint, nomen illud fuisse inditum, non admodum immutatò vocabuli schemate. Verùm Jo: Ludovicus Schönleben in apparatu ad Carnioliâ antiq. cap. 1. §. 8. Carnutes, qui auctore Livio lib. 5. cum Heduis, Arverniis, aliisque Galliæ Celticæ populis in Germaniam, mox in Italiam transgressi sunt, Carnunto nomen dedisse suspicatur. Utram libeat opinionem sequi, *Carnuntum* quoq; ab Apolline *Carneo* appellationis originem derivat. Sed num etiam communionem Numinis cum Carnis vel Carnutibus habuit? extat apud Fabretum cap. 4. pag. 258. Inscriptio: *Ælio Aug. lib. Tatiano Prox. à libr. Sacerdotal.* DEI CARNUN. Vir doctus pag. 325, Deastrum hunc *Carnuntum* tutelarem patriumque Canun-
ti

ti fuisse credidit: at nomen incompertum aliis inquirendum dimisit. Si memorati populi in hanc Urbem migrarunt, nonne & Apollinem *Carneum*, seu Belenum detulerunt, qui postea in *Carnuntum* abiit?

Porro si quæras, cur inter populos, qui latè Venetiam nostram incolebant, postquam Romani juris facti sunt, soli Aquilejenses Beleni religionem retinuerint, causam hanc confingere possumus. Aquilejæ ità successu temporum Beleni cultus excreverat, ut oraculum, aruspices, & sacra sollemniori ritu instituta obtineret, & cives ejus numen in tutelam & præsidium Urbis peculiari nuncupatione adoptaverint, uti initio dissertationis abundè ostensum est. In quam religionis auctoritatem apud alios populos Venetiæ evectum fuisse non constat. Romani itaque particularia hæc sacra, quæ *municipalia* vocantur in lapide olim laudato, & Deum patrum & municipalem Minutio & aliis appellatum, Aquilejensibus retinere permiserunt, tradito instituto a Pontificibus, qui *domitis nationibus*, ut ait Festus, *municipalia sacra, quæ ab initio habuerunt, ante Romanam civitatem acceptam, observare voluerunt, & eo more facere, quo adsueissent antiquitus*. Non ità in aliis Venetorum Coloniis: quibus cum Belenus eâ municipali & celebriori prærogativâ non coleretur, sacris Romanorum cedere jussus est. Apud Gallos verò diu, etiam Romanis rerum potitis, Beleni cultus permansit, ob eandem celebrioris ritus religionem, quam Druidarum sacerdotes, quamquam variæ sint de eorum duratione sententiæ, quibusdam saltem in locis fartam cætam, incolumenque servarunt.

DIIS AQUILEJENSIBUS.



Quoniam hucusque BELENUS deus princeps & præses Aquilejensium mihi narratus est, non abs re fore duxi, addere etiam deos alios, non dignitatis nomine sed cultu minores, quos è saxis Aquilejensibus eductos gratia novitatis apud eruditos commendaret. Nam eorum aliqui obscuris falsæ divinitatis characteribus sunt exsculpti, nominaque seu cognomina aut nova, aut rara admodum præferunt: & inscriptiones ipsæ, si unam aut alteram demas, necdum planè sunt editæ. Hinc mihi pretium erit operis, nisi præclarè in earum explicatione positi, (id enim neque ingenium, neque temporis angustia sperare sinit) hoc saltem titulo, quòd eos primus in lucem hominum produxerim. In quo tamen potior laus est Josephi Capodalei Utinensis, qui ut erat rerum Foro-Julienensium sedulus indagator, & edito libro Italico cui titulus, *Udine Illustrata*, de patriâ suâ etiam plus æquo benemeritus, conjectis scilicet inter præclaros nobilissimæ ejus Urbis cives aliis etiam totius ferè provincie Foro-Julienensis illustribus Viris, sesquicenturiam inscriptionum Aquilejensium summo studio ac diligentia penè omnes ex archetypis saxis collegit. Cujus autographum MS. cum nuper in meas manus inciderit, inde aliquas, quæ de Diis sunt, hùc transtuli, notisque tumultuariis utcumque illustrare conatus sum. Et quoniam ab Jove principium Musæ, Iuppiter ipse initium faciet, ducetque insanum hoc supersticiosæ gentilitatis decorum agmen.



Venerat in Edibus Grimanis

Sculpturam hoc *Brotonis*, quod cum aliis Aquilejensibus monumentis Venetias olim in nobilissimas ædes Grimanorum translatum fuit, ante biennium vulgavit Joannes Antonius Astorius, & eleganti dissertatione commentatus est. Quo sanè cum argumentum occupaverit, pauca mihi dicenda erunt, quæ ab erudito viro non acceperim; qui ad me transmissâ perhumaniter tabellâ creâ, ut ipsû quoque *Brotonis* cæty-pum ei deberè, effecit. Summa verò tantùm capita Astorianæ lucubrationis decerpam, quæ ornent nostra, non onerent.

Sensum inscriptionis ita reddit: *Jovi Tonanti Deo domestico sacrum.* *Βροντας*, namque, sive *Βροντων* tonans àνὸ τῷ *Βροντων* idest tonare. Idemq; est *Broton* Aquilejensis, ac *Bron-*

ton in saxo apud Gruterū p. 17. JOVI SANCTO BRONTONTI AUR. POPLIUS. Et in alio pag. 34. quod superius exscripsi in dissertatione de Mithrā pag. 166. Literam N in nostro vel pratermisit imperitus artifex, vel morosior ad vitandam cacophoniam præcidit. In primo Gruteriano Juppiter disertè dicitur *Bronton*, ut nihil aliud hoc sit quam *Juppiter Tonans*. Tonantis Jovis templum erat in Capitolio. Leguntur in Sponii miscellaneis sect. 3. pag. 73. & 74. Jovi *Tonari*, & *Taranauci* adjecta epitheta, quæ Britanicā & Cambricā linguā, *Tonantem* sonant. Ita Labreus, Labradeus, vel Labradensis in Cariā fuit dictus, quod securim pro trifulco fulmine gestaret. Aliisque subinde cognominis passim Juppiter donatur. Hunc verò Jovem deum Larem fuisse subdit, ex addito epitheto seu appellatione, BONO DEO, quasi *domestico deo*. Lar enim idem ac Genius, qui Græcis Ἀγαθὸς Δαίμων, *Bonus Genius* vocatur. Demum Jovem pileatum idè effectum ait (nam tegumentum illud, quo caput simulacri exornatur, pileum esse putat) ut *Liberator* & *Servator* designaretur; sicuti Castor & Pollux pileati, quòd Liberatores Græciæ sint habiti, & Bruti Romanæ libertatis vindicis imago pileata. Cur verò pileatus cūm Tonans? Nempe quia supervacaneum fuisset Jovi Liberatori symbolicam expressionem addere: ubi verò Tonantis obsignatur epigraphe, Libertatis symbolum pileo erat indicandum. Subinde tentat, non sequitur aliam interpretationem. Cum Vulcanus in focus domesticis poneretur, idemque aliquando jacere fulmina sit creditus, an non ipse est *Tonans*, & *Bronton* domesticus? Hæc summam ex Cl. Astorio: nos pauca addimus.

Brontonem saxis Gruterianis exsculptum *Tonantem* esse non dubitat Joannes Meursius exercitationum crit. part. 2. cap. 2. At quærit, nec nodum expedit, cur in eorum altero *Bronton* coniungatur cum *Hecate*? Id in lapide non video; sed Zosimus *Sacerdos Dei Brontontis & Hecate* dicitur. Illum exscripsi supra pag. 166. Nil vetat, quod unus
idem-

idemque homo plurium deorum sacris sit initiatus. Pag. 28.
 2. Sextilius est *Pater Patrum dei Solis Mithrae, Hierophanta Hecate, & dei Liberi*. Et in 6. *Cejonius augur Diana, An-
 sifer Mithrae & dux Taurobolii magni*, quod genus erat
 sacrificii expiatorii. Petierim potius ab eruditis, cur in alio
 lapide inscripto *Jovi Sancto Brontonti*, sculptus sit Apollo
 crinitus, in rupe lyram tangens, & sub ipsâ rupe lupa:
 item virgines dux, una poculum altera lancem ferens? Ita
 describit Gruterus; & Boissardus antiq. Rom. par. 5. pag. 83.
 schema ipsum delineatum exhibet. Quid enim Jovi to-
 nanti cum Apolline Citharædo, ceterisque figuris? Porro
 etiam Fabrettus, qui dubitaverat, num *Bronton* Aquilejen-
 sium deus proprius esset, & Beleno suppar, postquam vidit
 id esse epitheton Jovis apud Gruterum, & Romæ quoque
 habuisse Sacerdotem, facile concessit in Astorii sententiam,
 cap. 10. pag. 698. Piaculum mihi esset tot viros doctos non
 sequi. *Bonum* quoque *deum* dictum *Jovem Brontontem*,
 facile cum Astorio credam, quod inter Genios & Lares fa-
 miliaæ esset adoptatus. Sanè Larem privatis ædibus locan-
 dum vel ipsius protome indicat. Deos etiam magnos &
 publicos inter penates fuisse adscriptos in tutelam familia-
 rum, satis demonstravi in explicatione lapidis M. Aquilii
 cap. 1. At leviusculè adhuc tentandus mihi est *Bonus deus*,
 & cur Iuppiter *tonans* hoc titulo donetur inquirendum.
 Deum quemcumque *Bonum* vocabant veteres, quem sibi
 propitium & faventem vellent, vel jam fuissent experti.
 Virgilius lib. 1. *Æn.* vers. 738.

Et tu latitia Bacchus dator, & BONA Iuno.

Servius explicat, hoc est *propitia*. Antinous in num-
 mo, quem refert Spanhemius dissertat. 7. pag. 654. dicitur
 ΑΓΑΘΟΣ ΗΡΩΝ, quasi *Bonus & propitius Divus*. Hinc
 Αγαθοὶ Δαιμόνες vocati boni & salutare Genii. Julianus
 Orat. 1. de Constantio pag. 84. vocat Constantinum Ma-
 gnum *BONUM Heroem*, uti vertit Petavius, sive ut alii,
propitium Divum. Apud Gruterum pag. 59. 1. lapis est po-
 situs

situs ΘΕΑΙ ΠΑΝΑΓΑΘΟΙ: extant alii pag. 101. 7. & 8. BONO Eventui, hoc est *propitio*. Quo titulo cusi sunt nummi Severi & Getæ, de quibus inferius, cum de Bona dea agam. Jam liquet, cur Iuppiter sub nomine *Brontontis* seu *Tonantis*, inter Lares familiæ præsides fuerit repositus, *bonusque deus* appellatus. Ut scilicet cum è coelo tonaret, propitius esset, nec quemquam è familiâ, in cujus tutelam vocabatur, fulmine læderet.

Quodd simulacrum hoc Brontontis pileo, seu petaso testum velit Astorius, non admodum placet. Cuique liberum sit oculorum consilium sequi. Mihi tegumentum illud fascia est, seu diadema caput in orbem præcingens. Id cum olim aperuissem Fabretto, cui primus dissertationem ejusdem eruditi viri communicaveram, facile assensit, & subinde loco mox citato *Brontonem* Aquilejensem tamquam *diadematum* descripsit.

Begerus in thesauro antiquit. Palatin. pag. 2. figuram Jovis barbati delineatam exhibet, eadem planè diadematis formâ conspicuam. Jovem siquidem deorum hominumque regem, ut putavit vesana antiquitas, insigne hoc regium decet quàm maximè. Nec magis rex est, imperiumque in homines exercet, quàm cum tonat, & fulmine terras concutit. In nummo aureo Antonini Pii spectatur figura sedens cum fulmine & hastâ, additâ epigraphe: IMPERATORI, teste Spanhemio dissert. 5. pag. 396. Quâ representari Jovem non ambigo. Nam & apud Tristandum tom. 2. pag. 74. extat numisma, cui duo fulmina insculpta sunt, & inscriptio: JOVI IMPERATORI. Ita & *scriptum*, quod manu gerit Iuppiter, imperii ipsius indicium est, ait Phurnutus de nat. deor. cap. 9. Signum Jovis Imperatoris Præneste devecum Romam narrat P. Victor in regione 6. Urbis: & eodem titulo *Imperatoris* simulacrum à Verre sublatum Syraculis refert Cicero in Verrinâ 4. cap. 57. ubi tria signa Jovis Imperatoris in orbe terrarum pulcherrimè facta subdit. Jovis REGIS templum memoratur

ratur Pausaniæ in Bæotic. pag. 602. dicatumque saxum JOVI REGI visitur apud Gruterum pag. 1065. 3. Quin & novo vocabulo Iuppiter appellatur PRAEFECTVS ORBIS in nummo Severi, ex eodem Spanhemio in Cæs. Juliani pag. 20. At satis cum Jove lapide loquuti sumus : ceteros quoque deos saxeos adeamus .

I I.
FONIONI
SACR
SEIA. IONIS
MAG
D.D

Aquileja propè S. Stephanum .

Nostri Aquilejenses græcissare non desinunt . Nuper Jovem, nunc Martem Hellenisticâ vocabuli figurâ induunt. Seja *Jonis Magistra* hanc aram *Fonioni* dedicat. Epitheton hoc est Martis à Græco φόνος *eades*, homicidium, unde φονίος *homicida, sanguinarius & cadibus contaminatus*. Orpheus in hymno Martis : Ἄρε φονίος πτωλαγμίνος. Ab hoc alia composita Martis cognomina derivantur . Idem Orpheus proximè insequenti versu : Mars ἀνδρῶν, *sanguine humana cadis gaudens*. Homerus Iliad. 5. vers. 455. μιμῶνι, *sedatus cadibus*. Et Phurnutus de nat. Deor. cap. 21. ῥετῆρ, ait, Mars vocatur μιμῶνι, *occisor & interfector*, ut vertit interpres . Quare *Phonion*, seu ut in nostro lapide scribitur, *Fonion*, non alius quam *Mars*. Prætereo Latinorum exempla, maximè Poetarum, quibus passim *sanguineus, cruentus, & occisor* dicitur. Unum tantummodò produco Martiani Capellæ, qui lib. 1. pag. 21. ita Martem describit : *Ruber juvenis ac vorax omnium, sitiorque etiam sanguinis gradiebatur* . Seja *Jonis MAGistra* Martis dicitur . In collectione Capodalei tres illæ literę punctis distinctæ apparent. Sed emendavi ex exemplari, quod nuper ex ipso saxo Aquilejæ exscriptū habui. *Magister & Magistra* nomen est mini-

ministerium in sacris deorum, ut ostendam inferius. An verò Seja Magistra erat ipsiusmet Martis cui aram dicat? Repertio Martis Sacerdotes non tantum viros, qui *Salij* dicebantur, sed etiam feminas *Salias* fuisse. Pompejus Festus in hoc verbo: *Salias* (alii legunt *Saliares*) *virgines Cincius ait esse conductitias, quæ ad Salios adhibeantur, cum apicibus paludatæ. Quas Ælius Stilo scripsit sacrificium facere in regiâ cum Pontifice.* Potuit ergò Seja Jonis inter has *Saliares Magistra* fuisse, prima scilicet & aliarum præcipua. Vel si nomen vulgatâ significatione accipias, Seja ceteras *Saliares* docebat saltationes, quas dum essent vocatæ ad Martis sacra, peragere consueverant. Nam *Salii*, cum moverentur *Ancilia*, per Urbem discurrentes saltabant.

III.

VI. DIVINAE

SACRVM

C. VETTIVS. C. F

CAVOLVS.

Ara est tribus lateribus inscripta, Aquilejâ Venerias deportata, uti refert Gruterus ex Pighio pag. 94. 5. Capodaleus in suis collectaneis inscriptionum formam aræ ruditer delineatam exhibet, eamque ex suburbanis Aquilejæ inter alias nonnullas Beleno dicatas, quas suo loco retulimus, Joannem Savorgnanum anno 1548. Venerias dono misisse Joanni Grimano Patriarchæ Aquilejensi narrat. Ceteri ferè omnes lapides in Grimanæo amplissimo Palatio adhuc visuntur; hunc nusquam inveniri nuper ab amico accepti seu omninò perierit, sive alicubi neglectus delitescat. Inter ignotos, obscurique nominis Deos hunc refero; nam VI DIVINAE aram seu templum dicatum nusquam me legisse memini. Adeoque incertum quodnam id numen fuerit, sicuti Vim divinam variâ significatione usurparunt veteres. *Vim divinam* aliam voco *theologicam*, aliam *naturalem*. Primum de primâ, Gentiles religionis lumine de-

situ-

stueri, cùm summum aliquid & supremum, quo res humanæ aguntur & certâ lege cohibentur, esse scirent, ecquid tamen illud esset, & an in Deo vel extra Deum positum, ignorantes, inani vocabulo conficto, *VIM DIVINAM* vocarunt, seu *Fatum* & *fatalem necessitatem*. *Strato physicus*, ut refert Cicero de nat. deorum lib. 1. cap. 13. omnem *VIM DIVINAM* in naturâ sitam esse censet, quæ causas gignendi, augendi, & minuendi habeat. *Chrysippus Stoicus*, idem *Tullius* loquitur cap. 15. ait *VIM DIVINAM* in ratione esse positam, & universa natura animo atque mente. Et paullo post: idemque etiam legis perpetua & aeterna *VIM*, quæ quasi dux vitæ & magistra officiorum sit, *Jovem* dicit esse, eandemque fatalem necessitatem appellat. Hanc necessitatem, quam cogere & superare nequimus, *Phurnutus* cap. 13. appellat *Fatum*, quod est sempiterna quadam & indeclinabilis rerum series &c. Quo *Vim* divinam, de qua loquimur, designare videtur. *Fatum* hoc ipsum *Jovem* aliqui putarunt, ut *Chrysippus* mox relatus; & *Laërtius* lib. 7. in vita *Zenonis* unum, ait, deum esse, ipsumque, & mentem, & *Fatum*, & *Jovem*: alii potestatem quandam & vim, cui *Jupiter* ipse subiectus sit, & parere cogatur. *Virgilius* in *in*rio lib. 10. cùm in concilio deorum disceptaretur, favendumne esset *Teucris* vel *Turno*, *Jupiter* in nullius partes se esse profiteretur, vers. 108.

Tros, Rutulusve fuit nullo discrimine habeo.

Et vers. 112. *rex Juppiter omnibus idem*; esse tamen potestatem aliam statim subdit, quæ rei eventum disponat: *Fata viam inveniunt*. Quo Poeta videtur ostendisse, ait *Servius*, aliud esse *Fata*, aliud *Jovem*. Nitente *Fato* *Juppiter* apud *Homerum* servare nequit *Sarpedonem*. Et apud *Ovidium* *Metam.* 9. vers. 431. *Me quoque*, ait, *Fata regunt*. At in ad-
versum stat *Pausanias*, qui *Fata parere Jovi*, scripsit in *Corinth.* p. 75. Quodcumque hæc futilia & vana theologiæ Gentilium commenta ducamus, *VIS DIVINA*, cui *Vet*rius aram *Aquilejæ* posuit, *Fatum* ipsum est, quod res hu-

manas agere credebatur ineluctabili lege: *divinum* idè dictum, quòd à deo manaret, vel deus ipse esset. In quam sententiam egregium est testimonium Capellæ lib. 1. pag. 19. *Fatum*, dicitur etiam *VIS Sacra Jovis*, ut legit Grotius. Et *vim divinam* ipsam *fatalem necessitatem* vocavit Chrysippus, ut vidimus. Quà Fatorum vi ad abjiciendum Imperium ductus Diocletianus cum collegâ, ut conjicit doctissimus Spanhemius in sæpius laudatis annotationibus ad Cæsares Juliani pag. 385. percussit nummum trium Parcarum figuris sculptum, cum epigraphe; **FATIS VICTRICIBUS**. Nam Parcæ ipsa Fata dicebantur. Quare **VIS DIVINA** in nostro saxo Aquilejensi ipsum est *Fatum*: nam & **FATIS** dicatos lapides cernimus apud Gruterum pag. 98. 1. & 2. Præterea ad *Vim divinam* revocari posset *Nemesis necessitatis insolubili retinaculo mortalitatis vinciens* factus, ut ait Ammianus Marcellinus lib. 24. prope fin. Quæ etiam *Adrasæa* appellabatur, hoc est ultionis divinæ inevitabilis seu inefugibilis necessitas, & *quæ nullo modo vel evitari, vel declinari possit*, inquit Phurnutus cit. cap. 13. Hinc in nummis fundam gestat, tanquam eminus feriens, nullâ reis spe fugæ relictâ. Videas Cl. Bonarotam in nummo XI. Macrini p. 223. Porro *vim divinam* alio sensu intellexit Manilius lib. 1. Astron. vers. 247.

*Hoc opus immensi contractum corpore mundi,
Membraque natura diversa condita formâ.*

*Æris, atque ignis, terra, pelagique jacentis,
VIS animæ DIVINA regit.*

Quæ est anima mundi Platoniorum, seu spiritus, qui ipsum alit & agitat apud Virgilium 6. Æneid.

Alia notione **VIM DIVINAM** acceptam dixi, eamque *Naturalem* vocavi; quòd scilicet ex naturalibus & physicis causis promanet, quamvis veteres ad vim fatorum retulerint. Ulpianus ex Servio l. C. hæc habet in l. 24. §. 4. Dig. de damno infecto: *Si ex adibus promissoris vento tegula dejecta damnum vicino dederint, ita cum teneri, si adifi-*
cii

cui vitio id acciderit : non se violentiâ ventorum, vel quâ aliâ ratione, quæ VIM habeat DIVINAM. Idem Ulpianus l. 25. §. 6. D. locati, alio nomine vocatam docet : *Vis major, quam Græci θία Βία id est VIM DIVINAM appellant, non debet conductori damnosa esse. Vis itidem major dicitur in l. 9. §. 2. eod. & fatale damnum ac vis magna in l. 2. in fin. D. de peric. rei. vend. Quid verò eo nomine signetur, disertè docet Plinius lib. 18. cap. 28. in fin. Ante omnia autem duo genera esse cœlestis injuriæ meminisse debemus. Unum quod tempestates vocamus, in quibus grandines, procellæ, ceteraque similia intelliguntur : quæ cum acciderint, vis major appellatur.* Meminit quoque Columella lib. 1. cap. 7. & Seneca de benef. lib. 4. cap. pen. Sanè verius puto huc respexisse Vettium, & VI DIVINAE aram dedicasse, ut grandines, procellas, ceterasque tempestates ab agris suis, fictitio hoc numine invocato, averteret. Nam & aram, ut antè dixi, in suburbanis Aquilejæ positam, numini alicui campestri propitiando destinatam facilè intelligimus. Novum porrò nequaquam est, ventis, nubibus, aliisque è cœlo ingruentibus tempestatibus templa & sacra dedicasse vesanam antiquitatem. Circio vento Galliæ Narbonensi infesto, *Divus Augustus templum, cùm in Galliâ moraretur, & vovit, & fecit*, uti prodidit idem Seneca nat. quæst. lib. 5. cap. 17. Et templum *Tempestatibus* dicavit Cornelius Barbarus ex antiquissimâ inscriptione, quam illustrarunt doctis Commentariis Sirmondus & Aleander. Id intellexit Ovidius, cùm lib. 6. Fast. vers. 193. cecinit.

Te quoque Tempestas, meritam delubra fatemur,

Cum penè est Corfis obruta classis aquis.

Et Cicero lib. 3. de nat. deor. *Quòd si nubes retuleris in deos, referenda certè erunt Tempestates, quæ populi Romani ritibus consecrata sunt.* In Gruteriana inscriptione 3. pag. 61. *ara dedicata est incendiorum arcendorum causâ.* Græci quoque ventos colebant ; nam in Sicyonix Urbe Titane, ait Pausanias in Corinthiac. pag. 106. *ara est ventorum, ad*

quam nocte unâ quotannis Sacerdos Sacrum facit, additque certa etiam arcana peregisse, ad placandam ventorum savitiam. Cum Xerxes ingenti exercitû conflatò adventaret, Oraculum Delphicum jussit, Græcos ventis supplicare, ideoque, ait Herodotus lib.7. cap.178. in delubro *Tbujæ* ara est ventis constituta, iisdemque sacrificatum. Et Aristophanes per calumniam traducit Socratem, tamquam *Nubes* deas coleret, iisque Sacra faceret, in *Nubibus* act.1.Sc.3.

I V.

SOLI DEO

INVICTO

SACRVM

FERONIVS. CENSOR

SIGNI

V. S. L. M

In demo apud Turrin vulgò d' Arena.

Solem cultum Aquilejæ in dissertatione de Beleno notavi. De cognomine *Invicti* satis etiam scripsi, cùm de Mithrâ agerem. Huic *Votum Solvis Libens Merito Feronius Censor Signifer*, vexillarius scilicet, seu imaginifer legionis alicujus, qui etiam Censor erat Aquilejæ. Nam milites, cùm essent in Colonias adscripti, publicis muneribus fungebantur.

V.

¹
SILVANO
AVG
ELEVTHER
C. ARR
C. P. P. VIL
D. D
In domo Capodalei.

²
SILVANO
AVG. SAC
C. OPETERIVS
AGATE. MER
V. S. L. M

In fronte Ecclesie della Beligna.

³
SILVANO
SACRVM
C. PETRONIVS
ANDRONICVS
EX. VISO
In Insula Gradenfi in Cemeterio.

⁴
SILVANO
AVG. SAC
IN MEMORIAM
C. RVFL. ANTHI
IIII VIRI
TALLVS. LIB
D. D

Apud Ecclesiam Metropolitanam.

Quatuor hæc saxa sacra sunt *Silvano Augusto*. De hoc cognomine vel epitheto actum cum de Beleno; quod frequenter inditum Silvano docent lapides Gruteriani. In 2.65. visitur Silvanus *Larum Caesaris*. Erat enim Præstes Larum, ut Pluto Manium, Juppiter Deorum, & Janus Geniorum, uti observat Meursius exercit. crit. part. 2. c. 1. Plura de eo Poëtæ fabulantur, & Mythologi scribunt. Pauca mihi sunt dicenda, eaque tantummodo quæ nostras inscriptiones illustrare possint. Vetus scriptor Agrorum in collectione Wilelmi Goesii pag. 294. tres Silvanos facit: unus dicitur *Domesticus* (quo nomine sapius apud Gruterum & Reinesium vocatum invenies) *possessioni consecratus*: alter dicitur *Agrestis*, pastoribus consecratus: tertius dicitur *Orientalis*, cui est in consinio lucus positus. Lapidem hi erant finales Silvano sacri, ita diversis locis possessionis collocati; quia Silvanus, ait idem vetus Auctor, *primus in terram lapidem finalem posuit*. Unico tamen nomine *Silvanus* universæ rei rusticæ deus habitus fuit: unde Virgilius *Pelagos lucum sacrasse*, ait, *arvorum pecorisque deo*, Æneid. 8. vers.

vers.601. Hocque sensu, saltem in primo epigrammate accipiendus est Silvanus; cum ab Arrio *Vilico* (ita enim frequentius per unicum L. scribitur hoc nomen in vetustis saxis, uti notarunt Dausquejus, & Fabrettus inscript. cap. 1. pag. 2. quibus adde exemplum alterius inscriptionis apud Timavum repertæ, quam infra produco) dedicatio facta fuerit. Quamvis enim Vilicus nomen sit ministerii variis officiis addicti, ut observat Reinesius Class. 1. 125. & Fabrettus cap. 1. pag. 38., Vilici hic nobis est rusticum munus; & Arrius videtur præpositus rusticis rationibus hominis alicuius, qui latet sub singulariis C. PP., fructibus percipiendis, & universo operi rustico, quæ descriptio est Vilici in lib. 8. D. de instrum. leg. & l. si cum vilico D. de instr. act. & videfis Cujacium lib. 10. observ. 37. Hinc *Arrius vilicus* aram, seu quid aliud *dedicavit* Silvano *Eleutherio*, hoc est *Liberatori*, ut agros & possessiones ab injuriis cæli & tempestatibus servaret, & liberaret. Eodem penè cognomine erat Romæ *templum Sancti Silvani SALUTARIS in hortis & prædio C. Julii Nymphii*, apud Reinesium Cl. 1. num. 105.

Tertium saxum Silvano posuit Petronius EX VISO. Frequens hæc formula in vetustis monumentis. Eidem *Silvano & Libero Patri Cadicius ex viso donum posuit*, indicatâ Classe 1. num. 106. Apud Gruterum pag. 93. 3. EX VISV *ades Plutoni & Proserpine vota* dicitur. Alia exempla dabit Fabrettus p. 469. *Ex visu* idem est ac *per somnium*. Quidquid enim somniabant supersticiosi Gentiles, sibi à deo immissum arbitrabantur. Et inde tamquam religione admoniti, aras, donaria, victimas offerebant numini, quod sibi per somnium apparuisse putabant. Unde Maximius Julianus *Libero Patri VISV MONITVS pro salute suorum* donum dat, in 112. Reines. Cl. 1. Nam morborum curationem potissimum sibi à Diis monstrari per quietem credebant. *An Æsculapius*, ait Cicero lib. 2. de divin. *an Serapis potest nobis præscribere* PER SOMNIUM

NIUM *curationem valetudinis*, *Neptunus gubernantibus non potest*? Adde Suetonium in Vespasiano cap.7. adductum à Fabretto cap.6. pag.469. ubi lapidem dicat *Deo Serapi M.Vibius Onesimus EX VISU*; quem podagrâ liberatum putat vir doctus, ob sculptum infimi cruris articulum. Hinc qui morbo aliquo essent affecti, in templis pernoctabant, ut per quietem à diis monstrata remedia acciperent. Quod dicebatur *deo alicui incubare*. Inde liberati, in eodem templo quæ quisque remedia à deo accepisset, descriptis tabellis consignabant. Hujusmodi tabularum exempla in insulâ Tyberinâ, ubi templum Æsculapii erat, reperta, producit Gruterus pag.71. Eorum alterum exscribo: *Lucio affecto lateris dolore, & desperato à cunctis hominibus, oraculum reddidit deus (supplendum per somnium) veniret, & ex Dibomo tolleret cinerem, & una cum vino commisceret, & poneret supra latus, & convaluit*. Hinc Philostratus de vitâ Apollonii Tyanxi lib.1. *Hydrope verò laborabat, & vinolentia deditus, siccitatis nullam rationem habebat; unde nec ejus Æsculapius ipsi IN SOMNIUM respondebat*. At hæc deliria verè somniantium, & commenta quibus per fraudem Sacerdotes turbæ gentilium imponebant. Ceteræ inscriptiones nil observatione dignum præferunt. In quartâ lineâ secundæ legendum, *MatER*; ut simul Opeterius & Agate ejus mater votum solverint Silvano.

VL
DITI
PATRI
IVLIA. BARACHVS
FECIT. VIVA. SIBI
In Ecclesia Monialium.

Sepulcrale hoc est monumentum quod *Julia* adhuc *viva sibi fecit*, dicavitque *Diti Patri*. Manes sive defunctorum animæ sub *Dicis* seu *Plutonis* potestate erant; unde
Sum-

Summanus dictus, nempe *summus Manium*, uti explicat Capella lib. 2. p. 40. Quamvis antiquioribus incertus hic deus haberetur; unde Ovidius lib. 6. Fast. vers. 731.

Reddita, quisquis is est, Summano templa feruntur,

Tunc cum Romanis Pyrrhe timendus eras.

Hinc etiam, ut puto, *Pater* in nostrâ inscriptione, ac sepius in aliis, appellatur. At Cicero aliam vocabuli significationem indicat, lib. 2. de nat. deorum: *Terrena*, inquit, *vis omnis atque natura DITI PATRI dedicata est, qui dives, ut apud Græcos Fluton, quòd recidant omnia in terras, & oriantur è terris.* Ceterum *Patris* epitheton deorum omnium erat: *Juppiter Pater*, *Janus Pater*, *Marspiter*, *Liber Pater*. In quam rem vide Agellium lib. 5. cap. 12. Servium ad vers. 699. lib. 1. *Æneid.* & vers. Lucilii apud Lactantium lib. 4. cap. 3. *Julia Barachus*, ut bene apud inferos secum *Dis* ageret, hac dedicatione sibi eum adhuc vivens conciliare studuit, & *Patris* miri & benigno nomine compellatum propitium invocavit. Non prætermittas eam feminæ masculinam terminationem notare.

V I I.

IVNONIBVS. SACRVM

M. MAGIVS. M. L. AMARANTVS.

IIII VIR. ET

MAGIA. M. F. VERA. MAGIA. M. L. ILIAS
AEDem. SIGNA. III. PORTICVM. MACERIS. II.
CVLINA. ET. LOCVM. IN. QVO. EA. SVNT
VOTVM SOLVERVNT
LOCO. PRIVATO

Apud Metropolitanam Ecclesiam.

Habes hoc epigramma etiam in magnò Thesaurò Gruteri pag. 24. 2. *Junonem* sororem coniugemque *Jovis* nemo est qui nesciat. At plures *Junones* non ita obvium est reperire, nec interpretari pronum. *Jacobus Sponius* sect. 3.

sect. 2. Miscellan. num. 25. pag. 83. binas producit inscriptiones *Junonibus* dicatas, atque ita explicat. Junones crant deæ unicuique mulieri præsidentes, sicuti viris Genii: ita muliebres Genios non malè nominaremus. Plinius lib. 2. cap. 7. deorum multitudinem apud se repetens, & quasi subridens: *major*, inquit, *Cælitum populus quàm hominum intelligi potest, cum singuli quoque ex semetipsis totidem deos faciant, Junones Geniosque adoptando sibi*. Seneca ep. 110. *memineris majores nostros, quia crediderunt hoc, Stoicos fuisse: singulis enim & Genium & Junonem dederunt*. In eandem explicationem consentit Reinesius epist. 69. ad Rupertum pag. 655. Fabrettus cap. 2. pag. 73. id firmat inscriptione ex collectaneis Archinti, quæ dicata est *Genio Magi Germani*, & deinde *Junoni Cissonie*, tanquam Juno Genius esset mulieris. Exempla cumulat ex Grutero, quibus suus Genius viris, mulieribus Juno tribuitur. Exinde notat Juvenalem Satyrâ 2. stylum acueri in adulatores effeminatorum Romuli Nepotum, qui non per eorum Genium, uti de viris decuisset, sed per Junonem novo more, tanquam in mulieres verforum, jurabant.

Et per Junonem domini jurante magistro.

His addiderim Tibullum, qui puellam suam alloquens ait.

Hæc per sancta tua Junonis numina juro.

lib. 4. eleg. 13. *Quamobrem mulier improba apud Petronium, Junonem meam, inquit, iratam habeam, si unquam &c.* Et quoniam Genius erat hominibus natalis deus, unde idem Tibullus lib. eodem eleg. 5. cum supra Genium Cherinthi nuncupasset, carmen ita claudit:

At tu natalis quoniam deus omnia sentis;

sic mulieribus Juno dea natalis habebatur. Idem Poëta, proximè insequentem elegiam exorditur.

Natalis Juno sanctos cape thuris acervos,

Quos tibi dat tenera docta puella manu.

Optimè hæc quidem: nec enim dubitaverim, Juno-

nem mulierum genium fuisse; sed cur hæc nostra inscriptio, pluresque aliæ apud Gruterum, *Junonibus* dicatæ sunt, tamquam non una sed plures Junones feminis pro tutelâ fuissent tributæ? Non sum nescius, duos etiam Genios, bonum & malum, cuique præsides ex veteribus nonnullos putasse; at video in saxis perpetuò unicum tantummodo Genium signatum, ut percurrenti indicem Gruterianum cap. 1. patebit. Præterea & viri ipsi *Junonibus* vota nuncupant. Quo fit, ut ubicumque *Junonum* sit mentio, nisi etiam plures mulieres adsint, eas feminarum Genios dici posse, admodum verear. Observabam Augustas Imperatorum vel uxores, aut sorores, seu filias, dearum nominibus, *Junonis* potissimum, sæpius vocatas. Eruditissimus Spanhemius dissert. 7. pag. 607. Medicum nummum producit, cui caput Livie sculptum est, & ab alterâ parte hæc epigraphe: . . . BIAN HRAN, seu *Liviam Junonem*; nempe juxta Prudentium

Adjecere sacrum, fieret quo Livia JUNO.

Et Ovidium lib. 3. de Pont. el. 1.

Cum tibi contigerit vultum JUNONIS adire,

Fac sis personæ, quam tuare, memor.

Tristanus tom. 1. pag. 243. numisma aliud Græcum exhibet, cum hoc titulo: *Sabina Poppæ Augustæ JUNONI*; additque tritum fuisse Imperatores Jovis nomine insignire, Augustas JUNONIS. Sanè impudenti adulatione easdem Augustas aliis quoque dearum nominibus appellatas reperies. Livia in nummo apud Spanhemium pag. 608. *Diana Lucifera* dicitur: *Fauslina Venus Genitrix*, tab. 48. Oisellii: *Sabina nova Ceres*; *Julia Pia nova Vesta*, pluresque aliæ in præclaro volumine Bonarotæ pag. 49. An igitur *Junones*, quæ saxis nostris signantur, Augustæ ipsæ sunt tunc simul viventes, vel post mortem consecratæ, quibus insana religio aras, & templa, & Sacerdotes dicaverat? Siquidem & in Gruteriano lapide 8. pag. 101. Aponia Montana memoratur Sacerdos DIVARUM AUGUSTARUM; in 2.

pag.

pag. 323. Cantia Sacerdos DIVAE PLOTINAE; in 5. Sennia Sacerdos DIVAE FAUSTINAE. Alia exempla piget referre. Nec secus interpretor Veronensem lapidem pag. 24. 4. JUNONIBUS AUGUSTIS SACRUM; ut respiciat Augustas ipsas sub Junonum nominibus cultas. Nam & dedicationem fecit Metella non tam de nomine suo, sed etiam T. Flavii Hermetis viri sui. Ita Aquilejenses nostri Magius Amaranthus & Magia Junonibus, Augustis scilicet, seu Imperatricibus, voto soluto ædem ceteraque, in inscriptione contenta, dedicarunt. Hæc tantum eruditis propono, dubia mihi quoque & incerta.

Dabo aliam explicationem fortassis meliorem. Juno variis nominibus fuit appellata, prout diversis officiis eam præesse putarunt Gentiles. Juno Pronuba, seu Jugatina, quod matrimonia jungeret: Domiduca, cum sponsa duceretur domum: Cinxia, quia sponsus cingulum sponsæ solveret: tandem Lucina, quod partui, non secus ac Diana, præstideret. Hinc tot Junones creditæ, quot muneribus una Juno præstiebatur. Et hæc quidem munera inter utrosque conjuges communia. Quamobrem vir & uxor, ut sæpius in inscriptionibus, & in nostrâ etiam, vel vir tantummodo, ut in aliis, potuit Junonibus vota nuncupare, ut omnia hæc feliciter cederent, vel solvere, cum prospere evenissent.

Cetera in saxo nostro enarrata prosequor. Magius & Magia Junonibus dicarunt ædem, atque in eâ tria signa, quæ fortasse Junones ipsas, quæcumque tandem illæ fuerint, repræsentabant; porticumque ante ipsam ædem, maceris duabus circumductam, & culinâ instructam. Maceria in re funebri murus cæmentitius erat, concludens spatium sepulcro destinatum quoquoersus. Hic quoque murus est intelligendus, seu septum clusum, uti vocatur in inscriptione 125. Clas. 1. apud Reinesium & Fabretum cap. 1. infer. 9. lorica scilicet seu ambitus circum ædem constructus, & locum in quo ea sunt circumplectens. Quod ex-

pressius notatur in epigrammate Gruteriano 5. pag.61. ubi Q. Vibius *aram Vulcani, maceriaque aream sapiendam curavit*. Intra septum seu maceriam hæc fieri vetitum erat, ex alio lapide pag.eadem num.3. *Hæc lege dicata est, ne cui liceat intra hos terminos ædificium extruere, manere, negociari, arborem ponere, aliudve, quid, ferere*. Sacris enim faciundis locus ille destinabatur, ut verba quæ statim sequuntur, demonstrant. *Culina*, inquit Festus in hoc verbo, *vocatur locus in quo epula in funere comburuntur*. In hunc sensum *Culinam* aptavit Sponius *Voyage de la Grece* tom.3. pag.47, explicans inscriptionem Tiburtinam, quam Gruterus quoque refert pag.49. 3. Ubi cum dicatur Sulpitium restituisse Herculi Saxano inter alia etiam *Culinam*, hanc fuisse ait locum propè templa, in quo dapes funerum parabantur. At cum in hac inscriptione, & in nostrâ, omnia quæ dicata vel restituta dicuntur, ad deorum sacra pertineant, non video cur *Culina* ad rem funebrem sit traducenda. Sacris peractis epulæ semper parabantur: quas execrati Christiani, idolis immolatos cibos interdixerunt. Hæc quidem in ipsis deorum ædibus appositæ, ut inter alios meminit Halicarnasseus lib.2. vel in loco ubi sacrificium, erat peractum. In nostris tabulis Arvalium, quas nuper repertas dixi in explicatione lapidis M. Aquilii cap.7, *Licinii magister ad aram immolavit Porciliæ piacularis 11.*, ibique *Baccham*, nempe *Vaccam*, honorariam albam ad foculum immolavit. *Sacerdotes in tetrastulo confederunt, & ex sacrificio epulati sunt*. Quidni igitur *Culina* non tam locus erat, in quo funerum epulæ, sed etiam sacrorum, parabantur? Hoc igitur sensu in utraque inscriptione *Culina* est intelligenda. Porro, ne postrema verba nostræ inscriptionis præteream, *loco privato* ædem & cetera dedicarunt Magius & Magia. *Ædes sacræ aliæ publicæ, aliæ privatæ, quæ nec sanctæ nec sacræ erant, sed religiosæ*. Quod enim privati suæ religionis causâ aliquid earum rerum deo dedicent, id Romani Pontifices non existimarunt sacrum, ait Festus verbo *Sacer*.

VIII.

¹
BONAE. PAGANAE
RVFRIA. C. F. FESTA
CASILIA. Q. L. SCYLACE
MAGISTRAE
D. P. S

In quadam domo Capituli.

²
DECIDIA L. L. PAVLINA
ET PVPIA. L. L. PEREGRINA
MINISTRAE
BONAE. DEAE
AEDem. FECERVNT

In eadem domo.

³
AVGVSTAE. BONAE. DEAE
CERERIE. SACRVM
... YSTIS. L. TICHE AEDem
... I. DEPECVNIA. SVA. FECIT
FASTVS BARBONIVS
III. VIR. D. D.

Inter has inscriptiones primam & secundam retulit etiam Fabrettus cap. 10. pag. 665. ex schedis Vaticanis, sed corruptas. In primâ pro *Paganæ* legit *Faganai*; & nomen secundæ feminæ, *Cæcilia Q. L. Cinnamis*. In posteriore habet, *Decidia Lep. Pauli*, & loco *Deae*, *sibi*. Nostri sanè exemplaribus nemo fidem ampliorem negaverit. Quænam fuerit BONA DEA veteres ipsi ignorarunt. Macrobius lib. 1. Sat. cap. 12. refert, Labeonem eam putasse *Majam*, alios *Terram*; at *Faunam*, & *Opem*, & *Fatuam* Pontificum libris indigitari. Rursus alii *Junonem*, alii *Proserpinam* dixerunt. De ejus sacris arcano ritu celebratis passim agunt Scriptores; nec est cur sæpius ab aliis prolata retexam. Explicationem cognominum, quæ Bonæ deæ in nostris saxis tribuuntur, tantummodo persequar; cum alibi non occurrant.

BONA PAGANA ea quidem dea est, uti arbitror, quæ in *Pagis* colebatur, & præsidium, tutelamque *Pagorum* agere credebatur. *Paganalia*, sive *Paganica* feræ à *Pagis* dictæ sunt, inquit Varro de lingua Lat. lib. 5. De sacris pagorum mentio est apud Siculum Flaccum de condi-
tioni-

tionibus agror. pag. 25. laudatæ collectionis Goesii. JOVI PAGANICO inscriptum est saxum Gruterianum pag. 21. 11. Aliud Diis CAMPESTRIBUS apud Fabretum de Aqueduct. pag. 106. Cum ignotum esset numen *Bona dea*, inter Campestris quoque & Agrestes eam retulerunt, & sub nomine *Pagana* coluerunt. Et dea quæcumque esset, quæ Agriculturæ præsideret, eam *Bonam* vocarunt. Vidi-mus enim, cum de Brontonte actum est, *Boni* epitheton diis additum nil aliud, quàm *propitium*, significasse. *Fortu-na* BONAE *domesticæ*, lapis est dicatus pag. 74. 5. BONAE *Deæ Veneri*, apud Reinesium Class. 1. 92. & Juno-nem BONAM Deam vocatam ait Fabretus, quasi *faven-tem* & *propitiam*, pag. 667.

Eo cognomine (ut rei nostræ exempla propiora refe-ram) commenti sunt veteres deum agris præsidem, quem Varro initio lib. 1. de re rust. ita invocat: *Necnon precor Lympham, & BONUM EVENTUM: quoniam sine aqua omnis arida atque misera agricultura: sine successu & BO-NO EVENTU frustratio est, non cultura*. Boni Eventus templum in regione IX. collocat P. Victor. In nummo Ge-tæ apud Oiselim tab. 41. n. 6. visitur juvenis nudus, stans ante aram accensam cum paterâ in dexterâ, & spicâ ac papavere in sinistrâ manu, additâ epigraphæ: *BONUS EVENTUS*. In alio Severi numero proximè insequenti, sub eadem inscriptione *BONI EVENTVS*, scalpita est matrona decorè culta cum paterâ frugibus plena in dex-terâ, & spicis in sinistrâ. Quam profectò, si divinare liceat, non aliam deam esse puto, quàm nostram *Bonam Paga-nam*, præsidio agrorum, culturæ, & frugum donatam, ut iis *bonum* & *propitium eventum* & *successum* tribueret. Hucq; revocandum est secundum ex nostris saxis, *AUGUSTAE BONAE DEAE CERERIE SACRUM*. Ideo *Cereria* vo-catur *Bona dea*, ut pateat ejus præsidio dicatos agros & fru-ges: nam Ceres dea agrorum & frugum habebatur. Si-mili appellationis schemate Magna Deorum Mater diæa est

est *Ceraria* in lapide Gruteriano 2. pag. 1010. M. D. M. CERARIAE. Mater Deūm Terra est Macrobio lib. 1. Sat. cap. 21. Terra autem frugifera ipsa Ceres. Quare nostram Bonam deam *Cereriam* tellurem frugiferam appositè vocamus, eandemque cum *Bonā Paganā* facimus. Extat inscriptio pag. 26. 9. CERERI AVGVSTAE MATRI AGROrum. Et ne dubitaremus, hanc eandem esse quæ in pagis colebatur, tamquam agrorum præses, eandemque rursus, quæ in nostrâ inscriptione *Pagana* nuncupatur, monumentum illud L. Benius primus *Magister* PAGI, & *Benia Primigenia Magistra* fecerunt.

In primo epigrammate sive *Aram*, seu *Ædem* Bonæ Paganæ posuerunt *Rufria & Festa Magistra* D.P.S. hoc est, *De Pecuniâ Suâ*, uti expressum est in tertio. *Magistra* Sacerdotes erant Sacris dearum præpositæ, ut notavit Fabrettus ad hanc ipsam inscriptionem; qui pag. 342. alia exempla producit, nec non cap. 10. num. 173. ubi *Asbenais* visitur *MAGISTRA Bonæ deæ*. In secundo *Decidia & Pupia* non *Magistræ* sed *MINISTRÆ* Bonæ deæ dicuntur, quòd Sacerdotes inferioris conditionis essent.

I X.

¹ AVGVSTAE. B. . . . CASTRENSI. EX FERONIA LIBANI. LIB TI. CLAVDIVS. STEPHAN	² DOMNAE. B. SACRVM SEX. BEBIVS BAI. FIL. VET. EX. CLASSE VESTIARIVS V. S. L. M
---	--

In fronte cuiusdam domus Capituli.

In alia domo Capit.

In utroque epigrammate longa ætas Deam abstulit. *Bonam* eam esse ex priori literâ B. facile suspicaberis. Sed quid Bonæ deæ cum castris & bellis, unde cognomen *Castrensis*? Num Bonam deam, quæ personam singularum dearum induit, ut diximus, etiam Castris præfecerunt

Gen-

Gentiles, & *Bonam* dixere, ut in rebus bellicis favens & propitia esset? Ita *Bona dea Castrensis* ipsa *Bellona* est. Imò si aliter lacunam suppleas, non ineptè legere poteris: *Augustae Bellona Castrensis* & in secundo: *Domna Bellona*.

At videant eruditi antiquitatum, num præfixum vocabulum, DOMNAE, viam aliam interpretationi sternat. Julia DOMNA fuit uxor Severi, materque Caracallæ & Getæ. Plurima ejus mentio in saxis & nummis, passimque vocatur MATER CASTRORUM. Illa exhibent Gruterus p. 1085. & Fabrettus cap. 10. p. 679. hos Tristanus tom. 2. pag. 131. aliique numismatum descriptores. Jam priorem ex nostris inscriptionibus coniungas cum secundâ, hancque legas: *Domnae Bonae deae*: illam, *Augustae Bonae deae Castrensis*; & *Domnam* Imperatricem *Castrensem deam* agnosces, quæ alibi *Mater Castrorum* est, & sanè BONAM, quia Mater. Profectò potuit vocari *Augusta Bona dea*, quæ in nummo apud Patinum pag. 284. Græcis literis dicitur *Augusta Domna Fortuna*. Et in aliis sub figurâ Cereris & Lunæ Luciferæ pingitur. Nummus Corinthiorum in quo Juliæ Domnæ caput sculptum est, ex altera parte *Minervam* galeatam cum *Victoria* dexteræ oppositâ præfert; quod *Victoria* signum, inquit Vaillantius, forsan Corinthii Domnæ tamquam *Palladi* bellorum præsidii tribuerunt. Passim Augustas, ut alibi ostensum est, figuris & nominibus Dearum consecratas intuemur. Julia Mamæa non unâ divinitatis notâ contenta, plures simul induit Deas, in rarissimo nummo ex maximo ære Musei Corrarii, cujus descriptionem nec dum, quod sciam, evulgatam, à viro Cl. Canonico Blanchino acceptam exhibeo. Caput Mamææ toto pectore & brachiis extantibus, cum symbolis multiplicibus, scilicet flore Isis, Lunâ Dianæ, Alis Victoriæ, Cornucopiæ Face & spicis Cereris: circum literæ: JULIA MAMÆA AVGVSTA. in parte altera: FELICITAS. SAECVLI. Mamæa sedens tribus figuris stantibus circumdata, quarum una ei pomum offert. Numis-

misma est singularis pulchritudinis, optimæ cælaturæ, cum circulo, & æruginè smaragdina obductum. Si velis *Domnam* stare loco *Domina*, ægre calculum feram. Nam apud veteres nunquam nisi nomen proprium est *Domnus* & *Domna*, ut probant celeberrimi antiquarii, Tristanus eodem tomo pag. 120. & Spanhemius dissert. 7. pag. 626. Præterea vocabulum illud per syncopem solis Ecclesiasticis Scriptoribus inferioris ævi usurpatur.

X.

D I A N

AVG. SAC

FLAVIVS. SEVERVS

CVM. SVIS. LAB.

RESTITVIT

In domo Nobb. de Nordis.

Diana numen satis notum. In schedis Capodalei est, cum suis LAB. At in archetypo lapide, quem Aquilejæ adhuc extantem exscribi nuper curavi, legitur LAB. hoc est *Labris*. Labrum vas amplum dicitur, in quod aqua è fonte decidit. Fontes Dianæ dicatos nemo nescit. De *labris* Dianæ mentio est apud Ovidium Fast. lib. 4. vers. 761.

Nec Dryades, nec nos videamus LABRA Diana,

Nec Faunum, medio cum premit arva die.

Itaque *Flavius Severus* Fontem aliquem Dianæ sacrum labefactatum & corruptum cum suis LABRIS, marmoreis scilicet conchis ad aquam excipiendam, restituit. In lapide Veronensi pag. 39. 6. *Licina signum Diana, & venationem, & SALIENTES, aquas, fieri iussit.* Cùm Sylla Scipionem, Norbanumque consules in Campaniâ profligasset, *grates Diana* (inquit Vellejus lib. 2. cap. 25.) *cujus numini regio illa sacrata est, solvit, & aquas salubritate, medendis-que corporibus nobiles, agrosque omnes addixit deæ.*

X I.

ISI. SACR

L. MAGIVS PHILEAS VI. VIR

AQVIL. OB

SALVT. GRATIANI

FILII. ET. GRATIAE

Sertorius Eques Ursattus hunc lapidem Patavio tribuit, Monum. Pat. lib. 1. sect. 7. & 9. Quod in collectaneis Capodalei sit descriptus inter Aquilejenses huc transtuli. Si lapis sit Patavinus, saltem Magium qui illum dedicavit, Aquilejensem civem agnoscimus. De votis *Isidi* solutis ob restitutam valetudinem nec plura nec meliora dici possunt, quàm quæ concessit Fabrettus cap. 6. à pag. 469. ubi hanc quoque inscriptionem ex Thomafino recitat. *Isidem* sanitati restituendæ præesse putarunt Gentiles, unde & *Servatricis* nomen apud Arcades, ex Pausania lib. 8. adempta est. Potissimum curationes pedum *Isidi* acceptæ referebantur. Hinc figuram pedum non semel exsculptam invenimus, quæ offerebatur, tanquam tessera curationis. Junctum numen cum sit *Isis* & *Serapis*, ab hoc quoque sanationes sperabantur, remediis immixtis per somnium, ut indicat formula EX VISV, quæ sæpius in ejusdem inscriptionibus occurrit. Cetera apud Fabrettum invenies. Addam tantummodo carmina Tibulli, quibus denotatur tabellas curationum indices in templis *Isidis* suspensas fuisse lib. 1. eleg. 3.

Nunc dea, nunc succurre mihi, jam posse mederi,

Picta docet templis multa tabella tuis.

Quemadmodum & naufragi in templo *Noptuni* tabellas dicare consueverant, quibus depicti essent casus & pericula naufragii; imò & vestes, cum quibus evaserant, suspensas parieti consecrabant. Vtrumque expressum reperies apud Horatium lib. 2. Sat. 1. vers. 33. & lib. 1. carm. Od. 5. ejusque interpretem. De tabellis in templo *Æsculapii* positis jam dixi.

An-

Antequam deos Aquilejenses deferam ; Scriptorum nostratum haud levem lapsum adnotabo. Palladius senior rerum Foroiulienf. lib. 8. pag. 128., fequutus Candidum Comment. Aquil. lib. 2., memoriæ prodidit, Maximino Aquilejam obfidente, mulieres Aquilejenses, cum deeffent civibus nervi ad immittendas fagittas, de capillis funes feciffe: *in cujus*, inquit Palladius, *facinoris memoriam Senatus sub ea tempeftate, in perpetuum matronarum Aquilejenfium decus, Romæ templum Veneri Caluæ dicavit.* Egregium quidem id facinus narrat Capitolinus, quem Palladius citat ad marginem; at templum ea occasione dicatum nequaquam dicit. Do verba ex cap. 7. in vitâ Maximini junioris: *Prætereundum ne illud quidem eſt, quod tantâ fide Aquilejenſes contra Maximum pro Senatu fuerunt, ut funes de capillis mulierum facerent, cum deeffent nervi ad fagittas emittendas: quod aliquando Romæ dicitur factum.* Unde in honorem matronarum templum Veneri Caluæ Senatus dicavit. Poſtremo hæc verba ad proxima, *quod aliquando Romæ dicitur factum*, referenda eſſe patet, non ad priora de mulieribus Aquilejenſibus. Id Romæ contigit in obſidione Capitolii, in quâ cum nervorum copia defeciſſet, matronæ abſciſſos crines viris ſuis obſulere pugnantibus, uti narrat Vegetius de re milit. lib. 4. cap. 9. Nil fanè hic auctor de templo Veneris Caluæ; at ſupplendus eſt ex Lactantio divinar. inſtitut. lib. 1. cap. 20. *Urbe, inquit, à Gallis occupatâ, obſeſſi in Capitolio Romani, cum ex mulierum capillis tormenta feciſſent, ad eam Veneri Caluæ conſecrarunt.* Itaque Capitolinus huc reſpexit, non verò ad facinus mulierum Aquilejenſium; neque in earum decus perpetuum Senatus templum Veneri Caluæ dicavit.

Qui commentationem hanc de Diis Aquilejenſibus inchoaverat Juppiter, idem quoque peractio erit. Siquidem memoriâ exciderat opportuniore loco referre, celebre Jovis templum & Capitolium, ad Urbis dominæ imita-

mentum, Aquilejæ stetit. Utriusque mentio est in actis Sanctorum Felicis & Fortunati, quorum exemplar tum apud Mombritium prostat, tum in vetusto Codice, octavi minimum sæculi, in chartulario Ecclesiæ nostræ Forojuliensis. Cumque venisset in Civitatem Aquilegiensem (sermo est de Euphemio Præsidi) in Templum Jovis ingressus, immundas hostias obtulit. Præcones clamabant, ut legitur in alio exemplari: omnes concurrerent cum hostiis ad Capitolium Jovis, & sacras hostias Imperatori (Diocletiano) per plateas ponerent &c. Capitolia habuisse illustres urbes, Ravennam, Florentiam, Mediolanum, Carthaginem, pluresque alias, suam in primis Augustam, colligit doctissimus Marcus Velsus rerum Vindelicar. lib. 5. pag. 259. postremæ edit. Addimus Aquilejense Capitolium, quod quâ urbis patte locatum fuerit, omnino latet. In excelssimo loco construi jubet Capitolium Vitruvius lib. 3. cap. 2. Unde in Concilio Eliberitano can. 59. prohibetur, ne quis Christianus aut Gentilis ad Idolum Capitolii sacrificandi causâ ascendat. In quem Canonem videas quæ eruditè adnotavit Ferdinandus Mendoza. Ceterum quamquam Romæ Capitolium non tam Jovis templum, sed alia quoque delubra, ædificia, ipsamque arcem complectebatur, Aquilejæ idem Capitolium ac templum Jovis fuisse verba recitata suadent.

XII.

DEO RUBIGO

SACRVM

In Villa Comitum de Maninis in suburbano Forijulii.

Censum Deorum Aquilejensium absolvimus. At unus & alter adhuc in tabulas mitti postulant; jure quidem suo quòd iisdem Carnotum populis priscâ religione colerentur. Aram hanc nostrates Forojulienses Deo RUBIGO dicarunt. Extat in pago suburbano, vulgò Rubignaco, cui nomen à deo mansisse nemo dubitaverit. *Rubigus* seu *Rubigus*, ut in nostra inscriptione, à rubigine segetibus infe-

râ

Ita dictus, inter insanos Romanorum deos non ultimus, non ut prodesset, colebatur, sed quemadmodum Febris & ejusmodi mala & sinistra numina, ne noceret. Inter deos quos initio operis de re rusticâ invocatur Varro, Robigum quoque recenset: *Quartò ROBIGUM & Floram: quibus neque rubigo frumenta atque arbores corrumpit, neque non tempestivè florent. Itaque publica Robigo seria, Robigalia, Floræ ludi, Floralia instituti.* Et quia Ceres quoque segetum dea erat, communi religione simul colebatur; unde lapis Romanus apud Reinesium visitur: ROBIGO. ET. CERERI. ET. FLORAE. SACRUM. Iterum Varro lib. 5. de ling. Lat. *Robigalia dicta à ROBIGO: secundum segetes huic deo sacrificatur, ne rubigo occupet segetes.* Sacrificii genus docet Ovidius lib. 4. Fast. vers. 935. nimirum Canes & Oves faciebant.

Thura focis vinumque dedit, fibrasque bidentis,

Turpiaque obscena vidimus ora canis.

Ubi quoque recitat verba, quibus Sacrificulus invocabat Rubigum, & ne læderet segetes, precabatur. Canemque immolatum subdit ad placandos nimios Canes Syrii æstus, quibus fruges adurit. Hucque respexit Festus verb. *Rutila*, ubi & rutilas & feminas Canes mactatas docet: *Rutila Canes, idest non procul à rubro colore immolantur canario sacrificio pro frugibus, deprecanda sævitia causâ sideris Canicule.* Eademque ferè habet in voce, *Catularia*. Porro *Robigalia* Festa agebantur VII. Kal. Majas, seu die 25. Aprilis, ut notatur in veteri Kalendario, & eodem libro Ovidii vers. 901. Festo in verb. *Robigalia*, & Plinio lib. 18. cap. 29. ubi *Robigalia à Numa instituta fuisse ait, anno regni undecimo.* Itaque in pago Rubignaco Festa hæc Rubigo deo celebraia erant: qui sanè pagus cùm sub ipsis mœnibus Urbis Forojulienſis situs sit, discas nostros hoc quoque ritu imitatos fuisse Romanorum morem, qui non longè ab Urbe, ut innuit Festus verb. *Catularia*, sacrificia Robigalia peragebant.

XIII.

C. VELLAEVUS. A. L. EROS

SEX. VIR. ARAM. SEDILIA

STRATVM. DAT

Forojulii in hortis olim Venuſtorum.

Hoc loco inscriptionem hanc Forojulienſem profero, quòd Diis dicatam perſcripti characteres prodant. Merito quoque ſuo vulganda erat, quòd notas rari in lapidariâ ſupplectile pretii contineat. Etenim *Aram* frequentiffimè poſitam omnes norunt, nec explanatione opus eſt, nuſquam, ni fallor, addita *ſedilia* & *ſtratum* quiſpiam inveniet. Pompejus Feſtus verb. *Solla* lucem plurimam affundit: *Solla*, inquit, ſiue *ſolia*, uti legit Scaliger, appellantur *SEDILIA* in quibus non plures ſingulis ſedere poſſunt; ideo *solla ſternere* dicuntur qui *ſelliſternium* habent, & *ſolaria* vocantur *Babylonica*, quibus eadem ſternuntur. Non ſatis benè Vale- rius Chimentellus in eruditiffimo opere de honore Biſelli cap. 21. lapidea aut marmorea libentius *ſedilia* putat, ex Plinio lib. 5. epiſt. 6. ubi elegantiffimam villam ſuam deſcribens ait: *sunt locis pluribus diſpoſita ſedilia è marmore*. Nam Evander apud Virgilium *Æn.* 1. 171.

Gramineoque viros locat ipſe SEDILI.

Et Georg. 4. 350. Nymphæ *vitreis* aquarum *SEDILIBUS* imponuntur. Quare quodcumque genus ſedis poteſt *ſedile* dici. *Stratum* lectus eſt ad incubandum. *Haud ſegnīs STRATO ſurgit Palinurus* &c. inquit idem Poëtarum ſummus *Æn.* 3. 513. Hinc *Lectiſferma* dicta, quaſi *lecti ſtrati*, qui tam hominibus parabantur, quàm Diis ad epulum, ut ſcitè diſtinguit Gutherius de jure Pontif. lib. 3. cap. 9. Tritum eſt, Sacerdotes poſt ſacrificium epulatos, ut alibi indicauimus. *Ara* ergo extructa pro ſacrificio, Vellæus Sacerdotibus quoque dedit *ſedilia* & *ſtratum*, ut accumberent ad menſam. Vel funebris hic apparatus eſt. *Ara* ſcilicet Diis Manibus ſiue Inferis, *ſedilia, ſtratumque* ad epu-

epulum emortuale. Nam in parentalibus & inferiis Gentiles largiter epulabantur; unde toties in inscriptionibus cenam, epulum, sportulas legatas observamus. In Bergomati pag. 753. 4. *Lectisternium tempore parentaliorum* inter alia præberi jubet P. Appius in memoriam Albinæ filix. Quæ ad nostram referri posse videtur. At cur sedilia & stratum distinctum? Aliò spectasse Vellæum sanè libentius affirmo. Ea fuit Gentilium infania, ut Deos suos ad cenam invitantes *Lectisternia* onusta dapibus in templis pararent, & lectos ad accubitum tamquam epulaturis sternerent. Plura veterum testimonia prætermitto. *Habent*, inquit Arnobius lib. 7. *Dii lectos, atque ut STRATIS possint mollioribus incubare, pulvinorum tollitur, atque excitatur impressio. Sellisternium habere*, de quo antea Festus, idem est ac sellam sternere; sicuti *lectisternia* lectos. Utrumque nomen Diis accomodum. Unde Tertullianus inter sacros apparatus numerat *solisternia*, & *lectisternia*, ad nationes lib. 1. cap. 10. & Festus laudatus, *sistere fana*, esse ait ex Labeone, *Lectisternia certis locis & Diis habere*, verb. *sistere*. Id tamen in more positum, ut lecti seu STRATA Diis maribus, Sellæ, sive SEDILIA feminis ponerentur; instituto ab hominibus ad divos ducto; quod egregiè in rem nostram expressit Valerius Max. lib. 2. cap. 1. num. 2. *Feminae*, inquit, *cum viris cubantibus sedentes cenabant; qua consuetudo ex hominum convictu ad divina penetravit. Nam Jovis epulo ipse in lectulum, Juno & Minerva in sellas ad cenam invitantur. Quare Cajus Velleus Eros Caje Libertus Sex vir Foro-Julienſis cum aram sacris faciundis erexisset, certis diis paraturus lectisternium sive epulum, fortasse ipsi Jovi ac Junoni Minervæque, quibus in Capitolio Romæ cenam dare mos erat, unde epulum Jovis dictum, stratum quidem seu lectum, Romano more, Jovi, deabus verò Junoni & Minervæ sedilia sive sellas dedicavit. Ni cui placeant hæ dapes, melioribus paratis lubens accumbam.*

Alterum Deum extra Aquilejam nostris Forojulien-
sibus prisca gentilitatis vesaniâ celebrem, prodit Strabo
lib. 5. Geograph. pag. 214. *in ipso, inquit, intimo sinus Ad-
riatici Timauum est, Diomedis templum memorabile. Habet
enim portum, & elegantem lucum, & fontes septem potabilis
aqua, statim in mare alto & lato excidentis amne.* Situm
templi Diomedæi ad ipsos fontes Timavi collocat Clu-
verius lib. 1. pag. 195. ubi nunc divo Joanni ædes sacra
est, pagusque ab eo appellatus *S. Giovanni del Carso*. Sanè
hunc locum prisca quoque populis habitatum, produnt
vetustatis monumenta inibi reperta, quæ hæc profero.

S. A. I. PROSAI
AQUILINI
VILICI AVGG
ET. TITI. IVLI
AQUILINI
IVLIA
STRATONICVS

SPEI. AVGVSTAE
C. SACCONIVS
VARRO. TRIB. CO
H. IMILIANAE
DELMATARVM
V. S.

Imò fontes ipsos Timavi numini Diomedis sacros
fuisse arguit plumbea fistula his caracteribus sculpta.
AQUA. DEI. ET. VITAE. Nisi velimus pertinere ad
saluberrima calidarum aquarum balnea, quæ non longè
à Timavo visuntur, & Plinio quoque memorantur lib. 2.
c. 103. Eum sanè tubum ad balnea ipsa repertum narrat
Jacobus Valuasonus in descriptione Forijulii quæ M.S.
circumfertur.

Incertum porrò mihi est an verba, quæ paullò post ha-
bet Strabo, ad hunc ipsum locum apud Timauum sine
referenda. *Memoria, inquit, proditum est, Diomedis apud
Venetos esse aliquos honores decretos. Nam & albus equus
ei immolatur, & duo monstrantur luci: unus Junoni Argi-
væ, alter Diana Ætolica.* Nam cùm idem Geographus
Aquilejam extra Venetorum fines statuatur, Timauus iti-
dem, qui ultra hanc Urbem ad Orientem excurrit, in-
Ve-

Venetis eodem auctore esse nequit. Quamobrem vereor etiam assentiri Leandro Alberto, & nostris Scriptoribus Forojulienfibus, qui lucos Junonis & Dianæ eos esse putant, qui nunc accolis vocantur S. Geltrudæ, & S. Margaritæ. Hi enim in interioribus Alpium collocati ad Carnos utique spectant. De Venetorum finibus, & de Timavo, quem veteres & recentiores pluribus quæstionibus, quàm ipse fontibus fluat, involuerunt, non pauca dicenda essent; nisi in diversa abire ratio instituti operis vetaret. Interim consulas Cluverium Italiæ antiq. lib. 1. cap. 20. & Pignorium in libello Italico originum Patavin. cap. 14.



COLONIA FOROJULIENSI

DISSERTATIO ALTERA.



UM in priori hujus voluminis parte ad inscriptionem M. Aquilii cap. 2. in fin. de Scaptiâ tribu mentio esset injecta, dixeram in eadem tribu censam fuisse Coloniam *Forojuliensem*, idque vetustos lapides, qui adhuc inibi extant, demonstrare. Tunc quoque nonnulla adnoveram, quæ iis illustrandis, patriæque urbi ab obscura antiquitate utcumque vindicandæ conferre putabam; sed aliena ab instituto, opportuniore loco producenda seposueram. Nunc quoniam inter saxa Aquilejensia versati sumus, eadem quoque Forojuliensia, calenti adhuc à simili argumento manu, rursus contrectare visum est; & prisca vicinarum urbium monumenta quodam veluti cognationis jure conjungere. Nonnullis igitur quæ ad FORI JULII, ipsiusque Aquilejæ, ac Concordiæ, originem spectant, præmissis, exempla ipsorum lapidum producam: tum Magistratus & Sacerdotia, quorum iis sculpta sunt nomina, levi manu, quòd id argumenti genus jam docti viri fermè exhauferint, pertentabo: intermixtis in rem natam plerisque earundem Coloniarum inscriptionibus, nunc primum evulgatis.

FORVM IULII Civitas in eâ Italiæ regione sita est, quæ olim Carnorum, nunc provincia Forojulienfis, quæ sita ab urbe principe appellatione, nuncupatur. Mediam secat Natiso fluvius, priscis Scriptoribus memoratus: tergum Alpes Juliæ claudunt, frontem ingens planities, uberi solo nobilis, expandit. Originem ipsimet nomini insculptam agnoscimus. Paullus Diaconus, qui octavo seculo inclinante historiam Longobardorum literis mandavit, hæc habet

bet lib.2. cap.14. *Hujus Venetia Aquileia Civitas extitit caput, pro qua nunc FORUM JULII, ita dictum quod Julius Cæsar negotiationis forum ibi statuerat, habetur*. Rescisse id potuit Paullus, qui Civis Foro-Julienfis fuit, ut de se ipse testatur lib.4. cap.39. licet passim Aquilejenfis vocetur, ob munus sacrum, quo in hac Ecclesia defungebatur. Venantius Fortunatus proximâ ad Plavim regione ortus, iter è Galliâ Ravennam describens, de Vita S. Martini lib.4. circa finem ait:

Inde Foro-Julii de nomine Principis exi.

An uti nominis auctor, ita conditor Opidi Cæsar fuerit, in obscuro planè latet. Potiori conjecturâ diceret, locum antea non incelebrem, foro & nomine ab eo Principe auctum; sicut in Bætica, ut simili prorsus exemplo utar, Illiturgim Forum Julium appellatum tradit Plinius lib. 3. cap. 1. Blondus Foroliviensis illud putat Opidum, quod à Gallis conditum, Marcellus etiam invito Senatu, tradente eodem Plinio lib.3. cap. 19. delevit, tunc à Cæsare instauratum. Henricus Palladius, qui summâ dictionis elegantia, & Latini sermonis puritate rerum Foro-Juliensum historiam ad Attilana tempora perduxit, cum populari apud suos errore Utinum, si Diis placet, Forum Julii faciat, vestigia quædam antiquitatis in eâ urbe à se deprehensa eorumdem Gallorum esse opera suadere nititur; additque illud Opidum, quod nunc Utinum esse ait, deinde instaurasse Triumviros, qui Aquilejam Coloniam deduxere, lib.2. & 3. Nobis eatenus sapere, aut tam oculatis esse non licuit, ut tot retrò sæcula veluti præsentia introspectientes, in nostrâ Civitate, quam Forum Julii esse scimus, quamvis in eâ appareant, plus etiam nimium, ædificia & monumenta merum senium & cariosam ætatem redolentia, inveniremus puteum & subterraneos fornices manu Gallorum factos. Nec, fateor, digito monstrare audemus turrim triangularem, muros circa collem ductos, imò & privatorum ædes præpè arcem ac vicos; ab iisdemmet Triumviris non temerè,

sed ut Romanam majestatem decebat, *post multa inter eos agitata consilia*, excitatos & exstructos. Neque adhuc, quod sanè invidiam facere possit, sub oculos ponere ipsam *antiqui Opidi faciem & formam, propugnacula*, ut ea ferebat *etas veterum Romuli nepotum, munitissima, mœnia in Occidentem exporrecta*, *binas turres latus utrumque murorum jungentes, portas ad Occasum & Septentrionem*, quibus *tres aliæ additæ fuerunt, quadrata ejus civitatis triumviralis*, quam ita describit Palladius, aditū referantes. Dolendum porrò *numismata illa P. Cornelii Scipionis Nasicæ, C. Flamini, & L. Manlii Acidini* à quibus Colonia Aquileja deducta est, *in fundamentis turris triangularis* ab iisdem *Triumviris conditæ*, duobus ab hinc sæculis, uti narrat Palladius verbis Josephi Sporeni, dum *nova Utinensis arx, quæ nunc extat*, construeretur, reperta, statim ac lucem viderant, nullâ vetustatis reverentiâ tenebris suis iterum damnata, *in fundamenta eiusdem arcis collocata fuisse*. Profectò tam præclara remotioris antiquitatis vestigia auro contrà redemissent nostri Antiquarii, qui nusquam id genus monumenta in suis Cimeliis ostentare queunt; atque a Triumviris percussa fuisse numismata in condendis Coloniis, stante Republicâ, adhuc ignorant. Sed ad seria revertamur.

Forum hoc instituisse Cæsarem, dum utramque Galliam proconsule cum imperio regebat, uti certum videtur, ita annum & tempus definire haud facile est. Idem Palladius pag. 61. & 62. ad ejus Consulatus initium refert, quo tempore stativa ad Aquilejam Cæsar habuit, legionesque ab hibernis eduxit, ut ipse narrat l. 1. de bell. Gall. Cum enim, inquit Palladius, *bello nihil tunc esset, quod ageret, ne Consulatum suum obscurum posteritati transmitteret*, Forum in provinciâ instituit. Non unum peccat hic Auctor. Nam Cæsar cum Gallias administrabat, nunquam Consul fuit. Et sanè initio belli Gallici quo eum Consulem facit Palladius, Proconsulatum cū Consulatu confundens, cum ab hibernis legiones deduxit, ipsemet signat Consules L. Calpurniū Piso-

nem

nem & A. Gabinium. Tunc verò quis credat otii tantisper superfuisse Cæsari, nihilque eum habuisse quod bello ageret, cùm *magnis itineribus*, ut ipse narrat, in Italiam profectus ad legiones conscribendas, & eas quæ circum Aquilejam hiemabant, ex hibernis educendas, eadem celeritate in ulteriorem Galliam rediit, atque eâ ipsâ æstate tribus præliis confectis Helvetios & Germanos profligavit? Itaque magis vero similia perscrutemur. Utramque Galliam Cæsar proconsule administrans, quotannis per hiemem in Italiam contendere instituerat, quemadmodum testatur initio lib. 5. ibique Conventus peragebat, ut statim commemorat, & sæpius aliis historiæ suæ locis. Mos erat Romanis, ut cùm Prætor seu Proconsul in provinciâ esset, in aliquem locum Conuentum indiceret, eoque provinciales homines evocaret iurisdicundi causâ. Idque agere *Conventum* sive *Forum* dicebatur. Nam utrumque vocabulum eandem significationem habet. Cicero ad Atticum scribit, *Forum se egisse ex Idibus Februariis Laodiceæ*. Virgilius

Indicique Forum, & patribus dat jura vocatis.

Hirtius de Cæsare ait: *In Gallia citeriore jus dixit, ac paucos ibi dies moratus, cum celeriter omnes Conventus percurrisset, publicas controversias cognovisset, in Belgium se recepit*. Quæ loca Sigonius profert, de antiquo jure Prouinciar. lib. 2. cap. 5. Eandem utriusque vocis significationem reperies apud Festum verb. *Conventus & Forum*. De Præfecto Hispaniæ memorat Strabo lib. 3. pag. 167. *in maritimis solitum hiemari jus dicendo*; additque Casaubonus in notis, hoc esse *Conventus agere, sive Forum agere*. Cùm itaque Julius Cæsar singulis annis, ut vidimus, ad Conventus peragendos in citeriorem Galliam proficisceretur, palam est, locum juri dicundo nostris populis Carnorum, qui tunc eidem provinciæ accensebantur, hunc ipsum delegisse, cui postea eâ de causâ nomen FORI mansit, addito in memoriam institutoris JULIO cognomine. Plutarchus in vitâ tradit, Cæsarem in Conventibus hominum ani-

mos

mos captasse, quos aut muneribus, aut spe plenos dimittebat. Quæ cumulatius cum fortasse præstitisset gentibus Carnorum, ideo ipsi beneficiorum gratiam referentes, institutum *Forum* ab ejus nomine nuncuparunt. De Tarsensibus ita scribit Dio lib. 47. pag. 342. *Adeo Cæsari priori, & ac eius gratiâ etiam posteriori favebant, ut urbem suam pro Tarso Iuliopolim vocaverint.* Porro provinciales homines, qui ad causas peragendas conveniebant, alia quoque negotia pertractasse, & commercia exercuisse oportet; unde est quod etiam *Forum* negotiationis à Cæsare institutum, cum Paulo Diacono possumus dicere. Interim monitum Lectorem cupio, Opidum aliud in Carnis à Cæsare conditum, & *Iulium Carnicum* dictum, malè cum Foro-Julio à quibusdam confundi. Nam idem Paullus utrumque manifestè distinguit; illudque in montanis ejus regionis, quam hodie quoque *Carniam* appellamus, Plinio, Antonio in Itinerario, & Ptolomæo, qui Noricis tribuit, memoratum, hoc ad montium radices in planitie situm est. Nunc etiam illius vestigia, vetustatis aliquot monumentis insignita, apparent, nomenque *Zulii* manet, priori tantummodo litera immutatâ, non Thuscâ prolatione, ut scribit Palladius, Annium fabulatorem sequutus, sed ex more vernaculi idiomatis.

Exinde *Forum Iulii* ad Coloniam prærogativam & nomen traductum est. Ptolomæus lib. 3. cap. 1. in sextâ tabulâ Europæ ita scribit:

In Mediterraneis Carnorum

Forum Iulii Colonia.

Aquileia Colonia.

Concordia Colonia.

Titulum referendum ad priorem Coloniam arbitror, quæ sola in mediterraneis verè posita est, Aquileja & Concordia propemodum mari adjacent. Nec *Forum Iulii* ante Aquilejam, quæ longè illustrior urbs fuit, collocasset Ptolomæus. At Palladius, qui *Forum* aliquod Coloniam quoque

que dicere non est ausus, *Forum Iulii* non *Coloniā*, sed prerogativis *Coloniæ* tantummodò donatum scribe; unde etiam irrepsisse sine dubio putat ex vulgi errore nomen *Coloniæ* apud Ptolomæum, vel culpâ librarii *Forum Julium Coloniā* factum. Mihi nec gravissimum Geographum deceptum, nec exscriptorem peccasse certum videtur; cùm nulla sit causa, cur *Foro Julio* verum nomen *Coloniæ* invideamus: alioquin id nominis *Aquilejæ* etiam & *Concordiæ*, quas eodem loco, & sub unâ verborum serie *Coloniās* vocat Ptolomæus, esset abrogandum. At has certò constat *Coloniās* fuisse. Nec insolens est, *Fora* aliquando, inductis postea colonis, in *Coloniās* transiisse, nullo pristini nominis dispendio. Quod exemplò mox ostendam. Qua verò occasione & tempore ex *Foro* in *Coloniā* *Forum Julii* evaserit, non satis constat. Pompejus Strabo Magni pater *Transpadanis* populis, inter quos *Veneri* & *Carni* (licet eâ de re apud eruditos non levis sit quæstio) jus *Latii* dederat. At quoniam qui jus *Latii* habebant, non plenam civitatem Romanam, quâ scilicet jura priuata continebantur, non publica, sed partem tantùm ciuitatis adipiscebantur; integrum jus ciuium Romanorum *Transpadanis* donavit *Julius Cæsar*, cùm *Romæ* dictaturam inivit anno V. C. 704. Auctor est *Dio* lib. 41. p. 170. *Gallis qui cis Alpes trans Padum incolebant, quod suo sub imperio fuissent, civitatis jus dedit.* Cùm *Gallos* audis, qui trans *Padum* sub imperio *Cæsaris* fuerant, ne *Veneris* quoque & *Carnis* jus illud tributum dubites; nam & ii in *Galliâ Cispalinâ* & sub ejusdem imperio erant. Eâ loquendi formâ usus est *Dio*, ut *Gallos* solummodò excluderet, qui *cispadanam* regionem incolebant. Exinde *Veneri* jus quoque adipiscendorum honorum obtinuerunt, quod inter jura *Quiritium* nequaquam censebatur. Cùm apud *Tacitum* An. 11. c. 23. in *Senatu* agigaretur sub *Claudio Cæsare*, num primoribus *Galliæ Comatæ*, qui pridem civitatem Romanam adsequuti fuerant, jus etiam adipiscendorum in *Urbe* hono-

honorum esset tribuendum, querebantur aliqui ex Senatoribus, quod *Veneti & Insuæres curiam irruerint*, quod est, grandiori Taciti phrasi, eos populos in Senatum fuisse admissos. Itaque Forum Julii à Julio Cæsare jus Civitatis Romanæ unâ simul cum Gallis obtinuit; & cum Venetis, paullo ante Claudiana tempora, jus quoque honorum adipiscendorum. Quo in jura omnia, quæ civibus Rom. patebant adscriptum fuit: at nondum tamen Colonia dici poterat. Plinio *Opida Istriae civium Romanorum sunt Aegida & Parentium*, solummodo *Pola Colonia*, lib. 3. cap. 19. Ea propriè *Opida Colonia sunt*, inquit Aggenus de limit. agror. inter Scriptores de re Agrariâ collectos à Goesio pag. 58. *quæ ex eo nomine accipiuntur, quod Romani in eisdem civitatibus Colonos miserunt*. Et Siculus Flaccus de condit. agror. apud eundem Goesium pag. 2. *Colonia*, ait, *inde dicta sunt, quod populi Romani in ea municipia miserint colonos*. At duo coloniarum genera constituit Vellejus lib. 1. cap. 14. unum earum quæ *Senatus jussu* deductæ sunt: alterum *militarium*, cujusmodi ferè omnes numerantur post Eporædiam, Mario VI. & Valerio Cos. missæ. Hinc cum veram coloniam Forum Julium, Ptolomæi testimonio, statuerimus, militarem eam fuisse oportet. Deductionis tempus quamvis in obscuro sit; haud levem coniecturam nihilominus proferam, cum inferiùs de coloniâ Concordiâ sermo erit. Interim ex Foro factam coloniam, manente nomine, exemplum, ut ita dicam, cognatum docebit.

In Galliâ Narbonensi vetusta urbs, *Forum Julii* eundem ac nostra auctorem nominis Julium Cæsarem agnoscit. Neque enim ii audiendi sunt, qui appellationem Augusto tribuunt, quamvis colonias ab eo deductas *Julias* quoque vocatas constet. Nam Forum Julii Narbonense in epistolis Planci inter Ciceronianas lib. 10. ep. fam. 16. & 17. antè quam Cæsar Augustus imperio esset potitus, memoratur. Exinde Colonia effecta est, manente priori appellatione. Tacitus lib. 2. hist. cap. 14. & in vitâ Agricolaë cap. 3. *Colo-*
niam

niam *Forojulensem* vocat. Perperam Leander Albertus in descriptione Italix, Regione. 8., aliique scribunt, nostram hanc esse *Forojulensem* Coloniam, hic Tacito memoratam. Amore patriæ aliorum lapsus non adoptamus. Rursus Mela lib. 2. cap. 5. ait: *Forum Julii Octavianorum Colonia*; & totidem verbis Plinius lib. 3. cap. 4. ubi addit, appellatam quoque *Pacensem* & *Classicam*. Consentiant nummi apud Goltzium in Domitiano: COL. FOR. IVL. & in Augusto: COL. IVLIA. OCTAV. Et quidem colonia militaris fuit, militibus legionis octavæ ad eam incolendam indutis. Ideo Melæ, Plinio, & in nummo laudato, cui alterum Neronis addas apud Harduinum pag. 171. *Octavianorum* colonia dicta. Colonix enim militares sæpius à legionibus, quæ in iis collocabantur, sibi nomen pepereunt. Ita eodem Melæ loco legitur, *Secundanorum* Arausio, *Sextanorum* Arelate, *Septimanorum* Blitera. At Valesius in Noticiâ Galliarum pag. 200. *Octavianorum* nomenclationem ablegat, atque apud Plinium, Melam, & in nummis, *Octavianorum* legendum autumat, quòd Octavius Augustus id nominis coloniâ deductâ imposuerit. Contrà doctissimum Scriptorem, præter Scaligerum, Lipsium, & Sirmundum, quos ipse citat, stant ceteri, Bucherius in Chorographiâ Provinciæ tom. 1. pag. 247. Harduinus loco laudato, & Vaillantius de Coloniis pag. 5. tom. 1. Si quid nobis post clarissimos viros hac in re liceat, haud ineptam conjecturam expono. Idem Vaillantius alio opere de numism. Imp. tom. 2. pag. 168. nummum Galliæ describit cum hac epigraphæ: LĒG. VIII. PAC. quam explico, *Legio octava Pacensis*. Jam Forum Julii ex Plinio didicimus coloniam *Pacensem* vocatam. Profectò hoc nomine donata est, quòd in eam legio octava *Pacensis* fuerit inducta; & subinde ab eadem quoque legione octavâ colonix *Octavianorum* appellationem quæsit.

Ad nostram FOROJULIENSEM pedem refero. Postquam colonix & municipia civitatem Romanam im-

petrassent, quoniam jus adipiscebantur suffragii in Urbe ferendi, in tribum aliquam ex xxxv. adscribebantur, in qua suffragium in Comitibus Romanis ferrent. Unam verò eandemque ciues omnes cuiusque urbis profitebantur, & perpetuò fermè retinebant. Hinc frequenter in vetustis saxis, præcipuè militum, signatam observamus *Tribum*, quæ inter nomen & cognomen reponebatur, ut alibi monuimus. Passim in magno Gruteri thesauro exempla occurrunt. Carnorum populi cum jus Latii à Pompejo Strabone, civitatem Romanam beneficio Cæsaris, utpote in Galliâ citeriore positi, obtinuissent, suffragii lationem in Urbe simul indepti sunt. An uniuersi in unam, eandemque tribum tunc essent coniecti, vel unumquodque Opidum suam agnosceret, incompertum planè habeo. Hoc certum est, tres colonias, quas Carnis Ptolomæus accenset, Forum Julii, Aquilejam & Concordiam, in tres diuersas tribus relatas fuisse. De Foro Julienti primùm agam, non dignitatis merito, cùm Aquileja longè illustrior & nobilior fuerit, sed quòd ea hujus disertationis argumentum faciat, Aquileja, & Concordia in transitu sint dicendæ. Haud paucos lapides literatos, quos prisca decoris reliquias, & Romanæ ætatis vestigia dixeris, in urbe Foro Julienti, fato & tempori superstites, servamus. Hos inter tres sunt, qui ejus olim ciues *Tribui SCAPTIAE* adscriptos luculento testimonio demonstrant. Nobiliorem hunc primum hisce characteribus insculptum cernimus.



T. VETTIDIUS
 T. F. SCAPT
 VALENS
 III. VIR. IVRIDI
 QVINQ. PONT
 SIBI. ET
 T. VETTIDIO
 POTENTI. FIL.
 EQVO. PVBLICO
 ANNOR. XX. M. III. D. V
 T. F. I

Mirum quantum affligerint hunc lapidem antiquarii, huc illuc locis alienis transferentes; cum nusquam nisi in nostrâ Foro-Julienſi Civitate habitaverit. Antiquissimum omnium, qui inscriptiones collegerit, testem produco Joannem Marcanovam, qui in suâ collectione anno 1465. adornatâ, nostram recitat sub hoc titulo: *Ad Civitatum Foro-Julienſis Patriæ Civitatem in marmore formoso propè portam majorem*. Ex Authographo Marcanovæ Venetiis exscripsit ornatissimus vir Apostolus Zenus. Hodie extat propè portam veterem Civitatis ad S. Petrum in pariete publici armamentarii. Characteres sunt grandiores & nitidi, & saxum ingens, ut nemo aliunde exportatum suspicari possit. At Gruterus pag. 486. 1. ex Smetio & Appiano *Patavii Foro-Julii in porta* extare scribit, duplici lapsu, lapidem Patavium, hanc Urbem in Forojulium traducens. Erroris causam inferius exponam. Eques Ursatus cum apud Gruterum ea verba legisset, deperditum putavit. Cum Raphael Fabretrus, quoties mihi laudandus, toties descendens, operi suo postremo inservisset non paucas ex nostris Inscriptionibus, quas sibi à me traditas cum honoris scènore in præfatione epistolari commemorat, hanc tamen, malo fato ex schedis Penianis descriptam, *Forolivio* tribuit pag. 715. haud semel deinde conquestus, se nō antè opportunius

à me monitum . Literarum inter hanc urbem & nostram
 affinitas non saxe tantummodò, sed homines quoque nobis
 surripuit . Nam Forolivienses Cornelium Gallum poëtam
 celeberrimum , qui gratiâ & honoribus apud Augustum
 Cæsarem eximiè floruit , civem suum facere non dubitant .
 Eusebius In Chronico ad Olympiadem CLXXXVIII. ita
 loquitur: *Cornelius Gallus Foro-Julien-sis poëta, à quo primùm
 Egyptum rectam supradiximus XLIII. ætatis sue anno
 propriâ se manu interfecit .* Flavius Blondus amore patriæ,
 uti rectè observat Lilius Gregorius Gyraldus in dialogo 4.
 de Poetis Latinis , primus omnium ausus est legere , *For-
 roliviensis* . At quotquot impressi Codices Eusebii circum-
 feruntur , ad unum omnes habent, *Foro-Julien-sis* . Hos inter
 binos emendatissimos laudo, primum ab Arnol-do Pontaco
 editum typis Burdigalensibus anno 1604. qui , ut testatur
 in Apparatu, contulit non tantum verba sed etiam syllabas
 & literas cum decem & octo codicibus MSS. & octo variis
 editionibus : alterum Josephi Scaligeri, quem ex antiquis-
 simis MSS. exemplaribus , potissimum Bongarsiano ante
 mille annos conscripto , se adornasse ait initio animadver-
 sionum pag. 6. Ne locum hunc obruam Codicum MSS.
 copiâ , quorum duo eminent ævo Caroli Magni exa-
 rati, unus Bibliothecæ Regis Christianissimi , alter majoris
 Ecclesiæ Lucensis , Spartam hanc lubens dimitto Justo
 Fontanino, qui cum opus de Scriptoribus Foro-Julien-sibus,
 ut alibi memoravi, adgressus sit , jam integram manum
 Cornelio Gallo posuit . Sanè cum res ejus gestas, fortunæ
 casus , scriptaque summo studio pertractaverit , ea erudi-
 tionis copiâ & argumentorum pondere patriam asseruit,
 ut Forolivienses Scriptores ad incitas rede-gisse non dubi-
 tem. Rursus parcant Forolivienses, si eos amicè compella-
 vero, ecquâ tandem auctoritate etiam Berengarium Eve-
 rardi Ducis Foro-Julien-sis filium , Italiæ Regem & Impe-
 ratorem, Civitate suâ donaverint , eiusque simulacrum in
 parte urbis illustriori decreto publico collocaverint? Haud
 equi-

equidem credam, doctos nobilissimæ eius urbis cives, quorū non paucos impensè colo, ut tam grandem fabulam muri agerent, suffragiis suis permisisse. Neque enim iis palatum ità malè sapit, ut posthabitis tot gravissimis Scriptoribus, Alexandrum Paduanum sequi velint, in historiā adeo hospitem, ut in commentar. Plinii apud Ughellum Italix Sacræ tom. 2. col. 607. non tam Cornelium Gallum & Berengarium, cui satis insulsè cognomen *de Berengariis* affigit, sed etiam Paullum Diaconum, qui ipsemet luculenter scribit se Forojulii ortum, ciuem Foroliviensem faciat, eumque vocet *Paulum Vamfridium Diaconum Papiensem*, quem Paullum Warnefridi Diaconum Aquilejensem omnes sciunt; subdatque *libros quatuordecim historiæ Eutropii* addidisse, hoc opus incertum ei tribuens, illustriori alio, eoque genuino & vero, historiæ Longobardorum, vel ignorato vel abjudicato. Sed vereor, ne ego quoque ineptus sim, qui hujusmodi nugas diutius persequor.

Interim dum res nostras nobis reposcimus, binos hos quoque lapides, quos Gruterus ex Appiano & Scardeonio pag. 379. 5. & 858. 10. Patavio liberaliter donat, in nostram urbem inferamus. Eques Ursatus monum. Patav. lib. 1. sect. 2. p. 47. ingenuè fatetur se nescire, quomodo *Padue in Foro Julii* apud Gruterum secundus collocetur, cum nullum Patavii sit Forum, Julii nomine, & minus in Foro Julii Patavium situm sit. Marcanova utrosque *ad Civitatum Forojulienfis Patriæ ciuitatem* collocat. Hinc puto erroris fons. Nam descriptores pro *Patriâ*, quo titulo donatur Forojulienfis provincia, scripserunt *Paduæ*. Omnium pessimè deceptus est Sigonius qui secundum Feltrix adscribit, lib. 3. de iure Ital. cap. 3. in fin. At lapides satis iam evagari coactos, patriæ suæ restituamus. Extant Foro Julii non longè ab Ecclesiâ S. Dominici, ad portam semirutam interni antiquissimi murorum Civitatis ambitus.

¹
C. ARRIVS. C. F
MONVMENT
SIBI. FIERI. IVSSIT
SEX. ACILIVS. C. F
HERES. FECIT

²
Q. CAEDIVS. P. F.
PVP. SEXVIR
TERGESTE. V.F
VINISIA. Q. F. MAXVMA
VXOR
APVSIDIA. C.F. SECVNDA
MATER
CAEDIVS. P.F. FRATER

In utroque cognominis defectus potentissimum vetustatis est indicium. Gruterus in secundo post literas P.F. *Publii filius*, addidit PVB. tanquam hæc nota esset tribus *Publiciæ*. Nostri scriptores, & Lazius de Rep. Rom. lib. 12. sect. 6. cap. 2. legunt IV. P. quam notam numeralem & iunctum elementum nemo, ut arbitror, extricaverit. Nuper curavi exemplar correctum ad me transmitti. At exscriptor queritur detritos esse characteres secundi versus, quos ipse ita reddidit, PVP. ita tamen ut flexus primæ literæ penè oculos fugiat. Ultima facilè inferiori sui parte exesa in B. transit. Quare libenter PVB. cum Grutero repono. Nam & colonia Tergeste, in qua Cædus munere Sevirates functus dicitur, in Publiciâ tribu censèbatur, ut testimonio aliorum lapidum ostendit Pater Irenæus à Cruce, qui typis Veneris historiam Tergestinam anno 1698. Italico sermone edidit, lib. 2. cap. 6.

At extra septa tribus *Scaptiæ* satis iam aberravimus. Duo supersunt monumenta, quibus in eam fuisse coniectos colonos Foroiulienses ostenditur. Primum, inter maiorem Ecclesiâ & turrin eius sacram collocatum, uti est sædè lacerum & detritum producimus. Alterum integrum visitur in domo Nobb. de Frumentinis, quæ paternis meis ædibus continens est.

.....¹ F. SCA
 TI
 III. AVG
 PATRONO. ET
 P. FABIO P. L. VERECVND
 FIL. AVGVSTALI
 P. FABIVS. P. L. PHILETVS
 IIII. VIR. V. F. ET
 FABIAE. P. L. FESTAE CONIVGI
 ADAVCTO. FIL. ANN. XX
 FELICI. FIL. P. LIB
 FABIAE. P. L. COMPSE
 LIB. LIBQ

²
 T. SVTTIVS. L. F. SC
 ATTEIA. L. F
 POSILLA. VXOR
 M. T. F

*Hæc supposita est ingentis magnitudi-
 nis arca sepulchralis, cum inscriptione,
 LIBQ POSTERISQ EORVM*

Jam hisce Inscriptionibus incisas notas SCAPT. SCA.SC. post nomina Vettidii, Suttii, & hominis alterius, quem abstulit vetustas, significare tribum SCAPTIAM, atque in eam Foroiulienses fuisse coopratos, nemo in dubium vocaverit. Una hæc fuit ex tribubus rusticis, adeoque nobilior, ut ostendebam ad lapidem M. Aquilii in fine cap. 2. *Scaptiam* dictam refert Pompeius Festus ab Opido, quod Plinius lib. 5. cap. 5. in Latio numerat. Addita fuit simul cum Metia A.V. 421. propter novos cives censos, uti narrat Livius lib. 8. cap. 17. Hos inter fuisse Aricini. Gens Octavia Ariciæ ortum suum debuit, teste Suetonio in Aug. cap. 4. Unde cum hic ipse Auctor cap. 40. scribit, Augustum *Fabianis & Scaptiensibus* tribulibus suis die comitiorum *singula millia nummum* divisisse, Scaptia tribus intelligenda est gentilis familiæ Octaviæ, Fabia Julæ, in quam Augustus iure adoptionis transferat. Hinc non levis accessio dignitatis Foroiuliensibus Colonis, quod hunc Imperatorem contribulem numeraverint. In partem quoque honoris sibi vertunt, ius mittendi suffragii in Romanis comitiis commu-

ne

ne habuisse cum nobilissima Colonia Florentinâ. Plerasque Inscriptiones affert Vincentius Borghinus lib. de origine Florentiæ pag. 287. additque alias Valerius Chimentellus de honore Bisellii cap. 3. quibus eam Urbem *Scaptia* tribui fuisse censam demonstratur. Nos hic alteram apponimus, quæ nondum iuris publici effecta est.

M. MVNATIVS

M. F. SCAP.

ETRVSCVS FLORENTINVS

VIXIT. ANN. XIII

Q. MVNATIVS

MILES. CHOR. VII. PR.

FRATER. POSVIT

Utini ex Aquileia apud Nobb. de Gurgis.

In tractu Foro-Julienſi duæ reliquæ Colonix, quas cum Foro-Julii Ptolomæus nominat, *Aquileia* & *Concordia*, uno fati crimine ſimul exciſæ, utriſque ſolo nomine adhuc ſuperſite, diverſis tribubus cenſæ fuerunt. Forum Julii *Scaptia* additum mox vidimus: *Aquileiam Velina*, *Concordiam Claudia* tributas reperio. Id cum lapidum indicio oſtendo, ſimul originem utriuſque Colonix paucis expone- re, non alienum arbitror ab inſtituto, quo res Foro-Julienſes illuſtrandas ex natâ occaſione ſuſcepi. De *Aquileienſi* parum fuit laborandum, cuius deductionem diſertis verbis tradidit Livius. *Illud agitabant*, inquit lib. 39. c. 55. *uti Colonia Aquileia deduceretur, nec ſatis conſtabat, utrum Latinam, an civium Romanorum deduci placeret. Poſtremò Latinam potius deducendam Patres cenſuerunt.* Libro proximè inſequenti cap. 34. *Aquileia Colonia Latina eodem anno (V. C. 569.) in agro Gallorum eſt deducta. Tria millia peditum quinquagena iugera, centuriones centena, centena quadragena equites acceperunt. Triumviri deduxerunt P. Cornelius Scipio Naſica, C. Flaminius, L. Manlius Acidinus.* Huius mentio eſt in lapide Patavino, quem Gualdus Vi-

Vicetiam exportavit, hodie maiori ex parte detritum, teste Vrsatto in monum. Patavin. lib. 1. sect. 7. L. MANLIUS. L. F. ACIDINUS. TRIV. VIR. AQUILEIAE. COLONIAE. DEDUCONDAE. Palladius lib. 2. cum apud Livium legisset, Latinam coloniam Aquileiam deductam, putavit ex Latinis hominibus conscriptos fuisse Colonos, quò, inquit eos *proximis Carthaginiensium bellis absumptos, eo oblato beneficio Romani sublevarent, & ad sociorum animos conciliandos*, pag. 32. & 33. At minus rectè. Nam Latinæ coloniae dicebantur, non quæ ex Latio, sed quæ ius Latii seu Latinitatis acceperant; civium verò Romanorum quæ donatæ erant iure Quiritium. Qua de re luculenter Sigonius lib. 2. de antiquo iure Ital. cap. 3. quem sequuti sunt plerique omnes sacræ antiquitatis Mystæ. His quoque ea sedet opinio, Latinas colonias, saltem ante legem Iuliam, iure suffragii caruisse; nam cives in Latinam coloniam deducti civilitatis iura amittebant. Quamobrem Aquileia Latina colonia, non statim à deductione A. V. 569. in ius suffragii fuit admissa, & in tribum *Velinam* conscripta; sed tunc demum cum Civitatem Romanam adepta est. Idem Palladius initio lib. 5. scribit, eam fuisse Augusti Cæsaris in Aquileienses animi propensionem, *ut primus Coloniam Civitati Romanæ donaverit*. Seriùs quam par est, uti arbitrator. Nam antè Augustum Julius Cæsar Gallis *trans Padum Civitatis ius dedit*, ex Dione supra laudato; ad quod respexit Strabo lib. 5. pag. 210. ubi ait: *Tandem etiam cum Romani Italos in societatem civitatis recepissent, placuit eodem honore dignari Gallos Cisalpinos & Venetos, omnibusque Italorum & Romanorum nomen tribuere*: ne dubitarem sub nomine Gallorum, quo utitur Dio, venire etiam Venetos. Quare tunc saltem Aquileienses, qui Venetis accensebantur, Civitate Romanâ donati sunt. Tunc igitur adepti etiam ius suffragiorum, ut agnoscerent in quam tribum suffragia in comitiis Romanis mitterent, in VELINAM adscripti fuere. Docent vetusta monumenta. Alte-

rum produxi in dissertatione de Beleno p. 263. ubi L. Cornelius VELL. (frequentius & rectius simplici L. scribitur) nempe ex tribu *Velina*, idemque *Aquileiensis* dicitur. Ceterum aliud extat huiusmodi ex Grutero pag. 857. 4.

ANTONINO. VELINA

AQVILEIEN. ET

T. ANTONIVS RESPECTVS

AMICO, OPTIMO

Dedit tertium Fabrettus, cui inter nomina plurium militum Urbanorum hoc quoque insertum legitur cap. 4. p. 340. M. ACILIVS. M. F. VELINA MARCELLVS. AQVILEIENSIS. Tribus *Velina* cum Quirinâ A. V. 512. addita, ex Livio in epitome lib. 19. triginta quinque tribuum numerum explevit. Horatius lib. 1. ep. 6.

— *Hic multum in Fabiâ valet, ille Velina.*

A lacu Velino in Sabinis nomen accepit.

Quæret quispiam quor. numero ea fuerint iugera Colonis Aquileiensibus ex Livio assignata, & quotam agri Aquileiensis partem occupaverint? Curiosior fortasse nostratibus hæc futura indagatio, quibus regionis facies; situs, positio, locaque omnia sunt perspecta. Ut iis faciam satis, Mensorem agrorum & Finitorem, seu ut verbo Ciceronis utar, Decempedatorem agam. Ævo Reipublicæ una Legio quaternis millibus peditum, sexaginta Centurionibus, Equitibus tricenis constabat, uti ostendit Lipsius de militia Rom. lib. 2. dial. 5. 6. & 8. Cum Aquileiam tria milia peditum deducta fuerint, ex Livii verbis recitatis, hac ratione Centuriones 45. Equites 240. veniunt computandi. Hinc si quinquagena iugera peditibus, centena Centurionibus, centena quadragena Equitibus, eodem Livio teste attributa fuerunt, prodit iugerum summa 228000. Unumquodque iugerum pedes habuit quadratos 28800. (ex Goefio in dissertat. de antiquit. agror. post Scriptores

de re Agraria ab ipso edito cap. 6. firmatque Fabrettus ex insigni lapide Portuensi 595. cap. 3.) seu passus itidem quadratos 1152. qui in summam antedictam iugerum ducti, reddunt aream passum quadratorum 262656000. cuius singula latera continent passus 16000. neglectâ fracturâ, seu milliaria sexdecim. Jam verò cum in agrorum assignatione nihil amari aut incerti soli, nihil ardui & confragosi interveniret, si paludes, flumina & torrentes qui in latissimos alveos his regionibus expanduntur, nec non silvas, quæ cultui idoneæ non essent, & præterea loca publica, subseciva, relicta, & insoluta, aliæque id generis non assignata Colonis in distributione, de quibus passim Scriptores de re Agraria in collectione Gœssii, si hæc, inquam, omnia addas, & intermiscas territorio puro colonis tributo, facile intelliges nimium ultra xvi. mill. quoquo versus illud ita auctum excurrisse, ac maximam partem provinciarum Foro-Julienfis, ut quisque regionis peritus putare poterit, occupasse. Nec mirum uberiores hanc agri distributionem Aquilejensibus factam (legimus enim terna aut septena ut plurimum, aliquando vicena jugera peditibus, quadragena equestribus, & ut summum Bononiam deductis Colonis septuagena fuisse attributa, imò Coloni eodem anno, quo Aquilejæ, quina Gravisæ & Mutinæ, octona Parmæ acceperunt) nil mirum, inquam, amplissimum hunc agri modum Aquilejensibus constitutum, quippe nuper Gallis depulsa universa regio vacua ferè habitatoribus, cultoribusque destituta (nam frequentes indigenas haud fuisse conicio ex oratione quam Galli ipsi in Senatu dixerunt apud Livium lib. 39. cap. 54.) reperiatur. Porro cum ob insequuta Istrorum bella, Aquileia civium infrequentia, agerque solitudine laboraret, *postulantibus Aquilejensium legatis*, verba sunt Livii lib. 43. cap. 17. *ut numerum Colonorum senatus augeret, mille quingenta familie ex Senatus consulto scriptæ, Triumvirique, qui eas deducerent, missi sunt, T. Annius Luscus, P. Decius Subulo, M. Cornelius Cetbegus,*

Hæc acta sunt anno V. C. 581. Ingens is numerus Colonorum, majorque sane quam in primâ deductione. Coloni ita noviter deducti appellabantur *Adlecti*, & *Adiuncti*.

Colonia *Concordia* Plinio in Venetis collocatur lib. 3. cap. 18. Ptolomæus eam Carnis accenset, loco superius recitato. Profectò regionem Carnorum eousque protensam nequaquam arbitror. Nunc in Foro-Julienſi provinciâ ad utramque Romatini fluminis ripam vestigia urbis supersunt, manetque loco priscum nomen, apud Scriptores haud incelebre. Lapidēs quoque literati vetustatem loquuntur, vel inibi adhuc extantes, seu in proximum Portum Romatinum, vulgò *Porto Gruaro*, exportati. Horum frequenti testimonio discimus coloniam *Concordiam* in tribum *Claudiam*, quæ Romæ inter præcipuas ab eadem gente nobilissimâ nomen acceperat, fuisse adscriptam. Exempla profero accepta nuper ab Henrico Altano ex Comitibus Salvaroli, qui maiores suos plurimâ eruditione, studiorumque amœniorum cultu egregiè refert.

1
C. AQUILIVS
C. F. CLĀ. MELA
EX. DECVRIA
ARMAMENTARIA
QVINQVE. VIR. BIS
FIERI. IVSSIT.

2
MEMOR. P. TERENTI
L. F. CLĀ. AED. II. VIRI
T. VETTIVS GNESIVS
IN. OPVS. ORNAMENT
HS. CCCC. DED. XX. PR. D.

3
T. TREBELLENO. L. F
CLĀ. RVFO
Q. TR. PL. LEGATO
CÆSARIS. AVGVSTI
PLEBS

4
T. DESTICIO
T. F. CL
IVBAE. C. V
PRAETORIO
ORDO. CONCORD
PATRONO

Monendi sunt, qui primam inscriptionem apud Gru-
terum pag. 100. 7. legerint, perperam in fronte perscri-
ptum

ptum esse nomen CONCORDIAE, tamquam huic deae dicata ea fuerit: ideoque & falsò in classem Diis dedicatarum lapidum coniectam, atque in indice Deorum Deorumque, verbo *Concordia* signatam. Cum in exemplari hoc nomen *Concordia*, locum ubi saxum reperiebatur, denotans, Gruterus vel Pighius, à quo ipse habuit, offendissent, Deam pro Urbe importunè invexerunt. At nescio quomodò etiam *Rbegii* nomen irrepperit, quasi in hac urbe extet. Non insolens est collectoribus inscriptionum eiusmodi lapidum transplantatio.

Itaque hisce tabulis scripta tribus *Claudia*, *Concordiam* coloniam eidem fuisse censam indicat. Apertius idipsum colligimus ex aliâ C. Lælii mox producendâ, in quâ post tribum *Claudiam* notatur etiam patria *Julia Concordia*. Porro cives Concordienses, dum ruri agerent, sepulcris sculpsērunt tribum, ut inde patriæ indicium maneret. Bina profero epitaphia diversis locis provinciae Foroiulienensis reperta, vicesimo, ut minimum, milliari à Concordiâ. Primum extat in splendidâ Villâ, vulgò *Sufans*, Marchionis de Colloredo, quam familiam domi forisque illustrem, amplioribus hodie pietatis, religionis, ceterarumque virtutum titulis exornatam dicerem, nisi Eminentissimi Card. Leandri modestia deterreret. Alterum statuae marmoreæ subscriptum visitur propè Ecclesiam Castri Tricesimi, quod inde nomen sumpsit, quia tricesimo ab Aquileia lapide occurrit, uti adnotatur in itineralio Antonini: *Aquileia. Ad Tricesimum xxx. Iulio Carnico xxx.* Quas distantias hæc loca, adhuc iisdem nominibus vocata, retinent.

1	2
T. VERATIVS. T. F. CLA	L. TVMBILICIVS
V. F. SIBI. ET. SVIS	A. F. CLA.
VALERIA. C. F. QVARTA	L. Q. Q. V. P. XXX.

Vtrasque inscriptiones dedimus Fabretto, qui eas profert c. 3. p. 242. ad ostendendam earum vetustatem, cum cognominibus careant. Familia *Tumbiliciorum* ignota est Antiquariis. Li-

teras

teras singulartas postremi versus ita explicabis : *Locus quo-
quoversum Pedes xxx.* Area scilicet sepulcri versus om-
nes partes triginta pedes continebat.

In primo ex recitatis elogiis Concordiensibus, C. Aquilius *Quinque Vir ex Decuria armamentaria* dicitur. Corpora & Collegia in Decurias ordinata legimus. *Decuria* iiii. *Scamilariorum*, pag.467. 7. *Decuriales Decuria Consularis*, pag.36. 6. & pag.830. 10. *Lictorum Decuria tres*, pluresque similes saxa antiqua produunt. Decuriæ dicebantur etiam de pluribus quàm decem, ut notarunt Reinesius *Class.* 1. 19. & Fabrettus *cap.* 6. pag.449. At verò quid *Decuria armamentaria* ? Statim coniicias, corpus hoc fuisse artificum armis publicis fabricandis institutum. Rectè hoc quidem : sed ulterius coniecturâ provehor. In imperio Romano plures erant fabricæ armorum : nec tamen omnia armorum genera in singulis fabricis, paucis exceptis, fiebant, sed certa in diversis. Inter fabricas Italiæ, quas auctor *Notitiæ imperii Occidentalis* nominat, prima occurrit *Fabrica CONCORDIENSIS SAGITTARIA* ; inde Veronenfis *Scutorum*, Mantuana *Loricaria* &c. Apud eundem quoque legitur *schola Scutariorum*, *schola Armaturarum* &c. Itaque Concordiæ *Decuria armamentaria* erat schola seu corpus artificum fabricandis *Sagittis* destinatum. Cui quidem corpori seu Decuriæ Aquilius *bis quinque Vir* præfuerat. Corpora enim artificum & collegia præcipuos aliquos eligebant, *Patronos & Præfectos*, quos etiam *Magistros* appellatos alibi diximus.

Magistratus Concordienses aliquot memorantur ceteris inscriptionibus. P. Terentius AED. II. VIRI, nempe *Ædilis*, & *Duumvir*. T. Trebellenus Q. T. PL. *Questor*, *Tribunus Plebis*, qui *Legatus* quoque *Cæsaris Augusti* signatur. Unde apparet ab hujus ævo iam illustrè hanc coloniam, quæ viros dederat summis in Republicâ honoribus perfunctos. Nec mirum Augusti benevolentiam demeruisse, quem conditorum suum habuit, ut mox ostendam. Alium V. C. hoc est

Virum Clarissimum T. Desticium Iubam, quem sibi *Ordo Concordiensis*, nimirum *Decuriones*, *Patronum* adoptaverant, signat quarta inscriptio. *Prætorius* is vocatur, quod *Prætoris* illustrem dignitatem fortasse Romæ gesserit. Eiusdem mentio est in alio lapide agri *Concordiensis*.

D. M
DEST. PHILENIDI
ANN. XXX
LIB
T. DESTICI
IVBAE. C. V.
POTENTINVS. SER. FEC.

Desticius Philenides Libertus erat *Desticii Iuba* (nomen quæsitum à Patrono) cui demortuo sepulcrum posuerat *Potentinus Servus* eiusdem Iubæ. Gens *Desticia* incognita est Antiquariis: quocirca bina hæc elogia, quorum nos ei copiam fecimus, novis familiis inseruit Fabrettus cap. 9. pag. 618. *Seviros* quoque *Concordiæ* creatos hoc lapidis fragmentum monstrat, translatum in proximum Portum *Romatinum* ad *D. Mariæ Annunciatæ*.

..... NNIVS L. F
RVNCHO
III. VIR. D

Saxis debemus servatam coloniæ *Concordiæ* illustrem *JVLIAE* appellationem. Eorum alterum hisce verbis sculptum visitur.

M.AR-

M. ARMONIO
 M. L. ASTVRAE
 PATRONO. SEX. VIR. FORO
 CORNELI. ET. SEX. VIR
 IVLIA. CONCORDIA
 M. ARMONIO. M. L. AVCTO
 OPPONAI. C. L. TERTIAI
 M. ARMONIVS. M. L. SALVIVS
 SEX. VIR. IVLIA. CONCORDIA
 TESTAMENTO. FIERI. IVSSIT

Exscribit etiam Gruterus pag. 365. 1. apud quem aliud quoque reperies Romæ extans cui tribus *Claudia* signatur, pag. 549-7.

D. M
 C. LAELIO. C. F. CLAVD
 EXORATI. ꝑ DOMO. IVLIA
 CONCORDIA. EQVO. PVBLICO &c.

Semel iterumque in primo epitaphio *Concordia* vocatur *Julia*, in quâ ex gente Armonia duo Liberti *Astura* & *Salvius* Seviratus honore perfuncti sunt, quem *Astura* in urbe etiam Foro Corneliî gesserat. Vocabulum *Domo* in secundo significat patriam, cuiusmodi formula passim occurrit in antiquis militum monumentis, *Domo* Ateste pag. 536. 5. *Domo* Brixia, 192. 11. & 534. 1. Quod etiam D simplici indicabatur, ut D. INTIMILIO, exemplo statim proferendo. Alia quamplurima utriusque formulæ dabit Gruterus. Nudo quoque loci vocabulo post tribum Patria militum exprimebatur, auferendi casu, ut VERO-NA pag. 568. 1. BONONIA num. 6. & passim apud eundem illustrem Collectorem. Utriusque Urbis bina alia monumenta nondum vulgata profero, quæ cum mox laudato, Aquileiâ, ut testatur Capodaleus, Vtinum translata, visuntur in Ædibus Nobb. de Gurgis.

C.AL-

C. ALBVCIVS. C. F
FAL. D. INTIMILI
M. CHO. VII. PR. M. A
XVII. V. A. XXXV
H. S. EST

C. FABIVS
C. F. PVBLI
VERONA
MILES. LEG
VIII. HISP

M. CALVENTIVS
T. F. LEM. BON
MIL. CHOR. VIII. PR
MILT. ANN. VII
VIXIT. ANN. XXIX

Veronenses tribui *Publicia*, seu *Poblicia*, Bononienses *Le-
monia* fuisse adscriptos, satis est notum. Intimilium quæ
urbs Liguriæ est, in Falerinam cooptatum ex primo epita-
phio discimus. Cujus notas compendiarias ita explicabis.
*Cajus Albucius Caji filius Falerinâ, domo Intimilio, miles
cohortis octavæ Prætorie, militavit annis xvii. vixit annis
xxxv. Hic situs, vel sepultus est.* Itaque C. Lælio Romæ de-
mortuo patria JVLIA CONCORDIA fuit; cui tribus
CLAVDIA jungitur, ne dubitare possis, aliam à nostrâ
hanc esse. Nam iisdem nominibus appellatas alias colonias
reperimus. *Juliam Concordiam* Plinius collocat in Baticâ
l. 3. c. 1. Literas has singulares C. C. I. H. P. A. Col. *Concor-
dia Iulia Hadrumentina Pia Augusta*, explicatas leges apud
Harduinum de nummis popul. & urbium. Et in nummo
Julie Domne apud Vaillantium de Coloniis tom. 2. p. 17.
nominatur COL. JVL. CONC. AVG. APAM. *Colonia
Julia Concordia Augusta Apamea*. Alias quoque simplici
Concordia nomine vocatas reperies. Has alii sollicitent:
mihi in nostræ scrutandâ origine satis negotii est.

Cum interfecto Cæsare, Octavius, Antonius, & Lepi-
dus, post Mutinensem pugnam, specie Reipublicæ con-
stituendæ triumviratum conflasset, ut exercitus spe præ-
mii allicerent, octodecim Colonias militibus promissere,
ex Appiano de bell. Ciu. lib. 4. pag. 590. Confecto bello

Philippensi, quo Brutus & Cassius profligati sunt, Octavius milites deduxit, transcriptis legionibus XXXIV. non tam in eas Colonias, sed universâ propemodum Italiâ, lib.5. pag. 678. & 684. Septem ex his octodecim Colonias numerat Appianus, *Capuam, Reginum, Venusiam, Beneventum, Nuceriam, Ariminum, & Vibonam*. Sigonius lib. 3. de antiq. iure Ital. cap.5. alias undecim producit ex Frontino, ut numerum Appiani expleat. At verè plures quàm undecim Frontino recensentur, à Triumviris seu lege triumvirali deductæ, ut eius libellum de Colonis percurrenti patebit. Nam Octavius, ut antè monui, posthabita Triumvirum lege, totam ferè Italiam Colonis inundavit. Nec Frontinus ipse singulas tradidit, prætermisiss earum quoque nonnullis, quas Appianus memorat. At verò neuter Virgilio memoratam Transpadani agri divisionem literis prodidit, quam certum est peractam Triumvirorum iussu post Philippensem victoriam, Donato teste in eiusdem Poëtæ vitâ. Hinc apparet, pleraque omninò loca, in quibus Octavius triumvirali lege Colonias induxit, neglecta fuisse prisceis Auctoribus. Itaque has inter una mihi est JULIA CONCORDIA, utroque nomine indicium prodente. Cum inter Triumviros foedus esset sancitum, passim tum ipsi, cum etiam exercitus mutuam in administrandâ Republicâ animorum consensionem, ex qua pax orbi & salus generi humano sperabatur, expresse nomine & symbolis *Concordiæ*, testati sunt. Exemplâ statim subiiciam. Cum in nostram Coloniam milites inducerentur, hoc ipsum significare volentes, eam *Concordiam* appellarunt, superaddito *Julio* cognomine, in gratiam deductoris Octavii, qui in hanc familiam per adoptionem transierat. Sanè nomen unum alterius originem prodit; atque uterque vicissim mutuam sibi lucem scœnerat. *Concordiam* peculiari aliqua occasione vocatam facile agnoscis. Quæ alia esse nequit, quam quòd in triumviratu sit deducta; hocque ea profectò ratione quia etiam *Julia* fuit appellata. Beneven-

tum Colonia *Concordia* dicta est, Frontino teste in lib. de
 Coloniis. Imò *Julia Concordia* ex insigni lapide apud Fa-
 brettum cap. 2. pag. 105. cujus partem recito. COLONIA
 JULIA CONCORDIA AVG. FELIX. BENEVENTVM
 DEVOTA MAJESTATI &c. Jam Beneventum Colo-
 niam inter triumvirales ab Appiano numeratam vidimus;
 agrumque ejus triumvirali lege veteranis assignatum, re-
 statur Frontinus. Quare *Concordia* nomen non aliundè
 sortita est, quam quòd vigente inter Triumviros concor-
 diâ fuisset deducta; & exinde quoque *Julium* cognomen
 ab Octavio deductore, cui additum multò post aliud Au-
 gustæ, ut à Coloniis Julii Cæsaris securiùs distingueretur.
 Exemplum certè ad originem nostræ *Concordia* illustran-
 dam apud nullum esse potest. Nec animum despondeo,
 quòd docti aliqui viri scripserint, Colonias Julias, nisi ad-
 ditum præferant Augusti nomen, omnes à Julio Cæsare
 esse. Nam ea opinio omninò falsa est, cùm *Julium* cogno-
 men coloniis impositum tùm eas designet, in quas Julius
 Cæsar colonos adscripsit, tùm etiam alias, quas Augustus
 deduxit; uti disertè docet Card. Norisius Cenotaph. Pis.
 diss. 1. cap. 2. firmatque Pater Harduinus in Antirrhético
 pag. 35. Nobis nulla caussa est, cur *Concordiam Juliam*
 ad Cæsarem referamus; plurima in Augusto emicat, ut
 ostensum est, & rursus demonstro. Dixeram frequentibus
 monumentis constare, Triumviros Octavium, Antonium,
 & Lepidum, ut pactum inter se foedus, animorumque con-
 cordiam significarent, nomen ipsum *Concordia* & symbo-
 la pervulgasse. Nummus est apud Oisclium tab. 78. nu. 6.
 in quo cernuntur Triumviri stantes ante tripodem, & fœ-
 dus de imperio Romano inter se dividendo ineuntes: ad
 pedes sedet CONCORDIA, sinistrâ *Caduceum*, & dextrâ
Cornucopiæ tenens, additâ epigraphe: *Salus generis huma-
 ni*. Designare volentes, inquit Auctor, quòd per *concor-
 diam* Triumvirorum, omnium rerum *abundantia* ac *pax*,
 denique *salus generis humani* procurata fuerit. In proxi-

mè insequenti signantur *tres dextera* invicem junctæ & implicatæ complectentes *caduceum* & *fascem*: quo schemate designatur, ex Triumvirorum concordia orbi terrarum felicitatem & pacem, quam caduceus indicat, nec non justitiam, quæ fascibus monstratur, promanare. Eadem symbola præferunt denarii apud Urbinum in familiâ Antonia tab. 6. & Arescotanus tab. 8. num. 9. cum inscriptione: **CONCORDIA EXERCITUM**. Quæ inscriptio scalpta quoque est in altero Antonii apud Co: Mediobarbum p. 16. ubi pag. 11. producentur alii nummi Lepidi, nexum manuum præferentes, & caput dæ *Concordiæ* velatum cum epigraphe: **CONCORDIA**. Eundem denique typum ostendit denarius Mussidii Longi, quem cùm esset Triumvir cudendæ monetæ, conflavit, inscriptis hæc characteribus in parte antica: **CAESAR LEPI. ANTON. III. VIR. R. P. C. Triumviri Reipublica constituenda**: in postica autem expresso capite & nomine ejusdem dæ *Concordiæ*, quo, subdit Mediobarbus pag. 23. Triumvirorum concordiam signare voluit Mussidius. Pervulgatam igitur totque argumentis ubique ostentatam Triumvirorum Concordiam, quid mirum deductas etiam eorum auspiciis Colonias, unam & alteram, prætulisse, nomenque **CONCORDIÆ** impositum voluisse in ævum posteritati transmittere.

Ceterum cùm *Concordiam* Coloniam ab Octavio Cæsare in triumphatu deductam abundè satis ostenderit, haud admodum vereor coniectando opinari, tunc quoque in proximum *Forum Julii* Colonos traductos, eoque illud tunc temporis in *Colonia* nomen & prærogativam transiisse. Quam sanè Urbem, ut porro, præter Tribus assignationem, de qua iam dixi, aliis quoque prærogativis, iuribusque Colonialis honestatam demonstram, vetusta ejus saxa, quæ olim dimiseram, rursus pertento, signatosque ipsis *Magistratus* & *Sacerdotia*, in Romanum morem atque institutum usurpata, aggredior. His subinde interferam ejusdem
argu-

argumenti Aquilejensis monumenta inedita, ut hoc saltem novitatis illicio fastidium legentium utcumque demulceam.

In primo Forojulienſi lapide pag. 331. T. Vettidius III. VIR. IVRI. *Quatuorvir* iuridicundo ſignatur. In coloniis & municipiis ſummus erat magiſtratus Duumvirum, vel *Quatuorvirum*, qui iudiciis diſceptandis præſidebant. Iis etiã politica adminiſtratio demandabatur. *Quatuorviri* noſtram coloniam regebant: quam reipublicæ gerendæ formam Forojulienſes induxiſſe imitatione proximæ Aquileienſis coloniæ, nullus dubito. In uberrimâ inſcriptionum Aquileienſium collectione, de qua olim memoravi, nuſquam Duumviri, ſæpius *Quatuorviri* comparent. Earum aliquot exempla in diſſertatione de Beleno, & Diis Aquileienſibus dedi, nunc cetera produco.

1

K. NOVEMBR. L. NONIVS. RVFINVS. POMPONIANVS
Q. VESONIVS. FVSCVS. P. I. D. SCRIB. ADF. LVCRETIVS
HELVIANVS. M. TREBIVS. PROCVLVS. L. CAMMIVS
MAXIMVS. S. C. CVM. PRONA. VOLVNTATE
HONESTISSIMO. ANIMO. VLTRO. CALVIVS
POLLIO. IIII. VIR. I. D. IN. PROXIMVM. ANNVM
PROFEſſVS. SIT. QVO. FACTO. HESITATIONI
PVBLICAE. IN. PARTEM. MORAM. ADEMERIT
PLACERE. EI. QVO. MAGIS. ETIAM. CETERI
AD BENEFACIENDVM. IN. RE. PVBLICA
PROVOCENTVR. STATVAM. EQVEſTREM
AVRATAM. IN. FORO. N. PONI. CENSVER
PRIM. CENS. C. LVCRETIVS. HELVIANVS.

Aquileje ad S. Joannem.

²
A. LVCRETIVS. C. F
ATTALVS
C. LVCRETIVS. A. F
SEC. PETRONIA. C. F
A. LVCRETIVS. A. F
III. VIR.

*In Castro Lusertiaci Comitum
de Andreucciis.*

⁴
VERVS
ÆD. III. VIR
QVINQ. PONT
CVM. PRISCILLA
FIL. D. D

In Pomario domus ad duas Turres.

³
FRVCTIVS. M. F
III. VIR. I. D. QVINQ.
III. VIR. I. D.

*Aquil. ad S. Andreæ Ecclesiam nunc
dirutam.*

⁵
C. LVCIVS. C. F. MANIACVS
VETTIA. M. F. FIGVL
M. LVCIVS. C. F
C. LVCIVS. C. F. MANIACVS
III. VIR. I. D. POPVLI BENEFICIO
C. LVCIVS. C. F. F.

In pago Cerviniani prope Aquilejam.

In primo lapide, inter illustriora vetustatis monumenta reponendo, quemque styli cultus ævo purioris latinitatis scriptum arguit, notabis magistratum Quatuorvirum Aquilejæ fuisse annuum; nam Calvius Pollio *ultrò in proximum annum illum iniit. Quo circa statuâ equestri auratâ publico decreto donatus fuit. At in postremo C. Lucius Maniacus ad Quatuorviratum populi beneficio euectus dicitur.* Sanè in coloniis jus creandi magistratus penès Decuriones stetit, imò etiam auctoritatem condendi decreta, licet aliquando ipsa plebs sententiam rogaretur, certum est. At ubi aliquis ex civibus colonicis, vel ob rempublicam optimè administratam, vel ob munera liberaliter exhibita populum demeruisset, hic apud splendidissimum Ordinem gratiam relaturus magistratum ei impetrabat. Hinc in lapide 423. 6. Ligurius dicitur II. VIR. DESIGNATIVS. EX. POSTVLATIONE POPVLI. pag. 484. 2. Sexto Vencio monumentum dicat *Ordo Vocontiarum* EX CONSENSV. ET. POSTVLATIONE. POPVLI. ob præcipuam eius in edendis spectaculis liberalitatem. Quòd igitur in nostrâ
Aqui-

Aquilejensi inscriptione C. Lucius Quatuorviratum consequutus fuerit *beneficio populi*, id ejus postulatione & precibus à Decurionibus impetratum intelligo. Extat inscriptio Beneventana pag. 43. 9. in quâ C. Lucius *beneficio Vultei Praef. Urb. missus ab Imp. Hadriano* dicitur, ob impetratam scilicet ab Imperatore missionem. Cicero lib. 13. fam. ep. 35. suo beneficio tribuit obtentam à Cæsare civitatem Novocomensem Philoxeno, *quem, inquit, Caesar meo beneficio in Novocomenses restitit*. Nos quoque dignitatem vel munus à Principe delatum, ejus qui impetravit, beneficio acceptum profiteamur.

At cur in hoc epigrammate C. Lucius quoddam quatuorviralem magistratum beneficio populi fuerit assequutus, grati animi memoriam collocat; cum in superiori Aquilejenses ipsi, posito insigni monumento, gratias suscepti in proximum annum ipsiusmet muneris Calvio Pollioni referant? Magistratus in coloniis & municipiis aliquando honori, rursus & oneri quandoque habebantur. Scribantur, ait Ulpianus in l. 1. Dig. de albo srib. *decuriones eo ordine, quo quisque eorum maximo HONORE in municipio functus est, ut puta qui Duumviratum gesserunt, sibi hic HONOR praeceat*. Constantius in l. 28. de decurion. Cod. Theod. jubet Magistratum nominari Kalendis Martiis, *ut, inquit, splendidiorem HONORUM munerumque principia primo tempore curentur*. Hinc adepti magistratum, tanquam delati honoris gratiam referentes, largitiones in populum, expensasque muneribus exhibendis ingentes subire non recusabant. Appuleius lib. 10. narrat Thyalum quinquenniali magistratui destinatum, *ut splendori capeffendorum responderet fascium, munus gladiatorium triduanis spectaculis dedisse*. In lapide Gruteriano pag. 409. 3. L. Fadius ob HONOREM Duumviratus Venationes plenas & gladiatorum paria xx. edidit. Venationes plenas malim explicare, omnibus bestiarum generibus, quam spectaculorum, uti placet Gutherio de vet. iure Pontif. lib. 3. cap. 20. refertas. De
Tito

Tito enim ait Suetonius in vitâ cap. 7. *uno die quinque milia omne genus ferarum dedisse*. Præterea epulum, honoraria, sportulas & pecuniam decurionibus, collegiis, & populo inituri magistratum largiebantur. Cuius rei exempla habes ex Plinio lib. 10. ep. 117. Plut. in Sylla & sæpius in inscriptionibus. At huiusmodi expensæ & largitiones iis quibus res domi angusta, vel animus parcior, non ardebant. Inde magistratus inter onera quoque computabantur, ac ad eos declinandos frequenter occasio quærebatur. Unde cum de honoribus gerendis agitur, facultates etiam considerandas esse, an sufficere iniuncto muneri possint, ait Callistratus in leg. 14. Dig. de muner. & honor. quapropter ne deessent qui munera rei publicæ obirent, lege cautum fuit, *ut si quis magistratus in municipio creatus muneri iniuncto fungi detrectet, per Præsides munus adgnosere cogatur*, in l. 9. cod. tit. Nam fuere qui maiorum honorum evitandorum gratiâ ad Colonos prædiorum se transfulerunt, l. 1. §. 1. de vacat. & excus. munerum. Porro qui semel magistratu functus fuerat, nec continuare, nec iterum illum assumere tenebatur, leg. 14. 16. & 17. cod. tit. Rursus & alii certis de causis à muneribus arcebantur, de quibus passim Jurisconsulti in memoratis titulis.

Quodd itaque Lucium lege, vel alia ratione Decuriones Aquileienses à Quatuorviratus honore excluderent, isque sumptus & largitiones ambitionis illecebrâ non refugeret, populi favore ad eundem magistratum sibi viam fecit, beneficiique à populo accepti testimonium monumento exstructo manere voluit. At contrâ Calvius Pollio cum superiori anno republicâ bene administratâ, ludisque forsan, muneribusque magnifice exhibitis, desiderium sui apud cives fecisset, nec ad magistratum denuo capessendum cogi posset, & nihilominus *prona voluntate & honestissimo animo ultro illum in proximum annum assumpsisset*; ideo decreto Senatus Aquileiensis statuam equestrem auratam in foro promeruit. Ita Pisaurienses lapidem posuerunt

C. Sen-

C. Sention, quod in honore II. viratus industriè administrato omnibus plebis desideriis satisfecit, pag. 467. 1. Respublica Tegianensium pag. 484. 6. bigas decrevit Veratio Severiano, quòd cum ab honoribus & muneribus excusari potuisset, nihilominus & honorem adilitatis laudabiliter administravit, & varia spectacula, quæ ibi recensentur, exhibuit, & demum ad honorem quoque Duumviratus ad cumulanda munera Patriæ libenter accessit. In 352. 1. T. Anchario II. viro biga posita fuit, ob eximias liberalitates & abundantissimas sine exemplo largitiones, & quod ediderit spectaculum gladiatorum, ludos; adiecta venatione iusta ac legitima. Lacunam in exemplari Gruteriano supplevi, additis duabus hisce voculis, venatione iusta, ac legitima, ex Suetonio in Claudio cap. 2 1. ubi ait hunc Cæsarem dedisse anniverfarij J V S T V M A T Q V E L E G I T I M V M in sepiis, scilicet cum venatione & apparatu, ut paullò ante indicaverat. Idemque venatio iusta & legitima esse videtur ac plena, de qua superius dictum fuit. Porro de statu auro, quæ viris optime de republicâ meritis dicabantur, non pauca dicenda essent, nisi plura tradidissent viri eruditi Card. Norisius de Cenotaph. Pisan. diss. 3. cap. 8. & Figrelus de statu auro.

Notanda superest in primo eleganti epigrammate, sigla P. I. D. quam explico; *Præfectus*, vel *Præfelli*, si ad utrosque ante memoratos, Nonium & Vesonium referatur, *Juri Dicundo*; uti est espressum in lapide Gaditano pag. 195. 4. II. VIR. PRAEF. JUR. DIC. AB. DECURIONIB. CREATUS. Card. Norisius in Cenotaph. Pisan. notas has in nummo Leptinenfi, PR. II. VIR. C. V. I. L. ita legit, *Præfectus II. Vir Colonia Victricis Juliae Leptis*. Eodem præclaro opere differt. 1. cap. 3. doctissimus Auctor putat Præfectos iuri dicundo tunc in coloniis nominatos cum Duumviri vel Quatuorviri ob decurionum dissidia creati non possent. Quæ sanè coniectura ex nostro lapide momentum accipiet; si etiam ad alias causas interregnum,

quo durante Præfecti eligebantur, referatur. Cùm Aquileiæ, decurionibus excusationes prætextentibus, nemo esset, qui Quatuorviratum subire vellet, unde orta *hæsitatio publica*, & Pollio *prona voluntate ultro* se se magistratui obtulerit, atque ita *moram ademerit*, quæ eiusdem Magistratus creationem distrahebat, ideo *quo magis ceteri decuriones ad suscipienda munia & benefaciendum in re publicâ* provocarentur, statuam auratam Senatus Aquilejensis ei decrevit, idque *primus censuit* C. Lucretius Helvianus, qui etiam inter alios, qui *scribundo adfuerunt*, superius nominatur. Eam igitur ob moram, cum Quatuorviri creari non potuissent, Præfecti L. Nonius Rufinus Pomponianus & Q. Vesonius Fuscus Quatuorvirum iurisdictionem in coloniâ acceperunt. Jam observabam hunc magistratum Aquilejæ fuisse annuum: quod etiam in Foro Julii, ubi eadem forma magistratus, in more positum non dubito. Imò de ceteris coloniis id quoque traditur in leg. 1. quemad. mun. civ. & leg. 16. de Decurion. Cod. Theod. Hinc malè Josephus Scaliger Aufonian. Læctionum lib. 2. cap. 23. scribit, in *omnibus* municipiis Magistratus maiores fuisse quinquennales, propterea eodem nomine sæpius vocatos, & numeratos in fastis municipalibus *secundum lustra*. Fortè id verum in quibusdam, non in omnibus. At de Quinquennalibus coloniarum, & municipiorum inferius redibit sermo.

Antequam hunc præclarum Calvii Pollionis lapidem dimittam, quoniam *Reipublica Aquileiensis* in eo mentio est, alium profero eadem notâ illustrem.

CERVONIA. TICHE

V. F. SIBI. ET. LIB. LIBQ. POSTQ. EOR
 SI. QVIS. HANC. ARCAM. SIVE. HOC
 MONIMENT. VENDERE. AVT. EMERE
 AVT. EXACISCLARE. VOLET
 TVM. POENAE. NOMINE HS. XX.
 REIP. AQVIL. DARE. DEBEBIT

Arca sepulchralis in platea Aquil.

Vox illa *exaciscclare* in quinto versu exsculpta, insolentiâ & novitate viam moratur, poscitque explicationem. Cum pridem salivam movisset, atque ideo Fabretum, qui dum viveret mihi sæpè lapidum Oedipus erat, consuluissem, scriptoresque antiquitatum & Lexicographos intentè perlustrassem, non modò interpretationem, sed ne vestigium quidem ullum vocabuli assequutus sum. Unus Sponius hanc ipsam inscriptionem ex schedis Equitis Urfatti producens, Miscellan. erudit. sect. 9. pag. 294. verbo nodum extricat: *observanda*, inquit, *vox antiqua exanciscclare pro distrabere*. At parum feliciter, si potior est nostra conjectura inferius exponenda. Perperam quoque addidit literam N; & caput non suum inscriptioni affixit, *Patroclorum Ulpius Priscus anima merenti* Cervonia Tyche &c. Ea enim sunt verba alterius inscriptionis Aquilejensis, quæ in collectione Capodalei legitur. Notanda iterum eadem vox *exaciscclare* in alio Epitaphio Aquilejensi.

ATILIAE. ONESIMENI

CVM. QVA. VIXI. ANNIS. XV

CONIVGI. CARISSIMAE

G. IVLIVS. EPICTETVS. QVI

ET. FATO. VIVVS. POSVIT. ET. SIBI

SI. QVIS. POST. DVA. ꝯ. CORPORA

POSITA. HANC. ARCAM. APERVERIT

AVT. EXACISCLAVERIT. ET. ALIVT ꝯ.

CORPVS. POSVERIT. IN. F. L. EL. CON. M.N.

In postremo versu medias literas vel culpa exscriptoris, vel injuria temporum ignorabiles fecit. Hoc certum continere poenam. Prima nota INF. sublatâ interpunctione, explicatur, *inferet*, ultima M.N. indicat *Millia Nummum*. Ut sit sensus: *inferet poena nomine arca Pontificum*, vel *erario*, ut expressum est in aliis, tot *millia nummum*. Itaque *exacisculare* verbum est ab *Asciâ*, *Acisculo*, seu *Acisclo* derivatum. In dissertatione M. Aquilii pag. 21. dixeram Vitruvio *Asctam* esse instrumenti genus ad subigendam & macerandam calcem. Præterea in glossis Isidori *asciam* & *asciolam* vocatam quoque *aciscolum* & *acisculum*: & *aciscularium* dici lapidicinam. Rursus Meursium exercit. crit. part. 2. cap. 10. legisse in eisdem glossis, *Acisculum* esse malleum structorum. Fabrettus cap. 3. pag. 205. formulam hanc *sub ascia*, frequenter inscriptionibus supulcraribus usurpatam, significare ait, monumenta & sepulcra ex latericio opere, quibus insculpta est, solius *asciæ* ope & ministerio constructa fuisse. Si quis igitur monumentum, *ascia* seu *acisclo* constructum, destruxerit, fregerit, vel quoquo modo dissoluerit, is monumentum *exacisculare* dicetur. Nam particula *ex* contrariam actionem sæpius designat, ut *exarmare*, *exheredare*. Cum in secundo C. Julius ait, *si quis arcam aperuerit, aut exaciscлаverit, & aliud corpus posuerit*, manifestum est, prioribus utrisque verbis vetasse aperitionem & dissolutionem arcæ, ne aliud corpus inferretur. Ita usitatori vocabulo in 4. pag. 383. apud Gruterum dicitur: *Si quis autem infringere vel aperire ausus fuerit &c.* Quò recidunt hæ aliæ formulæ, pag. 1056. 1. *Hic si quis removere vos quæret, aut aperire, aut aliud corpus invehere &c.* Pag. 825. 8. *Huic monumento manus qui intulerit &c.* Passim verò *violari* prohibentur tituli sepulcrales & monumenta.

In eodem secundo epitaphio C. Julii observatione digna est ea formula, *Qui fato vivus posuit, & sibi*. Quæ monet, ut aliam non minus raram producam.

Q.SVLP.

Q. SVLP. VXORI. T
NON. LVBENS. FECIT
FATVM. FECIT

Titulum

Aquil. in Ecclef. SS Felicit & Fortunati.

Bina hæc quoque, ex nostris Foro-Julienfibus, fepulcralium lapidum exempla hic interferam, non vulgari affectuum fignificatione exarata.

D. M.
REVIDIAE. MARCELLAE
FEMINAE. CASTITATIS
ET. VERECVNDIAE
CVLTV. SINGVLARIS
SEX. EROS
OB. INSIGN. EIVS ERGA
FILIVM. SVVM.....

In majori Ecclefia.

BENEMERENTI
BVS. AVGVSTO, ET. VRS
ILLAE. QVI. VIXIT. AVGVS
TVS. ANNOS. IIII. MENSES. VII
DIES. XII. ET. VRSILLA. ANNOS
III. MENSES.DIES. XV. PARENTES
CONTRA. VOTVM. POSVERVNT

In fronte Ecclefia S. Dominici.

Quòd ad fepulcralia monumenta pertinet, piget hic inferere maximam & oblongam tabulam quæ fervatur in interiori sacrâ Ædiculâ Parthenonis antiquiffimi S. Mariæ in Valle, ubi plura etiam fragmenta marmorum operis Longobardici vifuntur. In eo fiquidem duodeviginti Romana nomina funt exfeulpta, fortaffe militum, qui fimul cæfi commune conditorium in Foro-Julio acceperunt.

Ut ad Rempublicam Aquilejenfem redeam, non eo fenfu hoc vocabulum acceptum volo, ut Aquilejam liberam Civitatem & nullius imperio obnoxiam indicet; quod
noftri

nostri Scriptores videntur existimasse, cum perperam recitant epistolam Senatus Romani apud Vopiscum hoc modo: *Senatus amplissimus Aquilejensibus. Ut estis liberi, & semper fuistis, latari vos credimus &c.* eâ enim formulâ usus est Senatus tantummodo in epistolâ ad Trevirenses. *Senatus amplissimus Curia Trevirorum. Ut estis liberi &c.* & sanè Tre viros vocat *liberos* Plinius lib. 19. cap. 17. Subdit deinde Vopiscus in Floriano cap. 5. *eodem modo scriptum est Antiochenſibus, Aquileienſibus, Mediolanenſibus &c.* Non tamen, uti arbitror, iisdem verbis libertatem præferentibus, sed tantum quod rei præsentis erat, Senatus iis civitatibus gaudium significavit ob creationem Taciti Imperatoris. Quippe nulla Italicarum urbium, saltem post adeptam Civitatem Romanam, libera erat. Agellius lib. 16. cap. 13. *coloniarum alia necessitudo est. Ex Civitate quasi propagata sunt; & jura institutaque omnia populi Romani, non sui arbitrii habent.*

Hinc lapsus quoque est P. Irenæus à Cruce, qui quòd in inscriptione M. Severi, quam recitat etiam Gruterus pag. 108., *Tergeste respublica* vocata sit, eam coloniam tunc temporis veram Rempublicam, propriisque legibus utentem autumat, lib. 2. cap. 8. Histor. Tergest. Nam respublica accipitur pro qualibet civitate, quæ legibus (non utique propriis sed Romanis) & magistratibus regatur, leg. ult. Dig. de offic. Adseſſ. In eâ inscriptione nobilissimâ exponendâ non semel quoque liberaliter deceptus est P. Irenæus: ut cum singularias literas V. F. significare ait *Vivens Fecit*, quæ interpretatio in sepulcralibus saxis locum obtinet, ut in superiore Cervoniæ nobis proximè recitato, non autem in decretis publicis, in quibus reddenda est, *Verba Fecit*, is scilicet, qui sententiam dicit, ut in hoc Tergestino Hispanius Lentulus Duumvir. Præterea, cum Fabius Severus ab Imperatore Vespasiano impetrasset, *ut Carni Catalique in curiam Tergestinam admitterentur, ac per hoc Civitatem Romanam adipiscerentur*, ipse putat,

putat, parum sanè hoc titulo Tergestinorum gratiam pro-
meritus, Severum obtinuisse, ut colonia Tergeste iisdem
privilegiis frueretur, quibus Catali & Carni; cùm è contra
his populis permissa fuerint jura & prærogativæ Terge-
stinorum. Aggenus de limitibus Agror. pag. 58. edit. Goesii
simile quid narrat de Tudertinis, *qui apud Principes ege-
runt, ut Fanestres incola, fissent alienigenæ qui intra ter-
ritorium incolerent, honoribus fungi in coloniâ non deberent.*
*Sed Fanestres hoc postea impetrarunt, ut eis liceret fungi ho-
noribus.* Porro cum audis Carnos in hanc coloniam fuisse
adscriptos, de Carnis ultra Timauum eidem conterminis
intelligas velim; nam citerioribus Carnis nil rei cum Ter-
geste erat. Catali memorantur Plinio lib. 3. cap. 20. Ad di-
gnitatem reipublicæ Aquilejensium pertinet hæc quoque
inscriptio.

C. HELVIVS. IVLIANVS
IVLIAE. FORTVNATAE
CONIVGI. CASTISSIMAE
ET. INCOMPARABILI
HVIC. SPLENDIDISSIMVS
ORDO. AQVILEIENSIVM

.....

Eodem illustri titulo *Ordo Aquilejensium* donatur in Pola-
no lapide apud Gruterum pag. 788. 6. *Ordinis* nomine *De-
curiones* Civitatis notantur, seu *publicum consilium*, uti vo-
cat Pomponius in leg. 239. Dig. lib. 50. tit 16. Quandoque
Senatus nuncupatur, de quo inferius. *Decurionis Aquile-
jensis* mentio est in hoc funebri epigrammate.

L. FVNDANI. RVFI. DEC. AQVIL
FVNDANIA ATHENAES
ALVMNA. ET. HERES
In pago Agellii propè Aquil.

Centum Decuriones Capux fuisse memorat Cicero
Agrar. 2. quo numero constitutos Aquilejæ Decuriones,

cx

360 DE COLONIA FOROJULIENSI.
ex urbis amplitudine facile judicaveris.

Ex Decurionionibus sumebantur Quatuorviri, de quibus superius actum est. At mirum, cum hic magistratus supremus fuerit, Aquilejam *Consules* quoque habuisse. Tres inscriptiones Fabianum *Consulem* pronunciant, altera Quinctianum. Colonii & Municipiis consularem dignitatem ægrè permittunt viri docti. Velferus lib. 5. rerum Vindel. pag. 272. ut à Burdigala Consulatam amoveret, hæc Aufonii carmina,

*Diligo Burdigalam, Romam colo : civis in hac sum ,
Consul in ambabus .*

præter omnium vetustorum codicum fidem, sic invertit: *Consul in hac sum, Civis in ambabus*. Et Reinesius epist. 3 1. ad Rupertum pag. 160. putat Aufonium poetarum more loquutum, ac metri causâ pro Duumviro Consulem posuisse. Em. Norisius Cenotaph. diff. 1. cap. 3. pag. 43. ad marmor Pisanum, cui Felix inscribitur COS. l. posteriori ætate pro Duumviris Consules creari coeptos suspicatur. Quod velis tempus nostræ inscriptiones respiciant, iis manifesta est Consulatus nota. Fortasse ipsi *Quatuorviri* Aquilejenses ad urbis majestatem & decus, aliquando *Consules* vocati. Exempla lapidum subiicio.

T. CAESERN
MACEDO
QVINTIAN
COS
COLLEGIO FABRORVM
D. D

Aquil. in ædibus Capodalei.

TROPHIMO
LIB
FABIANVS
CO. ---

*Ad januam domus vulgò delle
due Torri,*

NAICO
SER
VNCTORI
FABIANVS
COS

*Ad S. Martini in pago Tertii
prope Aquil.*

PHAEBIANO
SER
MEDICO
FABIANVS
COS

In Platea Aquilejensi.

Postremam hanc inscriptionem in qua Phæbianus *Servus* dicitur *Medicus*, ægris oculis vidisset Sponius, qui à Servorum abiectâ conditione Medicos vindicare conatus est differt. 27. Recherch. curjeus. d'antiq. à pag. 419. Servus *Vnctor*, de quo in aliâ, unguentis & oleis odoratis egredientes è balneo ungebat. Vide Pignorium de Servis pag. 38.

Ne alium quoque Magistratum Aquilejensem prætermittam, Feronium *Censorem* dedi in inscriptione recitatâ pag. 300. Censores in coloniis censum agebant, qui Romam deferrebat. Livius lib. 29. cap. 36. *Duodecim deinde coloniarum, deferentibus censoribus censum receperunt: ut quantum numero militum, quantum pecuniâ valerent in publicis tabulis monumenta extarent.* In Bithiniciis civitatibus Senatum à Censoribus lectum scribit Plinius lib. 10. ep. 83. *Censor Civium Romanorum colonia Viſtricenſis* legitur in 5. pag. 439. *Censor Aletriæ* p. 171. 8. *Censor Tiburi* 195. 2. & alibi.

Nostrium Foro-Julienſem lapidem, qui penè manibus exciderat, iterum revolvamus. In quintâ lineâ T. Verridius dicitur QVINQ. PONT. Doctissimi lapidum & numismatum interpretes adverſis ſententiis pugnant in explicatione hujus notæ. Nonnulli cenſent legendum *Quinquennalis Pontifex*, adeoque in coloniis Pontifices ad quinquennium creatos. Alii duas expreſſas dignitates putant, ut *Quinquennalis* in coloniis fuerit, qui Romæ Censor dicebatur, quòd quinto quoque anno crearetur: Pontifex verò ſum-

Z z

mus

mus Sacrorum minister . Cui sententiæ pondus facit auctoritas Card. Norisii in sæpius nuncupato opere Cenotaph. Pisan. diss. 1. pag. 73. Calculum quoque suum addit Vaillantius explicans nummos coloniarum , qui hanc epigramm præferunt: II. VIR. QVINQ. ITERUM . Ut intelligenda sit de Duumviris Censoribus in singula quinquennia creatis , non de magistratu per quinquennium gerendo , de nummis Coloniar. pag 6. 28. & 240. At Pater Harduinus de nummis Urbium & Popul. pag. 102. nummum Buttrorî C.PAET.QVINQ.ITERUM. interpretatur, *C.Patus Quinquennialia iterum*; atque ad ludos quinquennales esse referendum. Porro in Antirrhetico pag.41.cum eo nomine reprehensus fuisset ab eodem Vaillantio in proximè laudato volumine pag.78. caussatus Typographi lapsum fateatur legendum *Quinquennialis*; at priorem de ludis quinquennialibus , quibus edendis *Quinquennales* erant præpositi, opinionem non deserit . Interim subjicio inscriptionem Veronensem , apud Fabretum cap. 9. num. 488. in quâ Duumviri Quinquennales colonici cum Consulibus Romanis signantur, ut appareat utrimque magistratum supremum rei publicæ gerendæ esse intelligendum , nequaquam Censorum .

C. VITIVS. VISCI. L. NYMPHIODOT
BERGIMO VOTVM

C. ASINIO GALLO. C. MARTIO. CENSOR
COS

C. SALVIO. APRO. C. POSTVMIO. COSC
II. VIRIS. QVINQVENNALIBVS

At quod nostrum lapidem spectat , cùm nota Quinquennialitatis iunctim occurrit cum Pontificatu (& sæpius quidem occurrit, ut in superiori inscriptione Aquilejensi pag.350. QVINQ. PONT. & apud Gruterum PONT. QVINQ. pag.437. 5. pag. 449. 2. & pag.479. 1.) tunc Pontificatum quinquennalem designari facile intelligo . Nam cùm in Col-

Collegio Pontificum minores alios Pontifices, quosdam etiam majores fuisse constet, inter hos aliquis præcipuus & veluti præfectus per vices, saltem in coloniis, creabatur, qui temporario hujusmodi honore fungeretur. Cicero in Verrinâ II. cap. 51. *Syracusis*, inquit, *lex est de religione, quæ in annos singulos Jovis Sacerdotem sortitò capi jubet: quod apud illos amplissimum Sacerdotium putatur*. Majus scilicet & præcipuum inter alia Sacerdotia. Mox idem Tullius cap. 52. *Cephaledi ait, mensis est certus, quo mense Sacerdotem MAXIMUM creari oporteat*. Idque in annos singulos, ut paucis interiectis lineis indicat. Apud Gruterum pag. 313.3. *Junio Postumiano Patri Patrum Dei solis invicti Mithræ Ordo Sacerdotum MAGISTRO suo monumentum dicat*. Quod Magisterium summum fuisse & temporarium docet alia inscriptio eidem Deo Mithræ nuncupata, pag. 33. 10. *SUMmus MAGister ANNI. PRIMi*. Certè Tridenti Præfectus Augustalium non ultra quinquennium dignitatem prorogabat. Extat lapis apud Gruterum pag. 479.6. inscriptus *C. Valerio PRAEFecto QVINQuennali AUGustalium: & Albæ Juliæ* pag. 105. 10. *T. Lacvius FLAMEN. SAC. Q.* nimirum *Sacerdos quinquennalis*. Imò & Romæ hæc dignitas quinquennio definita; nam pag. 261.4. *Albinus dicitur MAGISTER. ET. FLAMEN. QVINQVENnalis*. Eadem consuetudo Collegiis & Corporibus artificum usurpata, quorum unus Magister & in summo actu erat, & quidem lustrali seu quinquennii spatio ut in l.7. de Pistor. & l.9. de Suariis Cod. Theod. Unde Magistri *quinquennales & quinquennialitii*, qui per lustra creabantur. Pag. 252.6. *MAGISTRI. QVINQVENNALES. COLLEGI. FABRUM. TIGNAR. LUST. XIII.* & pag. 126. insignis est lapis Ordinis Corporatorum, ubi singula quinquenniorum intervalla Quinquennialium adnotantur. Alia exempla coaceruat Jacobus Gothofredus ad d. leg. 7. de Pistoribus. Cum itaque in Collegiis tam sacris quam profanis mos fuerit quosdam cooprare, seu Sacer-

dotes seu Magistros, ceteris collegis digniores, qui ad quinquennium durarent, ideo Quinquennales dicti, non video cur etiam in nostrâ coloniâ Foro-Julienſi atque in aliis, unus aliquis statui nequeat *Pontifex Quinquennalis*, qui inter ceteros Pontifices præcipuus Sacra in quinquennium curaret. Quocirca hac de re, si tantum liceat, sic statuo: Cum coniuncta in vetustis monumentis hæc vocabula, PONT. QVINQ. offendimus, tunc una est dignitas, quæ *Pontificem Quinquennem* designat. Si ea leguntur utcumque distincta, diversos honores & munia indicant. Ita in Mediolanensi pag. 479. 8. C. Valerius *Pontifex* erat, *Sacerdos juvenum Mediolanensium*, & denique *Quinquennalis*. Et pag. 394. 7. ubi Cominius scribitur PONTIF. ET. QQ. Pontificatus & Quinquennalitatibus munera demonstrantur. Que exempla vir doctissimus attulit, ut in nostrâ notâ PONT. QVINQ. distinctas dignitates quæreret.

Post Collegium Pontificum, ex quorum numero delectum hucusque vidimus T. Vettidium Pontificem quinquennale, Collegium aliud Sacerdotum *Augustalium* in nostrâ coloniâ FOROJULIENSI stetit, ex primo sepulchrali epigrammate pag. 335. adducto cognoscimus. Ubi enim detritus est lapis, supersunt hi characteres . . . I. AVG. qui supplentur hoc modo: IIIII. AVG. nempe *Sevir Augustalis*. Inde in sexta linea Fabius Verecundus Phileti filius, expressè dicitur AVGVSTALIS; & demum in octavâ idem Philetus IIIII. *Sevir* est nuncupatus. Sodalium Augustalium originem confert Tacitus lib. 1. an. cap. 54. in annum V.C. 767. quem *novas caeremonias* accepisse narrat, *addito Sodalium Augustalium Sacerdotio*, cui primùm adscripti fuerunt è primoribus Civitatis unus & viginti, ipseque Tiberius Cæsar. Exemplum sequutæ coloniæ partim adulandî calliditate, partim ambitionis sensu, collegia seu corpora Augustalium Sacerdotum, inter quos sex primùm nominati, ut ostendit Card. Norisius in Ceno-

taph. Pisan. diff. 1. cap. 6. *Seviri Augustales* dicebantur, instituerunt. Qui præterea demonstrat *Augustales* fuisse *Sacerdotes*, neutiquam verò Magistratus iuridicundo, ut scripserat Reineſius, à quo etiam discedit Valerius Chimentellus in eruditissimo volumine de honore Bisellii ad marmor Pisanum cap. 40. Inter optima argumenta, præter Taciti testimonium, illud est, quod iurisdicção nunquam demandabatur Libertis, quos honore Augustalitatís potitos passim in faxis literatis legimus, & nostrum quoque ostendit. Unde vanus est timor Baudelotii de Dairval, qui in libello Gallico *Utilité de Voyages* inscripto, tom. 1. p. 238. dubitaverat *libertum* vocare Licinium, quem *Augustalem* dicit inscriptio ibidem producta, cum Augustalitatís honor, inquit, nonnisi ingenuis sit tribuendus. Addam hoc loco inscriptionem Concordiensem, quæ Libertum simulque Augustalem prodit, ex schedis Vaticanis apud Fabretum pag. 672.

A. RITIVS. A. L. TERTIVS. AVGVSTALIS
TESTAMENTO. VIAM. STERNI. IVSSIT
IN. QVOD. OPVS. EROGATA. SVNT. HS. XXX

Vir idem doctus, pag. 405. Sacerdotium probari ait ex ipso Augustalitatís honore feminis collato, ut plura exempla docent: feminis namque iurisdicção, sed non Sacerdotium interdicebatur. Ex corpore Augustalium in Coloniis sex primùm nominati, ut dixi, *Seviri Augustales* appellabantur; secus ac statuit Velferus, qui lib. 5. rerum Vindelic. pag. 275. postremæ editionis scribit *Augustales* tantummodò *sex* in unoquoque corpore fuisse. Quod ex nostro quoque lapide discimus, ubi Fabius Verecundus *Augustalis* nuncupatur, unus scilicet ex collegio Augustalium; homo verò, cuius nomen exedit vetustas, in eodem collegio Foro-Julienſi *Sevir Augustalis* erat. Quod nomen *Seviri* absque notâ Augustalitatís exsculptum, adhuc Augustalitatem recon-

recondere putarunt viri docti, quos retuli. Horum auctoritatem non ausim sollicitare, quamvis noster lapis secus suadeat, in quo cum sculptor in tertiâ lineâ notam *Augustalitis* adiecerit, quam omisit in octavâ, *Seviratum* hunc Augustalitate destitutum diversam fuisse dignitatem à priori *Seviratu* Augustali videtur indicasse. Eundem *Seviratum* solitariè expressum ostentat lapis Foro-Julienfis C. Vellæi, quem iterum produco.

C. VELLAËVS. D. L. EROS
SEX. VIR. ARAM. SEDILIA
STRATVM. DAT

Mirum profectò mihi est, in inscriptionibus Aquilejensibus, quarum uberrimam collectionem apud me esse superius memoravi, frequenter *Seviros* occurrere, at nullo uspiam *Augustalitis* charactere honestatos. Haud equidem crediderim, Augustalium Collegio caruisse coloniam adeo illustrem, Romanisque moribus & religione imbutam, quæ cum præ ceteris Augustum Cæsarem impensè coluerit, *restitutorem* suum, imò & *conditorem* testata in insigni lapide apud Gruterum pag. 152. 4. quemque semel atque iterum urbis amoenitate delectatum præsentì obsequio & veneratione prosequuta est, sacra etiam in ejus honorem & cultum instituta inter primas suscepisse, non est ambigendum. Quamobrem ubicumque in saxis Aquilejensibus lxxviii. VIR. aliquis nominatur, nullâ additâ Augustalitis notâ, cum nihilominus Augustalem fuisse, & ex sex primis inter Augustales faciliè conicio. Ejusmodi octo exempla videre poteris in inscriptionibus mihi superius productis in Dissertatione de Beleno & Diis Aquilejensibus, pag. 263. 265. 270. 301. 304. & 314. Binas præterea hic subiicio, quarum prima una est ex translatis Venetias in ædibus Grimaniis, secunda Aquilejæ extat ad S. Cosmæ.

L. ACE-

L. ACESTIO. L. L
SATVRNINO
IIII. VIRO
STATILIA. TIMELE
VXOR. FECIT

TIB. CL. ASIANVS
IIII. VIR. AQVIL
TVTILIAE. MEDAMAE
CON

At *Forojulienſis* colonia inſtituto in honorem Auguſti Cæſaris Auguſtaliū Collegio, addidit quoque *Flaminem Auguſtalem*. Extat apud Gruterum pag. 370. 1. inſcriptio poſita Sex. Aulieno FORO. JULI. FLAMINI. AUGUSTALI. Noſtrum hoc eſſe Forum Iulii, non Gallicum, indicat ipſe lapis Venafri urbe Italiæ collocatus. Ad coloniæ dignitatem pertinet, quòd ævo Auguſti & Tiberii, ut notatur in inſcriptione, Sacerdotio Flaminico fuerit decorata, Flaminemque ſuum inſtituerit Aulienum, tot functis muneribus, quæ eidem inſcriptioni recensentur, illuſtrem. *Flamen Auguſtalis* Sacra Auguſti, *oppidatim* inter deos conſecrati, ut ait Appianus lib. 5. bel. ciu. pag. 746. curabat; unuſque erat in coloniis, diſtinctus à Collegio Auguſtaliū, ſecus ac cenſuit Petrus de Marca de primatu Lugdun. num. 58. Non auſim de hoc Flamine plura dicere, cùm enim Em. Noriſius ad Cenotaph. Piſ. diſſert. 1. cap. 4. argumentum more ſuo profuſâ eruditionis copiâ pertractaverit, metam ingeniis poſuit.

Prima inſcriptio Foroſulienſis nos revocat, ut T. Vettidium alterius Vettidii filium, EQUO PUBLICO ornatum contemplemur. Proferitur ſimpliciter abſque verbo, quod genus loquendi frequens in ſaxis. Sicut enim ut obſervat Salmaſius ad Capitolinum in vita M. Antonini cap. 4. aliquis *Conſularibus ornamentis* eſſe dicitur, cui conſularia ornamenta delata ſunt, ita homo *equo publico* appellatur, pro *equo publico ornatus*, vel *honoratus*, ſeu tandem *donatus*, quas formulas uſurpatas in vetuſtis monumentis invenies. Nota hæc dignitatem equeſtrem præſignat; & proinde T. Vettidius ex Ordine equeſtri in colonia Fo-

Forojulienſi erat, uti adnotavit Card. Norſius ad Genor. Piſan. diſſ. 1. cap. 3. Nam colonias & municipia hunc Ordinem habuiſſe celeberrimum; non dubitat Sigonius de antiq. jure Italiæ lib. 2. cap. 8. Equitum Romanorum Puteolis, & Teani Apuli, & Lucretiæ, & Arpini mentio in Ciceronis Cluentianâ, Cælianâ, & in epistoſis invenitur. Aliâ exempla addit vir idem purpuræ & doctri-næ inſignis, ex Plancianâ num. 8. & 26. Cæſare lib. 3. de de bel. civ. cap. 7. Plinio lib. 1. epiſt. 19. Strabone lib. 3. p. 116. & Suetonio in Aug. cap. 46. Hos equites propterea *Municipales* vocat Juvenalis Sat. 8. verſ. 237. Itaque in noſtrâ coloniâ Ordo equeſtris præfulgebat; ejus enim civem fuiſſe Vettidium hunc Equitem; patri Vettidio tribus *ſcapti* in eodem elogio attributa manifeſtat. Illuſtrem alium Equitem prodit hoc quoque epitaphium; quod Cæciliam nobiliſſimam gentem Fori Julii incolam agnoſcimus.

CAECILIO. RVFINO. EQV. Q. CAECILII
RVFIN. PRAEF. FIL. QVI. VIXIT
ANN. X. D. XXIII. AVRELIA
GEMELLINA. MATER. F.
INCOMPARABILI. POS.

Olim ad januam majoris Eccleſiæ. Locuſſui ex Macrobio.

Obſervatione dignum eſt, Ruſinum decennem inter Equites adſcriptum. In 4. pag. 1026. Sex. Gavius Proculuſſus, qui vixerat annos XVI. *equo publico tranſuectum* intuemur. Er apud Capaccium lib. 1. hiſt. Neap. c. 10. lapis eſt poſitus C. Vellejo *honorato equo publico ab Imp. Antonino Aug. cum ageret ætatis an. V. & M. Antonino ſexenni honorem equi publici* ab Imp. Hadriano delatum refert Capitolinus eodem cap. 4. Porro Cæcilius pater Q. Cæcilius *Præſectus* dicitur: at quo genere Præſecturæ fuerit functus; quadratarius nos ignorare voluit. Memorant pridem in Butrio, qui pagus eſt ſexto ab urbe Forojulienſi lapide, detectam ſepulchram quandam latericiam, in qua condita erat urna

uena, lachrymales ampullæ & cultri, cum inscriptione, Q. CAECILIUS. Qui sanè is est de quo loquimur.

Hiscæ fortasse plus æquo prolixius disputatis, urbem nostram FOROJULIENSEM, coloniam fuisse demonstravimus. Præter enim Ptolomæum, summæ inter veteres Geographos auctoritatis Scriptorem, ipsa lapidum testimonia, gravis profectò & immoræ fidei calculum, adiciunt. Siquidem eam urbem, in qua omnes Colonia-rum Magistratus & Sacerdotia, Quatuorviros, Pontifices majores & minores, Collegium Augustalium, & Flaminem comperimus, quis à Coloniz Romanæ juribus, & dignitate dejecerit? Neque hæc sanè humilis, vulgarisque dignitas atque honor, opidulis quibusque in Romano Orbe communis, & magistratus ipsi è viliorum hominum militumque turba coaliti, ut nonnullis parè antiquitatem versantibus placuit. Docti viri quamplurimi, qui urbes patrias scriptis illustrarunt, ab appellatione coloniz decus iis quæsitum arbitrati sunt. Hos inter cum primis numerandus Marcus Vellserus, suam Augustam coloniam militarem facere, non erubuit, lib. 4. rer. Vindelic. & Vincentius Borghinus eos qui militaribus coloniis, quas inter Florentiam collocat Frontinus, labem inferre conati sunt, justâ dissertatione, confutavit, tom. 1. Originum Florentin. à pag. 421. Piget nobilissimas Urbes referre, in quas Romanus populus, & sequuti Cæsares colonias intulerunt; quæ sæpius, uti observat clarissimus Spanhemius in dissertatione centies laudatâ de usu & præst. numismatum pag. 57. eadem Metro-poles & Coloniz erant; passimque conjunctam videre est utramque prorogativam in nummis *Antiochiæ, Tyri, Sidonis, Damasci*, alijsque pluribus. Nec coloniis splendidissimis ea appellatio dedecori fuit, cum numismata percusserunt, quibus natales suos concelebrabant, inculpro colo-no, seu Sacerdote aratrum junctis bobus agente, quod deductæ coloniz symbolum est. Ne putes tantummodo penès nomen & prærogativam colonias vocatas; nam verè

calypnos inductos eadem symbola demonstrant. Hujusmodi sexcenta exempla apud antiquarios spectare licet. Hinc in memoriam Conditorum, ut collata ab ipsis colonica jura & ornamenta testarentur, se *Beatas*, ac *Felices* in nummis & lapidibus inscribebant, atque Cæsarum conditorum cognomina affectabant; unde quamplures Colonia *Julia*, *Augusta*, *Flavia*, *Ælia*, *Antonina* nuncupata sunt. Summo honori refert Tacitus: quod Puteoli jus coloniarum quassissimum lib. 14. an. cap. 27. *At in Italia vetus, Opidum Puteoli jus coloniarum & cognomentum à Nerone adipiscuntur.* Profecto qui militarium coloniarum dignitatem labefactare dicitur, is in antiquitate omnino hospes esse videtur. Quid enim si & obscuri nominis opida, cum militibus colonis aucta essent, ad amplissimum dignitatis & splendoris gradum evecta censebantur? Do testem locupletem Strabonem lib. 3. pag. 141. *Hispanis claret, ipsa quoque Romanorum colonia. At nunc quidem emporium ibi durat; bonore autem & recenti militum Cæsaris eo missarum inhabitazione Betis præcellit; quamvis non splendide condita.* Neque Appulejus, quod Madauræ partiæ tribneret, præclarioris elogium invenit, Apologiam 1. *Veteranorum militum novo conditu, splendidissima colonia sumus.* Et sanè non video quid splendoris aut honestamenti colonis, etiam militaribus, defuerit, quas Augustus jure ac dignatione Urbis quodammodo pro parte aliqui adæquavit, teste Suetonio de ejus vitâ cap. 46. Unde illustre illud est elogium Agellii lib. 16. cap. 13. in fin. quo non majus aliud, aut præstantius ad earum dignitatem fingi potest, propter multitudinem, majestatemque populi Romani, cujus ista colonia quasi effigies parva, simulacraque esse quædam videntur. Hinc conicias, an Ordo Decurionum, atque ex his electi ad magistratus obeundos viri, projectæ fuerint conditionis & notæ. Cum coloniarum Romanarum ducerentur, ex quolibet ordine cives descriptos satis constar. Militares cum signis & aquila, & primis ordinibus, ac tribunis deduceban-

tebantur, ait Hyginus de limit. pag. 160. edit. Goclii. *Unde
 diversa scilicet legiones cum tribuniis & centurionibus*, ex
 Tacito Annal. 14. cap. 27. Milites omnes cives Romanæ aut
 Civitate donati. Centuriones sæpius ex ordine equestri,
 nonnunquam & ex Familiis patriciis. Tribuni eo dignio-
 res & nobiliores. Quod evoluenti potissimum vetustos
 lapides patere potest. Ubi plures quoque donati equo
 publico, quæ equestris dignitas est, occurrunt. Cum ab
 Augusto milites in Sicilia missionem peterent, hic polli-
 citus est unicuique suis in coloniis *Senatoriam*, seu *decu-
 rionis dignitatem*, ex Appiano lib. 5. de bello ciu. pag. 744.
 Sane Decurionum ordo in coloniis sæpius *Senatus*, & *Decu-
 riones Senatores* dicti. In secundâ & quartâ Ciceronis Ver-
 rinâ coloniæ plures Sicilienses eâ amplissimâ appellatione
 decorantur. *Senatorius ordo Puteolanorum* est apud Tac-
 tum Annal. 13. c. 48. quamquam eam vocem expungere
 tentaverit Ryckius in notis. Idem historicus memorat
 transisse Rhenum centum tredecim Treverorum *Senatores*,
 lib. 5. cap. 19. & Corbulonem Frisii imposuisse *Senatum*,
 Annal. 11. c. 19. Apud Rhēmos idem nomen, ex Casarē
 de bello Gall. lib. 2. cap. 5. Atque ut exemplum à proximâ
 coloniâ & finitimâ advocemus, Latinus Pacatus in pane-
 gyrico ad Théodosium laudat apud Hemoniam *conspicuos
 veste niveâ SENATORES*. Neque angustioris fortunæ
 homines inter decuriones accenscebantur, sed quibus cen-
 tum millium nummum census erat, ex Plinio lib. 1. epist. 19.
 Unde Imperator in leg. 53. de decurion. C. Theod. eos tan-
 tum cives deligi jubet, quos ad decurionum subeunda mu-
 nera *splendidior fortuna subvexit*. Eam legem crudité ex-
 ornavit Jacobus Gothofredus. In lapidibus sæpe memo-
 ratur *Senatus municipalis*, ut Tiburtinus, Nolanus, Signi-
 nus. Evolve magnum Gruteri thesaurum ubi etiam occur-
 rit *Amplissimus, & Splendidissimus*, ordo coloniarum, quo
 titulo Aquilejensem ornatum vidimus. Jam equestrem Or-
 dinem honestasse colonias, superius ostendebam. Porro

magistratus priores Ordinis ad dignitatis splendorem ; & Romanæ majestatis imitamentum, fasces præferebant, saltem post primum Imperatorum seculum, uti adnotavit idem Gothofredus ad l. 74. tit. eod. & toga prætextæ usu decorabantur. *Amo 3. sup. m. l. q. 9. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.* Ceterum cum Aquileja urbium maxima & florentissima famam hominum, Scriptorumque studia occupasset, vicinæ coloniz *Forojuliensis* obsecurior membris, nomineque fuit, Præter lapidem illiusli characteris Sæc. d. vii. Plinius ad tempora Augusti & Tiberii insculptum, de quo supra p. 367. ; *Forojulienses transpadanos* vix in transitu memorat Plinius lib. 3. cap. 19. Protonotus magnificentius Forum *Julii* coloniæ titulo exornat. An Plinius junior lib. 3. epist. 19. Paulini prædia, quæ *Forojuli* possidebat, laudans, ad nostrum respexerit, merito quispiam quærat. Joannes M. Catanzus in notis ad hunc locum, Plinium loquutum fuisse de *Forojuliensibus* cognomine Conciubiensibus lit. Umbria, quorum est mentio apud Plinium majorem lib. 3. cap. 14. nullo argumento aut conjectura infusus autumat. Mibi nec studium erga patriam, nec Catanzæ auctoritas tanti est, ut verear ne eum dicere, sed Forum Julii in Gallia. Hanc urbem patriam fuisse Valerii Paulini, qui bello Vitelliano Civitates Galliz Narbonensis in verba Vestasiani adegerat, tradidit Tacitus hist. 3. cap. 42. & 43. Ratio temporum monstrat, hunc ipsum eum esse Paulinum, ad quem Plinius scribit. Prædia ergo *Forojuliensia* eidem memorata rectius conieceris ea fuisse, quæ Paulinus in patrio solo possidebat. Præterea in hæc prædia destinaverat Plinius mittere Tositum libertum suum, qui instantèr pronuntiando, dum, inquit, nimis imperat vobis, veteris infirmitatis sufficula admonitus, rursus sanguinem reddidit, audieratque ab ipso Paulino esse ibi aerem salubrem, ac lac hujusmodi curationibus accommodatissimum. Huic morbo docent Medici frigidum esse inimicum: Hippocrates lib. 3. aphor. 24. aptum vero coelum densum, ex Cornelio Cæso lib. 3.

lib. 3. cap. 22. Unde veteres hujusmodi & gros mittere con-
 suerant Alexandriam Egypti, ut eo loco inquit Celsus,
 non solum propter navigationem, sed etiam propter coeli
 illius constitutionem, quod adnotavit Mercurialis lib. 2.
 de affectibus Thoracis cap. 3. ipsumque Zosimum illuc
 antea miserat Plinius, unde *super confirmatus* redierat.
 Nequaquam igitur verosimile est, Zosimum destinatum
 ad nostros Forojulenses, aut in Umbriam; utrobique enim
 ob loca montana aer purus est & frigidus, Aquilonibusque
 perflatus; sed potius Forojulii in Gallia, quæ urbs maritima
 ob navigationem, & densiorem aerem aptior erat curandæ;
 ejus ægrotudini. In aliâ epistolâ ad Paulinum, ut hoc quod-
 que obiter moneam, lib. 9. ep. 37. se excusat Plinius, quod
 Romæ esse nequeat, ut illum *Calendis Consulem* videat. Ios.
 Eidericus Gronovius in notis, Calendas Jannarias has esse
 putat. Sed falsò. Nam Calendis Januariis Consules ordi-
 narii magistratum inibant. Nullus vero Consul ordinarius
 eo nomine ad hæc tempora in fastis occurrit. Arbitror
 hunc esse M. Lollium Paulinum Valerium Asiaticum Sa-
 turninum, tot nominibus per adoptionem quæsitis, quærit
 Consulem susceptum cum C. Antio Julio Quadrato A. V.
 846. Chr. 93. sub Imperio Domitiani reponit Panitinius
 in Fastis lib. 2. Quod pat. Consulum signatur in lapide
 Gruteriano pag. 574. 6. Itaque Calendæ, de quibus Pli-
 nius, alterius omnino mensis, quam Januarii, sunt intelli-
 gendæ.

Porro Aquilejâ excisâ A. C. 452. cum teste Diacono,
 quem superius recitavi, in ejus locum caput regionis *For-
 rum Julii* haberetur, è latebris suis paulatim emerfir.
 Theodoricus rex. *honoratis possessoribus & curialibus FOROJULIENSIBUS* scribit, ut ad *Alsuenum* (fortè Alsam
 fluvium propè Aquilejam) trabes devehant, apud Cassio-
 dorum variat. lib. 4. epist. 8. qui dùm Præfectum prætorio
 ageret, *vinum & triticum quod in apparatu exercitus ex
 Concordiense, Aquilejense, & FOROJULIENSE civitati-*

bus colligi iusserat, ob provincie fecunditatem remittit, lib. 12. epist. 26. Anonymus Ravennas, quem ante duodecim annos publici juris fecit Placidus Porcheron à Congregatione Parisiensi S. Mauri, notisque illustravit, lib. 4. pag. 203. & 205. post Aquilejam cepit *Foro-Julia*. Scripsit hic auctor Geographiam suam à sexto ad septimum seculum, ut conicit illustris idem editor. Longobardis in Italiam irruentibus, anno epochæ Christianæ 569. cum Alboinus novi Imperii exordia poneret, primo & nobilissimo Ducatui *Forojulensi* instituto Gisulphum præfecit, sedemque principatus in ipsâ urbe *Forojuli* stabilivit. Inde Ducum Forojulensium celebris in Longobardorum historiâ, quam Paullus Diaconus prosequutus est, fama, atque ipsius Civitatis nomen inclavit; quæ ab ipso Paullonunc *Civitas Forojuliana*, rursus *Opidum Fori Julii*, demum & *Castrum Forojulense* vocatur. Tunc quoque aucta est Civitatis dignitate, cum à castro Julensi sedes Episcopalis illuc translata, postea illustriori accessione Patriarchas Aquilenses recepit. Nam Callistus Episcopo Amatore exa pulso, domicilium in eâ urbe regionis principe statuit. Et insequentibus ad undecimum usque seculum Patriarchis. Per hæc tempora cum *Forum Julii*, frequentius novo vocabulo *Civitas Austria* appellata est, atque in avorum memoriam retinuit. Nominis originem, in qua indaganda nostri Seri- præres immaniter aberrarunt, Justus Fontaninus in elegantissima epistolari *delle Masnade*, quod genus servorum apud nostros Forojulenses fuit, nuper feliciter coniectatione detexit. Cum Longobardi sedem Imperii in urbe Ticinensi fixissent, eam regionem Italiæ postremam, provinciam scilicet Forojulensem, quod ad plagam orientalem posita esset, AUSTRIAM nuncuparunt. Eo modo quo *Austria* & *Austrasia* ea pars Galliarum dicta, quæ ad Orientem erat, unde etiam *Orientalis Francia* appellabatur. Consule absolutissimum Glossarium du Cangii verb. *Austria*. In Codice legum Longobardorum apud Linden-

denobrogium lib. 2. tit. 2. §. 24. hæc decernit Luitprandus rex. *Et si per dies triginta pignora ipsa, aut debitor, aut fidejussor recolligere neglexerit, si in AUSTRIA, aut in Istria fuerit &c. & tit. 55. §. 14. Qui de longinquo sunt, quomodo de Tuscia, & de AUSTRIA per noctes 24. quaras alium Sacramentalem, quem in loco ipsius ponat, quæ loca Foro-Juliensem provinciam omnino indicant, quæ Istriæ contermina est, nec uspiam in Italiâ regionem aliam Austriam appellatam reperimus. In vetusto hymno S. Her-
magoræ hæc leguntur.*

Sublimis Aquilegiæ

urbem fovendo Austriam.

Atque in ejusdem actis Aquileja *Austria* provincia urbs dicitur. Quam vocem importunè refixit Tillemontius, & *Histrie* legendum putavit, in Historia Imperatorum Gallicè scriptâ tom. 1. not. 3. ad Nerocem. Addo egregium testimonium Pauli diaconi lib. 5. cap. 39. *Quod ille audiens, de Alachi Tridentinorum Duce loquitur, ... per Placentiam AUSTRIAM rediit, singulasque civitates partim blanditiis partim viribus sibi socias ascrivit.* Hinc narrat, Vincentiam & Tarvisium transgressum Alachin, ad pontem Lloquentiæ omnes à Foro-Julii venientes (de urbe intelligit, quam pauld' ante à ponte Lloquentiæ quadraginta octo millibus distare dixerat) sacramento adegisse. demùm, subdit historicus, *cum omni Alachis AUSTRIA ... castra posuit.* Igitur *Austria* provincia est Foro-Julienfis, & pars Venetiæ eidem contermina, quas Alachis in societatem diversis artibus traxerat. Inde ergo Foro-Julienfi urbi nomen acceptum. Nam quod provinciæ, quæ *Austria* à Longobardis appellabatur, caput & princeps esset, post Aquileiam dirutam, ut ex Paulo didicimus, Ideo *Civitas Austria* nuncupata est. Utriusque nominis profero locupletissimum testimonium ex tabulario nostræ Foro-Julienfis Ecclesiæ, vetustis superiorum temporum chartis refertissimo. Diploma authographum est Henrici VI. Imp. an. 1195. ad
Pere-

Peregrinum Patriarcham, quod datum legitur, in *Civitate* FORI JULII quæ dicitur AUSTRIA. Hinc falsus est Palladius iunior, qui part. 1. histor. Foroiul. lib. 6. Civitatem ait cognomen *Austrie* simul cum imperio Octocari Ducis Austriæ accepisse anno 1272. Itaque cum certum sit, nostram urbem *Civitatem Austrie* appellatam, eadem illa est, quæ olim *Forum Julii* dicebatur. In charta Caroli Magni, quam profert Fontaninus, anno 801. Paulino Patriarchæ directâ, memoratur *Xenodochium*; quod *Dux Roduald* adificavit in FORO JULII vocabulo S. *Johannis*. Adhuc apud nos est Ecclesia sub eodem titulo S. *Johannis* in *Xenodochio*. Ludovicus & Lotharius Imp. anno 830. Monasterium Virginum S. *Maria in Valle* situm intra muros *Civitatis* FOROJULIENSIS iuribus Patriarchæ Maxentii addicunt. Anno 1015. Johannes Patriarcha Præposito & Capitulo S. Stephani in *Civitate* FORI JULII villam, seu pagum frequentissimum Præmariaci, qui adhuc sub eius ditione est, donat. Utriusque Chartæ exempla videre est in eodem tabulario. At ubi gentium uspiam est Monasterium S. *Mariæ in Valle*, quod hodie quoque eo nomine insignitur, aut Capitulum S. Stephani, quàm in nostrâ Urbe? Porro simplici vocabulo fuit quoque appellata CIVITAS, per excellentiam, ut ait Cluverius, tanquam regionis caput. Sexcenta huiusmodi exempla in nostris Chartulariis prostant. Bina indico iuris publici, alterum apud Ughellum Italiz Sacr. tom. 5. col. 712. secundum apud doctissimos Continuatores Bollandi tom. 1. Junii pag. 783. Hinc *Civitas* corrupto nomine apud nostros in *Civitat*, & *Cividas* abiit, quæ ad politioem Italicæ linguæ modum traducta, demum CIVIDALE del *Friuli*, ut ab alio *Cividale* Bellunensi distingueretur, vocata est. Hoc nomine pridem quoque, antequam Austria diceretur, nuncupatam scribit eodem loco Palladius iunior. Innumera quotquot supersunt, eorum temporum monumenta securus appello, in quibus nusquam *Cividale* occurrit, ubique vel *Forum*,
ju-

Julii, aut *Civitas*, seu *Civitas Austria*, & incolæ *Civita-*
tenses. Hinc alter Palladius, cui æquè hæc nomina molestè
 in aures insonabant, historiam suam purioris latinitatis
 laude commendatam, maluit barbarismo inficere, nostram
 urbem passim vocando *Cividale*, incolasque *Cividalenses*,
 quam antiquioris nominis clarioris dignitatem fateri.

At nolim, dum vasa colligo, rursus in campum vocari;
 & *Forum Julii* aliò traductum, ut memoravi pag. 323.
 invidiosâ concertatione in suas sedes vindicare. Satis erunt
 apud æquos æstimatores quæ retuli. Plura certè proferre
 possem; sed olim confecta res est, quam ulterius nequa-
 quam sollicito; ne causam jam in tuto positam videar
 importuna defensione corrumpere. Tantùm monitos cupio;
 quibus otii aliquid ad has municipales controversias su-
 perest, quæstionem hanc de Foro-Julio sub initium expirantis
 seculi fuisse excitatam, occasione apud nostrates in vulgo
 notâ; cum ante id temporis nemini unquam Scriptorum
 Utinensium in mentem venerit, alibi quàm in nostrâ urbe
 Forum Julium quarere. Proferam aliquos ex ipsis Civibus
 Utinensibus, summæ dum viverent, apud eosdem aucto-
 ritatis, & præcipui nominis testes, fideique incorru-
 ptæ, utpote quos studia postmodum exorta atque affectus,
 novusque contentionis amor nondum fregerat. Joannes
 Candidus, qui primus Commentarios Aquilejenses in
 literas misit typis Venetis an. 1521: ingenua nobilitate
 spectatus, & animo juxta ac nomine candidus, *JULIUM*
Castrum; ait lib. 1. pag. 3. modo est *Civitas Austria*, quam
FORUM JULIUM rursus vocat lib. 3. prope finem. Quintus
 Æmillianus Cimbriacus Poëta insignis, dum literas
 humaniores apud nos doceret, amico M. Antonio Sabel-
 lieb scribit ex *JULIO*, inter ejusdem Sabellici epistolæ 1.
 lib. 4. Marquardus de Susannis celebris I. C. in tractatu de
 Judæis secundæ impressionis Venetæ ann. 1568. quem
 etiam insertum invenies inter Tractatus magnos juris t. 14.
 pag. 70. de Attilâ loquens, part. 3. cap. 12. post Aquilejam,

Vide ho-
 rum om-
 nium anti-
 quissimum
 testimonium
 in calce
 Operis post
 Indices.

inquit, *destruxit omnes terras & castra, & inter cetera*
Castrum FORI JULII, quod nunc Cividatum appellatur.
 Idem Sabellicus haud sanè patriâ Utinensis, sed qui Utinensium stipendiis humanitatis præcepta in ea urbe tradidit, in quâ portò exornandâ atque extollendâ studium operamque summam ingenii posuit, Scriptor si quis alius, ut elogio Palladii utar, in perquirendis & digoscendis antiquitatibus peritissimus, semel iterumque lib. 1. de vetustate Aquilejæ pag. 207. & lib. 4. pag. 227. tom. 4. affirmat, FORUM JULIUM fuisse quod nunc peculiari nomine Cividatum appellant. Adeo nil cogitans de Utino, ut ubique eam urbem Unnium vocitet, conscripto quoque eleganti Carmine de ejus Origine, quam ab Unnis & Actila accessit. Auctor hic labente XV. seculo volumina sua edebat. Addam par alterum Scriptorum Utinensium, quorum opera typis vulgata non sunt. Primum laudo nobilitate & literis clarum, Jacobum Valuasorum, qui in descriptione Foro-Julien-sis provinciæ disertis verbis scripsit sub annum 1553. *Cividale è chiamato da Tolomeo, è Paolo Diacono Foro di Giulio.* Antonius Bellonus, ejus industria & beneficio integra D. Leonis M. Opera, quæ demum Paschasius Quesnellus ante annos XXV. in Gallia edidit, debemus, Vitas Patriarcharum Aquilejensium brevi stilo exaravit. Is, quæ gesta commemorat Paullus Diaconus ab ipsis Patriarchis & Longobardorum Principibus in Civitate, seu Castro Foro-Julien-si, semper Clusati Austria tribuit. Quo manifestè declaravit, se Forum Julii non aliam quam nostram urbem putasse. Fuit Candido æqualis.

Si exteris Scriptoribus rem agere vellet Palladius, qui in uno, aut altero triumphum canit, quibus in aliud intentis Utinum pro Foro-Julio oscitanter excidit, tot tantosque, numero, auctoritate, & doctrinæ merito illustres, producerem, ut cum sanè poeniteret excitatis testibus vadationem stitisse. Unum tamen non prætermittam, qui dignitatis nomine, & doctrinæ famâ omni exceptione major, futi-

lia quæ in adversum jactantur argumenta , uno veluti idu
 retundit . Is est Cardinalis Norisius , qui in dissertat. de
 V. Synodo cap. 9. §. 4. ita loquitur : *Henricus Palladius*
lib. 4. rerum Forojul. contendit Utinum esse Forum Julium.
Mibi tamen hæc opinio probari nequit; nam Paullus Diaconus
civis Forojulensis l. 5. c. 23. de gestis Longobard. de Sclavi
scribit: Congregata valida multitudo voluerunt super
Forojulianorum castrum irruere . Et venientes castra me-
tati sunt in loco , qui Broxas dicitur , non longè à Foroju-
lio . Cum vero Vuestaris Dux provinciæ cum paucis contra
barbaros moveretur , ait : Quem Sclavi cum paucis venire
conspicientes irriserunt dicentes , Patriarcham contra se
cum Clericis adventare : Qui cum ad pontem Natifonis ,
qui ibidem est , ubi Sclavi residebant , propinquasset , cassi-
dem sibi de capite auferens , vultum suum Sclavis ostendit .
Ex his constat , Utinum non esse antiquum Foroju-
lium , longius enim abest à Natifone . Fuit autem Forum
Julium urbs provinciæ quondam primaria ac Principum se-
des . Clavario , Sabellico , aliisque doctioribus est Cividale del
Friuli ad Natifonem . Jam quibus diversa opinio placet , li-
berum sit , Eminentissimo Viro judice , inter indoctiores cen-
seri . Porro Broxas , de quo Paullus , locus est ad quartum
à Forojulio lapidem , hodie quoque vestigia nominis reti-
nens , ipsiusque urbis porta , quæ illuc itur , Broxana adhuc
vocatur . Hunc ejus situm digito monstrat diploma
Berengarii Regis datum Mantuæ Felici Diacono anno
DCCCLXXXIX. Ind. VI. ubi Broxias dicitur esse in
finibus S. Joannis in Aniro , uti sanè etiamnum est , in-
termedio Natifone flumine , in cujus angustiis tertio ab ur-
be milliario pons lapideus occurrit . Ut vani sint & ridicu-
li qui Broxas , & Pontem Paulo memoratos , alibi som-
niarunt .

Rursus viam ad metam importunc intercipit nescio
 quis lapis , cui veluti de coelo lapso pœana decantat Palla-
 dius lib. 4. pag. 67. Profecto constitueram , ut indicaui , ar-

gumenta quæ in adversum scribuntur, transmittere, quod
 ea refellere nec temporis hujus, nec operæ sit pretium. At
 quoniam res mihi cum faxis luculenter fuit, atque in hoc
 uno fundamenta solidiora se posuisse putat Palladius, qui
 adeo impotenter sibi plaudis, ut vetitus non sit facis ver-
 bis abuti. *Veritas de terra orta est, & iustitia de celo pro-*
spexit, illud propterea, ne ridioribus antiquitatum impo-
ndi, manibus elabi non patiar. Dum Utini, inquit Palla-
dus, anno salutis millesimo quingentesimo decimo, septimo
novi celeberrimi Palatii fundamenta jacerentur, affossa sunt
marmorea tabula, in qua literæ incise nostram sententiam
de Foro Julio Utini à Cesare constituto mirifice firmant. He-
autem sunt marmoris notæ.

C. IVL. CAES. D. P. IMP. OL. CXVINC. A. P.
 GEN. IVL. FOR. S. INST. VN. NO. PRO. SVMP.

Quas quidem notas eruditissimus vir Camillus Camillus, sic
 interpretatus est. Cæsar Julius Cæsar Dictator perpetuus
 Imperator Olympiadis centesimæ octuagesimæ secundæ an-
 no primo Utini gentis Juliæ Forum secundò instituit, unde
 nomen provincia sumpsit. Hæc ille. Hic Annus MDXVII.
 edendis spuriis foetibus malo suo fato destinatur. Nam &
 numismata Triumvirorum protulisse, memini pag. 324. At
 Cæsarianæ inscriptionis longè recentior est ætas. Tunc vi-
 vebat Joannes Candidus, quid si tam grande testimoniū
 vidisset, certè sententiam de vero Foro Julio mutasset, lapi-
 demque historiis suis, quas quartum post annum luci tra-
 didit, inseruisset. Ceteri quoque Scriptores Utinenses,
 quos recensui, insigni monumento edocti, non dubitassent
 Forum Julii in urbem patriam revocare. Quid Joannes
 Dominicus Salamonius, qui edita anno 1596. proluxa de-
 fensione pro causâ Utinensi, occasione superius indicatâ,
 nil intactum, quod ad Forum Julii Utinò afferendum

per-

pertineret, reliquit? Ea itaque inscriptio, non dicam tabulam marmoream, quam nusquam gentium extrare audio, diis scribentibus nondum protulsa erat. Si queras artificem, dabo Monachum quendam Camaldulensem Germanum, de Vecchiis, inter cujus scripta, quæ Utini consarcinavit circa annum 1600 primum apparuit. Nam & hic idem Civitatem triumviralem, de qua pag. 324, molitus fuit, aliaque id genus commenta, quæ videre est in ejus MSS. Utini asservatis. At sane non satis ad fraudem peritus, atque ingeniosus fuit, cum undique falsitatis argumenta in aperto reliquerit, quæ, quisquis antiquitatem vel summis labris degustaverit, statim deprehendit, & quidem seipsum subodoratus est etiam Schönleben Annal. Carniolæ par. 2. ad an. Mundi 4002.

¶ Julius Cæsar bello Gallico implicitus anno V.C. 702. Alexiam & Avaricum expugnavit, ac Vircingentorigem in suam potestatem adduxit. Dictatutam primam iniit anno 705. quam brevi dimisit, aliam anno 707, tertiam insequentis perpetuam verò nonnisi demum anno 709. At non isti lapidis præclarus auctor novam Chronologiam invenit, & eo ipso anno 702, cum quo concurrat annus primus Olympiadis centesimæ octogesima secundæ, Cæsarem Dictatorem perpetuum fecit, ingenti septem annor. prochronismo. Quod satis esset ad falsi crimen. Præterea insolens est Italicæ inscriptionem per Olympiadum notas signare. Quamvis enim apud Halicarnasum lib. 1. & Solinum cap. 1. Olympiadum annos cum annis Consulium Romæ in acta publica relatos legamus, nondum tamen in vetustis Romanorum stasis Olympiadas incisas uspiam vidi. Quid verò integra inscriptio primis tantum vocabulorum literis exarata? Hoc sane ab usu antiquitatis abhorret: nam quamvis siglas frequentissimæ, & notas compendiaras sparsim lapidibus insculptas observemus, nusquam tamen verba omnia sub hujusmodi involucris sunt perscripta, ne veteres ipsos æque ac nos sensus inscriptionis omnino lateret, uti notavit

Eques

Eques Ursatus marmor. erudit. epist. 2. pag. 13. At postea erubuit fortasse plenius verbis, & aperto ore fabulam suam canere. Quid Forum *secundò* institutum, tanquam si aliud pridem conditum fuisset? Quid ea verba, unde nomen Provincia sumpsit? Cum constet longè à Cæsaris. tuo nostram Provinciam appellari coepit Forojulicensem.

Ceterum cum Urinum in veteris. Fori Julia jura immerito irrepisse contendo, me nihil ei detractum velle dignitatis, nihil amplitudinis, atque honestamenti sanctè profiteor. Sua maneant nobilissimæ urbi decora, suos honores, quam ædificiorum splendore, opum affluentia, frequentia civium inter illustriores jure & merito numeramus, atque Patriarchalis amplissimæ Sedis, quam hodie Illustrissimus D. Dionysius Delphinus sanctissimis moribus & magnis virtutibus implet, summiq; totius provincie magistratus gemino ornamento auctam & condecoratam, jam in principem regionis locum reponimus. Hinc illi nil opis alienæ laudis, nec est cur gloriolam hanc nobis invidet: ut dum nos jure nostro vetera extollimus, ipsi abundè pulchrum atque magnificum sit præsentibus letari.

E L M S.

De COLONIA FOROVIENSIS.

387

FRAGMENTA INSCRIPTIONUM
FRATRUM ARVALIUM.



7 operi nostro, quod jam in exitu est, gratiam aliquam
apud Eruditos compararem, splendidam appendicem ad-
jeci. Fragmenta sunt marmorum, quibus acta & ritus
Fratrū Arvalium continentur, illustriora ceteris quæ
hucusque prodierunt, eandem rerum quarundam novitate,
tūc etiam copia. Inventa ante annum suis memoravi cap. VII. ad
inscriptionem M. Aquilii, & nonnulla rarioris pretii, tunc excerpta
observationibus illustravi. At nondum satisfactum Orbi literario ar-
bitrari sum, nisi integræ inscriptiones emitterentur. Eas sanis
fide & diligentia ex autographis saxis descripsi, & sapius contu-
lcam exemplari excepto in charta ipsis saxis fuligine insectis inpressa,
ita ut in area nigra Characteres albi & maxime conspicui appareant.
Cui industria ne literulam quidem effugisse certus sum. Atque ideo
cām Lector offenderit voces aliquas diversimodè sine in hisce nostris,
vel in aliis Gruteri, Sponii, & Fabretti tabulis exaratas, non vitio
nostro id tribuat, sed quadratarii incunstantia, nisi potius easdem
voces variè scriptas & pronuntiatas tunc temporis velit. Hujusmodi
sunt, patremis & patrimis, Berbeces & Verbeces, Vaccam &
Baccham, Mænianum triplici forma exsculptum, nempe per E sim-
plex, per E & AE, conmolende & conmolande, & si qua alia
id genus. Præterea diversam scripturam ab aliis Arvalium tabulis
non semel observavimus. Gruterianæ habent coinquendi, Fabret-
rianæ tetrastylo, nostra coinchuedi, tetrastylo, nam sapius Ro-
mani y Gracum per u reddebant. Porro ex nostris corrigas eundem
Fabretium, qui Carcares & Mestianus scripsit, cū sit legendum
carceres & Mestianus; atque iterum quod hanc vocem, PRAE-
UNTE, unico E scribendam contendat, eo nomine carpens Gruterum
& Sponium, nam manifestè in nostra est, PRAEUVNTE, ut dicere
possis utrumque modum in more positum fuisse. Accentus acuti fre-
quenter in prima tabula signatur, nunquam in secunda: in hac nul-
lum aspiciam punctum voces distinguens, in illa ubique reperies, præ-
terquam post præpositiones in, ad &c. quæ etiam junguntur sequenti
verbo. Porro observatione dignum in ipsa prima tabula diversam
formam characterum representari. Decretum adsignationis locorum

in

in Amphitheatro capitalibus literis seu quadratis, quæ valde usurpantur in vetustis inscriptionibus, eleganter & assidue est exaratum. Cetera rutiliori manu, & forma ipsa literarum duplo minori, nec lineis ita concinnis & ad normam ductis. Ibi *A* more vulgato, hic ad instar *A* Græci, & aliquando etiam absque superna pedis productione, ut videre est in exemplo *mon* producendo. Fortasse quidam ea locorum assignatio honori esset Collegio Arvalium, memoriam magnificentiæ ad posteros voluerunt transmittere. In secunda tabula præterquam nusquam puncta, & accentus, ut dixi, apparent, characteres, si scripturæ faciem spectes, similes videntur, at certè deformiores sunt, inæquales & inter se confusi. Ut inde conicias, scribendi quoque modum centum annorum spatio aliquantulum defluxisse. Nam prima tabula sculpta est anno epochæ Christianæ 81. Titi postremo, secunda an. 183. ex præscripta nota Consulum; nempe *M. Aurelio Antonino Aug. IV. & C. Aufidio Victorino II.* Obiter corriguntur vulgares Fasti, qui Victorino prænomen *Marci* imponunt; eiusque secundus Consulatus, de quo aliqui dubitarunt, confirmatur. Specimen characterum utriusque tabulæ damus; neglectis aliis, qui in decreto adsignationis notantur, cum ubique eorum exemplar proferet.

IN LUCO DEÆ DINE.

IN LUCO DEÆ DINE

Haud ineptam observationem addam, à loco ubi saxa hæc Arvalium sunt reperta, deductam. *Lucus Deæ Diæ* situs erat viâ Campanâ apud lapidem *V.* ut dicitur. in inscriptione Arvalium apud Gruterum pag. 121. Fabrettus in *Cbartâ topographica III.* dissertationi de *Aquæductibus* præmissa, & in postremo Opere inscriptionum p. 481. viam Campanam, contra Holstenium, collocat inter viam Appiam & Ostiensem. Verisimile est nostra hæc marmora posita olim fuisse in *lucò Deæ Diæ*, viâ Campanâ, atque inde ad usum fabricæ exportata in vicinam viam Ostiensem, ubi inserta erant muro cuiusdam domus, quarto ab Urbe lapide. Quo mirificè firmatur Fabretti de situ viæ Campanæ opinio.

Cete-

Ceterum prima tabula alta est pedibus tribus cum dimidio, lata pede uno semis. Limbi inferioris pars magna deest; anguli dexteri pars in superiori. Secunda in latus complectitur tres pedes cum dimidio, unumque cum dimidio in altitudine; atque inde cum latior sit quam alta, in tres columnas dividitur. Cum utriusque prolixiores lineae nostra pagina non caperet, continenti verborum serie excusas dedimus. Capita tamen seu initia versuum suis locis sunt reddita; nisi quod hic introrsum recedunt ad Typographi commoditatem, & usum. Puncta Lapidem fractum indicant. Sed fracturae locus ductu recto & continuo non potuit designari ob paginae angustiam.

Prima Tabula.

..... ANVS. CO
 7. IRVS. MISIT. QVOS
 VESPASIANVS. AVG. CAESAR.
 DIVI. F. DOMITIANVS
 C. VIPSTANVS. APRONIANVS. C. IV-
 NIVS. TADIVS. MEFITANVS. T. VERATIVS
 MPVLVS. VOPISCVS. ARRVNTIVS. CAPELLI-
 VS. CELER. TI. IVLIVS. CANDIDVS. MARIVS
 Q. TILLIVS. SASSIVS
 ... DEM. COS. III. K. IVN. IN DOMO. L. VENV-
 LEI. APRONIANI. MAG. AD PERAGENDVM. SA-
 CRIFICIVM. PER. FRATRES. ARVALES. EPVLAN-
 TES. ET. FRVGIBVS. MINISTRANTIBVS. PVERIS.
 INGENVIS. PATREMIS. ET. MATRIMIS. SENATO-
 RVM. FILIS. REFERENTIBVS. AD ARAM. IN PA-
 TERIS
 M. TILLIO. FRVGI. T. VINICIO. IVLIANO.
 COS. VII. IDVS. DECEMBR. IN CAPITOLIO. IN AE-
 DEM. OPIS. SACERDOTES. CONVENERVNT. AD
 VOTA. NVNCVPANDA. AD RESTITVTIONEM.
 ET. DEDICATIONEM. CAPITOLI. AB IMP. T. CAE-
 SARE. VESPASIANO. AVG.
 IN COLLEGIO. ADFVERVNT. L. VENVLE-
 IVS. APRONIANVS. C. VIPSTANVS. APRONIANVS.
 L. VERATIVS. QVADRATVS. L. POMPEIVS. VO-
 Ccc PI-

PISCVS. ARRVTIVS. CATELLIVS. CELER. C.
IVNIVS. TADIVS. MEFITANVS. P. SALLVSTIVS.
BLAESVS

L. FLAVIO. SILVA. NONIO. BASSO. ASINIO
POLLIONE. VERRVCOSO. COS. XVIII. K. FEBR.
IN LVCO. DEAE. DIAE. PIACVLVM. FACTVM.
PER. CALATOREM. ET. PVBLICOS. EIVS. SACER-
DOTI. QVOD. ARBOR. A VETVSTATE. DECI-
DIT. EXPIANDVM. PORCAM. ET. AGNAM. OPI-
MAM

L. VEITIO. PAVLLO. T. IVNIO. MONTANO.
COS.....K. MAIS. IN LVCO. DEAE. DIAE. PIACVLVM. FACTVM. PER CALATOREM. ET. PVBLI-
COS. EIVS. SACERDOTI. OBFERRVM. INLATVM.
IN AEDEM. SCR^{pt} PTVR. CAVSSA. PORCAM. ET.
AGNAM. OPIMAM

ISDEM. COS. III. IDVS. MAIAS. IN LVCO.
DEAE. DIAE. PIACVLVM. FACTVM. PER CALA-
TOREM. ET. PVBLICOS. EIVS. SACERDOTI. OB-
FERRVM. DE. AEDE. ELATVM. PORCAM. ET.
AGNAM. OPIMAM

LOCA. ADSIGNATA. IN AMPHITEATRO.

L. AELIO. PLAVTIO. LAMIA. COS
Q. PACTVMEIO. FR^{nt}NTONE.

ACCEPTVM. ABLABERIO. MAXIMO. PROCVRA-
TORE. PRAEF. ANNONAE. L. VENNVLEIO. APRO-
NIANO. MAG. CVRATORE. THYRSO. L.
FRATRIBVS. ARVALIBVS MÆNIANO. I. CVN. XII.
GRADIB. MARM. VIII. GRADV. I. P. V. GRADV III.
PED. V: S-) F. PED. XXXXIIIS. GRADV. I. VNO. PED.
XXIIIS. ET. MENIANO. SVMMO. II. CVN. VI. GRA-
DIB. MARM. IV. GRADV. I. VNO P. XXIIIS. ET. MAE-
NIANO. SVMMO. IN. LIGNEIS. TAB. LIII. GRADI-
BVS. XI. GRADV. I. PED. V. = = ε -- GRAD.

XI. PED. VS = =) F. PED. LXIIIS = = ε
SVMMA. PED. C XXVIIIIS = = ε

L.

L. FLAVIO. SILVA. NONIO. BASSO. COS
 ASINIO. POLLIONE. VERRVCOSO.

III. NONAS. IAN.

MAGISTER. C. IVNIVS. TADIVS. MEFITANVS. COL-
 LEGI. FRATRVM. ARVALIVM. NOMINE. VOTA.
 NVNCVPAVIT. PRO. SALVTE. IMP. TITL CAESA-
 RIS. DIVI. F. VESPASIANI. AVG. PONTIF. MAX.
 TRIBVNIC. POTEST. COS. VIII. ET. CAESARIS. DI-
 VI. F. DOMITIANI. COS. VII. ET. IVLIAE. AVG. LI-
 BERORVMQ. EORVM. VICTVMIS. IMMOLATIS. IN
 CAPITOLIO. QVAE. SVPERIORIS. ANNI. MAGISTER
 VOVERAT. PERSOLVIT. IOVI. O. M. BOVES. MA-
 RES. II. IVNONI. REGINAE. VACCAS. DVAS. MI-
 NERVAE. VACCAS. II. SALVTI. PVBLICAE. VAC-
 CAS. II. ET. INPROXIMVM. ANNVM. NVNCVPA-
 VIT. PRAEEVNTE. L. POMPEIO. VOPISCO. C. AR-
 RVNTIO. CATELLIO. CELERE. IN EA. VERBA. QVAE.
 INFRA. SCRIPTA. SVNT

IVPPITER. O. M. SI. IMP. TITVS. CAESAR.
 VESPASIANVS. AVG. PONTIF. MAX. TRIB. POTEST.
 P. P. ET. CAESAR. DIVI. F. DOMITIANVS. QVOS.
 NOS. SENTIMVS. DICERE. VIVENT. DOMVSQVE.
 EORVM. INCOLVMIS. ERIT. A. D. III. NON. IAN.
 QVAE. PROXIMAE. P. R. Q. REI. P. P. R. Q.

....INT. ET. EVM. DIEM. EOSQVE. SALVOS. SER-
 VAVERIS. EX. PERICVLIS. SIQVA. SVNT.

....EVM. DIEM. EVENTVMQVE. BONVM. ITA. VTI.
 NOS. SENTIMVS. DICERE.

.....ATV. QVO. NVNC. SVNT. AVT. EO. MELIO-
 RE. SERVAVERIS. AST. TV.

.....INE. COLLEGI. FRATRVM. ARVALIVM.
 BVBVS. AV.

.....IM

.....VRATIS. II. VOVIMVS. ESSE. FVTV....

.....TIBI. IN. EADEM. VERBA. NO.

.....ESSE. FVTVRVM.

Secunda Tabula.

IMP. CAES. M. AVR. ANTONINO AVG IIII
C. AVFIDIO VICTORINO II COS

IN CAPITOLIO Q. LICINIUS N RVM ARVALIUM VOTORVM SOLVTORVM ET NO AVSA PROSALVTE IMP. CAES. M. AVRELI *locus abrasus* ANTONINI M GERM. MAXIM. PP. COS. IIII. FRATRE ----ARVALES CONVENERV..... VS NEPOS MAG. CN. CATILIVS SEVERVS M. VLPIVS ASTIVS PR MA..... IMMOLAVIT Q. LICINIUS. NEPOS MAG. IOVI O. M. BO..... MAKEM IVNONI REG. BOVEM FEMINAM MINERVAE BOVEM FEMINAM LVTI PVBLICAE P. R. BOVEM FEMINAM

ISDEM VII IDVS IANVAR IN PRONAO FRATRES ARVALES SACRIFICIVM DEAE DIAE INDIX Q. LICINIUS NEPOS MAG. VELATO CAPITE CONTRA ORIENTEM..... QVOD BONVM FAVSTVM FELIX FORTVNATVM SALVTAREQVE SIT. IMP CAES M AVRELIO *locus abrasus* ANTONINO AVG PIO SARMAT GERM MAXIMO P M PP COS. IIII OPTIMO MAXIMOQVE PRINCIPI DIVI M ANTONINI FIL DIVI ANTONINI NEPOTI DIVI HADRIANI PRONEPOTI DIVI TRAIANI PARTHICI ABNEPOTI DIVI NERVAE ABNEPOTI SENATVI P R Q FRATRIBVSQVE ARVALIBVS SACRIFICIVM DEAE DIAE HOC ANNO ERIT ANTE DIEM XVI KAL IVNIAS ROMAE ANTE DIEM XIII K IVN IN LVCO ET DOMI XIII K IVN CONSUMMABITVR DOMI ADFVERVNT IN COLL Q. LICINIUS NEPOS MAG CN CATILIVS SEVERVSM VLPIVS ASTIVS PR M ANTONIVS IVVENIS

L. TVTILIO PONTIANO GENTIANO COS VI ID FEBRVAR IN LVCO DEAE DIAE Q. LICINIUS NEPOS MAG OPERIS INCHOANDI CAVSA QVOD IN FASTIGIO AEDIS DEAE DIAE FICVVS INNATA ES-

ESSET ERVENDAM ET AEDEM REFICIENDAM IM-
MOLAVIT SVOVETAVRILIBVS MAIORIBVS ITEM
ADAEM DEAE DIAE BOVES FEMINAS II IANO
PATRI ARIETES II IOVI BERBECES II ALTILA-
NEOS

Columna Secunda.

MARTI ARIETES ALTILANEOS II IVNONI DEAE
DIAE OVES II SIVE DEO SIVE DEAE OVES II VIR-
GINIBVS DIVIS OVES II FAMVLIS DIVIS VERBE-
CES DVOS LARIBVS VERBECES DVOS MATRI LA-
RVM OVES DVAS SIVE DEO SIVE DEAE INCV-
IVS TVTELA HIC LVCVS LOCVSVE EST OVES II
FONTI VERBECES II FLORAE OVES II VESTAE
OVES II VESTAE MATRI OVES II ITEM ADO-
LENDEAE CONMOLANDAE DEFERVNDAE OVES
II ITEM ANTE CAESAREVM DIVIS N XVI VER-
BEC IMMOLAVIT N XVI M HERENNIO SECVN-
DO M EGNATIO POSTVMO COS III ID MAI

IN LVCO DEAE DIAE Q LICINIVS NEPOS
MAG OPERIS PERFECTI CAUSA QVOD ARBORIS
ERVENDAE ET AEDIS REFECTAE IMMOLAVIT
SVOVETAVRILIBVS MAIORIBVS ITEM ADAEM
DEAE DIAE BOVES FEMINAS II IANO PATRI ARI-
ETES II IOVI VERBECES II ALTILANEOS MARTI
ARIET ALTILAN II IVNONI DEAE DIAE OVES DV-
AS SIVE DEO SIVE DEAE OVES II VIRGINIBVS DI-
VIS OVES II FAMVLIS DIVIS VERBECES II S II
LARIBVS VERBECES II MATRI LARIVM OVES II
SIVE DEO SIVE DEAE INCVIVS TVTELA HIC LV-
CVS LVCVSVE EST OVES II FONTI VERBECES II
FLORAE OVES II VESTAE OVES II VESTAE MA-
TRI OVES II ITEM ADOLENDAE CONMOLENDAE
DEFERVNDAE OVES II ITEM ANTE CAESAREVM
DIVIS N XVI VERBECES IMMOLAVIT XVI

ISDEM COS XVI K IVN IN DOMVM LICINI
NEPOTIS MAG FRATRES ARVALES PRAETEXTATI
SACRIFICIVM DEAE DIAE TVRE ET VINO FECE-
RVNT IBIQUE DISCVMBENTES TORALIBVS SEG-
MEN-

MENTATIS MINISTRANTIBVS PVERIS PATRIMIS ET
MATRIMIS SENATORVM FILIS AELIO AVIOLA ET A-
CILIO SEVERO ET M VLPIO BOETHO ET CL SVLPI-
CIANO CVM PVBLICIS AD ARAM RETVLERVNT AD-
FVERVNT IN COLLEGIO Q LICINIVS NEPOS MAG.
CN CATILIVS SEVERVS T FL SVLPICIANVS M AN-
TONIVS IVVENIS P PESCENNIVS NIGER M VLPI AS-
TIVS PR

ISDEM COS XIII K IVN IN LVCO DEAE DIAE
Q LICINIVS NEPOS MAG AD ARAM INMOLAV.....
PORCILIAS PIACVLARES II LVCI COINCHVENDI ET
OPERIS FACIENDI IBIQUE BACCHAM HONORARIAM
ALBAM AD FOCVLVM IMMOLAVIT SACERDOTES IN
TETRASTVLO CONSEDERVNT ET EX SACRIFICIO E-
PVLATI SVNT SVMPVISQVE PRAETEXTIS ET CORO-
NIS SPICEIS BITTATIS LVCVM DEAE DIAE SVMMO-
TO ASCENDERVNT ET PER Q LICINIUM NEPOTEM
ET CATILIVM SEVERVM PROFLAMINEM AGNAM O-
PIMAM IMMOLAVERVNT PERFECTO SACRIFICIO
OMNES TVRE ET VINO FECERVNT DEINDE CORO-
NIS IN LATIS SIGNISQVE VNCTIS PETRONIVM PRI-
SCVM EX SATVRNAL... PRIMIS IN SATVRNALIA SE-
CVNDA MAG FECERVNT ET FL SVLPICIANVM FLA-
MINEM

Columna Tertia.

NOMINAVERV.....
EPVLATI SVNT POST EP.....
SVpra CARCERES ASCENDIT ET SEC.....
CATILIO SEVERO PROFLAMINE VICTORIS.....
Q LICINIVS NEPOS MAG CN CATILIVS SEVERVS
T FL.....
NIVS NIGER M VLPIVS ASTIVS PRAETORES ISDEM
COS III.....
Q LICINI NEPOTIS MAG FRATRES ARVALES AD
CONSVMMANDVM S.....
IBIQUE INTER CENAM LICINIVS NEPOS MAG CA-
TILIVS SEVERVS
IVVENIS PESCENNIVS NIGER VLPIVS ASTIVS DIS-
CVMBENT.....

ALBIS

ALBIS TVRE ET VINO FECERVNT MINISTRANTIBVS
 PVERIS PATR.....
 FILIS EISDEMQUE ET XVI KAL IVN EASDEM FRV-
 GES INLIBATAS.....
 PVERI RICINIATI CVM PVBLICIS AD ARAM RETV-
 LERVNT DEIN.....
 CANIPAS CONTIGERVN QVAS PER CALATORES
 DOMOS SVAS M.....
 EST SPORTVLIS X OT PACTVMEIO MAGNO L SEP-
 TIMIO FL.....
 IN CAPITOLIO PRO SALVTE IMP CAES M AVRELI
 COMMODI ANTO.....
 FRATRES ARVALES CONVENERVNT ET IMMOLA-
 VIT CN.....
 OM BOVEM MAREM IVNONI REG BOVEM FEMI-
 NAM A.....
 SALVTI BOVEM FEMINAM PROVIDENTIAE DEO-
 RVM.....
 L COSSONIO EGGIO MARVLLIO CN PAPIRIO AELI-
 ANO.....
 OB FERRI IN LATVM SCRIPTVRAE ET SCALPTVRAE-
 M.....
 STRVIBVS FERTISQUE PER M VSTIO NARCIS-
 SO KALAT.....
 C OCTAVIO VINDICE XV K IVN ET....
 PIACVLVM FACTVM OB FERRI ELATIONI SCRIPT...
 RACTI PORCA ET AGNA STRVIBVS FERTISQUE....
 KALATOREM ET PVBLICOS FRATRVM ARVALIVM



Vacua hæc pagina locum facit additioni ad Cap. X. M. Aquilii pag. 143. Legionem XI. appellatam Fretensem à Gaditano freto mirifice firmat inscriptio, quam Florentia in vinea Strozzi extantem descripsit Cl. Montfauconius. Legitur etiam apud Gruterum pag. 466. 5. sed valde corrupta.

D. M

A. SEIO. ZOSIMIANO
EQVIT. ROM. PRAEF. CO
HORT. III. BRACAR. AVG
TRIB. LEG. XI. CL. SVCCVIVAE
ET. DEC. ANTIATI. A. SEIVS
AFRICANVS. PAT. PISSIM. B. M. FECIT

Zosimianus militiam in Hispania ogebat, ubi sanctus est Praefectura Cohortis III. quæ à loco stationis Bracarensis Augusta vocabatur. Nam Bracarum opidum Augusta, Plinio lib. 4. cap. 20. ponitur in provincia Tarraconensi, & Ptolomæo est Bracara Augusta, lib. 2. cap. 6. Itaque Legio quoque XI. Succuvia dicitur, ab alia Hispania urbe Succubo, (nam frequentissimè B & V permixtantur) quam in Batia locat idem Plinius lib. 3. cap. 1. Et Succubitanum Municipium vocat Capitolinus initio vitæ M. Antonini Philosophi. Provincia Batia ad fretum Gaditanum porrigebatur. Hinc facile fuit, Legionem XI. mansisse etiam ad eundem fretum; atque uti Succuviam à priori statione, ita ab hac Fretensem appellatam. Habes in quinta linea Zosimianum fuisse Decurionem Antiatem; quo monumenta hujus Coloniae, de qua dixi cap. 1. locupletabis.

FINIS.

I N D E X

RERUM NOTABILIVM.

A



- Belio Deus.** [276](#)
Abraxas Basilidianorum, est Sol. [171.](#) num Mithra. [173](#)
Accensi, in magistratibus, qui. [32.](#) In militia. [34. 42.](#) Num in sacris. [35.](#) Plerumque ex genere Libertorum. [33](#)
Accensi Velati, fortasse qui sacris inserviebant. [36. 38.](#) An potius qui ad fores Principum adstabant. [41.](#) Vel ad judicum tribunal. [42](#)
ACENSUS, pro à *Censibus*. [44](#)
Acisculi originitio. [21](#)
Acisculus Martyr Cordubensis ex gente Valeria. [22](#)
Accipere verbum sacrorum. [203](#)
Aëte Neronis liberta. [121](#)
Adagium malè explicatum ab Erasmo. [241](#)
Adlesti Coloni qui. [340](#)
Admissionales qui. [39](#)
Adrastea, quare fundam gerat. [298](#)
Ægyptii serias natalitias Oculorum Ori celebrabant. [221.](#)
Undenam annum exordiebantur. *ibid.* Colebant Mithram. [241.](#)
Æneas cur sacrificans capite adoperto. [36](#)
Æsculapii Templum Antii. [17](#)
Æternitatis Symbolum. [184](#)
Agdestis Magnæ Matris Filius. [162](#)
Ager Aquilejensis habitatoribus vacuus post Gallos depulsos. [339.](#) Ejus amplitudo. [338](#)
Agyrtæ qui. [242](#)
Agricola Domitianum heredem scribit. [83.](#) Procurator Cæsarum. [88.](#) Consul suffectus. [89](#)
Alagabalus matrem in Senatu rogari jussit. [154](#)
Alberti Leandri error de Forojulio. [329](#)
Albina Balbina Patrona Pitinatium. [154](#)
Albinus Consul quo anno. [112](#)
Alexander Hieronymus, laudatus. [15. 27.](#) Ejus explicatio Commodiani de *Inviſto*. [163.](#)
Dissertatio de Natali ejusdem Inviſti. [223.](#) quæ examinatur. [224.](#) Commentarium in Kalendarium Constantin-

I N D E X

- stantinianum. 222 Antia Gens. 6.7.12
 Alexander Euphratesis Metro- Antiatinæ sortes examinatæ. 12
 politanus. 137 Antii Portus restitutus ab In-
 Alexandria, homines Mithræ nocentio XII. 3
 immolabantur. 214 Quando sacra sublata. 244 Antonius Præfectus Classis. 68
 Altanus *Henricus* Salvaroli Antonius Consul. 248
 Comes laudatur. 340 Antrum Mithræ, ejusque signi-
Alzar la Portiera. 40 ficatio. 181. In Antris sacra
 Ammonius Grammaticus. 200 Mithræ peracta. 200. Qui-
 Amphitheatrum quando fuerit fa- busnam in locis dicata. 198.
 cta dedicatio. 97. Tunc loca 238
 Fratribus Arvalibus, aliisque Apollo, fabulosè sumptus alius
 assignata. 102. Et quomodo a Sole 278. Physiologicè idē
 103 ac Sol. ib. Deus æthereus 279.
 Anicetus Libertus Præfectus populari religione non fuit
 Classis Misenatis. 70 Sol. ib. Ejus gesta ad vires So-
 Animalia domestica, alia ab ani- lis translata 279. Ejusdem
 malibus deserti. 235 simulacra non eadem quæ
 Anonymus Ravennas Geogra- Solis. 280
 phiæ vetus scriptor. 374 Apollonii Tyanæi Schola An-
Ante diem decimum, quem diem tii. 4
 significet. 103 Aqua rerum omnium princi-
 Antenor socius Pyrrhi in expe- pium. 192
 ditione in Epirum. 284 Aquaviva Franciscus laudatur.
 Antinous puer Adriani. 272. 40
 Ejus nummus. 293 Aquæductus Antii. 120
 Antiochenæ epochæ initium. 113 Aquæductuum cura distincta a
 Antium Urbs Volsorum. 2 munere operum publicorū.
 Patria Neronis, & Caligulæ. 106
3. Principum secessus. ibid. Aquileja, Urbs *Venetici*. 257. In
 Imperatorum *delicæ*. 4. Colonia Velinam relata. 336.
 Colonia ex legione iv. Italica. 3 Latina Colonia. 337. Civi-
 Antii Templum Fortunæ. 4 tate Romana donata ante
 Aesculapii, Dioscurorum. 17 Augustum. ibid. Quando ad-
 Ciceronis domus, & Biblio- missa in jus suffragii. ib. Ci-
 theca 148. Ludi ib. Mithras vibus destituta ob bella Istro-
 cultus. 238 rum. 339. Colonia æternū
 deducta. ib. Non fuit libera

RERUM NOTABILIMUM.

- 358.** Habuit Consules & alios Magistratus colonicos.
349. 360. 361. Collegium Augustalium. **366**
 Aquilejæ Templâ Belenî & Solis. **281**
 Aquilejenſe Capitoliũ . Vide Capitoliũ .
 Aquilejenſis Ager. Vide Ager.
 Aquilejenſis gens ſic appellata. **261**
 Aquilejenſium mulierum amor in Patriam. **315**
 Aquilia gens. **18. 19.** Ejus originationo. **23.** Aquilii plures. **25**
 M. Aquilius quando vixerit. **25.**
 Non fuit Accenſus. **33.** Fuit ex ordine equeſtri. **70. 91. 92.**
 Ejus inſcriptio quando excuſpta. **76.** Fuit Procurator in Urbe. **78.** Quando vexillationibus præpoſitus. **128.**
 Alias obtinuit dignitates, de quibus in ſingulis capitibus agitur.
 Archelai diſputatio cum Manethe. **210**
 Architectis vetitum ſuum nomen inſcribere operibus proprio ſumptu excitatis. **119**
 Arkarius quid. **240.**
 Ara permiſſu publico erectæ. **271**
 Aremorica coluit Belenum. **275**
 Areopagitæ Dionyſii, locus explanatus. **196**
 Armamentaria Decuria. **342**
 Arriorum gens Antoninum cognomen geſtavit. **93**
 Arvalium tabulæ nuper effoſæ. **94.** Exhibentur. **385**
 Arvales Fratres, nobiliſſimi. **103.** Eorum Collegium quot hominum numero conſtaret. **103.** Coronam ſpiceam geſtabant. **104**
 Aſcia instrumentum fabrile. **22.**
 Aſcia rogum polire, quid ib.
Sub aſcia, formula in ſepulcris. **356**
 Aſinius Pollio Verrucocoſuſ reſtitutus. **99**
 Aſpasia Sacerdos Solis. **202**
 Aſtarte Dea Syriæ. **274**
 Aſtorius Io: Antonius diſſerit de Deo Brotonte. **291**
 Atius Balbus Prætor in Sardinia ex nummo. **10**
 Attidis genitalia. **191**
 C. Aufidio Viſtorino Coſ. prænomen reſtituitur, & ſecundus Conſulatus firmatur, **384**
 Augusta Euphrateſia. **136**
 Auguſtæ nominibus Dearum appellatæ. **306. 312.** Junones dictæ. **306**
 Auguſtales Foro-Julienſis Coloniæ. **364. 365**
 Auguſti nomen Imperatori viginti tributum. **123.** Diis datum. **263. 265.** Idem ſanctus, & conſecratus. **264**
 Auguſtus Cæſar, ex Fabia Tribu. **29.** Etiam ex Scaptia. **335.** Abolevit nomen Cenſoris. **46.** Claſſes diſperſas in duas
D d d 2

I N D E X

- duas coëgit. 58. Nova officia
excogitavit. 106
Augustus Euphratensia ficitius
Episcopus. 138
Augustini Leonardi explicatio
Mithrae Abraxe. 250
Aurelianus agonem Solis pri-
mus instituit. 220. Ejus Pa-
tria investigata. 239. Ejusdem
Patera dono habita à Rege,
Perfarum. ib. Beli Sacra Ro-
mam transfert. 282
Aufonii testimonium de Bele-
no. 275
Austria Civitas, & Provincia
in Italia. 374 375-376

B

- B** Litera mutatur in H. 286
Bacchus, Sol. 194. Saba-
zius, Sebasius, & Sebadius
dictus. ibid. & 195
Barberinus *Franciscus* Cardin.
cum laude nominatus. 223
Barberina Bibliotheca. ibid.
Baronii error de anno Prefectu-
ræ Gracchi. 245
Barthius *Caspar* immeritò Fir-
micum reprehendit. 165. No-
tatus. 211
Bassilidiani Mithram colebant.
210. Eumque in Sole quæ-
rebant per numeros. 171.
Abutebantur divinis nomi-
nibus. 210
Baudelotius de Dairval male
Augustales fuisse Libertos
negat. 365
Belenatenfis, mons in Gallia à
Beleno. 276
Belatucadrus Britannorū Deus
276
Belbuk, bonus Deus. 273
Belenus deus patrius Aquile-
jenſium. 257. Dictus Belinus.
265. Malè Felenus à quibus-
dam. 266. An Tibelenus.
274. Ejus oraculum apud
Aquilejenſes. 258. Tempia.
268. 281. Aræ. ibid. Cultus
apud Gallos. 275. Et Noricos.
272. Num apud Germanos.
274. Plures ejus inſcriptio-
nes productæ, & explicatæ à
pag. 259. Dictus Augustus &
cur. 263. Bethel corrupte
apud Dandulum. 267. Fons
ei dicatus Aquilejæ. 271. Vo-
ta nuncupata. ibid. Idem ac
Apollo. 258. Unde in nu-
mismate Iyram pulſat. 280.
Non eſt Sol. 277. & ſeqq. No-
men non eſt à Beel, vel Belo.
276. & ſeqq. Origo inquiri-
tur. 283. & ſeqq. Fortaſſe ab
Heleno Trojano. 286
Belenus puer 272
Belinenſis Abbatia. 266. Ejus
origo. 281
Belinus idem ac Belenus. 265
Bellona dea Caſtrenſis. 312
Bellonus *Antonius* laudatus.
378
Beneventum colonia, dicta Ju-
lia Concordiâ. 347. Colonia
triumvialis. ibid.
Berengarius Imp. perperam Fo-
roli-

RERUM NOTABILIMUM.

rolivienſis appellatus. 333
Bibliothecæ inter opera publi-
ca, earum Curator. 108

Bieleſ, idolum apud Thurin-
gioſ. 274

Bis particula explicata. 27. *Bis*
Conſul an rectè dictum. 26

Blanchinus *Franciſcus* lauda-
tus. 4312

Blondus *Flavius* de patria Cor-
nellii Galli fallitur. 332

Bochartus *Samuel* refutatus. 9

Bolduci inepta Beleni origo.
276

Bona publicata, quæ. 77. Ca-
duca & *vacantia*. 87. In for-
mam patrimonii redacta. 76.
Incorporata. *ibid.*

Bona dea. 309. ſeqq. Pagana,
unde. 310. *Cereria*. 311. Num
Caſtrenſis. 312

Bonarota *Philippus* laudatus.
15. 179

Borghinus *Vincentius* Colonias
militares vindicat. 369

Boni cur Dii appellati. 310. 293

Bonus eventus quiſnam deus.
310. Ejus templum. *ibid.*

Bronton ſeu Broton, Juppiter.
291. Ejus ſimulacrum. *ib.*

Num pileatum, vel diade-
matum. 294

Broxas, locus apud Forum Ju-
lium. 379

Bucherius *Ægidius* minus rectè
explicavit nomen. *Inviſti*.
219

Bulengerus *Julius Caſar* reje-
ctus. 202

C

Abiri filii Vulcani. 22

Cadavera non condebantur
intra urbem. 215. Nec in
loco Deo ſacro. *ib.*

Caſariana epocha examinatur.
112. Ejus initium. 116

Caſar *Julius* Tranſpadanis do-
navit jus Romanorum. 327.
Inſtituit Forum Julii in Car-
nis. 324. Et in Gallia Narbo-
nenſi. 328. Gallis Tranſpada-
nis dedit jus Civitatis. 337

Calchedonenſis Concilii locus
correctus. 138

Caligula Antii ortus. 3. Tem-
plum Hieroſolymitanum,
ſibi dicari juſſit. 264

Callias Metragyrtes. 243

Calviſii *Sethi* obſervatio de
cenſu tempore Nativitatis
Chriſti rejeſta. 231

Calviſius Præſectus Claſſis. 68

Cancelli in aditu Principum.
39

Cancer, quid in tabulis Mi-
thrae. 189. Cancrī porta.
190

Candidi *Joannis* error de Tem-
plo Veneris. *Calvae*. 315. Idem
laudatus. 377

Cangius *Carolus* laudatus. 55

Canis quid in tabulis Mithrae.
189

Capacius *Julius Caſar*. 161

Capitolium reſtitutum. 93.
Ejuſdē nova reſtauratio. 95.

De-

Dedicatio quando per Titum facta.	97	Centurio rerum nitentium quis.	103
Capitolia Urbium.	316	Cereria. Vide Bona Dea.	
Capitolium Aquilejense. <i>ibid.</i>		Chalcedonenſis Concilii. Vide Calchedonenſis.	
Capodaleus <i>Joannes Joſephus</i> , collegit inſcriptiones Aquilejenſes. 290. Quæ ſcripſerit. <i>ibid.</i>		Charaſteres inſcriptionis M. Aquilii.	25
Carnea feſta Apollinis.	287	Chorerius <i>Nicolaus</i> temere tribuit Viennæ lapides Aquilejenſes.	269
Carnia Regio Venetiæ. <i>ib.</i>		Chyndonaſtes an princeps Sacerdotum Mythræ. 215. & ſeqq.	
Carnorum gentis origination. 288		Chriſti natalis. Vide Natalis.	
Carni, ſub Gallorum nomine contenti. 327. Memorati in lapide Tergeſtino.	359	Chriſtiani haud celebrabant feſta cum Gentilibus, & Judæis.	236
Carnutum in <i>Gallia</i> . 287. Sedes Druidarum.	288	Chryſoſtomus D Joannes oſtendit, diem Natalis Domini Romæ haberi certiffimum.	230. 232
Carnuntum Urbs Pannoniæ. 288. Carnuntus Deus.	289	Ciceronis domus, & Bibliotheca Antii.	148
Catanæus <i>Joannes</i> locum Plinii junioris male de Foro-Julio Italico explicat.	372	Cimbriacus <i>Æmilianus</i> Poeta laudatus.	377
Cejonii Ruſii Inſcriptio illuſtrata.	111	Circenſes ludi in honorem Mi-thræ.	219
A Cenſibus eſſe quid.	49	Circii venti Templum.	299
Conſere equites quid.	49	Civiſitanum municipium.	150
Cenſiones.	48	Civitas Auſtria. Vide Auſtria.	
Cenſitor Provinciæ.	46	Clagenſurtum Opidum Nori-ci, ubi Michras cultus.	240
Cenſores Aquilejæ.	361	Claffarii milites. 62. An Legionarii.	<i>ibid.</i>
Cenſoris dignitas, & poteſtas.	46	Claffis, Monafterium Raven-næ ubi fuit Portus.	57
Cenſoria poteſtas privatis tradita ab Imp.	48	Claffis Præfeſtus. 67. Dignitas equeſtris.	69
Cenſoria nota.	52		
Cenſorius homo.	48		
Cenſura oris.	48		
Cenſus Codices Romæ ſervati.	231		
Cenſus equitum Romanorum.	42. 4		

RERUM NOTABILIMUM.

- Classes vagae ab Augusto in-
duas coactae. [58](#)
- Classis Miseni, & Ravennae ad
tutelam superi, & inferi ma-
ris. [ib.](#)
- Classis Ravennae servata ab Im-
peratoribus post Augustum.
[59](#). Quot navibus constaret.
[60](#). *Praetoria* cur. [65-67](#)
- Claudia Tribus. Vide Tribus,
& Concordia.
- Claudia Legio XI. dicta. [143](#).
Ejusdem nummus. [144](#)
- Claudius Imp. Censor. [47](#). Ejus
oratio ad Senatum pro Lug-
dunenſibus. [90](#)
- Cluverius *Philippus* perperam
Suetonium reprehendit. [57](#)
- Cœlestis Dea Africae. [275](#)
- Coelum velo significatum. [185](#)
- Colonia Aquileja. Vide Aquileja.
- Colonia Concordia in Foroju-
lio. [340](#)
- Colonia Foro-Julienſis. [324](#)
- Coloniae militares à quo pri-
mum traductae. [2](#)
- Coloni non semper habebant
sacra, & leges cum Roma-
nis. [ib.](#)
- Coloniae definitio. [328](#)
- Coloniarum duo genera. [328](#)
Militares à Legionibus no-
men adeptae. [329](#)
- Coloniae post Civitatem Ro-
manam impetratam in Tri-
bum adscriptae. [330](#). Civium
Romanorum donabantur ju-
re Quiritium. [337](#). Latinae
quae; ib. Ante legem Juliam
suffragiis caruerunt. [ib.](#)
Coloniae lege triumphali dedu-
ctae. [346](#). *Juliae* non omnes à
Caesare deductae. [ib.](#) [347](#)
- Coloniarum symbolum. [369](#).
Magistratus. [349](#). Earum di-
gnitas illustris asserta. [369](#).
[370](#)
- Coloni Aquilejenſibus quot
jugerum territorium assi-
gnatum. [338](#)
- Coloni non assignabantur res
incultae. [339](#)
- Coloni adlecti, & adjuncti. [340](#)
- Colloredus *Leander* Cardinalis
laudatur. [341](#)
- Comes privatarum, & patri-
monii quis. [73](#)
- Comes privatarum parabat men-
sam Principi. [74](#)
- Comes publicae, & privatae rei.
[77](#)
- Comes formarum, idem ac cu-
rator Aqueductuum. [107](#)
- Comes riparum & alvei Tide-
ris, ac cloacarum, idem ac
curator. [108](#)
- Comes Romanus, idem ac cu-
rator statuarum. [108](#)
- Commodianus Poeta. [162](#). Ejus
versus explicati. [163](#)
- Commodus humanas hostias
instauravit. [213](#)
- Concordia Colonia Foro-Julien-
ſis, ex tribu Claudia. [336](#).
[340](#). Ejus origo [345](#). Cur [78](#)
[lia](#). [346](#). [347](#). [348](#). Ejus Magi-
stratus. [342](#)
- Con-

I N D E X

- Concordiæ Julæ plures Colo-
niæ sic dictæ. [345](#). Concordiæ
symbola à Triumviris
usurpata. [347](#)
Concordienfis fabrica. Vide fa-
brica. [191](#)
Consentes Dii. [256](#)
Consules suffecti in tabulis Ar-
valium. [100](#)
Consules Aquilejæ. [360](#)
Conventum indicere. Vide fo-
rum. [100](#)
Coracica sacra Mithræ. [190.202](#)
[206](#)
Coraces sacrificuli Mithræ. [190](#).
[202](#)
Corippus Poeta. [220](#). Ejus lo-
cus de Sole novo. [227](#)
Cornelius Fuscus Classis Ra-
vennatæ Præfectus. [69](#)
Cornelius Verus alius à Corne-
lio Tacito. [89](#)
Corona spicea insigne Fratrum
Arvalium. [104](#)
Correctio vetustorum lapidum
quando exercenda. [43](#)
Corvi dicti subministrantes Mi-
thræ. [202](#)
Corvus Ales Apollinis. [190](#).
Quid notet in tabulis Mi-
thræ. [ibid.](#)
Costaguti Cardinalis Villæ
Antii. [4](#)
Chronici Alexandrini error in
Antiochena epocha designan-
da. [112](#)
Cryphii cur ostensi & quomo-
do in sacris Mithræ. [205](#)
Cubicularæ imagines. [11](#)
Cujacius Jacobus laudatus. [77](#)
Culina Deorum. [308](#)
Cumis spelgum Mithræ. [238](#)
Cunobileni numisma. [280](#)
Cuperus *Gisbertus*. [161. 173.](#)
[191](#)
Cura viarum, & alvei Tiberis.
[107](#)
Curator operum publicorum
idem ac Procurator. [106](#). Ex
illustrioribus familiis sume-
[batur.92](#). Eadem opera dedi-
cabat. [109](#). Locum exstruen-
dis assignabat. [110](#). Statuisq;
ponendis. [111](#)
Curator riparum, & alvei Ti-
beris. [108](#)
Curator Statuarum, & ejus
munus. [108](#)
Curatoris nomen in operibus
publicis quid designet. [117](#)

D

- In **D**acia Mithras cultus.
[239](#)
Dandulus *Andreas* emendatus.
[267](#)
Daduchus quid in Adagio apud
Erasinum significet. [243](#)
Datus Carolus immeritè putat
Livium errasse in sermone
Latino. [64](#)
Dea Dia, quæ fuerit. [101](#). Ejus
lucus viâ Campanâ. [384](#)
Decretum eligendi Patronum
in coloniis. [151](#)
Decuria equitum. 50. Arma-
mentaria. [342](#)
De-

RERUM NOTABILIMUM.

Decuria armamentaria Concor-	Dii magni Penates appellati.
dienfis. <u>340</u>	<u>11</u>
Decuriæ de pluribus quam decem distæ. <u>342</u>	Dii municipales. <u>201.256.257</u>
Decuriati equites. <u>50</u>	Dii Patrii. <u>256</u>
Decuriones, creabant Magistratus in Coloniis. <u>350</u> . In Coloniis locum ponendæ statuę designabant. <u>111</u> . Dicebantur, Ordo, publicum Consilium, & Senatus. <u>259</u>	Dii tutelares boni. <u>274</u>
Dedicatio Capitoli quando per Titum facta. <u>97</u> . Operum publicorum ad Curatores spectans. <u>109</u> . Templorum, & Aedium ad Pontifices, & Imperatores. <u>110</u> . Non fiebat à privatis absque decreto Senatus. <u>110</u>	Dii Selecti. <u>279</u>
Delmaticus Cenfor. <u>47</u>	Dio Cassius notatus <u>47</u> . Explicatus de nominibus Legionum. <u>143</u> . Falsus in morte Scriboniani. <u>134</u>
Delphinus <i>Dionysius</i> Patriarcha Aquilejensis cum laude memoratus. <u>382</u>	Diocletianus Aquilejæ statuit Templum Solis. <u>281</u> . Et cur. <u>282</u>
Deorum multitudo. <u>255</u> . Varia genera. <u>256</u>	Diomedis Templum apud Timavum. <u>320</u> . Eidem albus equus immolabatur. <u>ib.</u>
Deserti animalia. <u>235</u>	Dionysius regno pulsus Metragyrtem agit. <u>242</u>
Deflicia gens incognita antiquariis. <u>343</u>	Dioscurorum Templum Antii. <u>17</u>
Deus cuique Regioni, & genti Præfes. <u>236</u>	Divionensis inscriptio explicata. <u>214</u>
Deos non omnes heredes instituere licebat. <u>85</u>	Domitianus Antio delectatur. <u>4</u> . Cenfor perpetuus. <u>46</u> . Non fuit solus Cenfor post Augustum. <u>47</u> . Perfecit restorationem Capitoli à Tito ceptam. <u>95</u>
Diaconus Paullus Civis Forojulienfis. <u>323</u> . Perperam Foroliviensis appellatus. <u>332</u> . Ejus loci illustrati. <u>375-379</u>	Domna Bona. <u>311</u>
Dianæ labrum. <u>313</u>	Domna Julia vxor Severi. <u>312</u> . Mater Castrorum dicta. <u>ibid.</u>
Dianæ lucus Straboni memoratus fuit extra Carnos. <u>321</u>	Domo in inscriptionibus Patriam significat. <u>344</u>
	Donaria in Templis alienorum deorum oblata. <u>262</u>
	Druides apud Britannos. <u>276</u> . Mystæ Beleni. <u>ibid.</u>

INDEX

E

F

- E** *Gnatus* Postumus Consul
suffectus. 100
- Eliaca ostendere quid in Mi-
thracis. 206
- Elias Patriarcha Aquilejensis
Templum Beleni in Cæno-
bium mutat. 267. 268
- Epocha Cæsariana examina-
tur. 112. Antiochena. *ibid.*
- Epulum emortuale. 318. Jovis.
319
- Equestris ordinis *cenfus*. 49. Ex
eo iudices sumebantur. 51.
- Erat etiam in coloniis. 368
- Equites Romani quomodo de-
lecti. 49. 50. Decuriati. *ibid.*
- Nudati* quid. 52. Eorū trans-
fectio & probatio. 54. A
Censoribus notati. *ibid.* An
omnes equo publico mere-
rēt. 49. Equites *pueri*. 50. 368
- Equo publico donatus. 367
- Eralmi explicatio vocabulo-
rum in sacris Mithræ rejecta.
201. Ejusdem lapsus in inter-
pretatione Adagii. 243
- Euphratenfis, & Euphratesia
Provincia 137. Cur Augu-
sta vocata. 139
- Eusebii Metachronismus. 94.
- Ejusdem Codd. Gallum Poe-
tam Forojulensem faciunt.
332
- Exaciscitare* quid significet. 355.
- Ex *visā idem* ac per somnium.
302
- F** Aber *Petrus* minus recte
accipit locum S. Ambro-
sii. 174. Leonos *Mithras* apud
Tertullianum male interpre-
tatur. 202
- Faber *Tanaquillus iniquus* in-
Titum Livium. 64
- Fabia Tribus. 28
- Fabrettus Raphael* laudatus. 15.
26. 35. 82. Moritur. 66. Re-
linquit opus imperfectum.
ibid. Inscriptionem Foraju-
licensem Forolivio attribuit.
331. *Passim citatur.*
- Fabrica* Concordiensis Sagitta-
ria. 342. Mantuana Loricaria.
ib. Veronenfis scutorum. *ib.*
- Falerina Tribus. 345
- Familiarum insignia. 10
- Familie à locis appellatae. 6
- Famuli Divi, in Tabulis *Arva-*
lium. 101
- Fasti Consulares *restituti ex*
Tabulis Arvalium. 98. 384
- Fatum, & fatalis necessitas. 297.
- An Jupiter ipse, vel pote-
stas supra Jovem. *ibid.*
- Fata victricia. 298
- Felenus nullus Deus Aquile-
jensium. 266
- Felix cognomentum. 23. Ur-
bium epitheton. 55
- SS. Felices & Fortunati Aſta.
316
- Feminae Patronæ Coloniarum.
153. In earum ambitionem
inve-

RERUM NOTABILIMUM.

- invehitur Cœcina. *ibid.* Noni-
minibus Dearum appellatæ. 264
- Feræ paganicæ. 309. Ori. 221
- Feronia Dea Sabinorum. 8
- Fiscalia erant Patrimonium.
Principis. 72. Quid comple-
terentur. 73
- Firmicus *Julius* defensus con-
tra Barthium. 165
- Flamen Augustalis. 367
- Flameum. 36
- Flavius Silva Nonius, Consul
restitutus. 99
- Florentia ex Tribu Scaptia. 336. Num tantum in hac Ur-
be lingua Italica purior. 64
- Fonion Deus quis. 295
- Fontaninus Justus. 223. 332.
374-376
- Fontes Dii. 271
- Formæ conceptacula aquarum.
107
- Formula votorum. 98
- Forolivienses perperam Corne-
lium Gallum, Berengarium,
& Paullum Diaconum suos
faciunt. 332. 333
- Fortensis Legio. 142
- Fortuna inter Penates adscri-
pta. 10. In cubiculo Impera-
torum. 11. Equestris. 16. Ejus
Templum Antii celeberrimum. 4
- Fortunæ Antiates, sorores di-
ctæ. 5. Geminæ. 15. Num-
per sortes responsa reddide-
runt. 12
- Forum agere quid. 325
- Forum Julii Civitas Carno-
rum. 322. Quando à Cæsare
institutum. 324. 325. Colo-
nia Mediterranea. 326. Mili-
taris. 328. A Julio Cæsare
jus Civitatis Romanæ obti-
nuit. 328. In tribum Scap-
tiam adscripta. 331. 335.
Quando Colonia deducta. 348.
Habuit magistratus, &
Sacerdotia Colonica. 369.
Quæ recensentur & expli-
cantur. 349. 361. 364. 367.
Habuit ordinem equestrem.
368. Obscurior florente.
Aquila. 373. Colonia illu-
stris. 373. Variis nominibus
appellata. 374. & seqq.
- Forum Julii Colonia Galliæ
Narbonensis. 328. Pacensis &
Classica. 329. Colonia Octa-
vanorum, militaris. *ibid.* Pa-
tria Valerii Paulini. 372
- FR. explicatio. 135
- Fretensis Legio. 135. Unde di-
cta. 141. Ejus varia nomina.
142. 143.
- Fumentaria Romanorum tria.
59
- Fumentarii munus. 130
- G
- Galli trans Padum Venetos,
& Carnos complecteban-
tur. 327
- Galli Cisalpini in societatem
Romanam admissi. 337
- Galli Apollinē coluerunt. 281
- Eec 2 Gal-

- Gallorum Opidum in Forojulio. [323](#)
- Gallus *Cornelius* Poeta, forte ex Gente *Cornelia* Aquilejensi. [268](#). Fuit ex Colonia Forojulienſi. [332](#)
- Generatio rerum ſub ſymbolis Mithræ figurata. [180](#). & ſeqq.
- Apud *Ægyptios* triangulo designata. [197](#)
- Genius, Deus natalis. [305](#). Duplex. [306](#). Feminarum Juno. [305](#)
- Gentianus, Conſul ſuffectus. [100](#)
- Gentiles ſomnia a Deo immiſſa putabant. [302](#)
- Gladius Mithræ. [188](#)
- Gothofredus *Jacobus*. [41](#). Ejus error de anno Præfecturæ Gracchi. [245](#)
- Gracchus, quo anno Præfectus Urbis exſiſterit. [246](#)
- Gratianus Imp. ſuſtulit viceſimam hereditatum. [82](#)
- Gronovii *Joannis Friderici* error in loco Plinii junioris explicando. [373](#)
- Gruteri inſcriptiones correctæ. [331](#). [333](#). [341](#). [391](#)
- Guthrieus *Jacobus* notatus. [82](#). [203](#)
- Gryphii initiati Mithræ. [202](#)
- Gyraldi *Lilii* error de Feleno. [265](#)
- Hæpe mutatur in B. [286](#)
- Hadrianus titulos reſpuit in operibus publicis. [118](#). Humanas hoſtias ſuſtulit. [213](#)
- Harduinus *Joannes* notatus. [150](#). Errat in die natalis Jeſu Chriſti adſignando. [228](#). & ſeqq.
- Helenus auctor *Anſenoreæ* expeditionis in Hadriaticum. [285](#). Apollo vocatus. ib. Ut Deus cultus. [286](#)
- Heneti cum Trojanis ad Hadriaticum ſiſtunt. [284](#)
- Hereditates Imperatoribus Roman. in teſtamenti privatorum relictæ. [83](#). [84](#). A malis per ſcelus quaſitæ. [84](#). Ingentes divitias iis conſtabant. [85](#). Procuratoribus peculiariſibus adminiſtrabantur. [83](#). [86](#)
- Hereditates patrimonii privati, quæ. [86](#). Caducæ, & vacantes. [87](#). Reip. & Urbis Romæ. [88](#)
- Hereditatum viceſima. Vide viceſima. Hered. adminiſtri, qui. [87](#). Statio. [90](#).
- Herennius ſecundus Conſul ſuffectus. [100](#)
- Hermannus Godefridus notatus. [47](#)
- Herodoti locus difficilis. [174](#). [175](#)
- Herwartus *Joannes*. [117](#)
- Hie-

RERUM NOTABILIMUM.

Hierocoracica sacra Mithriaca. Luna. 187. Sanitatis præfes.
190 314. Aquilejæ culta. ibid.
Horta Urbs Etruriæ. 6 Iterum particula explicata. 27
Hortensia familia ab Horta ur-
be. ibid. Judex veli. 41
ibid. Jugerum Romanum quot pe-
dibus constaret. 339

I

Ignem cum Mithra & Sole.
invocabant Persæ. 163. An
cultu tantum civili, vel pot-
tius religioso. 168. Deus ha-
bitus, & quomodo. 169.170.
Imperialis *Joseph Renatus* Car-
dinalis cum laudatione nun-
cupatus, in *Præfatione*. Ejus
Bibliotheca. ibid.
Imperatores nominibus Deo-
rum appellati. 264
Imperatrices. Vide Augustæ.
INF. quid significet. 356
Inscriptionis M. Aquilii ætas.
25

Intimilium ex Tribu Falerina. 321
345 Junones Genii *feminarum*. 305.
dictæ Augustæ. 306.307

Invictus Deus quis. 162. Mi-
thras. 179. 223. Ejus natalis.
228 Juppiter in duas potestates di-
visus. 176. Tonans idem ac
Bronton. 291.292. Barbatus.

Jopher niger. 274
Josephi Flavii Codices Græci
corrupti. 100
Jovis Templum Aquilejæ. 316.
Jrenæus à Cruce Auctor Histo-
riæ Tergestinae. 334. Perpe-
ram putat Tergestem fuisse
veram Rempublicam. 358.
Semel iterumque correctus.
ibid. & 359

Ius terra. 178. Ejus caput ser-
pentibus cinctum. 186. Est

K

Kalendarium Constantinia-
num. 223

Lab-

I N D E X

L

- L** Abdacus, an filius Mithræ hominis, vel Sacerdos Mithræ. [216.217](#)
- Laberius Max. Procurator in Judæa. [97](#)
- Labreus Jupiter. [292](#)
- Labrum. Vide Diana.
- Lambecii *Petri* interpretatio N. Invisi rejecta. [219](#)
- Lamiæ *Aelii* Consulis cognomen, & prænomen nunc primum indicatum. [96.97](#)
- Langii *Wilbelmi* sententia de annis Lunariis perpenſa. [204](#). Explodit argumentum Scaligeri de natali Christi. [233](#)
- Lanuvium municipium. [8](#)
- Lararium quid. [11](#)
- Larices arbores Phaetontiad. [20](#)
- Larvatorum ludicra Kal. Jan. [208](#)
- Latina Coloniam non quæ ex Latio, sed quæ jus Latii acceperant. [337](#). Suffragiis caruerunt ante legem Juliam. *ib.*
- Lavationes cur adhibitæ in sacris Mithræ. [225](#)
- Lazii *Wolfgangi* sententia de Legione Fretenſi rejecta. [136](#). Idem confundit Legionem Fretenſem cum Ferratenſi. [140](#)
- Lectiſterna Deorum. [318.319](#)
- Legio X. Fretenſis cur appella-
- ta. [136](#). & ſeqq. Eadem Ferratenſis [140](#). Et Gemina. [141](#)
- Legio XI. cui Aquilius præpoſitus. [132](#). *Claudia* nuncupata. [133](#). *Pia* & Fidelis. [134](#). Cur etiam Fretenſis, variæ conjecturæ. [143](#). & ſeqq. & [392](#). Diversis locis ſtativa habuit. [142](#)
- Legio quot hominibus conſtare. [338](#)
- Legio octava Pacenſis, unde nomen Foro-Julio Narbonenſi. [329](#)
- Legiones Provinciis designatæ. [59](#). Civibus conſtabant. [62](#). Earum ſigna. [145](#)
- Leones dicti Sacerdotes Mithræ. [202](#)
- Leontica, Coracica &c. ſacra. *Mithræ*. [201](#). Oſtenſa populo ſtatim diebus. [204.206](#)
- Leonticis iniciandi, melle manus lauabant. [211](#)
- Leunclavii *Joannis* lectio in Dione reſtituta. [48](#). Idem correctus. [99](#)
- Liberti Auguſtales. [365](#)
- Liburnæ naves militares. [61](#)
- Liceti *Fortunii* explicatio Inſcriptionis Divionenſis expenſa. [215](#)
- Ligſootus male textus Talmudicos interpretatur. [234](#)
- Limes terminus Sabbaticus. [235](#)
- Lingua Italica an Florentiæ dumtaxat purior. [64](#). *Phrygia* non diverſa à Græcâ. [288](#)

RERUM NOTABILIVM

Lipſius <i>Jaſtus reſectus</i> . § 1. Sup-	Procurator.	83
pletus. 94 . Defenſus adver-	Magiſter Admiſſionum , qui	
ſus Salmatiſium. 125	nunc <i>Maſtro di Camera</i> .	40.
Livia dicta Juno, & Diana Lu-	Ejus munus.	39
cifera. 306	Magiſtri Quinquennales .	363.
Livius de inſcitia Latini ſer-	364	
monis perperam accuſatus .	Magiſtræ ſacrorum mulieres .	
64	311	
Lucernæ DIs Penatibus dica-	Magiſtratus in Coloniis . Vide	
tae. 11	<i>Coloniæ</i> . Aliquando ho-	
Luciferi curruſ. 193	nor, ſepius oneri <i>habiti</i> . 351 .	
Lucilius Baſſus Ravennatiſ, &	352. Coloniæ Aquilejen-	
Mifenatiſ Clauſium Præfe-	ſiſ, Foro-Julienſiſ, & Concor-	
ctus . 69	dienſiſ. Vide ſub hiſ tituliſ.	
Lucuſ Dianæ, & Junoniſ . Vi-	Curatorum operum publ.	
de Junoniſ & Dianæ.	duobuſ conſtabat. 110	
Luduſ idem ac ludio. 207	Manæ Aug. ſimulacrum Pan-	
Lugdunenſe æreiſ tabuliſ con-	theon in nummo. 312	
ſignant orationem Claudi	Maneſ defunctorum animæ, ſub	
Cæſeriſ. 90	Ditiſ poteſtate .	304
Lugduni cultuſ Mithraſ. 239	Maneſ hæreticuſ, Mithræ ſacer-	
Luna in tabuliſ Mithræ per bo-	doſ. 206 . Vocatuſ ab Arche-	
vem figurata. 181. Cur bicor-	lao <i>Ludio</i> , & <i>Mimuſ</i> .	207 .
niſ. 184 . Cur una cum Mi-	Unde ejuſ impia doctrina de	
thra. 185 . Lunuſ dicta . 187 .	duobuſ principiis ?	<i>ibid.</i>
Unico equo veſta. 193 . Iſiſ	Manichæi Solem Chriſtum pu-	
ac Terra. 188	tabant. 211	
Luni effigieſ. 188	Manuſ velabant diiſ ſupplican-	
Lupuſ <i>Chriſtianuſ</i> notatuſ. 140	teſ .	37

M

M Abillonii <i>Joſ</i> lauſ . 134	Marquarduſ de Suſanniſ .	266 .
Maceria quid. 307	377	
Mænianuſ in Amphitheatro .	Maruſ Phonion , ſeu Fonion di-	
103	ctuſ. 295	
Madriſiuſ <i>Nicolauſ</i> laudatuſ .	<i>Maſtro di Camera</i> . Vide Magi-	
257	ſter Admiſſionum.	
Magiſter rei privatæ idem ac	Matragyrteſ .	241
	Ma-	

I N D E X

Maxentius Patriarcha Aquil.
extruit Abbatiam Belinen-
sem. 281

Maximinus obsidet Aquilejam.

315

Mediolani cultus Mithra. 238

Mel in sacris Mithræ. 210. 211

Menin Luna. 195

Mestres pro Mitres malè legit

Kircherus. 216

Metragyrtes mysteria magnæ

Matris circumferebant, sti-

pem quærendo. 242. Athenis

frequentes. ib. De his scoma

Iphicratis. 241. Et Anti-

sthenis. 242. Facta descriptio

ab Appuleio. 243

Milites classarii, an legionarii.

62

Militares coloniæ. Vide Colo-
niæ.

M.N. sigla explicata. 356

Ministri ad fores, qui. 40

Ministræ dearum. 311

Misitheus Rempubl. Romanam

heredem instituit. 87

Missus equorum in ludis Cir-

censibus. 220. Quot Mithræ,

& Imperatorum natalibus

dicati. ibid.

MITHRA Sol, vel epitheton

Solis. 165. 166. Non tamen

Apollo. 282. A Persis origo

vocis. 167. Et religionis. 166.

Idemque ignis, & simul cum

igne invocatus. 169. Unde

ejus sacra ad ignis potestatem

translata. 163. Et Mithra di-

ctus inspector & moderator

ignis. 213. An pro deo habi-

tus apud Persas discutitur.

168. Nomen in numeros re-

solutum Sol est: 171. Venus

apud Herodotum. 173. Et

cur. 176. An idem ac Abra-

xas, & Harpocrates. 173. Cur

alatus. 172. In antris coleba-

tur ex instituto Zoroastris.

181. 200. Qui mos ad Ro-

manos traductus, spælea, seu

antra plura ei dicata. 201. E

petra natus fingebatur. 163.

209. 225. Fur boum. 165.

183. Et vultu Leonino. 182.

Dictus Inuictus. 163. 179.

Pileatus à D. Augustino. 210.

Triplex, seu Triplaxom. 196.

Mediator. 207. Et demum

Multinominis. 173. Romæ

maximus Mithræ cultus.

201. 237. Quando primum

inductus. 243. Aliis quoque

locis colebatur. 239. & seqq.

Mithra, vocatur etiam Mithras.

Mithres, & Mithre. 166. 167.

174. 214

Mithræ sacra & mysteria hor-

renda retegere Christianis

haud indignum. 199. In an-

tris agebantur. 200. 201. Va-

riis nominibus appellata,

Leontica, Eliaca, Patrica,

Coracina. Vide sub his ver-

bis. Quæ tradita & ostensa

dicebantur. 203. Ad imita-

tionem sacrorum Christianæ

religionis instituta à Paga-

nis. 209. 225. In his homines

ma-

RERUM NOTABILIMUM

inaſtati. 213. Ad divinationem, & animas incantandas. 214. Primiſſi Alexandriæ abolita. 244. Quando Romæ, latius inquiritur. 245.
 Mithræ Sacerdotes, ferarum nominibus appellati. 201. 202. Imò & animalium figuras induebant, cum ſacra publicè peragerent, quæ ſtatis diebus fiebant. 203. & ſeqq. Unde *Ludiones* & *Mimi* vocati. 206. Id quomodo fieret, conſectura. 208. Antequam initia Mithræ ſuſciperent, vario tormentorum & cruciatuſu genere probabantur. 211. 212. An gradus hi probationum duodecim, vel octoginta. ibid. Ritus quoque aliqui ad imitationem Chriſtianorum induſti. 209. 225. Mel initiatis tradebatur. 210. 211
 Mithræ, ſeu Inviſti Natalis colebatur Romanis die xxv. Dec. 219. Alia vide verb. *Natalis*.
 Mithræ nomen hominibus inditum. 217. An proprium cognomen Sacerdotum primorum. 216. Num Mithræ lucus dicatus in inſcriptione Divionenſi. 214. & ſeqq.
 Mithræ ſollemnia ſtatis diebus celebrata. 204. 221
 Mithræ ſymbola in gemma abraxea. 249. Simulacrum æneum. 251
 Mithræ ſimulacra variis figuris

& ſymbolis expreſſa. 159. Quæ ſingulatim explicantur, & ad rerum generationem referuntur. 180. & ſeqq. In his Mithra ſub antro Tauri cornua torquet. 187. Et gladio ferit. 188. Ejus ſedes juxta Æquinoſtia. 183. Cur adſtant animalia, Canis, Serpens, Scorpius, Cancer, Corvus. Vide ſub his vocibus. Pueri facem præferentes. 192. Vas. 192. 252. Vetuſtum ſimulacrum, & inſcriptio, in quibus Luna & Mithra, variè exponuntur. 184. 185
 Mithragyrites nequaquam legendum apud Ariſtotelem, ſed Metragyrites. 243
 Montelaticus *Dominicus.* 160
 Montſauconius *Bernardus* laudatus. 134. 212. 261
 Morbo affecti in templis pernoſtabant. 303
 Morettus *Antonius S.I.* 239
 Mulieres Aquilejenſes. Vide Aquilejenſes.
 Mulieribus ſtatux poſitæ. 155. Vide *Patronos*.
 Municipales Dii. Vid. Dii.
 Muratorius *Antonius Ludonius* laudatus. 177. 201. 247. Ejus ſententia de Mithra à Sole diſverſo ad criſim vocata. 177. De Sabazio. 195
 Muſſidius, Frater Arvalis ex nummo. 104

Nama Sebesio quid in veteri inscriptione. 193.194.

252

Natales Cæsarum Missibus celebrati. 220

Natalis Mithræ cur 25. Decembris. 222. Oppositus Natali Christi. 224. Ejus causa physica. 225. & seqq.

Natalis Christi Domini variæ sententiæ. 229. Semper celebratus 25. Decemb. apud Latinos. 230

Natifo fluvius in Foro Julii.

322

Neapolis fuit spelæum Mithræ.

238

Nemeles dux. 15

Nemeles & Adrastea vis divina.

298

Neptunalia festa Ravennæ & Romæ. 65

Nero Portum Antii exstruit. 3

Nicetæ dubitatio de Mithra, rejecta. 177. Ejus lectio ex Cod. Mediceo. 212

Nomenclator a censibus. 44

Nomen privatorum non ponebatur in operibus publicis titulo principis consecratis.

118. Nec ab ipso extructis. ibid.

Nomen artificum inscribebatur tantum in operibus privatis, & obscuris. 120

Nomina familiarum ab Urbi-

bus deducta. 262

Noriei coluerunt Mithram. 239

Noricum habuit Procuratorem. 71. Tabularium & Arcarium. 240

Notisius Henricus Cardinalis laudatus. 98. 103. Ejus sententia de Foro Julio. 379. Sæpius citatur.

Notæ contractæ. 43

Numeri vexillationes ex Legionariis. 129

Numismata Triumvirorum consista. 324

Nummia Veria Patrona Peltuinatum. 153

Mummi explicati, quorum aliqui sunt etiam delineati. Acisculi. 21. C. Antii, Dei Penates. 6. M. Antonii & Cleopatæ. 68. M. Aquilii. 23.

Aquilii Flori. 19. Atii Balbi. 8. Boni Eventus. 310. Diocletiani. 298. Gallieni, plures. 144. Larisculi. 20. Leonis. Imp. 56. Poblirii Malleoli. 21.

Mullidii Longi. 104. Neronis. 3. Sex. Pompei. 67. Pomponii Mulsæ. 19. Ravennæ urb. 55. Q. Rustii. 5. Sardi Patris. 10

Nummi tantum indicati aut descripti. Augusti. 160. Alexandri Theopatoris. 144. M. Antonii. 62. 348. Col. Butroti. 362. Claudii Imperat. 47. 53.

Gentium Copponiæ, Cordiæ, Juliæ, & Rubriæ. 12. Cornuficii. 10. Faustinae Imp. 306.

Col.

RERUM NOTABILIVM.

- Col. Foro-Julienſis in Gallia. 329. Furii Craſſipediſ. 21.
 Gallieni. 329. Getæ & Caracallæ. 268. Col. Hadrumenſinæ. 345. Juliarum, Domnæ. 312. 345. Mamæ. 312. Et Pia. 306. Liviæ. ibid. Muſſidii Longi. 348. Q. Naſſidii. 67. Poppææ. 306. Severi. 295. Theſſalonica. urb. 22. Titi. 4. 47. Triumvirorū 347. Veſpaſiani. 47. Vitellii. ibid. Vocconii Vituli. 20
 Nuncupationis formula. 96
 Nuptius Ferdinandus laudatus. 7
- O
- Octavianorum Colonia. Vide Colonia.
 Oſtavius milites deduxit in Colonias Italicas. 346
 Oculorū Ori ſeriæ apud Agyptios. 221
 Officium Procuratoris operis publici inventum ab Auguſto. 106
 Olympiades in Inſcriptionibus Latinis nuſquam memoratæ. 381
 Opera publica, quæ. 106. ad 109. Operum publ. curam diſtinxit Auguſtus. 106. Ea claris viris demandata. 93. Operibus publ. nomen inſcribere, quibus vetitum. 117. 118. Alia quære verb. Curaſtor.
- Opilius Macrinus privatae rei Procurator. 89
 Ordo Aquilejenſium. 259
 Oromaza Deus Perſarum. 207
 Offendere, quid in ſacris ſignificet. 205
 Ottobonus Petrus Cardinalis laudatus. 94
 Ovidii locus explicatus. 52
- P
- P. varia interpretatio. 130
 Paduani Alexandri errores reſelluntur. 333
 Pagana, Bona Dea. 309. 310
 Paganalia feſta. 309
 Pagius Antonius. 100. Lapiſus eſt in Epocha Cæſariana. 113. Et in anno Præſecturæ Græchi. 245
 Palladius Henricus, laudatur. 323. Felenum fruſtra quærit. 266. Ejus error de Templo Veneri Caluæ dicato. 315. Conſiſta deſcriptio Opidi Gallorū, & Ciuitatis Triumviralis. 323. 324. Fallitur ubi agit de inſtitutione Fori Julii à Cæſare facta. 324. 325. Et in origine nominis Zulii. 326. Perperam Forum Julii Coloniam eſſe negat. 327. Male putat Coloniam Aquilejenſem ex Latinis hominibus deduſtam. 337. Et Auguſtum Aquilejenſes Ciuitate Romana donaſſe. ibid. Verum nomen Ciuitatis Foro-
 Fff 2 ju-

- julienſis reticuit. [377](#). Inſcriptionem falſam [adoptat. 380](#).
 Palladius *Joannes Franciſcus* fallitur in adſignanda origine nominis Civitatis *Auſtriæ*. [376](#)
 Pallantes vetus Scriptor de Mi-thra. [213](#)
 Pameliuſ notatuſ. [202](#)
 Pamphiluſ *Benedictuſ* Cardinaliſ, laudatuſ. [121](#)
 Panciroluſ *Guido* correctuſ. [106](#). Illuſtratuſ. [108](#). Ejus error de Legione Fretana. [140](#)
 Panviniuſ *Onuphriuſ* emendatuſ. [98](#). Æram vulgarema Chriſti uno anno antevertit. [114](#)
 Paſtores in Judæa, an noctu manſerint ſub dio. [233](#). [234](#)
 Paſtriciuſ *Joanneſ* laudatuſ. [234](#)
 Patera Aureliano donata. [166](#)
 Patinuſ *Caroluſ* correctuſ. [8](#). Ejus erroruſ in cognominibus. [9](#). Rejectuſ. [67](#). [68](#)
 Patreſ Dii omneſ appellati. [304](#)
 Patria cognomentum Provinciæ Foroſulienſiſ. [333](#)
 Patrica oſtendere, quid. [206](#)
 Patrimoniuſ Cæſarum, publicuſ & *privatuſ*. [72](#). Vocatuſ privata reſ, & privata ratio. [73](#). Sacruſ, & ſiſcale, quod. [75](#). Quid bona in formam patrimoniſ redigere. [76](#). Vide Bona.
 Patrimonii privati hereditateſ. Vid. Hereditateſ.
 Patronoſ cooptandi moſ a Romulo. [149](#). Ejusdem cooptationiſ formula. ib. Patronorū genera. [152](#). Dignitaſ. [153](#). Patronæ feminae. ibid. Patroniſ Urbium ſtatuae erigebantur. [154](#). [155](#)
 S. Paulini opera nuper edita. [177](#). Ejus locuſ de cultu Mi-thrae. [247](#)
 Pepluſ Coeluſ appellatuſ. [185](#)
 Perizoniuſ Jacobuſ. [22](#)
 Perſica oſtendere, quid? [206](#)
 Petouio Patria Aureliani Imp. [239](#). Habuit Templuſ Mi-thrae. [239](#)
 Petroniuſ Sabinuſ procurator hereditatuſ. [90](#). An idem Vicariuſ Hiſpaniarum. ibid.
 PH pro P. [193](#)
 Phaëtontiſ ſoreſ in Lariceſ verſæ. [20](#)
 Pharuſ Portuſ Ravennatiſ. [65](#)
 Phonion, quiſ. [295](#)
 P. I. D. explicantur. [353](#)
 Piſturiſ ornabantur templa Deorum. [241](#)
 Pighiuſ *Stephanuſ* rejectuſ. [23](#)
 Pignoriuſ *Laurentiuſ*. [44](#)
 Pileatuſ quiſ S. Auguſtino. [210](#)
 Pileuſ Perſarum. ibid.
 Pithoeuſ *Petruſ* [273](#). Ejus opinio de origine Beleni. [283](#)
 Pliniuſ major, quando deceſſerit. [89](#)
 Plinii junioriſ locuſ declaratuſ. [372](#)
 Plotiuſ Curator viarum, Statiuſ lau-

RERUM NOTABILIU.

laudatus.	107	Princeps juventutis quis.	50
Plutarchi lapsus.	222	Privata res, & ratio quid.	73
Pluvia prima.	235	Privatarum rerum procuratio	
Poblicia Tribus.	345	quando instituta.	74
Podium in Amphitheatro.	103	Probatio equitum.	51
Pola Colonia.	328	Probationes Mithriacæ.	211. &
Pollio novum cognomen gen-		seqq.	
tis Domitiæ.	63	Procuratoris Patrimonii munus	
Pompei Sex. nummo reddita		quando institutum.	25
vera interpretatio. 67. Idem		Procuratores in Provinciis mi-	
Pompejus, appellatus Sala-		noribus.	71
cus, & Neptunus, ibid. Præfe-		Procurator Patrimonii.	72. 75.
ctus Classis.	68		
Pompejus Strabo Transpada-			
nos jure latio donavit.	327	Procuratores rei privatae.	73
PONT. QVINQ. explicantur.		Procuratoris in Urbe auctori-	
364		tas.	79
Pontificatus Quinquennalis.		Procurator hereditatum.	83. 86
362. 363. 364. 367		Procuraciones equitibus, & li-	
Popæ ministri sacrificiorum.		bertis traditæ.	89. 91
38		Promagister quis.	83
Poppæa Juno appellata.	306	Ptolomei lectio defensa.	327
Portus Ravennæ.	56. 57	Publicia, seu Publicia tribus.	
Post partuclæ varia significatio.			
115			
Præfectus cubiculo, non est ma-		Pueri in tabula Mithriaca.	192.
gister admissionum.	40	Sunt Phosphorus, & Helse-	
Præfectus morum Caesar di-		rus.	193
ctus.	46		
Præfectus juventutis.	50		
Præfectus Praetorio ex ordine			
equestri vsque ad Severum.			
69			
Præfectus vexillationum.	128		
Præfecti Classis dignitas.	69		
Præpositorum munera.	133		
Præpositus militum.	132		
Prætorium quid.	42		
Prideaux <i>Humphridus</i> notatus.			
91			

Q

Q Vartironus *Dominicus*, in
præfatione.

Quatuorviratus an-

nuus. 350. 354

Quatuorviri in Colonis ex De-

curionibus. 360

QVINQ. PONT. in inscriptio-

nibus explicantur. 361

Quinquennales, & Quinquen-

nalitii, 362. 363

KA.

Rationalis idem ac Procurator. 79
 Ravennæ nummi explicati. 55
 Ejus armamentarium. 64
 Portus. 56. Classis. 57. Quot navium. 60. Pharus. 65
 Ravissius Textor corrupti nomen Beleni. 268
 Reinesius *Thomas* notatus. 89.
146. 260. Ejus error de Tacito Historico. 88. Explicatio Nama Sebesii. 252. Ejus correctio audax. 267. 271. Opinio de initio cultus Beleni apud Aquilejenses. 283.
 Religio, Mithrae sollemnis. 219
 Respublica Aquilejensis. 349.
355. 357
 Respublica accipitur pro qualibet, Civitate. 358
 Rica tegumentum. 37
 Rickius *Theodorus*. 288
 Rigaltius *Nicolaus*. 162
 Ritus capita velandi. 36
 Ritus Gentilium abolitio Christianis. 236
 Robigus. Vide Rubigus.
 Robortellus *Franciscus*. 7
 Romilia Tribus. 28
 Rorarii Accensi. 34
 Rubigus Deus cultus apud Forum Julii. 316
 Rubigalia festa. 317
 Rubignacus pagus sic dictus à Rubigo. 316
 Rufinus interpres Josephi. 99

Sabatinus *M. Antonius*. 8
 Sabellicus *M. Antonius* Forum Julii Utini non agnoscit. 378
 Sabina nova Ceres dicta. 264.
306
 Sabinus Frater Vespasiani. 110
 Sacra Mithrae anniversaria. 204.
 Initiatio ostensa. ibid. Vere exhibita. 105. Vide Mithrae sacra.
 Sacerdotes Mithrae. Vide Mithrae sacra.
 Sacrificuli operabantur capite adoperto. 36
 Sacrificium Rubigi. 317
 Sagittaria fabrica. Vide fabrica.
 Salacia Neptuni uxor. 67
 Salacius, cognomen Sex. Pompeji. 67
 Salii Sacerdotes & Salii. 296
 Salmastii *Clandii* opiniones observato. 40. 50. 124. Alia Latius discussa. 74. Illustrata. 239
 Salamonius *Jo: Dominicus*. 380
 Samosata Urbs. 139
 Sardiniae nominis origo. 10.
 Ejus Classis. 58. Fuit Frumentarium Romanorum. 59.
 Habuit Procuratorem. 71
 Sardus Pater Deus tutelaris Sardiniae. 9. Ejus Statua in Delphis. 10
 Saturnina Patrona Ariminensium. 154

RERUM NOTABILIUM.

Sebefius, & Sebadius Sol.	194	Sidonius.	56
Secretarium Judicis, velis claudatur.	41	Sigonii Caroli sententia de terminatione nominum.	6
Scaliger <i>Jesephus</i> notatus.	37.	Silvanus cultus Aquilejæ.	301.
Ejusdem lapsus in explicando lapide Cesonii Ruffii.	112	Silvani tres.	ibid.
Scaptia Tribus <i>Augusti</i> .	29.	Silvanus liberator.	302
loniæ Foro-Julienfis.	335	Simulacrum à Spanhemio adductum explicatur.	184
Schefferus rejectus.	67	Sinibaldus <i>Joannes Franciscus</i> laudatus.	104
Schonleben Joannes Ludovicus.	288	Sirmondus <i>Jacobus</i> laudatus.	
Scipio Africanus Cenfor.	52		27
Scipionis Barbati inscriptio.	27	Slavis <i>Zernebok</i> est niger Deus.	
Scorpius quid notet in tabulis Mithrae.	191		273
Scriboniani mors variè narrata.		Sol, idem ac Mithra.	165. 166.
	134	& seqq. Cur Inviſtus.	179.
Sedilia Deorum.	318. 319	<i>Triplex</i> .	197.
Selecti Dei.	256	Ejus portæ.	189
Semes Sol.	194	Post hibernum Solstitium, antiquis renasce	creditus. 226
Senatoria, idest Decurionum, Dignitas.	371	Unde <i>Sol novus</i> nuncupatus.	227.
Serapis Sol.	178	Deus coelestis.	279.
Sergardus <i>Ludovicus</i> laudatus.		Aegris putabatur propitius.	282.
	94	Alius ab Apolline.	278.
Serpens quid notet in Tabulis Mithriacis.	190	Ejus effigies non eadem quae Apollinis.	280.
Servatrix Isis appellata.	314	Cultus Aquilejæ.	281. 300
Servi urbium manumissi, eorum nomen accipiebant.	262	Solfeld Vicus in Carinthia.	240
Servi Medici contra Sponium	361	Solla quid.	318
Severus Senatoriam dignitatem addit Praefecto Praetorio.	69.	Solva Urbs.	240.
Procuracionem rerum privatarum instituit.	74	Ibi Templum Mithrae.	241
Severus Caecina invehitur in ambitionem feminarum.	154	Sortes quid fuerint.	12.
Seviri <i>Augustales</i> .	364. 365. 366	Educebantur. ibid. An fuerint An- tii.	13.
		Sors pro Oraculo.	14.
		Sortes apud Falerios.	15.
		Sortes exteniatæ.	ibid.
		Spanhemius <i>Ezechiel</i> laudatus.	
		Ab eo adductum Simulacrum explicatur.	184.
		Passim citatur.	

Spar-

Spartiani locus Explicatus. 74
 Spelenum Mithrae. 201
 Spelea Mithrae variis in locis. 238
 Spicae in Cauda Tauri Mithraici, cur 192
 Sponius *Jacobus* rejectus. 71.
 Notatus in Dea Dia. 101
 Statio quid. 90
 Statores, qui. 41
 Statuae ponebantur Patronis urbium. 154. Et ciuibus benemeritis. 353. Inter opera publica 108
 Statii locus explicatus. 181
 Stephanus Baluzius laudatus & obseruatus. 139
 Strabo in Perside versatus. 175.
 Locat Aquilejam extra Venetos. 320. Explicatus ibid.
 Strata Dis maribus posita 318
319
 Strozza *Leo* laudatus. 249.
 Ejus Museum. 160
 Suetonius explicatus. 51. 94.
 Defensus contra Cluverium. 57. Ejus locus restitutus. 13.
14. Alius explanatus. 52
 Summanus Dis appellatus. 304
 Susanna *Marquardus* laudatus. 377
 Symbola Mithrae ad rerum generationem relata. 183. Vide Mithrae.
 Symmachus damnat Censuram. 47

T

TAbularius quis. 240. Ratio num. 86
 Tabulae Solis Mithrae per partes descriptae. 158
 Tacitus Historicus alius a Tacito Procuratore in Gallia Belgica. 88. In Concionibus notatus. 90. Explicatus. 16.
94
 Taurelli *Andreae* explicatio inscriptionis Divionensis rejecta. 214
 Taurus figurat Armeniam. 160.
 Quid designet in sybolis Mithrae. 182. 183. 184
 Talmudici textus explicati. 234
 Templum Fortunae Antii. 4.
 Veneris Calvae. Vide Veneris. Diomedis. Vide Diomedis. Jovis. Vide Jovis. Tempestatis. 299. Bonis Eventus. 310
 Templum Caelum appellatum. 185. Picturis ornatum. 241
 Terebinthus praecursor Manetis. 208
 Tergeste Colonia Tribu Publica. 334. Non fuit Respublica libera. 358
 Territorium Aquilejense. Vide Ager.
 Tertulliani lectio defensa. 273
 M. Theodorus Patronus Africae. 154
 Theodosius Idololatriam praecidit.

RERUM NOTABILUM.

- dit . 200
Theologia Gentilium triplex . 278
Thot mensis, unde Ægyptii annum ordiebantur . 221
Tibilenus num Deus . 273
Ticuli fuit Spelæum Mithræ . 238
Tifel non est à Tibileno . 274
Tillemontius Nanus notatus . 375
Timavi fontes sacri . 320
Tirones inter velites computati . 124
Titi prænomine an Vespasianus appellatus . 95. 97
Titus Antio delectatur . 4. Restaurat Capitolium . 95. Quo anno Amphith. dedicavit. 97
Tonans Iuppiter . 292
Tormenta in sacris Mithræ. 212
Tradere verbum Sactorum . 203
Trajanus Consulit Oraculum Heliopolitanum . 13. Cur dictus herba parientina . 118
Transpadani jure latii & Romanorum donati . 327
Transpadani agri divisio post Philippensem victoriam . 346
Transvectio equitum . 51
Triangulus naturæ symbolum . 197
Tribus urbanæ ignominiosæ, rusticæ nobiliores . 29. Tribus Fabia. 28. Antensis. 29. Galeria. ibid. Falerina. 345. Lemonia. ib. Claudia. 340. Scaptia. 335. 336. Velina. 337. Pobli-
cia, seu Publicia . 334
Tribus posita inter nomen, & cognomen . 28. Signata in faxis . 330
Tribuum nomina a familiis Romanis . 29
Tribunal Judicis velis clausum . 41
Tribunus rerum nitentium, quis . 108
Tricesimum, locus in Foro Julii 341
Trieres quodcunque genus navis militaris . 61
Triplex Mithra, cur . 196
Tristani opinio de Mithra, rejecta . 167
Triumvirorum qui Coloniam Aquilejam deduxerunt Inscriptio . 337
Triumviri Colonias militibus promiserunt . 345. Eorum Symbolum . 347. 348
Trojanorum reliquie occupant Venetiam, & Arentoricam 284
Tubi Antii & Puteolis reperti . 122. 121
Turabilicia gens ignota . 341
Turnebi sententia de vexillatione Germanor. rejecta . 126
Tutillius Pontianus Consul suffectus . 100

V

V Aillantius Jof. laudatus, & perstrictus . 50. 51
Valeriani *Pierii* explicatio Statii
G g g tii

I N D E X

- tii rejeſta. 181
 Valeſius *Hadrianus* laudatus. 39. Notatus in Colonia. 39.
Oſtavanorum. 349. *Henricus* male confundit Comitum Statuarum cum Centurione rerum nitentium. 108
Valvaſonus Jacobus laudatus. 378
Van-Dale Antonius refutatus. 15
Varro illuſtratus. 32
Vas cur in tabula Mithriaca. 192.252
De Vecchiis Germanus auctor ſpuræ Inſcriptionis Utinenſis. 381.382
Vegetius deſenſus. 61.62
Vela ad fores cubiculi Imperatorii. 38
Velarii qui. 40
Velato capite adire Principes. 38. *Velatis manibus*. 37
Velati, Accenſi. 35. 41. 42. Sacerdotes. 37. Miniſtri ſacerum. ibid. & 38.
Veleda pro numine habita. 274
Velites qui. 124.125
Velites Accenſi. 34
Velina Tribus unde dicta. 338
Velum Judicis.41. Sacerdotum. 38
Venationes plenæ quæ. 351
Veneris Calvæ Templum Romæ, non alibi dicatum. 315
Venetis Italis, & Gallis una origo, & religio. 284
Veneti jure Civitatis Rom. donati. 337. Et adipiſcendorum honorum. 327. Sub Gallorum nomine comprehenſi. ibid.
Ventorum Tempia, & 212.299
300
Venus num Mithra apud Perſas, inquitur. 174 ſeq. Solis adminiſtra, barbata, phyſica, mas, & femina. 187
Veſpaſianus Capitoliū reſtituit. 93
Veſtinus rei privatæ procurator. 90.91. Eidem demandata cura reſtituendi Capitoliū. 93
Vettius Probianus Præfeſtus Urbis. 109. Eidem cognomen reſtitutum. 110
Vexillarii equites qui. 124
Vexillationes pedefeſtes. 126. Equeſtres. 127. Earum genera. ibid. Et ſignificatio. 128
V.F. varia ſignificatio. 358
Viarum Curatores. 107
Viceſima hereditatum quid.82. Eam ſuſtulit *Gratianus*. ibid.
Victorii Mariani opinio de Tauro Mithræ exploſa. 181. explicatio vocabulorum in ſacris Mithræ rejeſta. 201
Victorinus Conſul. vid. *Aufidius*.
Vigilias agere quid. 234.235
Vilicus, & *Villicus*. 302
Virgines Divæ. 102
Vis divina, Nomen incertum. 296. Fatum, fatalis neceſſitas. 297.298. Eadem *Vis* major dicta. 299. Quo nomine tem-

RERUM NOTABILUM.

- | | |
|--|--|
| <p>tempestates indicantur. <i>ibid.</i>
 Vis divina etiam anima mundi Platoniorum. <u>298</u>
 Vis divina ara. <u>296</u>
 Vitellius primus velato capite adit Cæsarem <u>38. Cenfor. 47</u>
 Volusius Cenfor equitum. <u>50</u>
 Vopiscus explicatus. <u>239-358</u>
 Vota quando nuncupabantur. <u>96</u>. Vota gentilium. <u>271</u>
 Ursinus <i>Fulvius</i> notatus. <u>19. 21. 22. 67</u>
 Ufferius <i>Jacobus</i> correctus. <u>99</u>
 Utinum Urbs laudatur. <u>382</u>.
 Non est Opidum Gallorum. <u>323</u>. Nec Forum <u>Julii. 377. & seqq.</u> Ejus Urbis inscriptio <u>falsa. 380.</u> Ejusdem Scripto-</p> | <p>res Forum Julii extra Utinum fatentur. <u>377-378</u>
 <div style="text-align: center;">X</div> Xlander Gulielmus. <u>48</u>
 <div style="text-align: center;">Z</div> Zacagnius <i>Laurentius</i> cum laude memoratus. <u>206. 217. 232</u>
 Zenus Apostolus laudatur. <u>111. 331</u>
 Zernebok niger Deus. <u>273</u>
 Zoroaster primus consecravit Mithrac Antrum. <u>181. 299</u></p> |
|--|--|

I N D E X

Nominum & Cognominum, quæ in Inscriptionibus Foro-Julienfis occurrunt.

- | | |
|--|--|
| <p style="text-align: center;">A</p> <p>L. Acestius. Saturninus. <u>367</u>
 Sex. Acilius. <u>334</u>
 M. Acilius Marcellus. <u>338</u>
 C. Albucius. <u>345</u>
 Antoninus. <u>338</u>
 T. Antonius Respectus. <i>ibid.</i>
 Apusidia Secunda. <u>334</u>
 C. Aquilejensis Diadumenus. <u>270</u>
 C. Aquilejensis Felix. <u>259</u>
 C. Aquilejensis Suavis. <u>260</u>
 L. Aquilejensis Agathius. <u>261</u>
 T. Aquilejensis Stratonicus. <i>ib.</i>
 A. Aquilius Valens. <u>263</u></p> | <p>C. Aquilius Mola. <u>340</u>
 M. Armonius Astura. <u>344</u>
 M. Armonius Auctus. <i>ibid.</i>
 M. Armonius Salvius. <i>ibid.</i>
 C. Arrius. <u>334</u>
 Atilia Onesimenis. <u>355</u>
 Atteja Posilla. <u>335</u>
 Aurelius Dizo. <u>135</u>
 <div style="text-align: center;">B</div> Sex. Bebius. <u>311</u>
 M. Calventius. <u>345</u>
 Calvius Pollio. <u>349</u>
 L. Cammius Maximus. <u>349</u>
 Casilia Scylace. <u>309</u>
 Q. Caecilius Rufinus. <u>368</u>
 <div style="text-align: center;">G g g 2</div> <div style="text-align: right;">Q</div></p> |
|--|--|

INDEX NOMINUM,

Q. Caedius.	334	C. Julius Agathopus.	263
Sex. Caefernius Faustus.	265	M. Julius Soter.	261
T. Caefernius Macedo Quintia-		C. Julius Epictetus.	355
nus.	360	T. Julius Aquilinus.	320
Cervonia Tiche.	355	L. Junius Succellus.	263
Ti. Claristio.	259		
Claudius Constans Ferocla-		L	
nus.	ibid.	C. Lælius Exoratus.	344
Ti. Claudius Stephanus.	311	Licinius Macro.	263
Tib. Claudius Afianus.	367	C. Lucius Maniacus.	350
L. Cornelius Secundinus.	263	A. Lucretius Attalus.	ibid.
		C. Lucretius Helvianus.	349
		M	
D		Magia Ilias.	364
Decidia Paulina.	309	Magia Vera.	ibid.
T. Desticius Juba.	340-343	M. Magius Amarantus.	ibid.
Desticius Philenides.	343	L. Magius Phileas.	314
F		Manfuctius Verus.	270
Fabia Compta.	335	T. Marius Aptus.	ibid.
Fabia Festa.	ibid.	M. Munatius.	330
Fabianus.	361	Q. Munatius.	ibid.
C. Fabius.	345		
P. Fabius Philetus.	335	N	
P. Fabius Verecundus.	ibid.	Naicus.	361
Faustus Barbonius.	309	Nalvius Pintitus.	263-269
Feronius.	300	L. Nonius Rufinus Pomponia-	
Flavius Severus.	313	nus.	349
C. Frennius Secundus.	260	Numisius Tiberius Batileus.	261
Fructicius.	350		
Fundania Athenais.	359	O	
L. Fundanius Rufus.	ibid.	C. Opeterius.	308
H		Opponia Tertia.	344
C. Helvius Julianus.	359	P	
M. Hostilius Auctus.	270	Petronia Aquilejensis.	261
I		C. Petronius Andronicus.	259
Jaliffus.		C. Pettus Philtatus.	259
Julia Barachus.	303	C. Pomponius Silvanus.	135
Julia Fortunata.	359	Priscilla.	350
Julia Marcella.	263	Prosa Aquilinus.	320
Julia Stratonicus.	320	Pupia Peregrina.	309

ET COGNOMINUM.

R		L. Tumbilicius.		341
Revidia Marcella.	357	Tutulia Medama.		367
A. Ritiis Tertius.	365	V		
C. Rufus Anthus.	301	L. Vestonius Secundus.	265	
Rufria Festa.	309	Valeria Quarta.	341	
S		C. Vellæus Eros.	318	
C. Sacconius Varro.	320	T. Veratius.	341	
Seja Jonis.	295	T. Vettius Gnesius.	340	
Statilia Timele.	367	Vibiana Jantulla.	270	
Q. Sulpitius.	357	Q. Vesonius Fuscus.	349	
T. Suttius.	335	T. Vettidius Potens.	331	
T		T. Vettidius Valens.	ibid.	
Tallus.	301	C. Vettius Cavolus.	296	
M. Trebii Proculus.	349	P. Vibius Abascantus.	263	
P. Terentius.	340	Vinisia Maxima.	334	
T. Trebellenus Rufus.	ibid.	Vrilla.	357	
Trophimus.	360			

ERRORES EMENDATI.

Pag. 3 verſ. 8 provincias	78 v. 18	cum, tum & alibi
10 v. 12 Templum	95 v. 34	perficiendam
14 v. 13 nunquam	110 v. ult.	commutaſſe quædam,
v. 22 dele, 5.		proque
v. 32 nunquam	116 v. 17	exorſus
17 v. 16 lib. xv.	120 v. 28	veterem
20 v. 30 notam	125 v. 6	provincias
21 v. 13 excodimus	127 v. 18	legionaria
v. 31 32 Aſciſcolus Malleolus	126 v. 25	Viſtore
37 v. 17 Qui	137 v. 23	corrigena
38 v. ult. apertè	139 v. 13	Meletium
41 v. 18 abducamus	140 v. 31	dele, ipſemet
42 v. 16 dele, ac	145 v. 26	A. V. 946.
47 v. 13 cudie	166 v. 27	quem
48 v. 3 memoria	171 v. 6	Latreutici
50 v. 22 præfert	173 v. 22	πολυώνυμος
66 v. ult. unum	175 v. 33	colebantur
67 v. 1 Duumviros vel Prætores	177 v. 33	ὁὐδὲν ὁὐδὲν
v. 13 Ca.	178 v. 7	dicitur & regi conſorti &
72 v. 12 tranſibant		SOCIVS
73 v. 1. loco		

186 v.6 contexuere
 190 v.33 Tacra
 194 v.8 lapidem
 195 v.ult. *τριπλασιον*
 207 v.20 Manes
 215 v.12 pag.
 216 v.4 collocatum
 236 v.8 vetuerunt
 247 v.6 defunctus
 252 v.13 *σιβιδιον*
 267 v.16 Damascius
 276 v.3 Belenatenfis

v.5 adde: pag.77.
 279 v.30 Oneirocrit.
 295 v.20 *αγορονομ*
 282 v.ult.lib.1.
 308 v.12 Sulpitius
 309 inscript.3.lin.5. FAVSTVS
 320 inscript.1.lin.2. AQVILINI
 331 v.4 collegerint
 339 v.10 idonea
 346 v.18 in que
*Ptolemaeum legas, ubicumque
 Ptolemaeum inveneris.*

Pag.240. in inscriptione Solvensi, quamquã in exemplari ad me transmissio legatur *Epicetus*, emenda, si placet, *Epictetus*, nam nomen hoc frequens est in saxis, primum haud notum, quod sciam. In explicatione ejusdem Inscriptionis timidiore alicui videbor, quod fassus fuerim, me nescire, quid significent litteræ singularem D.N.& nota compendiaria PAT.cum obvia sit interpretatio, *Domino Nostro*, & *Patrono*, ad Licinium Marcellum, Libertorum Hilari & Epicteti Patronum, referenda. At sane id ausus non fui, quia appellatio *Domini Nostri*, quæ in versu antecedenti tribuitur Imperatori, haud videbatur convenire homini privato. Præterea Licinius esse nequit Patronus Hilari, qui in secundâ lineâ dicitur Augusti Libertus.

Pag.67.v.24.post *servavit*, adde: Idem Spanhemius, alio eruditissimo opere adnotationum in Cæsares Juliani, haud melius explicat: *Imperator SALutatus*, vel *SALutaris*.

Pag.247.v.5.post, *administrafse*: eandemque etiam gessisse anno antecedenti, quo scripta fuit lex prima jam memorata ad *Gracchum P.P.* scilicet *Præfatum Prætorio*, abjecta Gothofredi correctione.

Pag.377.v.23.adde:Primum omnium inter Scriptores Utinenses profero Jacobum Canonicum Aquilejensem, qui quod antiquior, eò incorruptior in tradenda Civitatis Austriæ vetustate censeretur debet. In Codice M.S. Regiæ Sueciæ num.1878, qui nunc in Bibliotheca Vaticana asservatur, extat ejus erudita epistola de antiquitate, & præstantia Aquilejæ ad equitem Franciscum Barbarum Patriæ Forisulii Locumtenentem scripta, in qua de Opido à Gallis extructo, cujus nobis mentio fuit pag. 323. loquens,
 hæc

hæc habet : *Quis autem locus ille fuerit à Gallis edificatus , cognoscere pulchrum esset . Plura Opida hæc Patria intra se continet : verum duo extant , quæ & magnitudine & auctoritate longe ceteris præstant ; Utinum , & Austria Civitas . Utinum , post ruinam Aquilejæ ab Artila initium cæpisse , annales nostri affirmant . Ciuitas verò non modo Utinum , verum etiam alia opida antiquitate vincit . Ob id igitur coniecturari potest , opidum à Gallis conditum , Civitatem Austriæ esse . Videat Palladius , quæ opinio ante excitas turbas de utriusque urbis vetustate apud suos vigeret . Porro Jacobus vivebat ad annum 1448. quo Provinciam Forojulensem moderabatur Barbarus , ad quem data est Epistola . Præclara ejus est mentio apud Blondum in regione X. Italiæ pag. 386. *Habet nunc Utinum Jacobum civem & Aquilejæ Canonicum eloquentia ornatissimum .**

Ad Antii monumenta exornanda hanc inscriptionem addo , paucis ab hinc diebus inibi repertam ,

EROS. AVG. L
 PROCVRATOR
 CAENIDLANVS ꝑ
 CVM. M. ANTONO
 QVIR. CANDIDO
 FILIO. SVO ꝑ
 TRIBVNIS. SODALBVS
 D. D

Cum de Procuratorum generibus ad inscriptionem M. Aquilii agerem , nunquam apud veteres occurrit mentio Procuratoris *Caenidlani* , qui in hoc lapide signatur . Notatu dignum est filium Liberti ingenuum , *Quirine* tribui adscribi . Aliud exemplum habes in epitaphio 366. cap. 10. apud Fabretum . Cum Tribuni non tantum militare nomen , sed civile sit ; quodnam hoc sodalium Tribunorum esse possit , planè ignoro .

Hanc quoque inscriptionem nuperrimè Aquilejæ inventam subjicio , dum pagina patitur .

C. FIRMIDIVS
 C. F. AEM. RVFVS. SVESS
 AV. RVNC. A. MIL. CoH. VT
 PR. MILIT. ANN. VII.
 L. POMPILIVS. L. F. VOL. CELEI
 COMMILITO TIT. D. S. P

In apographo ad me transmissio primum vocabulum tertii versus ita interpunctum visitur. Sed legendum est, AVRVNCA. Designatur enim, ex indicio quoque antecedentis vocis, SVESS, patria C. Firmidii, *Suessa Aurunca*, quo nomine vocat coloniam in Campania, nunc *Sessa*, Vellous Patereculus lib. 1. cap. 14, ubi deductiones Coloniarius recenset; & Frontino de Coloniis itidem memoratur, apud quem cum vulgata lectio habeat *Arunca*, emendanda venit etiam ex nostro lapide. L. Pompilius Commilito Firmidii, cui *TITulum De Suo Posuit*, erat ex Colonia Celeja, cujus cives censos fuisse in tribu *VOLsinia* ex hac inscriptione discimus. Celeja, vulgo *Cilla*, celebris fuit apud veteres colonia in Norico, dicta *Claudia*, ut primus omnium observavit Fabrettus cap. 2. pag. 104. ex lapide Gruteriano 386. 3. cui alios addas, pag. 482. 7. & 497. 10. & 11.

F I N I S.







